





M

19. 4. 33.

XVI.

Y. 4.



13. 9. F. 14



Sancti Augustini
P. A E R O D I I A N.
D E G A. I. C. D E C R E T O.
R V M, R E R V M V E A P V D D I -
V E R S O S P O P V L O S A B O M N I
A N T I Q V I T A T E I V D I C A T A -
R V M, L I B R I D' V O:

Qui ad formam Digestorū & Codicis Iustinia-
nei redacti sunt, Item vsui forensi ac mo-
ribus Gallicis accommodati.

*Accedit tractatus de origine & auctoritate Rerum In-
dicatarum: cum omnium rerum, reorum, Iudicum
atque Populorum locupletissimis indicibus:*

AD V. C. CHRISTOPHORVM THVA-
num, Equitem, in summo amplissimoque Lutetia
Senatu Prætozem Maximum, Consilii que
Sacri Consiliarium.



PARISIIS,

Apud Martinum Iuuenem, ad insigne Ser-
pentis, via S. Ioannis Lateranensis.

M. D. L X V I I

CVM PRIVILEGIO REGIS,

PA R grace & priuilege du Roy est permis à Martin le Ieune, libraire & imprimeur en l'vniuersité de Paris, de pouuoir imprimer ou faire imprimer vn liure intitulé *P. A. Erodij Andega. I. C. Decretorum Rerum ve apud diuersos Populos ab omni antiquitate Iudicatarum, libri duo: Qui ad formam Digestorum & Codicis Iustiniani redacti sunt, Item vsui forensi ac moribus Gallicis accommodati. Accedit tractatus de origine & auctoritate Rerum Iudicatarum: cum omnium rerum, reorum, Iudicum atque Populorum locupletissimis indicibus. Ad V. C. Christophorum Thuanum Equitem, in summo amplissimoq; Lutetiae Senatus Praetorem Maximum, Consiliiq; Sacri consiliarium.* Et est deffendu à tous libraires, imprimeurs, ou autres, de quelque estat qualité ou condition qu'ilz soient, de n'imprimer ou faire imprimer vendre ne distribuer, autres que ceux que ledit le Ieune aura imprimé ou fait imprimer, sur peine de confiscation des liures qui se trouueroient autrement imprimez, & d'amende arbitraire: Et ce iusques au temps & terme de dix ans finis & accomplis à cōmencer du iour & date que la premiere impression sera paracheuee d'imprimer. Ainsi que plus aplain est contenu audit priuilege, sur ce donné à Paris le XI X. iour de Decembre mil cinq cens soixante six.

Par le Roy en son conseil,

Signé

Camus.

Acheué d'imprimer le XII. de Ianuier 1567.



P. AERODII I.C. PROOE-
MIVM DE ORIGINE ET AV-
toritate Rerum Iudicatarum, atque
in Gallia præsertim:
AD V.C. CHRISTOPHORV
Thuanum Prætozem Maximum.

BIBLIOTECA NAZ.
ROMA
VITTORIO EMANUELE

N V s sic a plerisque ac vulgò distri-
buitur (Christophore Thuane) ut
semper ea pars sit postremo loco, quæ
in Rebus Iudicatis, sententia ac de-
finitione prudentium virorum atq;
Magistratuum consistit. Et hæc par-
titio quidem, ut opinor, ex ea nunc ratione quam sequi-
mur, & ex iis quæ contingunt ab antecedentibus, accõ-
modata atque traducta est: veluti cum dicimus, Archi-
tecturam, Eloquentiam, Medicinam Arte & Vsu, ratio-
cinatione & fabrica contineri, aliâque id genus. Nam
etsi vsum & exercitationem postponimus, quia iam Ar-
te adinuenta atque perfecta, minore negotio atque in-
teruallo & Orator & Medicus & Architect⁹ id quod
cupiunt assequuntur, si instituunt prius discere quàm
dicere, audire quàm erudire, in præceptis quàm in a-
ctione versari: attamen Vsus ille magister, ita naturali
ac primo rerum omnium ordine Artē antecedit, ut Ars
imò nihil aliud sit, quàm quod Vsus & crebra exerci-
tatio pepererit, fouerit. Itaq; alterum natura, alterum po-

sitione prius aut posterius est. Eadem de rebus Iudicatis fortasse opinio fuit. Posteaquam enim Iura constitui placuit, & quod unum erat prius, id partium enumeratione diuidere: factum est, ut Leges, Plebiscita, Senatuscōsulta, Edicta, veluti quid vniuersum, ita primo loco: Res Iudicata, ut quid de singulis duntaxat, posteriore locaretur. Sed quicquid est, cur apta Iuris illa definitio videri possit: equidē siue primordia rerum & antecedentia siue id quod in constitutione est, siue negotium metimur ex eo quod maiorem grauitatem, maiestatem, auctoritatē habet: profecto Res Iudicata, pars Iuris & prima, & sola & praeipua est. Quare in Iuris Civilis tractatione, vellem imprimi hoc observari, quod in totius Iuris, Personarum ac Rerum summa diuisione fit: qua dicimus, Ius aliud Naturale, aliud Humānum (ut Linius appellat) aliud Civile esse: Personarum, aliquos liberos esse, aliquos seruos; Rerū, quaedam communia, quaedam singulorum. Nam ut horum vniū- quodque tempore antecedit, ita ordine & tractatione collocatur. Ceterum ordinis ea prerogatiua hanc utilitatē habet, quod qui hoc vel sola serie percipit, omnia prius communia fuisse quā singulorum, vniuersitatis quā priuatorum: in contentione & comparatione eius quod melius, vtilius, equiusve est: ut si de agro cō- pascuo & locis communibus agatur, manere in vsu publico, an singulis assignari debeant: priora profecto posterioribus anteponet, hoc est, publica priuatis, & propriis ea quae cōmunia sunt. Etenim in eo genere a Proceribus Galliae non alia de causa nunc iniquissimē aberratur, quā quod publica postponunt suis. Neque verò aliter de personis. nam hoc vel maxime prodest,
semper

semper ante oculos obuersari, in diuisione personarum, liberorum hominum primam rationem esse, quia primo omnes homines erant liberi: ut in omni liberali causa fauorabiliores simus ad libertatem, quam ad seruitutem, & quatenus fieri possit, rem naturae suae, pulchrae & optimae constitutioni veluti quadam Restitutoria actione, sed magis naturali quam honoraria, collocemus. ut in eo contra, Franci maiores nostri, haud secus atque Indi, de quibus Diodorus Siculus, soli sapientes ac viri boni aestimari possunt, a quibus ut nec a Natura, ita nulla unquam seruitus introducta est. Porro & qui ita informabitur, ut prima & immutabilia iura existimet ea quae naturalia sunt: ciuilia iura, dubia, varia & incerta: in infinitis negotiis quae lege comprehendere non possunt, & quorum mutuo concursu lex legi colliditur: nunquam non ad id se referet, quod sit naturali atque perpetuo iuri conueniens. Omnino ille ordo placet, qui videtur a Natura constitutus. Atqui Res Iudicatae in ea conditione esse, vix est (amplissime Thuaue) ut magna demonstratione opus sit. Nam id ipsum quod adhuc quaeritur, quis primus Leges hominibus dederit, Isisne an Ceres, utrumve Rhadamanthus: & quod primum Politiae genus inter homines fuit, eandem quae πομπη dicitur (cui opinioni cum Trogo Pompeio consentio) an ea quae Populi, vel quae optimatum est: sane demonstrat aliis antea modis regi consuevisse hominum mentes, quam legibus, quam edictis, quam Senatusconsultis. Qui uero alij esse possunt, quam qui seniorum & prudentium virorum sententiis & opinionibus continentur? itaque Iudiciis rebusque Iudicatis? Liberi, parentum: feminae, maritorum: iuuenes, seniorum: humiles, fortiorumque

in expertis, sapientum iudicio & arbitrio utebantur: &
 ut quisque alter alteri natura, etate, sexu, ingenio, vi-
 ribus inferior esset, hoc ei dicto audiens erat. Quale de
 Scythiis adeo narratur (qui Aegyptiis vel antiquiores
 iudicati sunt) eos non legibus, sed ingenii & iudiciis
 prudentium virorum moderatos ab initio fuisse. prater-
 ea & Athenienses, qui sibi indigena videri volunt,
 ante suum Draconem vixisse sine ullis legibus. Quid
 Iudaei autem Moscem? sed & diuino illius oraculo, qui pri-
 mi gubernacula susceperat, non aliam appellationem
 quam Iudicum sibi arrogarunt. Et lex Terentilla, non
 CCC. annis ab Vrbe condita, lata ac promulgata est?
 Porro & Germani veteres, & Galli antecessores nostri,
 an non prout quid inciderat, maiorum ac seniorum Pla-
 definitione pro legibus utebantur? neque enim aliter
 Iulius Caesar memoriae prodidit. Denique (ut de origi-
 ne urbis Romae Fabius Pictor sapientissimè colligit) non
 alia ratione Dii quidam primum inter homines appel-
 lati sunt, quàm quod in aureo seculo primarii viri qui-
 bus nondum haeserat ulla regnandi cupiditas, ita res
 arbitrio suo atque iudicio componebant, ut ij quidem
 abs aequo & bono: Populi a iure innato non discederent.
 Nulla controuersia constabat siue ex ambiguo, siue ex
 contrariis legibus, siue ex scripto & voluntate, siue ex
 ratiocinatione. Ius omne id dicebatur, quod viro sapi-
 enti iudicando placuisset: & si quod argumentum vn-
 quam afferebatur, erat id duntaxat a rebus antea Iu-
 dicatis. Sed postea quidem prima Politiae genera, tum
 denuo Leges introductae sunt. Nam ut omnia natura-
 liter bona, attamen naturaliter pessum eunt, cum
 sensim multitudo premeretur ab iis qui maiores
 opes

opes habebant: alij ad vnum aliquem primū con-
fugerunt, virtute præstantem & bene moratum, quem
Regem appellarunt: alij, plures iustos atque opti-
mos viros sibi collocarunt, a quibus æquabile ius im-
petrarent. Hæc itaque cæpit omnium, quæ dicuntur,
Rerumpublicarum administratio: Sed & cū id mi-
nus cōtingeret, quia, vt Aristoteles ait, semper imbecil-
liores iuris atq; æquabilitatis præsidium postulant: po-
tentiores id recusant ac negligunt: tum demum profec-
to Leges, aut quid aliud veluti perpetuum imponi pla-
cuit, quod quasi cum omnibus semper vna atq; eadem
voce loqueretur: quo Plebs, denunciatione facta, veluti
auctore vteretur ad vim & iniuriam defendendam.
Itaque & Zaleucus hoc primus tum cauere cæpit, ne
penæ essent in arbitrio iudicātium: neq; vt ex animi sui
sententia, sed præscripta Legum formula iudicarent.

Igitur neque per se, neque ab initio, neq; tam persona-
rum (vt cum Platone loquar) fuisse leges manifestum
est, quàm fortune, fatalisve casus & cuentus. Ergo
posteaquam de origine dictum est, nunc quid sit in ipsis
legibus, & quid plus nihilominus valeat, Lex, an arbi-
trium Iudicantium, videamus. Lex imprimis quid
aliud est, quid Edicta, Senatusconsulta, Regum, Impe-
ratorum cōstitutiones, quàm δόγματ' αὐτῶν ὑποτίμων ἀρ-
χόντων; quàm quod unicuique aut Legislatori, aut Præ-
tori, aut Imperatori bis sæpiusve iudicando, videtur
optimè placuisse? quàm vt præceptorum in Artem, ita
rerum iudicarum in Legem veluti quædam recolle-
ctio? nempe vt hanc quasi normam ac regulam iudicā-
di q̄ propositam habeant (nam & νόμος inde appella-
tur) qui plus interdum boni, quàm periti sunt indices.

Etenim quæ lex usquã gentium lata est, quæ non prius ex singulari aliquo negotio, atque e re nata & transacta, originem & occasionem ducat? leges de nexis, de connubiis plebeiorum, de ambitu, Senatusconsultum de non admittendis in Senatum pueris prætextatis: & nuper apud nos, de secundis nuptiis, de consensu patrumfamilias, & aliæ infinitæ. quod ipsum Imperator Iustinianus constitutione C V I I I. de Restitutionibus, disertissime profitetur, dum ait, hoc se in more habuisse, ut ex cognitionibus singularum controuersiarum quibus iudicandis operam dabat, occasionem legum ferendarum arriperet: imò solas esse optimas quæ sic lata essent. Sed illud etiã verborum ipsa notatio demonstrat. Lex enim, et quæ à Latinis a delectu dicitur, selectio est eorum quæ rite antea visa, acta, iudicata sunt. Prædicit atque edicit Prætor, quorum maiorum suorum formulas in cognitione aut iure dando, sequi velit. Iam non Senatusconsulta a consulendo dicta sunt: quod ipsum, ut Quintilianus ait, olim fuit iudicare, unde (inquit) adhuc, boni consulas, hoc est, bonum iudices? Et Constitutio quid aliud est, quàm quod ex multis iudiciis & opinionibus, item variis aliorum exemplis, definiri atque constitui placuit? Nempe hac ratione usu venit, ut unum idem a seipso diuideretur: & ea pars quæ veluti futuris casibus formam aliquam afferret, Legis generale nomen: quæ aliquid dirimeret prout illud incidit, speciale Rerum iudicarum vindicaret: ideoque res iudicata Legibus postponeretur, ut Usus discipline. Attamen nihil magis conueniens fuit, quàm suum iuris ordinem vel partium positione conseruari. Etenim Ius illud vniuersum nihilo plus legibus constat, quàm rebus iudicatis:

nec

nec non pars Iuris civilis vtrumque esse dicitur. Nā non ideo quia leges componi diximus pluribus rebus iudicatis: idcirco lex, vniuersi: res iudicata, speciei vicem obtinent. quemadmodum Socrates vnus est de pluribus, non plurium species aut particula. Ergo in eo contentio est, quia Iuris sunt varia genera, quæ primo loco figi oportuit. Nam multum referre veteres arbitrati sunt, quid quolibet loco & ordine veluti caussa perpetuae moræ finiumque regundorum collocetur, & vnde initium fiat. vt si leges quis ferre velit, vtrumne prius a nuptiis, an a rebus sacris, aut a magistratibus exordium sumere eum oporteat. Nam ipsa rerum series, ipsa compositio atq; *ἀτάξις*, eam vim atque persuasionem habet, vt non alia re magis veteres Hetrusci cruibus suis persuasum iri existimarēt arma inuenta esse, vt iis aduersus hostes, non ad civilem discordiā vterentur, quā si eadem Martis ad campum & extra urbem, non vt aliorum Deorum, intra mœnia dedicarent. Ita Res iudicatas primo loco posuisse, non solum id per se demonstraret, quo iure, quibus praeceptis hæc prima hominū societas moderata & conseruata est: verum id quod nūc etiam aggredimur, etsi a multis multe leges late sunt, perpetuo tamen & Iudicum & rerum Indicatarum maiorem auctoritatem esse: neque Leges aliquid valere, nisi sit qui veluti Censor cas fastas tectas habere locet. Quid enim quod nunc etiam apud Aristotelem lib. III. *πολιτικῶν* diligentissimè queritur, vtiliusne sit virum optimum quā optimam legem imperare? an non id est, quod (vt C. Plinius ait) maiores nostri recte iudicarunt, nullas potius leges esse, quā vt irrita habeantur? Atqui ne in hoc vitium incidāt, nulla cau-

la cautione vel si ipse Lycurgus adsit, præcaueri potest. Nam cum omnia lege comprehendere non sit humanæ mentis, nec quicquam ita diligenter ac cum tanta providentia scribi possit, ut omnes casus qui quandoque incident, continere videatur: necesse est imprimis, ut imperita multitudo, ad quam maximè leges adaptantur (nam sapientes animum suum in potestate habent, inquit Seneca, & legem quam sibi volunt, dicunt: quam dixerunt, seruant) dum eodem fortasse vel postero die quo lex primum lata est, emersum aliquid sentiet, quod non sit lege definitum: id ipsum legislatoris imprudētiae atque ignorantiae tribuat. Porro nihil periculosius in omni Republica cuenire potest, quàm si Populus suum Magistratum minus sapere existimet, neque adeo caput ut omnibus negotiis idoneè cauere possit. Attamen neque omnia quæ comprehendendi possunt, sapiens Legislator comprehendet: ut Solon Atheniensis, qui idcirco in parricidas nihil adscripserat nominatim, ne pœnâ propositâ ciues admonere videretur, esse posse in rerum natura huiusmodi monstrum. Sunt etiam multa quæ legibus amplecti superuacuum est, ut sunt quæ naturalia sunt, amare parentes, indulgere liberis. & tamen vel inscitè prætermittit, vel imò quæ cōtraria sunt permissa plerisque videbuntur. Quid, ut iam cum multitudine non loquamur: nū multa per se turpia sunt, quæ tamen nullo edicto prohiberi possunt? quale est, amicorum secreta non cloqui: Fidem etiam inimico non fallere: Pœta seruare (nam fere ex pollicitatione atq; nudo pacto actionem non damus) & quod genus est, Non ingratiū esse. hoc enim nomine formulam dare, sapientius Romani, quos imitamur, quàm aut Perse, aut Graci, noluerunt.

runt. Quapropter etsi tot vbique gentium leges scriptæ, lata, fixæ atque refixæ sunt, adhuc quamplurima quæ omnino decidi non possunt, arbitrio Iudicantium relinquuntur: vt nulla lege definiri potest, quanta fides habenda sit tormentis: quanta habenda sit testibus, & an minus testibus quàm argumētis: & cuiusmodi est quicquid in deliberationē cadit. Iam si de minimis rebus aliquid in albo proponitur, & en ridicula sunt reliqua: vt apud nos cibaria ac vestiaria leges, quæ & si Luculli, Crassi, Antonij temporibus latæ ac perlata essent, autorem suum non laudassent. Est enim dum quid in exemplo, non in legibus poni debet. Præterea cū lex nulla tam præstans esse possit, quin semper alia sit ratio scripti iuris, alia boni & æqui: videlicet, vt quod iure fecisse dicimur, non solum hunc intellectum habeat, si lege, sed illum quoque, vt iustè fecisse videamur. & contrà, sit aliud æquum, sed prohibitū iure, vt libertas testamentorum: ideoque sit ibi sæpius iniuria, vnde iura postulantur. nec denique alia de causâ noster Iabolen⁹ omnem in iure definitionem periculosam esse dicat, rarumque esse vt non subuerti possit: quàm quod hypothese^m, causam atque negotium, ad perpetuam rationem & vniuersalia præcepta, quæ Legem appellamus, aut etiam contrà, thes^m ad hypothese^m in iure traducere, sit hoc quasi oleum perdere, aut profecto Philosophum, non Oratorem aut Iurisconsultum agere. Nam quid in omni arte definiri possit, nisi vt duntaxat ad exercitationem valeat, quæ non certis demonstrationibus, sed variis, dubiis & incertis personarum, locorum, temporum, rerum circumstantiis tota consistit? Hoc ipsum, Depositu^m reddere, Vini vi repellere, quas cautiones, quas præscri-

prescriptiones habet? atqui Regula simul cum in aliquo vitata est, perdit officium suum. Merito igitur quia leges mutari & abrogari sepe necesse est: ideoque eam auctoritatem amittere quæ diuturnitate, stabilitate & constantia potissimum acquiritur: neque vero id sæpius evincere possit absque summo Reipublicæ periculo: videri potest eos præclare cõsuisse, id optimum esse politiæ genus, quod vel in solo arbitrio Iudicatum versatur, vel in quo nihilominus (ut in Gallia) rerum Iudicatarum, quàm constitutionum maior est fides, gravitas, auctoritas. Nam omnia quæ antea dicta sunt, minimo digitulo evitari posse prudentium virorum arbitrio, quibus nihil unquam facile occurrit, quin huic statim negotio, pro utili, honesto, bono & æquo separatam ac veluti in numerato definitionem habeant: qui si aliquid in melius emendare velint, hoc quasi latenter agant, atque per alluvionem, ne nimium aperta mutatio atque inundatio, iactum, seditionem & calamitatem afferat. Iudex salva rerum Iudicatarum auctoritate, nunc illud, nunc aliud iudicat. Legibus vix unum, mox alterum caueri potest, salva omnium legum substantia: itaque vim maiorem esse in veterum exemplis, & rebus antea iudicatis. Quare & ipse Octavius Augustus leges optimè laturus, vetera tantum dicta & scripta proponebat.

- sic me

Formabat puerum dictis: & sine iubebat

Vt facerem quid: habes auctorem quo facias hoc.

Vnum ex iudicibus selectis obiciebat &c. Itaque & Persarum adolescentes cum ad scholam ducebantur, cõ se proficisci respondebant, ut Ius Iustitiamque discerent: Neque Legislator Lacedæmoniorum alia ratione motus, leges

leges a se latas, in tabulas redigi vetuit, quàm, dum esse aliquas oportebat, superior tamen Iudicum Magistratuumque maneret auctoritas, cum potius ex animis Iudicum, quàm de tabula pendere viderentur. Quid de Solone? quanquam hoc sit illius inuentum, *ἡ φύσις τοῦ νόμου*, & is scripto quidem iure uti maluit: tamen de industria leges obscurius scripsisse dicitur, ut ex earum interpretatione quam Iudices haberent in potestate, cresceret eorum admiratio atque auctoritas. Lex enim quæ nominatim aliquid iubet sententiam Iudici non relinquit: nec censenda sunt illius partes, quem includit formula a Pratore data: Et tantundem, mercator inquit, ego iudicassem. Lex enim ita scripta est, itaque suos indices postulat. Plebs de æquitate & iniquitate iudiciorum disputat. Quæ omnia primo aspectu speciosa fortasse apparebunt: sed primo quoque die confusionem pariunt, & ad totius Reipublicæ, Legum atque iudiciorum redundat infamiam. An non id præsentiebant Patres conscripti, cum sibi CCC. annis ab urbe cõdita, cum Populo Romano tanta contentio fuit, legibus certis, an iudicio Magistratuum Respublica regeretur? Itaque & eodem postea reciderunt, dum edicta sua perpetua Pratores non sequerentur. quæ in re cum etiam postremo auaritia & ambitione aberrarent, lex Cornelia lata est. Verùm ut semper ex animi sui sententia, non ex præscripto legum iudicare dicerentur, **VIDERI OPORTERE**, non etiam **ITA ESSE**, pronuntiabant. Denique cum multæ leges introductæ sunt, quorsum ea quæ Annales appellantur, nisi ut lecti quique maiores natu atque prudentiores, non uti nunc adolescentuli, propositâ controuersia, de hac non tam

adeo

adeo certe, quàm de lege ipsa ac iure legum, huic an illi negotio conueniant, iudicare ac pronunciare videantur? & cam potissimum legem amplecti, quam, et si nulla scripta esset, optimo iudicio sequeretur? Omnino si legum, edictorum, an iudicum iudiciorumque maior esse debeat auctoritas, ex usu nostro, Regia ac perpetua Francorum lege cognoscimus. Nam. ut consuetudo esse non dicitur, quæ vno alterove iudicio firmata non sit: ita omnes fere Cõstitutiones apud nos in ea conditione sunt, ut legis vicem non habeant prius, quàm supremo Senatu approbata, promulgata, recepta sint: imò & deinde posita in usu atque more iudiciorum. Neque alia re profecto magis, & beatior & diuturnior fuit hæc florētissima nostra monarchia, quàm quòd in ea semper veluti a quo iure Lex atque optimi Principes amantissimis ac fidelissimis suis subditis imperarunt: quàm quòd hoc quasi perpetuum fœdus iniere Imperatores nostri, siue sacri sui patrimonij alienatio, siue constitutionum promulgatio ad Populū agatur: ita horum vnumquodque in posterum valeat, si Patres auctores facti sint. Quæ vlla enim beatior ista Republica esse potest, in qua non pro iure habetur quicquid Principi placuit: sed quod optimè ac legitimè placuit? et si ea semper diuturnior fuit, quæ non pura, aut nimis incitata & aspera, sed permixtum ex aliis politia generibus aliquid perpetuo præ se tulit: quid non de hoc Regno opulentissimo adhuc in futurū bene sperare possumus, quod humanissimi Principes ita sua sponte quadam Aristocratia temperarunt, ut imò sit hoc eorum præclarissimum ac perpetuū edictum, Ne Senatus eam constitutionem approbet, quam sibi antea non probarit? Ergo, ut de illis
quidem

quidem reuera dictum est, sit hoc Romanorum Imperatorum, quotquot inter eos optimi fuere, hos vno annulo facile sculpi posse: nostri, nec amplissimo theatro contineri possunt. Nam si hoc edoctus a viro sapientissimo Mecenate Octavius Augustus observavit aliquando, ut cum alia multa, tum non leges quidem, sed legum auctoritatem Senatus potestati permetteret, ob eam certe rationem, ut Dion Nicaeus ait, quod homines iis naturaliter gaudeant, quæ veluti communicato imperio a maioribus accipiunt, & ea quæ suo quoque consilio acta, transacta sunt, pro suis laudant, ideoque ultro atque libentissimè suscipiunt: sed & si aliquid simile de Tyberio narratur a Nicephoro libro primo, id eum præcipuè Senatui mandavisse, ne Principalibus rescriptis, edictis prius obtemperaret, quàm si æqua, iusta & utilia sibi esse viderentur: atque etiam Probum, leges a se latas noluisse pro legibus haberi, quàm si amplissimus ordo eas suis senatuscòsultis antè consecrasset: præterea etsi alij quidam edicta sua, non Constitutiones, sed Orationes appellari maluerunt, tum quia in Senatu haberentur, tum quia non cogere, sed persuadere vellent: denique vel si hoc de Iustiniano legimus, ut nisi primæ ac secundæ iussioni interdum pareatur: preclara illa & divina constitutio, solènis apud nos atque anniuersaria est: non huius alteriusve Principis, sed Pharamòdiorum, Pipinorum, Hugonum, Valesiorum: quid? Francorum Regum iure ac merito propria dici debet. Nam cum nostri sapientissimi Reges omnes suos subditos habeant tripartito, vnum genus eorum qui sacra mysteria tractant, alterum Equitum, reliquos postremo loco: ad Iudicium ordinem patet his omnibus aditus, ut ex tribus hoc conflatum

statum quoddam Iustitiæ corpus, unus sit aliorum omnium, atque ipsius adeo Principis quasi domesticus ac familiaris arbiter. Faciant alij (Christophore Thuane) ut lubet, maximos suos Principes, id quàm ad perpetuū statum Reipublicæ pertinet, quod ij apud nos pro minoribus habetur? ut quemadmodum minori viginti quinque annis rerum suarum alienatione non quidem legibus interdictitur, sed cum restitui placet, si latus, si circumscriptus est: ita optimi Principes edicunt sane quicquid placet, sed si aulicorum ambitione, studio & avaritia decepti, circumscripti sunt, edicto suo perpetuo iubent, se a Senatu suo restitui velle: videat ne quid a se temerè ac properè factum, ut illud de Theodosio, peruenire possit: denique maiestatem suam & æquabilitatem comiter observet. Itaque tum interdum maxime sibi obtemperari putant, cum non statim obtemperat Senatus: quia, ut actor plerumque erga patremfamilias, id providentiâ & in rem suam, non contumaciâ fieri sibi persuadent. Nulli apud nos Xerxes, qui concilium quidè evocent, sed uti homines parcant, non ut ex animo cōsulant, imò potius Galbæ, qui (si ita loqui fas est) πατρίωνος habere videri malint, quàm mancipia togata, neque in legibus nostris hæc clausula legitur hæcenus, **UT SINE EXCEPTIONE PAREATUR.** Ita certe accidit, ut quanquam sub monarchia vivimus (quæ omnium felicissima est administratio) attamen Ius aliquod certum atq; definitum habeamus, hoc est, Res de tuo loco indicatas, quib⁹ quotquot leges sanciuntur, ea præst, imperat duntaxat, quæ vel nominatim, vel tacito cōsensu, optima & utilissima approbata est. Nam quod alij fortasse inconstantia tribuunt, tot leges in
 ges in

ges in Gallia ferri, ac negligi: ea re potissimum (quæ summa dos regni est) clementia atq; humanitas Principum nostrorum deprehenditur, quod eas suas leges minus suspici patienter ferunt, quas Populus utendo non approbavit: contra, & maxima libertas atque securitas naturalium subditorum, qui sic veluti suo iure ac sine fraude his abutuntur. Itaque Municipales omnes ac pedanei magistratus, sed & populus vniuersus, hanc cautionem habent. si recens aliqua Constitutio proponitur, imprimis quid sit in ima cetera diligenter aspiciunt. Si legitimo ordine, consentiente ac postulante Egidio Burdino Procuratore fisci (quem summa virtutis atque eximia doctrina causa nomino) sua die, suo more, sine prescriptione, lecta, recepta sit: omnino hac lites iudiciaque dirimunt. Si quid insolitum offendant, ut quia speciali iussu atque imperio Principi admissa, & promulgata sit: non eam æquè amplectuntur, aut certe cautius agunt. expectant dum quid postea Senatus de ea re iudicet, primo quoque die sentiant. Neque est ut aliquis existimet, illud esse non iura ferre, sed decipere. quia in eo lex Regni est, quam quisque scire debet: ac præstat vnum aut alterum iuris specie decipi, quam præclarum illud politia genus cõturbari ac prætermitti. Hoc adeo Romæ in Senatu præstantissime usurpatum esse ait Diõ Cassius lib. LV. Maiestatis suæ conseruanda causa, & ad publicam vtilitatem, habuisse quæ Senatusconsulta, & quæ Senatus Auctoritates appellarent. Senatusconsulta, quæ omnibus optimo iure, rite atque ordine placuissent: Senatus Auctoritates, quibus sententia sua cõtineretur, si quid alieniore tempore, illegitima ratione, atque vi quadam Tribunitia censuissent. Profecto, ut

**

a Cice-

a Cicerone dicitur, Romæ ne Reges quidem sine Senatu esse potuerunt. & contemptibilia quidem fuerint illa Politie genera, in quibus etiam aliqua Sacerdotum, Chaldaeorum, Magorum, Ephorum, Cosmorum, Druidarum fuit auctoritas: modò, ut Theopompus ac Seneca Imperator dicere solebant, augustiora, beatiora, diuturniora sint. Nam ut hæc nostra manus in digitos a natura distributa, nõ ideo imbecillior redditur: imò vero ad omnem actionem & exercitationem propter hoc aptior est: sic ea certe, vel æconomia, vel publica administratio commodior atque præstantior est, in qua & subditorum civiumque optimorum sunt etiam aliquæ functiones, ac distributa munera. & mihi semper melior erit Cato, qui antiquum statum Reipublicæ quamvis potest, commutari non patitur: & laudatior Metellus, qui urbe, nedum magistratu mauult dimoueri, quam in eam legem iurare, quam non iure rogatam esse existimat: quam aut Lysander, aut Pericles, aut Ephialtes, qui & Ephoros & Areopagitas in ordinem redegerunt, nam hæc interitum sequi Reipublicæ necesse est. Ergo & ipsis Legislatoribus, & præcipuè Francis maioribus nostris placuisse patet, ut Legum quam Iudiciorum minor esset auctoritas. ideo etiam fortasse, quòd quæ pro legibus habentur, sæpe vnius sunt arbitrio, ne dicam, aliquando libidine. itaque sunt in eorum potestate, qui eas sancierunt, rogare & abrogare possunt. At res Iudicate, quia indicatæ sunt disquisitis omnium sententijs, & causis amplissime cognitis, circumstantijs omnibus rerum, personarum, temporum adhibitis: hanc auctoritatem adeptæ sunt, ut retractari, infirmari, rescindi facile non possint, absque breui periculo & conuersione te-

tius Reipublica. Perdita ciuitates (inquit Cicero) desperatis omnibus rebus hos solent exitus exitiales habere: damnati in integrum restituntur, vincti soluntur, exules reducuntur, res indicata rescinduntur. Itaque præclare Alexander Magnus, qui pro Athenodoro multam soluere, quàm ei condonare maluit: & sapientissimè Populus Atheniensis, cùm ad Demetrum postulatione, Cleomeni pœnam pecuniariam, agrè tamen, remisisset: cauit ne quis amplius literas a Demetrio in concionem afferret. admirabilior Senatus, qui cùm vellet Populus Romanus Coriolani damnationem inducere, noluit, ne quicquàm Iudicatum solueretur. Tantum in eo momenti est, vt etiam quod iniquè decernitur, pro iure habeatur: & post rem iudicatam transigere non liceat. Nec alia ratione motus Constantinus Magnus Imperator in Synodo Tyri cõgregata, iniquo iudicio & factionibus Arianorum destitutum Episcopatu, & ad nos relegatum pûssimum virum Athanasium Episcopum Alexandriæ, nunquam nisi moriens adduci potuit, vt causam illius denuo retractaret, quàm quòd in eo iudicium Ecclesiæ, & Conciliorum quodammodo versaretur auctoritas. Non enim tam illius interest qui vicit, sententiam non rescindi: quàm hoc publicè interest, aliquem esse litium finem, & semper equo iure videri Magistratum iudicasse. Sed proculdubio (Thuane) multum auctoritati rerum Iudicatarum ex Iudicantium auctoritate, maiestate & amplitudine, vel contrà, turpitudine, lenitate, humilitate, aut adyicitur aut detrahitur. Quid enim & quòd Lacedæmonij optimam sententiam nisi ab optimo ciue pronunciari noluerunt, ne aliqua turpissimæ auctoris contagione, scitum atque decretum

Populi, vilius ac sordidius haberetur? Itaque Ennius,
 Hac tametsi peruersè dices, facile Achiuos flexeris.
 Nam cùm opulenti loquuntur pariter & ignobiles:
 Eadem dicta, eademq; oratio aqua, non aequè valet.
 Sic imprimis rerum Iudicatarum auctoritas crescit ex
 Iudicium auctoritate. & ideo Lycurgus non alios in Se-
 natum legi voluit, quàm optimos quosque & sexagena-
 rios. Marcus Antoninus Philosophus ea re potissimum
 Prætorijs Consularibusque viris decidenda negotia cõ-
 mittebat, quo magis Iuris auctoritas ex eorum gravita-
 te & dignitate augeretur: vt Dii ipsi, non homines, iu-
 dicare, & rei ad Aram potius Legum, quàm ad tribu-
 nal aliquod stare videretur. Cedo, quid expectatur ex
 eo iudicio, in quo alter Cato, vel Cassius, vel Aristides
 præsse, interesse conspicitur? quid verò amplius, si Rex
 aut Imperator ipse in iudicio sedeat? Id de te adeo
 (Thuane) facile cognoscimus. nam te iudicia tenente,
 quàm maiore cum attentione, admiratione, gravitate,
 eruditione, methode controversiæ tractatur, tum postea
 dirimuntur? Sed & rerum Iudicatarum auctoritas
 ex diligentia quæ in cognoscendo adhibetur, magnum
 incrementum accipit. vt qualis fuisse dicitur in ipso
 Antonino Imperatore, qui in causis cognoscendis certè
 longior fuit, & ita vndecunque ius inuestigabat, vt de
 vna atque eadem causa dies vndecim, sæpe duodecim,
 sæpe etiam noctu cognosceret. quæ & summa cura in
 Iuliano Imperatore fuisse narratur ab Ammiano Mar-
 cellino. Non enim tū præclarè in Iudicijs agitur, cū plu-
 ra negotia sinem accipiunt: sed cùm pauciora, modo se-
 uerissimè atque religiosissimè. neque alia re magis fa-
 ma & opinio recte & optimè iudicandi colligitur, quàm
 cū m

cum id Magistratus diligentissimè obseruat, ne quid
 praeiudicij e domo attulisse, sed & ab omni suspitione
 ita vacare videtur, vt (quemadmodum olim ab Octa-
 uio, & a Principibus nostris saepe rescriptum est) ne do-
 mum quidem eius ingredi velit, qui coram eo litiget.
 Postremò, si meminerint se a Iure Iudices appellari,
 ἀπὸ Δίκης ἀκαστάς: ergo Iuris Iustitiaeque esse, vt De-
 mosthenes ait gentiles atque ἰσχυρούς. HIC ORDO
 VITIO VACATO: CAETERIS SPECI-
 MEN ESTO. Quid? quod etiam ex loco vbi ius di-
 citur, augustior sit rerum Iudicatarum auctoritas? cum
 de loco maiorū, cū de cathedra aurea (vt de Cyro anti-
 quitas prodidit) cū de sellis Curubibus, cū de camera illa
 aurata, in qua te purpuratū sedere cōspicimus? Itaq; et
 locus in quo ius dicitur, ius appellatur: nec iā amplius,
 Forū: sed Tēplum pacis, propter quod leges valet, vt no-
 ster Quintilianus ait. Iā ex ijs quae profecto contraria
 sunt, etiā rerū Iudicatarū maximè deprimitur auctori-
 tas. nā neq; ipsa Religio satis per se valet ad cōmēdatio-
 nē, si non bonū ac pium Antistitē, Sacerdotē, Pōtificem
 nacta est. Sed vna re potissimū Iudicia diffamantur,
 cū solent reddi ab ijs, quos non tam lectos, quā re-
 legatos in Senatum populus animaduertit: qui hac famo-
 sa voce percuti possunt, qua Repentinus sub Antonino
 Pio, quod per concubinam Principis ad Praefecturam
 peruenisset. Et cū eò res venit, quēadmodum a Stra-
 tocle & Dromoclide dicebatur, vt Curia non sit am-
 plius quā mēsis aureae loco: tum Iudicia negligi, re-
 scindi, imò nulla esse necesse est. Necesse est repeti Tri-
 bunitiam potestatem, adimi Senatui iudicia, Equiti-
 bus tribui, rursus communicari, postremò in ἀναρχίαν
 incide-

incidere. Hac igitur pars aut prima, aut sola, aut potissima Iuris Civilis, quæ (vt diximus) in rebus Iudicatus consistit, cum ab omnibus antea mihi prætermissa videretur, operæpretium me facturum existimaui, se aliquid in ea laboris atque industriæ collocarem. Neque enim si Iulium Paulum tres libros Decretorum, siue Imperialium sententiarum in cognitionibus prolatarum, scripsisse ex libris Pandectarum cognoscimus: & Atteium Capitonem, cuius nihil quidem exstat, aliquot libros de iudicijs publicis composuisse, quibus (vt F. Balduinus ex A. Gellio animaduertit) non id tractaret, quod A. Emylius Macer, A. Elius Marcianus, Iulius Paulus, Venuleius Saturninus, Volusius Matianus, quæ publica essent iudicia, & de ordine publicorum iudiciorum: sed ea collegerat, quæ olim Populus Romanus Tributim aut Censuriam per suffragia indicasset, attamen vterque se ijs finibus incluserat, vt ea tractaret duntaxat, quæ ille Populus, aut ille Imperator suo tempore, se assessor, cognoscendo indicasset. Ego vero (utinam perfecissem) aliquid maius aggrediendum esse putavi oportere: ideo maxime, quod Ius etiam in Iudicijs colloco: & quia in ea opinione sum, vt existimem iudicia apud omnes gentes eodem modo exerceri: æquè bona, æquè legitima, æquè nature convenientia: haud aliter atque Cicero lib. III. de Republica, Legem esse definiēbat, rectam rationem, diffusam in omnes, constantem, sempiternam: quæ non alia Romæ, non alia Athenis, alia nunc, alia posthac: sed omnes gentes omni tempore, vna & immutabilis tenet ac continet. Nam sicut omnium pictorum imagines ideo variæ quidem videri possunt, quod alia Socrates, alia Pythagoras, alia Plato effingitur: attamen vnus co-

tum est labor, quemadmodum Eupompus interrogatus respondit, ut naturam non artificie imitentur: ita quicquid Romæ, Athenis, Syracusis, Populus, Senatus, Iudex, Imperator, arbiter, in hac illave causa pronunciauerit, dissimile quidem fortasse videbitur, quia sit unius Catiline, aliud Epaminondæ, aliud Arati iudicium: sed quod iisdem mentis rationibus, & ad singula quæque iure, utili, honesto, æquo & bono pro temporum, locorum, rerum, personarum circumstantiis accommodato, terminatum decisumque est: planè pro certo ac perpetuo iure habetur, & in omnibus causis similibus legis vicem obtinet. Nam si quid iniquè, malo more, vi, sordibus, & aduersus illam sempiternam Legem atque immutabilem, in Gallia aut Hispania iudicatum, actum, pronunciatum est, non placet hoc Iudicatum appellare: quia si Iudicatum a iudicio dicitur, ut Ius a Iustitia: profecto quod impetu, vi, iracundia, libidine transactum est (qualia sunt pleraque Populi, & omnia ferè tyrannorum iudicia) neque iudicium, neque Iudicatum nuncupari potest, sed Exemplum: in quo non veritatis, iustitiæ aut æqui & boni, sed solius antea facti versatur aliqua narratio. & tum proculdubio, ut Iustinianus ait, non exemplis, verum legibus iudicandum est. Igitur cum hoc Ius Rerum Iudicatarum nō. libris nostris, neque ullis antea proprijs, contineri animaduertere, sed totum esse positum & absconditum in veteribus omnium Populorum moribus, legibus, institutis: imò verò si de filicidijs, de suggrundis, de interdicto VTI POSSIDETIS, de formulis, an cum hoc, an apud hunc iudicem agatur: denique si aliqua litigandi arte (quod genus, fuisse qui scriptis aliquam populo traderem, Isocra-

tes contra Sophistas grauissimè conqueritur) si literarum ac syllabarum pendiculis, item forensibus canillationibus Ius, fas, lex, aequum bonumque trāsferri, inclinari oportet: aptissima ad hanc rem profecto & accomodata iuris nostri vulgariū interpretū, & eorum qui nūc ferè apud nos scribūt, praecepta & monimenta habeamus: cōtrā (qua summa & prima Iurisprudencia atq; sapiētia est) si de eo cōstituendo negotio lus iudiciūq; versabitur, in quo sit tota sapissime Reipublicae ratio: Qui in summo gradu collocatus est, hūc etsi re^o postulari possit, expediātne potius innocentem pronūciari, imò neq; nomē illius recipi, quàm aduersus eū legibus agere: Si de iure Populorū: An & qua ratione publica iniuria siue cōiuratio, siue seditio periculosa cōponi aut vindicari possit: Si de Religione, de maiorū institutis, de iure vetigaliū, de iure Sociorum, Prouincialiū, de finibus Imperij, de Principalibus ac Regijs controuersis: denique si de eo Iure agatur, quod per se iniuria, sed aliorum cōparatione, summa ratio, summa iustitia est (vt quādoque praestat innocentem opprimi, quàm plures facinorosos: & quaedam iniudicata praetermitti, quàm iudicio dirimi. quorum omnium exempla his, vt opinor, libris quos ad te mittimus, celeberrima legi possunt) cū certè eorum omnium definitio, ijs etiam Iurisconsultorum libris quos in manibus habeamus, vix certa contineatur: adeoque te illustrissime (Thuane) in omni illo genere admirabilem, praestantem, eximium, non Palatij diatrisi, sed ea praestiterit, qua quantus fuit Themistocles, tantum cum reddidit Mnēsiphili Phrearei schola, qui (vt Plutarchus ait) iam versantem in Rep. Themistoclem ijs artibus instruxit Philosophia, qua non
in ver-

in verborum compositione, aut rerum naturalium contemplatione, aut versutia litigandi sed in vera sapientia & philosophia versarentur, hoc est, scientia & usu ex aliorum dictis & factis benè & beatè Reipublice administrandæ: a qua Sapientes non Sophista appellamur. Itaque censui hoc Ius quod querimus, aliunde peti oportere, nempe vnde Cato Uticensis, qui cū primū ad Rempub. voluisset accedere, usus est hospitum, clientum, libertorum, amicorum suorum opera & industria, vt ex qualibet Imperij Romani provincia, summorum virorum, & qui in ijs potestatem habuissent, præcipua omnia iudicia, decreta, edicta sibi colligerent. Sed & quid de Lucullo? is laudem atque disciplinam militarem, legendis aliorum Imperatorum strenuè ac præclare gèstis, adeptus esse dicitur. Qui mei itaque hospites? qui mei Iurisconsulti? Xenophon, Thucydides, Demosthenes, Polybius, Cicero, Salustius, Caesar, Halicarnassæus, Liuius, Plutarchus, Dion Cassius, Cornelius Tacitus, & alij innumeri, qui singuli in sua quaque Rep. præstantissimi ac potentissimi, aut peritissimi fuere.

Ex eorum itaque fontibus hoc latens sed præcipuum, neque adeo vulgare Politie genus, non tibi (ò Thuane amplissime) quem nihil profecto latet: sed auspicio tuo posteritati deduximus, aut aperuimus certe. Dixi non vulgare, quia (vt contra Demosthenem Dinarchus sapienter ait) qui aliquid ad posteros memorie reliquerunt, vt esset præteritorum recordatio, præsentium rerum disciplina, non id tradiderunt, quod scire vel parū interesset, vel minimè desideratur: qualis est humilium reorum damnatio, animaduersio: sed potentium virorum atque illustrium, quos interdum si iudicatos esse audiūt, laudant

laudant poſteri, & Iudicum ſeveritatem atque religio-
 nem cum plauſu & admiratione ſuſcipiunt, qui Ius
 Juſtitiamque reorum potentia & opibus non prodide-
 runt. Habes hîc itaque ſententias non Duumvirorum
 Municipaliũ, non Pedaneorum Iudicum: ſed illius
 Senatus, cuius veram ſpeciem is cepiſſe dicitur, qui re-
 ſpondit, eum Regibus conſtituiſſe: Amphictyonum, qui di-
 ſciplina totius Græciæ dicebantur: Areopagitarum, quo-
 rum æquitate etiam Deorum iurgia tranſacta eſſe di-
 citur: Populi Romani, Athenienſium, Carthagenenſiũ,
 Principum, Regum, Imperatorum ipſa iudicia, qui non
 amicos & comites ſolum, ſed & Iuriſconſultos in cogni-
 tionibus admittebāt. Hîc deprehendi poterit, quod ſcri-
 ptũ eſt a Cornelio Tacito, aliter iudices priuatos, aliter
 Principes iudicare conſueuiſſe. illos ſolius æquitatis, hos
 etiam famæ atque opinionis ſuæ rationem ponere. Hoc,
 quantumcumque ſit, non tam perfectum opus, quàm
 prima aliqua operis forma, cùm de F. AERODIO
 patruo meo quondam ideo poſtularem cui probandum
 poſſiſſimum locari vellet, vt ſua voluntate alteri ſoluen-
 do, id mihi aliqua parte ad dimittendam eam obliga-
 tionem proficeret, qua quicquid ſit quod in me erudi-
 tionis eſt, illius æs, nomen pecuniæque fuit: Ecquid (dice-
 bat) ſi decorum in beneficijs quoque obſervandum eſt,
 & ſi aliter imago ab artifice, aliter ab imperito conſpi-
 citur: a docto, quàm ab indocto Muſica excipitur: imò
 vero, vt de te aliquando auſiſſe memini (nam studio-
 rum meorum ſic quamdam rationem poſtulabat) cū A-
 nacharſis Scythæ mirari ſe diceret, quĩ fieret vt apud
 Græcos Athletæ decertarent: contrà, ſederent & iudi-
 carent imperiti: cui tu ſapientiſſimorum iudicum, cla-
 riſſimo-

rissimorum magistratuum, virorum prudētissimorum
 quotquot antea fuerunt, Decreta, Iudicia conuenientius
 vocas, quàm religiosissimo Iudici, eminentissimo ma-
 gistratui, atque sua sponte viro prudentissimo, consul-
 tissimo? quem non tam adeo Magistratus ipse demon-
 strat, quàm is summum Magistratum in Gallia iubet
 esse augustiorem, ampliorem, honoratiorem? in quo pos-
 sunt omnes partes animaduerti, quibus ex Iudiciis aucto-
 ritate maior efficitur rerum Iudicatarum auctoritas:
 gēs, fortuna, eruditio, etas, integritas, humanitas? Quā-
 obrem (Thuanus) illo mihi auctore, te auctorem laudo.
 Quod si conditionem accipis, id imprimis tibi deuuncio,
 ut si quis mihi fortasse litem moueat, ideoque me causa
 cadere oportere apud te ipsum auctorem meum ac Iudi-
 cem audeat dicere, quia plus hac praefatione tanquam
 formula comprehendo, quàm his duobus libris fortè cō-
 tinetur: nam dixi, ut opinor, me omnia iudicia totius
 antiquitatis in formam Iuris perpetui collegisse, attamē
 & multa addi possunt, & alia quoq; me habere fatcor,
 quae in aliud otium contuli: Interim igitur hoc verbum
 OMNIA sic accipito, quemadmodum Centumuirale
 iudicium appellatur, et si plerumque centum iudices non
 sedeat: & ut Centuria dicitur, in qua modus etiā ali-
 quis iugeri deficit. Dic me fecisse quod vel boni venato-
 ris est, in magna sylua quamplurimas feras indaganter
 ferire, capere: nō etiam culpa annumerari, si omnes om-
 nino non ceperit. Dic Papyrium, Flauium, Sextum AE-
 lium, Iulianū, Theodosium, ac ipsum denique Iustinia-
 num, quod leges Regias, legis actiones, edicta Praetorum,
 Imperatorum constitutiones sine ordine latus in vnum
 composuerunt nullo addito de suo, & quanquam elige-
 rent

rent leges de legibus duntaxat: meruisse vt ex eorū nomine Ius ciuile Papyrianum, Flavianum, Aelianum, edictum perpetuum Iuliani, Codex Theodosianus, Iustinianus diceretur. Me quidem non postulare, vt hoc Ius, Aferodianum appelletur (nam Thuanum ego malim) sed hoc solummodo: Quia, vt lex erat Achiuorum, ne Prator cū de bello consulere, ipse sententiam diceret, ita aliorum huius operis iudicium, non meum esse necesse est: vt si quis alius a te in hac inciderit, si legat, perlegat: si audiet, sententiam differat in extremum. Nā si hoc persuaferis, imo verò si cognoscens tute pronunciaueris: vt vereor quidem ne pars aliqua secundum suam cuiusque rationem, aliquibus non probetur: ita etiam spero fore, vt omnibus vniuersitatem varietas ipsa commendet: quemadmodum in ratione conuiuiorū, quamuis a plerisque cibis singuli temperet, totius tamen cœna apparatus laudare solent: nec ea quæ fastidiunt stomacho, ijs quibus delectatur, gratiam atque suauitatem auferunt.



IOANNIS MOSAC IN SENATV PAT-
troni, ad Petrum AERodium I.C. Ode.

*Qui decus quarit celebris Patroni,
Sit bonus primum, ac studiis peritus:
Oret & dicat: iuuet in Senatu
Vota Clientum.*

*Hoc decus quondam Cicero ac Pericles,
Et tuus nuper retulit THYANVS.
Qui diu magna officium Patroni
Laude peregit:*

*Nunc sedens primi in solio Senatus,
Litium nodos, strepitus Forenses,
Et graues causas dubiasque mira
Diluit arte.*

*Huic tuos factas meritò labores:
Iudicem talem meritò requiris,
Quem ducem nactus poteris per ora
Ire virorum.*

*Da tui pensa ingenii quotannis,
Arduas causas age quotidiebus:
Sic tuis annis referes THYANI
Pramia laudis.*

*Ad P. AERodium Magdalenus Iarrius:
Assyrii, Persæ, Græciq; Remique nepotes,
Et quacunque polo Gens sub utroque iacet:
Sparsa per auctores varios sua scita legebant,
Vt legitur variis Indica gemma vadis.
Tot dissecta locis aspectum cogis in unum,
Inque suum corpus membra redire iubes.
Quæ prior ingenis debebat pluribus atas,
Vni accepta tibi secula nostra ferunt.*

DE LIBRIS P. AERODII IN SUPREMO
Parisiiorum Senatu Patroni, Ludouici
Galopxi Carmen.

*Viuerè qui rectè, qui nullum ledere, qui ius
Optat & absque dolo reddere cuique suum:
Hoc euoluat opus. Nam quæ Cretensibus olim
Iura de diis Minores, Mercuriusque suis:*

Quæ

*Que Draco, que ve Solon Graiis, Sparteque Lycurgus
 Vel que Romulidis Romulus Iliades :
 Quod Natura iubet, quod Gens, quod ciuica scripta,
 AERODII vigilans continet ista labor.*

IOANNIS AERODII DE IVDICIIS

P. Aerodii fratris sui amantissimi

*Iudicium, Lector, cur vis de hoc ferre libello?
 Non opus est iterum, iudice iudiciis.*

INDEX TITVLORVM LIB. I.

- | | |
|---|---|
| D E iustitia & iure. Tit. i. fo. 1. | De senatoribus. Tit. xii. f. 48. |
| De fide & religiōe, vt nemo publice de ea contendere audeat. Tit. ii. fol. 7. | De officio Tribuni plebis. Tit. xiii. f. 48. |
| De sacrosanctis ecclesiis, & de rebus ac priuilegiis earum. Tit. iii. fol. 16. | De officio Præfecti vigilū. Tit. xiiii. fo. 49. |
| De Pontificibus, Auguribus, Episcopis, aliisq; sacerdotibus ac priuilegiis eorū. Tit. iiii. 18 | De officio Præsidis. Tit. xv. 50. |
| De Episcopali audientia, & diuersis capitulis quæ ad curā ptinēt episcopalē. Ti. v. f. 19. | De officio Procuratoris Cæsaris vel Rationalis. Tit. xvi. 52 |
| De hæreticis & peruersarū opinionum auctorib. Tit. vi. f. 24. | De in ius vocādo. Tit. xvii. f. 53. |
| De iis qui ad ecclesias cōfugiūt vel ibi exclamant, & ne quis ab ecclesia asylōve alio extrahatur. Tit. vii. f. 28. | De postulando. Tit. xviii. fo. 54. |
| De legibus & senatuscōsultis & lōga cōsuetudine. Tit. viii. 34 | Quod cuiusque vniuersitatis nomine vel contra eam agetur. Tit. xix. fo. 57. |
| De cōstitutionibus Principum. Tit. ix. fol. 38. | De minoribus. Tit. xx. fo. 58. |
| De statu hominum. Tit. x. f. 42. | De iudiciis, & vbi quisq; agere vel cōueniri debeat. Tit. xxi. fol. 59. |
| De diuisione rerū & qualitate. Tit. xi. f. 47. | De inofficioso testamento. Tit. xxii. fol. 63. |
| | Si quadrupes pauperiem fecisse dicatur. Tit. xxiii. fol. 69. |
| | Ad legem Aquiliam. xxiiii. f. 70. |
| | Familiaꝝ circūcun. xxv. fol. 74. |
| | De seruo corrupto. xxvi. f. 75. |
| | De institoria actione. xxvii. 75. |
| | De cōpensationibus. xxviii. 76. |
| | Deposi. |

INDEX TITVLORVM LIB. I.

- Depositi vel contra. xxix. fol. 77.
 Mandati vel contra. xxx. fol. 80.
 De cōtrahēda emprione, & quæ
 res venire possūt. Ti. xxxi. f. 81.
 Locati & cōducti. Tit. xxxii. f. 86.
 De euictionibus, & duplæ stipu-
 latione. Tit. xxxiii. fol. 91.
 De probationibus & præsum-
 ptionibus. Tit. xxxiiii. fol. 93.
 De iuris & facti ignorantia. Tit.
 xxxv. fol. 96.
 De secundis nuptiis. Tit. xxxvi.
 fol. 98.
 De pactis dotalibus. Tit. xxxvii.
 fol. 98.
 De diuortiis & repudiis. Tit.
 xxxviii. fol. 100.
 De tutoribus & curatoribus da-
 tis ab his qui ius dādi habēt:
 & qui & in quibus causis spe-
 cialiter dare possūt. Tit. xxxix
 fol. 104.
 De administratione & periculo
 tutorum & curatorum. Tit. xl.
 104.
 De curatoribus furioso & aliis
 extra minores dandis. Tit. xli.
 fol. 105.
 Qui testamenta facere possunt:
 & quemadmodum testamēta
 fiant. Tit. xlii. fol. 108.
 De iis quæ in testamēto delēn-
 tur, inducuntur vel inscribū-
 tur. Tit. xliii. fol. 111.
 De hæredibus instituendis. Tit.
 xliiii. fol. 114.
 De vulgari & pupillari substitu-
 tione. Tit. xlv. fol. 118.
 De conditionibus institutionū.
 Tit. xlvi. fol. 123.
 De Senatusconsulto Silaniano
 & Claudiano, quorum testa-
 menta nec aperiantur. Tit.
 xlvii. fol. 124.
 De legatis & fideicōmissis. Tit.
 xlviii. fol. 127.
 De adimendis & transferendis
 legatis vel fideicommissis.
 Tit. xlix. fol. 134.
 De iis quæ vt indignis auferun-
 tur. Tit. l. fol. 135.
 De conditionibus & demonstra-
 tionibus. Tit. li. fol. 139.
 Ad Senatuscōsultum Trebellia-
 num. Tit. lii. fol. 139.
 Quando dies legatorum vel fi-
 deicommissorū cedat. Tit. liii.
 fol. 141.
 De suis & legitimis hæredibus.
 Tit. liiii. fol. 144.
 De damno infecto. Tit. lv. f. 156.
 De publicanis, vectigalibus &
 commissis. Tit. lvi. fol. 156.
 De liberali causa. Tit. lvii. f. 161.
 De acquirendo rerum dominio
 Tit. lviii. fol. 163.
 De re iudicata. Tit. lix. fol. 165.
 Quibus ex causis in possessione
 nem eatur. Tit. lx. fol. 167.
 De rebus iudicis auctoritate
 possidendis seu vendendis.
 Tit. lxi. fol. 168.
 De priuilegiis creditorum. Tit.
 lxii. fol. 169.
 De fluminibus, ne quid in flumi-
 ne publico ripæ eius fiat
 quo peius nauigetur. Ti. lxiii.
 fol. 171.
 Vti possidetis. Tit. lxiiii. fol. 172.
 De verborū obligat. T. lxxv. f. 174.
 Index

INDEX TITVLORVM LIB. II.

De furtis. Tit. i.	fol. 177.	Ad senatusconsultum Turpillia-	
De incedio, ruina & naufragio.		num, & de abolitionibus cri-	
Tit. ii.	fol. 182.	minum. Tit. xxi.	fol. 337.
De iniuriis & famosis libellis.		De Quæstionibus. Ti. xxii. f. 346.	
Tit. iii.	fol. 183.	De Pœnis. Tit. xxiii.	fol. 347.
De extraordinariis criminibus.		De bonis eorum qui ante senten-	
Tit. iiiii.	fol. 192.	tiam vel mortem sibi consci-	
De sepulchro violato. Ti. v. f. 209		uerunt, vel accusatorem cor-	
De præuaricatoribus. Tit. vi.		ruperunt. Tit. xxiiii.	fol. 357.
fol. 210.		De interdictis & relegatis &	
De accusationibus & inscriptio-		deportatis. Tit. xxv.	fol. 359.
nibus. Tit. vii.	fol. 212.	De sententiam passis & restituti-	
De custodia & exhibitione reo-		tis. Tit. xxvi.	fo. 362.
rum. Tit. viii.	fol. 225.	De appellationibus. Tit. xxvii.	
Ad legem Iuliã maiestatis. Tit.		fol. 364.	
ix.	fol. 230.	De appellationibus recipiendis	
Ad legem Iuliam de adulteriis		vel non. Tit. xxviii.	fol. 367.
coercendis & stupro. Tit. x.		De captiuis & de postliminio	
fol. 276.		& de redẽptis ab hostib. Tit.	
Ad legem Iuliam de vi publica.		xxix.	fol. 368.
Tit. xi.	fol. 287.	De re militari. Tit. xxx.	fol. 369.
Ad legem Corneliã de sicariis		De decurionibus & filiis eorũ.	
& veneficis. Tit. xii.	fol. 289.	Tit. xxxi.	fol. 399.
Ad legem Pompeiam de parricidis.		De muneribus & honorib. Tit.	
Tit. xiii.	fol. 300.	xxxii.	fol. 400.
De maleficis & mathematicis		De iure immunitatis. Ti. xxxiii.	
& cæteris similibus. Tit. xiiii.		fol. 410.	
fol. 313.		De legationibus. Tit. xxxiiii.	
Ad legem Corneliam de falsis.		fol. 412.	
Tit. xv.	fol. 317.	De administratione rerũ ad ci-	
Ad legem Iuliam repetundarũ.		uitates pertinentiũ. Tit. xxxv.	
Tit. xvi.	fol. 321.	fol. 416.	
Ad legem Iuliã de annona. Tit.		De decretis ab ordine faciẽdis.	
xvii.	fol. 328.	tit. xxxvi.	fol. 418.
Ad legem Iuliã peculatus. Tit.		De operibus publicis. Ti. xxxvii.	
xviii.	fol. 330.	fol. 419.	
Ad legem Iuliã de ambitu. Tit.		De extraordinariis cognitioni-	
xix.	fol. 335.	bis, & si iudex litem suam fe-	
Ad legem Iuliam de plagiaris.		cisse dicetur. Tit. xxxviii.	
Tit. xx.	fol. 337.	fol. 420.	

FINIS.



P. AERODII ANDEG. I. C.
DECRETORVM, RERV M-
*ue apud diuersos Populos ab omni antiqui-
tate iudicatarum, liber primus.*

DE IUSTITIA ET
IVRE TIT. I.

Et in rebus iudicatis, Ius Iustitiamque consistere.

I. Ex M. Tullio Cicerone, in Topicis.



*I*us ciuile est quod in legibus, Sena-
tus cōsultis, rebus Iudicatis, Iurispe-
ritorum auctoritate, edictis magi-
stratum, more, æquitate consistit.

II. Ex Fabio Quintiliano, lib. vii. cap. v.

*I*us omne continetur natura, vel cōstitutione.
Natura, quod sit secundum cuiusque rei digni-
tatem. hæc sunt, pietas, fides, continentia, alia-
que huiusmodi. Constitutio est in lege, more,
Iudicato, pacto.

III. Ex Callistrato, lib. i. Quæstionum.

*Q*uare & Seuerus Imperator ita rescripsit,
In ambiguitatibus quæ ex legibus profiscun-
tur, consuetudinē aut rerum perpetuo similiter
iudicatarum auctoritatem, vim legum obtinere.

Iudicatum quid sit.

IIII. Ex auctore ad Herennium, lib. I I.

IUDICATVM est id, de quo sententia lata est, aut decretum interpositum.

V. Ex Cicerone, lib. I. de Inuentione.

IUDICATVM, est res assensione, aut auctoritate, aut iudicio alicuius, aut aliquorū comprobata. Id tribus in generibus spectatur, religioso, communi, approbato. Religiosum est, quod iurati legibus iudicant. Comune est, quod omnes vulgo probant, & secuti sunt, huiusmodi: vt maioribus natu assurgatur, vt supplicum misereatur. Approbatum est, quod homines cum dubium esset, quale haberi oporteret, sua constituerunt auctoritate: velut Gracchi patris factum, quem Populus Romanus ob id factum, quod insciente collega in censura nihil gessit, post censuram Consulem fecit.

Inter leges, edicta, Senatusconsulta, & res iudicatas quid intersit.

VI. Ex Aristotele, πολιτικῶν lib. I I I I.

DE rebus vniuersis, lex est: de singulis, Magistratum iudicium.

VII. Ex Cicerone, in Partitionibus.

INDEX statuit de præteritis: de futuris, Senatus. sed quæ sæpius similiter iudicata sunt, etiam in futuris pro legibus habentur. Itaque a præiudiciis va-

diciis valet argumentum.

Eadem de re, cum iudicia diuersa reperiuntur, quid potius sequendum.

VIII. Ex auctore ad Herennium, lib. I. r.

IUDICATA sæpe diuersa sunt, vt aliud alii Iudici, aut Prætori, aut Consuli, aut Tribunoplebis placitum sit: & sit, vt de eadem re sæpe alius aliud decreuerit, aut iudicauerit. quod genus Marcus Drusus Prætor Urbanus, quod cum hærede mandatî ageretur, iudicium reddidit: Sextus Iulius non reddidit. Item Caius Cælius iudex absoluit iniuriarum eum, qui Lucilium poëtam in scena nominatim læserat. Publius Mutius eum, qui Lucium Accium poëtam nominauerat, condemnauit. Ergo quia possunt res simili de causa dissimiliter iudicatæ proferri, cum id vsu venerit, iudicem cum iudice, tempus cum tempore, numerum cum numero iudiciorum proferemus. denique, vt in legibus, quod postremo iudicatum est, inspicere oportebit.

IX. Ex Cicerone, lib. I. de Inuentione.

OPORTET animaduertere, ne cum aliter multa sint iudicata, solitarium aliquod aut rarum iudicatum afferatur. nam his rebus auctoritas iudicati maxime potest infirmari.

Qui sit, vt aliquando Iudex iniquè decernat.

X. Ex AEschine in Timarchum.

QV ID est, quòd cùm leges bonæ sint in Republi-
 ca: nihilominus decreta vestra, sententiasq;
 iudicum sæpe (ô Athenienses) reprehēdi manife-
 stum est? Ego rationē afferam: Ideo quia leges à
 vobis sanciūtur, omnis æquitatis habita ratio-
 ne, non iniusti lucri causa, neque odio priuato,
 siue ex inimiciis: sed ipsius iustitiæ publicęque
 vtilitatis contemplatione duntaxat. & cùm inge-
 nii dextérité aliis omnibus antecellitis, non
 mirū est vos pulcherrimas sancire leges. In con-
 cionibus autem & in iudiciis, sæpe neglectis i-
 psorum negotiorum causis, animus vester ab
 improbis oratoribus aliò traducitur: Iudicum
 oculis præstigię afferuntur. consuetudinem etiā
 omnium iniquissimam inducitis. finitis enim
 vt ii, qui causam dicunt, eos, a quibus accusan-
 tur, itidem simul accusent.

XL Ex F. Quintiliano, declama. c c l xvi.

NON semper Iudicum culpa est, cùm innocens
 damnatus erit. aliquando testis corrumpitur,
 aliquando parum diligenter causa defenditur,
 aliquando reo nocet & ipsa fiducia.

At quoquo modo iudicatum est, ius est.

XII. Ex Paulo, lib. xii i l ad Sabinum.

PRAETOR quoque ius reddere dicitur, etiam
 cùm iniquē decernit: relatione scilicet facta, nō
 ad id quod Prætor ita fecit, sed ad illud quod
 Prætozem facere conuenit. & hanc rerum iu-
 dicata-

dicatarum auctoritatem esse, publicè interest, ut aliquis sit litium finis.

His itaque rebus indicatis stari placuit.

XIII. Ex Tito Livio, Decade I. lib. III. & IIII.

CUM Populus Romanus inter Aricinos & Ardeates de ambiguo agro indicasset (qua de re tit. de iudiciis) apud Senatum quærentibus Ardeatibus de iudicii iniquitate: censuit, quod semel a Populo Romano scitum iudicatum esset, eius salua maiestate rescindi non posse.

Non quicquid licet accusatori, licet reo.

XIIII. Ex C. Plinio nepote, lib. V. VI. & VII. epistolarum.

BITHYNI Rufum Varenū Proconsulē lege Repetundarū detulerunt, quem nuper aduersus Iulium Bassum, Aduocatū postularant & impetruerant. inducti in Senatū, inquisitionem petierunt. Rufus non impendebat: sed sibi quoque postulabat, ut defensionis causa liceret testes euocare. Id Bithyni recusabant: etenim rem nec lege compræhensam, nec v̄sitatam esse: quinimo & iniquā. Nam reos, sola se ferè inficiatione defendere: neque ad probandum quicquam eos admitti, præter testium refutationes. alioqui neminem vnquam damnari posse noxium, si tantundem liceat reis in publicis, quantum in ciuilibus actionibus. alioqui & admitti oportere, ut qui legib⁹ publicorum iudiciorum accusantur,

per procuratorem se defendaut, causas appellationum per alios tractent. Naturale esse, vt non prius tela reiiciatur, quàm emissæ sint ab aduersario. statim verò & accusatorem & reum simul inquirere, antequam cõstituta sit accusatio, ineptissimũ & absurdissimum esse. Denique, vt id Varenò liceat, ordine legis Repetundarum non compræhendi. Nam quod lege Ambitus nominatim continetur, vti reo quoq; inuicem testes euocare liceat: ideo admissum esse, quòd ea lege absoluitur, qui alium, vel accusatorem ipsum, Ambitus arcesserit, dānauerit. Attamē quod Varenus postulauerat, Cajo Plinio dicente, & tũ maiore parte Senatus approbante, imptauerat: aut quia res minus contentiosè & acriter pro Bithynis acta esset, vt hoc an illo modo decerneret Senatus, parũ eis referre videretur. aut quia prima facie odiosa esse appareret Bithynorum causa, cum accusantiũ, quem ad simile crimen aduersus Iuliũ Bassum persequẽdum, Aduocatũ elegerāt: ideoque non multum interesse, qua in parte accusationis, Varenus seu laudationibus, seu contrariis testibus crimen à capite suo repelleret. At res ita iudicata, nedũ Bithynis, verũ & iis Senatoribus qui tũ contrā senserant, adeo noua & iniqua esse visa est, vt sequente Senatu Licinius Nepos, cùm de aliis rebus referretur, finitam causam retractare ausus sit, ac de proximo Senatusconsulto iterũ differere, his verbis, Vt si illud Senatusconsultũ corrigi non placeret, petendũ sit a Consulibus, refer-

referrent sub exemplo legis Ambitus, de lege Repetundarum, an placeret in futurum ad eam legem adiici, vt sicut accusatoribus inquirendi testibúsque denuntiandi ex ea lege esset, ita reis quoq; fieret. Bithyni etiam, cùm ausi essent Senatusconsultum apud Traianum criminari, atque de iniquitate postulare: remissis iis ab Imperatore ad Senatum, vt denuo cognosceret: Claudius Capito ita egit pro Bithynis, vt ipsū Senatusconsultū apud Senatum accusaret. Fronto Catius contra, totus fuit in rerum Iudicatarū auctoritate, propter quam etiam quod iniquè decretum est, ius est. Itaque Senatus mirificus fuit, nam illi quoque qui prius negarant Varenno quæ petebat, eadem danda esse, postquam data erant, censuerunt. Singulos enim fas esse re integra dissentire: ceterum peracta & transacta, quod puribus placuisset, cunctis tuendum. Nam & Lacedæmoniorū id fuisse laudabile institutū, apud eos interim dum aliquid decernitur, omnes pro animi sui sententia consulerent: vbi vero quid decretum fuerit, idem laudarent omnes, atque adiutores essent ii etiam qui refragati erant. Placuit etiam Liciniū increpari, quod intempestiua & præpostera locutus esset.

DE FIDE ET RELIGIONE, VT
NEMO PVBLICE DE EA CON-
tendere audeat. Tit. II.

In causa religionis, nullum non delictum graue est.

I. Ex Mose, Numerorum cap. x v.

QUIDAM Israelita in deserto ad Mosen & Aarō adductus est, qui quòd in Sabbatho ligna collegisset, violasse legem diuinā arguebatur. Conuictū iussēre duci in carcerem, dum cōsuleretur, qua in eum pœna animaduerti oporteret. Etenim certū erat, qd esset lege prohibitum: sed qui aduersus ea deliquissent, nulla pœna lex nominatim coercebat. itaque videbatur, quemadmodum lex ea certe potentior est, quæ vetat, quàm ea quæ permittit: sic quoque leuius esse vetare, quàm punire. non ergo pœnā legis quæ puniat, in hac quæ vetet dūtaxat, exercendam esse. Verū vbi præclarius censuere, turpe atque indignū esse, si humanæ leges, morte, vinculis, exilio, pecunia vindicentur: diuinas, fas sit impunè contemnere, quas tamen nemo vnquam leuiter offendit: placuit, eductum è castris, lapidibus obrui.

Qui antiqua, legitima, atque ordinaria sacra audet in controuersiam adducere, non audiendum, nisi periculo sui capitis, si non persuadeat veriore suam esse sententiam.

VIII. Ex Flauio Iosepho, lib. xii. antiquitatum cap. vi.

INTER Iudeos & Samaritanos cū esset ad seditionem vsque orta summa contentio apud Alexandriam, quòd Iudæi dicerēt habere se Hierosolymis antiquissimum & augustissimū templum totius Iudaicæ religionis: illud primas partes

tes occupare, & in eo ritè & ordine, quæ à Mose traditæ sint, ceremonias celebrari: esse id igitur oportere templorum aliorum omnium exemplum, si quidem vlla possint esse legitima, quæ non antea Moses vel omnino prorsus, vel nisi certo loco ædificari mādauerit. Samaritani cōtrā, quod in Alexandria Alexātri Magni beneficio quondam olim ædificassent, id Hierosolymitanum omni optimo iure antecedere: itaque illud præ suo fastidirent, contemnerent. Re ad Ptolemæum regem Aegypti (qui Philometor cognomento fuit) delata atq; reiecta, non censuit eam negligendam esse, quia de religione ageretur. Itaque cū aliquid in ea mouere perpetuo sit periculosum, maximèque perniciosi exempli, cū disputationibus & altercationibus sumnota venerandæ antiquitatis opinione, religionis auellitur auctoritas: Ptolemæo placuit ea conditione rem, quæ satis iudicata videbatur, in iudicium deduci, vt partium vtrinque Aduocati, non nisi cum capitis periculo de controuersia dicerent: neque vllis aliis vterentur, quàm ex lege Mosaica sumptis argumentis. qui causa cecidissent, eorum Patroni capite suo litem æstimarent. Itaque pro Samaritanis dixere Sabbeus & Theodosius: pro Iudæis, Andronicus. Summa attentio, summa expectatio fuit. nam templi Hierosolymitani antiquitatem, maiestatem & auctoritatem mirum erat in dubium trahi posse. Ergo cū superior in causa fuisset Andronicus, eo quòd adiutoribus libris Mosaicis,

de

de templi Iudæorum antiquitate fidem Ptole-
 meo fecisset, quo modo à Mose primò descriptū,
 postea a Dauide institutum, postremò à Solo-
 mone constructum: ibi summus Pontificatus per
 successionem vsque ad sua tempora collocatus,
 destinatus esset: Asiæq; Reges id donis & obla-
 tionibus decorassent: Garizitanum téplum, mi-
 nime: Rex pronuntiavit templum Hierosolymita-
 num verè esse Mosaicum. itaque Sabbeum &
 Theodosium mori oportere. Certe nonnullæ
 sunt causse, quæ omni Aduocato ita destitui de-
 bent, vt si quis audiri velit, hoc sine sua fraude
 „ non liceat. Lex erat, Cum damnato proditoris
 „ & patronus exulet, vt Quintilianus scribit de-
 clamatione c c c x x x i i i i. Denique & apud
 Locros lege a Zaleuco lata, qui aduersus institu-
 ta maiorum, atque leges communi vsu appro-
 batas, nouarum rerum auctor esse vellet, ei la-
 queus orāti proponebatur, ni persuaderet. qui-
 bus omnino rationibus atque conditionibus, si
 nos præsertim hoc tempore vteremur, quo is
 demum nihil scire & illiberalis esse dicitur, cui
 non placet absurdissima quæque, modo recen-
 tissima: non ita planè res incertæ essent ac tur-
 bulentæ, neque tam multi multarum partium,
 factionum, opinionum autores euaderent, cum
 suo saltem periculo ea discerent amare, colere,
 pacem, patriamque, leges, ac magistratus: quæ
 odio sane prosequuntur.

*Libros de religione, iudicio vulgi committere, proclive
 esse*

II Ex Dionysio Halicarnasseo, libr. II. &
Valerio Maximo, lib. I. cap. I.

M. ATTILIVS Duumvir sacrorum custodien-
dorū, sub rege Tarquinio fuit, is pecunia corru-
ptus, describendos libros Sibyllinos homini pri-
uato & plebeio Petronio Sabino concesserat.
Hanc ob rem, parricidarum vetere supplicio
damnatus est. etenim censuisse Tarquinium, pa-
ri vindicta, parentum ac Deorum violationem
expiandam esse. Deos cæteroquin tum maximè
violari, cum eorum in vulgus rude atque impe-
ritum, emittuntur libri atque ceremoniæ: quas
omnes, veræ sint aut falsæ, perpetuò sanè con-
tempserit, quandiu liberum de iis habuerit iudi-
cium: easque legere, tractare, aspicere passim ac
vnicuique aut docto aut indocto, plebeio aut
patricio, viro aut mulieri dabitur.

Occultiora quæque, ea magis suspicimus, colimus.

III. Ex Tito Liuiio, Deca. I. lib. V I.

A GALLIS vrbe capta, postquam eam restau-
rari placuit, non etiam ad Veios transmigrare:
Tribuni militum Consulari potestate, cum pri-
mum magistratum iniissent, nulla de re prius,
quàm de religionibus Senatū consuluerunt.
In primis fœdera ac leges (erāt autem hæ, duo-
decim tabulæ, & quædam Regiæ leges) requirī
quæ cōparerent, placuit. alia ex eis, edita etiam
in

in vulgus: sed quæ ad sacra pertinebant, ea decreto Senatus & à Pontificibus maximè, vt religione obstrictos haberent multitudinis animos, suppressa sunt.

Falsarum ac nouarum opinionum auctores, nunquam ab initio vi aperta, ac bona fide agere: sed quò virum suum euomant, captare tēpora impacata, & inquieta. In hac re si quid agendum sit, id maioribus Magistratibus committendum. Item libros improbate religionis comburi oportere.

IIII. Ex eodem, Deca. I I I. lib. v.

Cum diutius bellum Punicum secundum traheretur, & variarent secundæ aduersæque res non fortunam magis, quàm animos hominum: tanta religio, & ea potissimū externa, ciuitatem inceserat, vt homines aut Dii alii repente facti viderentur: nec iam in secreto modò, atque intra parietes ac postes contemnebantur Romani ritus: sed in publico etiam ac forq Capitolioque mulierum turba erat nec sacrificantium nec precātium Deos patrio more. Sacrificuli ac vates ceperant hominum mētes. Horum etiam numerum auxerat rustica plebs, ex incultis diutino bello infestisque agris egestate, & metu in urbem compulsa. Re ad Patres & ad publicam querimoniā delata, inculsati sunt in primis grauius à Senatu AEdiles Triumvirique Capitales, quòd non prohiberent. Itaque cū emouere hanc multitudinem e foro, ac disicere apparatus

ratus sacrorum conati essent, haud procul abfuit quin violarentur. Quamobrem ubi potentius iam esse id malum apparuit, quàm vt per minores magistratus sedaretur: M. A. Emilio Prætori vrbs negotium ab Senatu datum est, vt his religionibus populum liberaret. Is & in concione Senatusconsultum recitauit, & edixit, vt quicumque libros vaticinos precationesque, aut artem sacrificandi conscriptam haberet, eos libros omnes, literasque ad se ante illum diem deferret: neue quis in publico sacrove loco, nouo aut externo ritu sacrificaret.

Dissolui religionem nimia tractatione religionis. Causam de religione ad Senatum pertinere. Rem à domino, pretio soluto, propter utilitatem publicam auferri posse.

IIII. Ex eodem, Decade IIII. lib. x.

P. CORNELIO Lentulo, M. Bebio Pamphilo Coss. in agro L. Petilii scribæ, dum cultores agri altius terram molirentur, libri Numæ de iure Pontificio ac disciplina sapiëntiæ, reperti sunt. Primiò ab amicis, qui in re præsentì fuerant, lecti libri: mox pluribus legentibus cum vulgarentur, Q. Petilius Prætor Vrbanus studiosus legendi, eos libros a L. Petilio sumpsit. Lectis rerum summis, cum animaduertisset pleraque ad dissoluendam religionem esse, L. Petilio dixit, sese eos libros in ignem coniecturos esse. priusquam id faceret, se ei permittere, vti si quod ius
sue

siue auxilium habere se ad eos libros repetendos existimaret, experiretur. Scriba Tribunosp. adiit. res a Tribunis ad Senatum reiecta est. Prætoribi cum se iusiurandum dare paratum esse diceret, libros eos legi seruarique non oportere: Senatus censuit satis habendum, quod Prætor iusiurandum polliceretur, libros primo quoque tempore in comitio cremandos esse, pretium pro libris, quantum Q. Petilio Prætori, maiori-que parti Tribunorum plebis videretur, domino esse soluendum. id scriba non accepit. Libri in comitio igne à victimariis in conspectu populi cremati sunt.

Libros diiudicandi ius, si probata an improbata sint lectionis, ad Pontifices pertinere: atque in re tam seria nullos admittendos, qui sine auctore ad secure decipiendum circumferuntur.

V. Ex Suetonio in Augusto, cap. x x x i.

POST QUAM Augustus Imperator Pontificatum maximum adeptus est: quicquid fatidicorum librorum Græci Latinique generis, nullis vel parū idoneis auctoribus vulgò ferebatur: supra duo millia contracta vndique, combussit: ac solos retinuit Sibyllinos, hos quoq; delectu habito: & ne paterent omnibus, cōdidit duobus forulis auratis sub basi Palatini Apollinis.

Causas de religione, sati⁹ esse nō aperto foro cognoscere.

VI. Ex eodem, ibidem cap. x c i i i.

IDEM

IDEM cùm Romæ pro tribunali de priuilegio sacerdotû Atticæ Cereris cognosceret, & quædam secretiora proponerentur: dimisso cõcilio, & corona circumstantium, solus disceptâtes audire voluit.

Antequâ libris de religione auctoritas tribuatur, quid obseruandum: & sacerdotum huius rei primam curationem esse, postremam Senatus, aut ipsius ad eò Principis. Porro q̃ in ea re minus legitime, ac contra morem maiorum decreta sunt, retractare vitilium esse.

VII. Ex Cornelio Tacito, lib. v.

CUM à Quintiliano Tribunoplebis ad Patres relatum esset de libro Sibyllæ, quem Caninius Gallus Quindecimvir recipi inter cæteros eiusdem vatis, & ea de re Senatusconsultum fieri postulauerat: idque illo referente per discessionem factum esset: Tiberius literas misit ad Senatum, quibus Tribunum plebis modicè increpabat ob iuuentutem ignarum antiqui moris atque instituti: Gallo verò exprobrabat, quòd in scientia ceremoniisque versatus, de carmine, cuius auctor incert⁹ erat, quod, citra quàm fieri consuevit, magistri nec legerant prius nec æstimauerant, item ante sententiam collegii & apud infrequentem Senatum, siue per se siue per alium egisset. Denique & Patres ipsos admonebat, non meminisse se, cùm multa vana sub nomine celebri vulgarentur, sanxisse Augustum, intra quem diem ad Prætorem Vrbanum deferrentur,

rentur, neque habere priuatim liceret. quinimo & à maioribus quoque decretum esse, post ex-
stum Sociali bello Capitolium, quæsitis Samo,
Ilio, Erythris, per Africam etiam ac Siciliam &
Italicas colonias carminibus Sibyllæ (vna seu
plures fuerint) datoque Sacerdotibus negotio,
quantum humana ope potuissent, vera discer-
nerent: ideoque nunc etiam notioni Quinde-
cimvirum hunc librum subiici. Quare vt denuo
rem ac maturius agerent, monebat Senatum.

DE SACROSANCTIS ECCLE-
SIIS, ET DE REBUS AC PRI-
uilegiis earum, Titulus III.

*Templorum materiam ipsam diuini iuris esse, quam ne-
que ad aliorum ædificationem transportare fas sit.*

I. Ex Tito Liuiio, Deca. v. libr. II. & Valerio
Maximo, lib. I. cap. II.

Q. FVLVIVS Flaccus Censor, vt equestris
Fortunæ tēplum, quod ædificabat (cū id
antea bello Celtiberico vouisset) augu-
stius & magnificētius redderet: detecta æde Iu-
nonis Laciniæ, profect⁹ in Brutios, tegulas mar-
moreas eò trāstulerat. Ruinis tēplorum tēpla
ædificari, piaculū esse visum est ac grāde sacrile-
gium, quod nulla magistratus auctoritate excu-
sari possit. Igitur relatione facta, censuere Pa-
tres, vt hæ tegulæ reportandæ locarentur: istius-
que rei nomine Iunoni piacularia fierent.

II. Ex Suetonio in Domitiano, cap. VIII.

QVIDAM

QV I D A M Domitiani libertus, ex lapidibus Iouis Capitolini templo destinatis, filio suo monumentum parauerat. Diales re ad Principem delata, lapides eximi postulabant, eoque transferri, quò semel voti ac dedicati essent. Libertus nialle se dicebat ex lege XII. tabularum duplum soluere, quàm pati se inuito lapides eximi. nam & eos nunc auferri non posse vti sunt, quin violati sepulchri actio competeret: minúsque imponendo, quàm eximendo violata religio diceretur. Motus tamen Imperator, ne quã religio Deorum impunè contaminaretur, monimétum dirui iussit, ossaque ac reliquias in mare proiici: hoc ipso duntaxat paulò inhumanior.

Episcopus an & quatenus post mortem de beneficii fructibus disponat: & nihilne Ecclesia remunerandi animo donare possit.

III. Ex Paulo Castrensi, ad I. iubemus C.
hoc titulo.

QV I D A M Episcopus, cùm beneficio, gratia atque summo studio propinqui sui ad dignitatem illam peruenisset: remunerandi causã ac pro vicissitudine beneficii, ita cauerat, vt ei quandiu viueret, certam partem, puta bessem fructuum ac commodorum Episcopatus percipere liceret. Successor Episcopi hãc liberalitatem renouabat, vt Leoninæ constitutioni contrariam. At sua possessor in Ecclesiam, nedum in Episcopum, alia innumera beneficia recitabat. posse tuto-

b rem

rem pupilli sui nomine beneficentiam ac pietatem exercere : cur non & Episcopum ? cæterum hac liberalitate nihil in perpetuum alienari. semper ad Ecclesiam proprietatem pertinere. Si inter alios ingrati nomen turpissimum sit , atque merito semper inter homines odiosum : cur committatur vt Ecclesia, de qua est adeo beneficentius, nunquam, si reuocabitur hæc donatio, istud crimen elabi possit ? atqui hoc neque accidere posse, vt omnes huiusmodi donationes irritæ fiant, nisi cum Ecclesiæ damno. vtrum enim beneficentiam non adimit, qui capienti gratia & mutuo officio interdicit ? Attamen quia visa est immensa esse donatio, & contemplatione cognitionis magis quàm beneficiorum erga Ecclesiam facta, videri defecisse cum donatore pronuntiatum est.

DE PONTIFICIBVS, AVGVRI-
BVS, EPISCOPIS ALIISQVE
sacerdotibus, ac priuilegiis eorum.

Tit. II II.

Sacerdotes nunquam à sacris recedere oportet . si fecerint, multandi sunt. denique & Populum a Pontificibus appellari.

I. Ex Cicerone, Philippica xi.

L. VALERIO Flacco, P. Licinio Crasso Coss. bellū gerendū erat cum Aristonico. rogatus Populus quem id bellum gerere placeret, Flac- cum nominauerat. At Crassus Consul, qui & Pontifex

Pótifex maximus, Flacco collegæ Flamini Martiali multam dixit, si a sacris discessisset. Flamen Populum appellauit. Is multam remisit: Pontifici tamen Flaminem parere iussit.

Vbi religionis caussa vertitur, omnis laica potestas, ecclesiastica minor est. idemque vnus diuersorum munerũ occasione aut patitur aut non patitur imperiũ.

I I. Ex Valerio Maximo, lib. I. cap. I.

METELLVS quoque Pont. Max. Posthumium Consulem, eundemque Flaminem Martialem, ad bellum gerendum Africam petentem, multa indiſta Urbem egredi prohibuit: summũque in ciuitate imperium religioni ceſſit.

Veteres ritus pro legibus habentur: etſi eorum ratio reddi non poſſit.

I I I. Ex Cornelio Tacito, lib. I I I.

TIBERIO imperante, Seruius Maluginenſis Flamen Dialis poſtulauit vt Aſiam ſorte obtineret, ſuique ſemper in poſterum ratio haberetur. Fruſtrà vulgatum eſſe dicebat, non licere Dialibus egredi Italia: nec aliud ius ſuum eſſe oportere, quàm Martialium Quirinaliumque Flaminum. Porro ſi duxiſſent Prouincias, cur Dialibus nonliceret? Nulla de eo Populi ſcita, nulla in contrarium præcepta in libris cæremoniarum reperiri. Sæpe Pontifices Dialia ſacra perfeciſſe, vbi Flamen valetudine aut munere publico impediretur. Duobus & ſeptuaginta an-

nis post Cornelii Merulæ cædem, neminem suffectum, ideoque tamen religiones non cessauisse. Quòd si per tot annos possit non creari nullo sacrorum damno, quanto facilius abesse possit ad vnius anni Consulare imperium? Priuatis olim simulatibus effectum, vt Diales, Flamines aliive huiusmodi à Pontificibus Maximis ire in Prouincias prohiberentur. nunc Imperatorem summum inter Pótifices, non æmulatione, non odio, non priuatis affectionibus obnoxium. At cùm Lentulus Augur multa ex aduerso dissenuisset pro antiquo more & vetusta sacrorum consuetudine, in quibus præcipuè regnat Antiquitas, quæ proximè ad Deos accedit: Luciique Metelli Pontificis Maximi de Aulo Posthumio simile iudicium attulisset: postremò Cæsar etiam ipse Tiberius Pont. Max. decretum Pontificû recitasset, quo cõtinebatur ne Flamé Dialis plus quàm binoctium abesset, dũ ne diebus publici sacrificii, nec sæpius quàm bis in annum: iudicatũ est annuam absentiam, Prouinciarũq; administrationẽ Dialibus non concedi: itaq; de Asia pro Seruio non placere. Quid nunc dicemus de Episcopis ac Curionibus nostris? proculdubio non possunt vel biduũ à sacris recedere, quia ad ea semel accessisse nemo est qui accuset.

DE EPISCOPALI AV-
DIENTIA, ET DIVERSIS CAPI-
tulis quæ ad curam pertinent episco-
palem. Tit. v.

Posse

Posse Pontificem maximum minores Pontifices, ob negligentiam, a munere sacerdotisque suo repellere.

I. Ex Valerio Maximo, lib. I. cap. I.

ADEO religionis ceremoniarumque; obseruantissima fuit antiquitas, ut P. Cælius, M. Cornelius, M. Cethegus & C. Claudius, propter exta parum curiosè admota aris Deorum immortalium, tumque, potissimum cum essent varia tempora bellisque; multis occupata: flaminio abire iussi & coacti sint. visum est enim propter contemptum religionis, in hæc incommoda venisse Rempublicam.

In Vestales habuisse Pontificem ius omne animadversionis.

II. Ex eodem, ibidem: & ex Iulio Obsequenti, de prodigiis.

P. LICINIO, M. AEmilio Pontificibus Maximis, virgo Vestalis, quia aliqua nocte parum diligens custos ignis æterni fuisset, digna visa est quæ flagro admoneretur.

Incesti crimen ad notionem Pontificum pertinuisse.

III. Ex Tito Livio, deca. I. lib. II. III. & VIII. Deca. III. lib. II. & Dionysio Halicarnasæo, lib. VIII. & IX. Plinio nepote, lib. III. Epistolarum. Iulio Obsequenti, de prodigiis. Paulo Orosio lib. II. III. & IIII.

POSTHVMIA virgo Vestalis de incestu causam dixit, crimine quidem innoxia, sed ob suspicionem, propter cultum amœniorem, ingeniūque

b 3

que



que liberius quàm virginem deceat, parùm de communi fama hominùmque opinione sollicita. Ampliatam, deinde absolutam, pro collegii sententia Pontifex maximus abstinere iocis, coliquè sanctè potius quàm scire, iussit. Eandem ob causam Minutia suspecta primò propter cultum iustò mundio rem, insimulata deinde apud Pontifices ab indice seruo, cùm decreto eorum iussa esset à sacris abstinere, familiamque in potestate habere, factò iudicio sub terram ad portam Collatinam viua defossa est: & ante Minutiam Popilia, in campo quem ideo Sceleratum appellarunt. Vrbina quoque hoc eodem supplicio multata est, atque ipsi corruptores, iudicium exercente Pontifice Maximo, in foro virgis cæsi, necati sunt. Olim etiam Oppia virgo Vestalis damnata, incesti pœnas luit. Opimia atque Floronia stupri comperta, altera sub terram, vt mos erat, ad portam Collatinam necata est: altera sibimet ipsa mortè consciuit. Lucius vero Canticus scriba Pontificum (quos postea minores Pontifices appellarunt) qui cum Floronia stuprum fecerat, a Pontifice Maximo eousque virgis in Comitio cæsus est, vt inter verbera expiraret. Capparonia suspendio periit: & corruptorcius consciique serui supplicio affecti sunt. Hæc supplicia diu neglecta, Domitianus Imperator variè tandem ac seuerè coercuit, vt vel antiquum morem repeteret. Sed in causa Corneliæ Maximillæ crudelior sanè, quam magis ambitione, dum illustrari sua tempora illo exemplo arbitra-

trabatur, quàm iure ac merito, cum Celere Equite Romano, & Valerio Liciniano Senatore in Comitio cæsos interfecit. Cur viuas defoderent, scriptum est a Plutarcho in problematibus. idque iure Pontificio decretum est, cum antea (vt de Rhea Siluia suo loco) quæ corpus suū polluisset, hanc, ad mortem vsque, virgis cæderent: & quod ex ea natum esset, fluminibus exponerent, vt Halicarnasseus ait libr. i.

Si quid sit in religione grauius admissum, huius rei vindictam ad Populum, Principem Magistratūve pertinere. denique in sacris nihil atrocius esse perfidia.

III. Ex Aulo Gellio, lib. iiii. cap. v.

STATVA Romæ in Comitio posita Horatii Coclitis fortissimi viri, de cælo tacta est. ob id fulgur piaculis luendum, Aruspices ex Hetruria acciti, inimico atque hostili animo in Populum Romanum cum instituissent eam rem contrariis religionibus procurare: suaserunt statuam in inferiorem locum perperam transponi, quem sol oppositu circum vndique aliarum ædium nunquam illustraret. Id cum ita fieri persuasissent, delati & proditi ad Populum, cum de perfidia confessi essent, necati sunt. idèoque vulgo iactari cœpit, Malum consilium consultori pessimum.

DE HAERETICIS ET PERVER-
SARVM OPINIONVM AV-
ctoribus Tit. VI.

De Deo dubitare, aut Deum negare perinde esse.

I. Ex Valerio Maximo, lib. I. cap. I.

DIAGORAS Philosophus scribere ausus erat, primùm ignorasse se an Dii esset: dein de si sint, quales sint. Quid perniciosius ad dissoluendam, hominum societatem? nam ad eam continendam, vel sola opinio religionis potior est: omnibus legibus. Itaque hunc Athenienses exilio damnarunt.

Aliqua etiam ignorantia communiter prodest.

II. Ex Plutarcho, in Pericle & in Nicia. & ex Diogene Laertio, lib. II. & IX.

CVM Protagoras & Anaxagoras de rebus cœlestibus, vt de reliquis naturalibus, ita differere videretur, quasi omnia certis causis, nihil Deorum arbitrio atque prouidentia concederent: Protagoras in carcerem coniectus est. Anaxagoras, quòd eo amplius dixisse argueretur, Solem nihil aliud esse, quàm cadentem laminam, quinque talentis atque exilio multatus est. Sed & de Protagora narratur, cum in principio cuiusdam operis ita scripsisset, De Diis quid statuere nequeo, neque an sint, necne. sunt enim plurima quæ id scire prohibeant: nempe & summa rei incertitudo, & breuis vita hominum. ob hoc

hoc merito ab Atheniensibus in exilium pulsus est, librique illius in foro cremati sunt, sub præconis voce à singulis qui illos habebant, edicto prius inuestigati.

De Diis semper considerate loquendum.

III. Ex Diogene Laertio, lib. II.

MALA & impia consuetudo est de Diis temere loquendi, siue ex animo id fiat, siue simulatè. Quare Stilpo Megarensis Philosophus, cum de Minerua, quæ in templo erat, $\epsilon\kappa\ \theta\epsilon\omicron\nu\ \epsilon\iota\pi\alpha\iota$ pronunciaffet, quia hæc Phidiæ sit, non Iouis opus: ad Ariopagum arcessitus est. Et quanquam rectè se locutū esse affirmaret, quia reuera Minerua non Deus, sed Dea sit: non placuit ista cauillatio. Itaque primo quoque die is vrbe abire iussus est.

Tutius esse de religione seuerius inquirere, quàm ne quid temere fiat, interdum remissius agere.

IIII. Ex Isocrate, in Busiride. Xenophonte, lib. I. de factis & dictis Socratis. Cicerone lib. I. de Orato. Plutarcho, in Nicia. Quintilia. libr. IIII. institutio. Diogene Laertio, in Socrate.

I I D E M Athenienses cum capitis hominem innocentissimum Socratem, iudicâte Polyeucto, condemnarunt, quòd novos Deos introducere, atque auiculas, canes, eiusque generis alia coli iubere, eoque pacto studiosos adolescentes corrumpere -

rumpere, falso atque per calumniam ab accusatoribus Anito, Lycone ac Melito diceretur. Rem per se, si vera fuisset accusatio, durissima & grauissima animaduersione dignam esse iudicârunt, nihilque magis in Republica curari obseruarique oportere, quàm religionem. Sed postquam de calumnia accusatorum apparuit, Melitum interfecerunt: alii, prius quàm damnarentur, in exilium profecti sunt. Cæterum populus Atheniensis adeo indignè tulit tam eximium virum apud se iniquè iudicatum esse, vt in primis palæstras atq; gymnasia clauderet: postea doloris vitandi causâ ediceret, ne quis in posterû Socratis publicè meminisset. Hòc certe Atheniensibus familiare fuit, vt seueritate, postremò pœnitentia aduersus illustrissimos vterentur. nam & Homerum ipsum veluti si insaniret, quinquaginta drachmis olim multauerunt.

V. Ex Isocrate, in oratione de iugo. Thucydide, lib. v. Xenophonte, lib. i. rerum Græcarum. A Emilio Probo, Plutarcho, in Alcibiade & in Nicia. Porcio Latrone, in L. Catilinam, & Iustino lib. v.

ALCIBIADIS similis ferè causâ est. Is statuas Mercurii violasse, deiecisse mysteriâque Cereris & Proserpinæ nulla re magis quàm silentio solemnia, indignè priuatim in Polytionis ædibus atque ridiculè tractasse, e Sicilia reuocatus vt causam diceret, imprimis absolutus, denuo aduersariorum potentia, cùm abesset, accusatus

cusatus est. Citatus non respondit, siue conscientiam, siue indignitatem rei non ferens. Quare à Populo Atheniensi cum bonis omnibus proscrip-
tus est: & sacerdotibus omnibus imperatum, vt ei dira imprecarentur, Diisque ipsum deuouerent. sed idem postea restitutus est.

V I. Ex Plutarcho, in vitis decem oratorum.

ANDOCIDES Orator, impietatis quoque accusatus est, quòd sacrarum imaginum ornamenta lasciuiens conscidisset, itemque Initiorum sacra polluisset. Is cùm seruum suum quaestioni dare postulanti accusatori recusasset, pro conuicto habebatur: & pœnas luisset, ni sceleris se auctores indicaturum promississet. Quapropter & alios plures, ac patrem etiam Leogoram indicauit. de cæteris sumptum est supplicium. Leogoræ venia concessa est, spe meritorum erga Rempublicam: atque etiam (vt opinor) ne pater filio accusante damnatus videretur.

Quæ ratio seruanda est in cohibendis nouarum Religionum opinionibus.

I I I I. Ex Plinio Nepote, lib. x. epistolarum, & Eusebio, lib. iii. cap. xxxiii. & Paulo Orosio lib. vii. cap. xii. & xiii.

Q V O D de Christianis a C. Plinio Nepote ex rescripto Traiani Imperatoris iudicatum est: ad alios quos iam nobis constiterit, prauæ, falsæ, ac nouæ religionis esse, traduci potest. Nā quod ad ciuilem administrationem attinet (cuiusmo-
di

di sunt ea, quæ hic à nobis oīa digerūtur) negari non potest, lege tum in Christianos animaduersum. Sed quando magnus iam erat Christianorū numerus, hanc Plinius seruauit rationem, vt eorum qui deferrentur, confitentes se Christianos esse & perseuerantes, si Prouinciales essent, duci iuberet: si ciues Romani, in urbem remitteret. qui negarent fuisse se Christianos, aut desisse se dicerent, veniam dando ex pœnitentia, dimitteret. nisi certo auctore deferrentur, conquiri non permetteret. Postea diuus Hadrianus epistola ad Minucium Fundanum Proconsulem Asiæ cauit, vt nemini liceret Christianos sine obiectu criminis aut probatione damnare.

DE IIS QUI AD ECCLE-
SIAS CONFUGIUNT, VEL IBI
exclamant, & ne quis ab Ecclesia asy-
lōve alio extrahatur. Tit. v i i.

*Violati asyli crimen, etiam in posteros punierunt ve-
teres: & quorum familia impura & execrabilis in-
dicata est, nullo tempore restitui potest.*

I. Ex Thucydide, lib. i. & ex Plutarcho, in
Solone.

NVL LV M Athenis vnquā, aut adeo ferè tota Græcia, siue erga Deos, siue erga patriam irreligiōse admissum, seuerius pertinaciūque vindicatū est, quā id quod à Cylone, crimen Cylonium appellarunt. Is cū Theagenis foceri sui potentia & opibus, ciuiūq; nonnul-
lorum

lorum consilio, ad tyrannidem aspiraret, arcem munitissimam Atheniensium occupauerat. Sed diuturna ciuium obsidione & cibariorum inopia coactus, cum fugà sibi noctu consulisset: arce potiti Athenienses, inuenere conscios, qui ad aram prostrati supplices veniam postularent. nam quòd ipsi Patriam violarent, non ideo committi oportere, vt in sua causa Atheniensium exercitus, Deos ipsos Patriæ custodes violasse videatur. Attamen is militum furor atque indignatio fuit, vt supplicum alios in ipso veluti Deorum conspectu, alios ab aris vi extractos interfecerint, quosdam certè in iudicium adduxerint. Populus Atheniensis vtrumque iniquissimo animo tulit: fuisse & qui de tyrannide cogitarent, & quibus etiam Patria quàm ipsa Religio esset antiquior. Hos itaque pro sacrilegis habuit, & eos tamen quos in iudicium adduxerant, quia semel violata religio, satis illis iudicandis expiata videretur, capite condemnauit. De iis qui adhuc ad aras consisterent, quia Megacelis còsiliu secuti, filum ad statuam Mineruæ alligatum manibus tenentes, quasi non ab Asylo recessisse viderentur, in iudicium venire ausi sunt: & accidisset vt filum sua sponte solueretur, placuit ex verisimili Deorum voluntate, in eos sine fraude posse animaduerti. Cæterum id omnibus commune fuit, vt Cylonis memoria atque vniuersa posteritas, item eorum qui cum eo conspirauerant, & Deorum iura violassent, damnaretur, neve iis vnquam esset in Atti-

ca, vt impiis, impuris & abominandis vlla com-
morandi facultas. Hi cum se ad Lacedæmones
contulissent, admissi non sunt. Postremo Solo-
nis temporibus, cum longo interuallo plurimi
ex polluta & contagiosa illa Cylonis familia
se Athenas recepissent, & iam eorū antea multi
ibi sepulti, alii tum etiam in summa auctoritate
essent: ex indignatione & odio tandem graui se-
ditione orta, factum est à Solone, vt accusante
Myrone Phylasio, res, trecentorum hominum
quos sortiti essent ex omnibus optimis, iudicio
committeretur. Apud tam graues iudices nihil
valuit diuturnissimum spatium, nihil penè infi-
nitæ multitudinis commiseratio, nihil iura de-
functorum, nihil inter puros & impuros inita
consortia. Itaque pronunciarunt, videri omnem
Cyloniam gentem migrare oportere: & qui in
Attica sepulti essent, horum ossa eruta, extra pa-
triam eiici, proiici. Omnino certe ius Asylorū
apud Græcos augustissimum fuit, adeo vt Age-
filaus victis Thebanis, id etiam hostibus inuiol-
abile conseruarit, vt à Xenophonte libro I I I I.
rerum Græcarum scriptum est.

Supplex quo modo salua religione multari possit.

II. Ex Thucydide, lib. I. A Emilio Probo
in Themistocle, & in Pausania. Diodoro Sicu-
lo, lib. x I. & Plutarcho, in vita Themistoclis.
Iustino, lib. I I.

P A V S A N I A S dux Lacedæmoniorum strenuif-
simus, sed nimio plus auidus ad rem, Xerxi Per-
sarum

farum regi, magna pecunia accepta, filiaque Regis despondendæ opinione, Græciam vniuersam prodere instituerat. Tabellarius quidā Argilius proditionem indicauit. Is enim cū litteras à Pausania ad Xerxem aut Artabazum perferendas accepisset: eique in suspicionem venisset, aliquid in eis de se esse scriptum, quòd nemo eorum redisset, qui eodem antea missi erant: signo detractò cognouisse dicitur, si pertulisset, sibi esse pereundum. Erant in hac epistola quæ ad ea pertinebant, quæ inter Regē Pausaniamque conuenerant. Ephoris itaque tradidisse. At eos non temere fidem adhibuisse, ideo quia tabellarius litteras resignatas attulisset: item quia tantum facinus de tam eximio viro, nisi si certiori indicio probaretur, vix ac ne vix quidem credi posset. Nam & cauere legibus, ne de libero homine ex solo indicio serui, & nisi euidentissimis probationibus, supplicium sumeretur. Qui ad Platæas Mardonium deuicerit, eundem victores victis dedere voluisse? Itaque rem non suspicionibus iudicandam: sed expectandum dum se ipsa res aperiret, imò vt se ipse Pausanias indicaret. Quare postquam tabellarius, vt rem ore ipsius Pausaniæ & confessione, audientibus Ephoris argueret, simulauit se in Neptuni templum aufugere, mortis eius vitandæ caussa, quæ literis ei Pausaniæ parabatur: eoque ibi de industria occultis Ephoris aliisque, Pausanias adueniens, ei pèpercisse se dixisset: cæterum magna pollicitus, si quæ legisset, fideliter contineret:

tota

tota coniuratio cognita ac patefacta est. Igitur dum accusatio pararetur, Pausanias sui conscius in templum æneum Palladis confugerat, Dubitabant Lacedæmonii, fâsne esset supplicem è templo abducere, trahere ad supplicium. nam & si grande erat facinus, periculosius tamen esse videbatur, Religionem ac numen contemnere. Itaque placuit omnes tépli aditus muro præcludere, & valuas obstruere, vt ita saluâ religione inedia moreretur. cadauer iis quorum intererat sepelire permissum est. Cæterum Lacedæmonii adeò indigne tulerunt, fuisse in sua ciuitate qui proditionis damnaretur, vt communicandæ huius ignominie causa, primò per legatos Themistoclem præsentem apud Athenienses eiusdem criminis per calumniam accusarint: & eo absoluto, iterum, cùm lege Ostracismi ab vrbe abesset. Certe veritus eorum potentiam, meritoque etiam offensus erga ciues ingratos, ad Xerxem siue ad Artaxerxem Longimanum (vt Thucydides & AEmilius aiunt) profectus est.

Etiam reo maiestatis fidem ac religionem esse conseruandam.

III. Ex Diodoro, ibidem.

DVCETIVS dux Siculorum, magnam ob res à se præclare gestas, potentiam atque auctoritatem nactus, iis opibus regnandi cupiditate aduersus patriam vtî atque abuti cœpit. Sed diu profligatis rebus Syracusanorum, cùm esset eò tandem redactus, vt à suis desereretur, ideoque
de

de sua salute desperaret, constituit omnium Syracusanorum consilia preuertere. noctu clam omnibus qui cum eo adhuc remanserant, quàm velocissime potuit, Syracusas aduehitur. luce nondum clara in forum venit. postquam stans ibi ad aras supplex, se suaque tradens in manus ac fidem Syracusanorum, præter expectationem à Populo conspectus est, Magistratus omnes in concionem vocati sunt, de Ducetio quid agendum esset. Censuere alii, Ducetium pro hoste habendum esse: & quia cum hostibus nulla sit diuini iuris, sacrorum, religionum societas, inter eos omnia sint profana, trahi reum ad supplicium pro impiissimis sceleribus oportere. At contra, e Senatu principes ac sapientissimi quique dicebant, nihil tam fœdum, admittendum esse aduersus id quod ius fasque est. In hac re Deorum rationem versari potissimum. Itaque magnoperè cauendum, ne numinis ira per impietatem irriteretur. non enim tam inspiciendum quid Ducetius sua culpa meruisset, quàm quid Senatus populi que Syracusani poscerent iura, mores, instituta maiorum. In eum seuire qui deiectus à fortuna iaceat, nulla dignum esse laude. verùm id imprimis, ad Populi Syracusani maiestatem pertinere, Deorum inuiolatam religionem obseruari: supplici, salutem priuato, fidem publicam custodiri. Fortunæ vim considerandam esse: qua prospera sic vtendum, ac si proximè aduersa futura sit. Hac præualente sententia, à Populo vniuerso voce vna acclamatum est,

c suppli-

supplicem saluum esse velle. Itaque Ducetium supplicio liberatum, Corinthum relegarūt: ibique omnia ad vitam ei necessaria, satis abundē ac liberaliter suppeditarunt.

DE LEGIBVS ET SENATVS-
CONSULTIS ET LONGA CON-
suetudine, Tit. viii.

*AEquē puniendum esse, qui quid apertē contra legem,
aut in fraudem legis facit.*

I. Ex Valerio Maximo, lib. viii. cap. vi. &
ex Plinio, lib. xvi. cap. i.

CVM Stolo Licinius legem tulisset, ne quis plus quā quingenta iugera agri possideret: & substituta filii sui persona, amplius, imō alterū tantum possidere deprehēsus esset: ipse primus sua lege à M. Popilio Lenate accusatus & dānatus est. Nihil enim referre, an quid directō contra legem fiat, aut in fraudem saluis verbis legis fiat. Porro nihil interesse, tu ipse quid tuo nomine possideas, an is qui nequicquam nisi vt tibi acquirat, habere, tenere aut possidere potest. eo enim tum iure Romani utebantur. Sed etsi emancipatio præcessisset, fraudulentō animo, neque bona fide adhibita esse diceretur.

Quæ acta, gesta, consulta sunt in Senatu, enuntiari non oportere.

II. Ex Valerio Maximo, lib. i. cap. i.

CVM actum esset in Curia de tertio Punico bello

bello indicendo, id Q. Fabius Maximus Senator
 rus proficiscēs, per imprudētiam Publio Crasso
 domum reuertēti, in itinere narrauerat: memor
 eum triennio antè Quæstorem esse factum, sed
 ignarus an nondum à Censoribus lectus esset in
 ordinem Senatorum. nam hoc vno modo etiam
 iis qui honores gesserant, aditus in Curiam da-
 batur. Igitur quāquā honestus error Fabii esset,
 atq; imprudentiā satis abundè excusare videretur:
 vehemēter tamen hūc à Cōsulibus obiurgari
 placuit. In hāc rē historia nota est, atq; adeo
 Senatusconsultum de Papirio Prætextato, quo
 vetitū fuit, pueros prætextatos (quod antea fieri
 solebat) in Curiam cum patribus introire, videlicet
 ne Senatusconsulta antequā decreta sint, enun-
 tiarentur. Nunc verò non pueri quidem apud
 nos, nec Censuales, nec scribæ, nec serui publici
 remouendi sunt, vt vlla fiant vel tacita Senatus-
 consulta, vel quid omnino tacitè ac secreto in
 Curia referatur: sed ipsa ferè bona pars Senatorum
 procul arcenda ablegādāque esset. Ecquid ergo tu
 ô Rulle, qui ideo Maximus cognominatus es, quòd
 Senatum repurgasses, hìc si nunc viueres, quid
 ageres? & si antiqui illi Patres ac Coss. reuiuiscerent,
 de istoque audirent prouerbio, quod de forēsi & Curiali
 Mure peruulgatum est: neque nūc multos Senatores
 tandiu morari posse, dum missus fuerit Senatus: sed
 identidem mediis rebus assurgere, huc illuc volitare,
 de Curia excedere, vt prodant aliorum sententias:
 qua dicerent opus animaduersione esse,

esse, qui se erga Q. Fabium Maximum tam seueros iudices ac Senatores ostenderint? Id omnino cum maximo legū, iudiciorum, magistratuum contemptu ac ludibrio accidit: quod ii sane viderint, ad quos ex tanta ignominia postremo cōflatam indignationem, redire ac redundare necesse est.

Non esse quem puniendum ob liberè dictam in Senatu sententiam.

III. Ex Dionysio Halicarnasseo, lib. v r r.
Liuiio Deca. i. lib. ii. Plinio, de viris illustribus.

DE frumento ex Sicilia Romam aduecto, cum in Senatu ageretur, an gratis, vili, aut immenso pretio Plebi diuideretur: inter alios Martius Coriolanus extitit, qui aduersus Plebem grauem sententiam diceret. Nihil per largitionem Populo tribuendum. his artibus lasciuiorem ac petulantio rem effici. satius esse hanc vel cariore annonam domari ac reprimi, quod fiat ex necessitate modestior, & ad ciuilia munera obeunda paratior: agros hac iniuria, non seditiones colat. desidia, otio & luxuria maximè, quæ ex copia & inerti abundantia nascitur, iura, leges, instituta negligi. Patricia & aristocratica sententia, sed parum popularis. Ideoque Tribuni plebis qui in Senatu hanc sententiam audierant, ad Populum referunt. dies Coriolano dicitur. Sed quantum ad hoc crimen attinet, licet Populo infenso uteretur, id faciliè diluit. Vbi enim vlla loquendi licentia, si non in deliberando ac dando consilio? Itaque neminem antea consilii sententiæq;

vti causam ac rationē redderet, obnoxium fuisset. nam aliorum opinionibus posse, qui in vna fuerit sententia, in aliam trahi, & si aliud sit alio cōsiliū melius, tamen omnium Senatorum & sentētias dicentiū eandem mentem & rationem esse, vt pro salute & vtilitate Reipub. (in quibus sapissimè fallimur) orationem habeāt, aut certè habere videri velint: quē admodum in naui dum hi velificatione, illi remigatione vtendum esse putant, ab vtrisque tamē ad salutem omnia dicuntur. Itaq; non fuit in hoc Coriolani damnatio (quod tamen postremis his nostris temporibus capitale fuit: si iure an iniuria, ex sequenti iudicato fortassis apparebit) sed quia à Tribunis ad Populum vocatus non paruit: ministros eorum, cū iussi eum præhenderent, ducerent, cæciderat, pulsauerat. quæ de re suo loco.

Nisi si aduersus Rempublicam, & manifestissimo crimini coniuncta sententia videatur.

IIII. Ex Demosthene pro corona, & Cicerone, lib. III, officiorum.

XERXES vniuersam Græciam, vt sibi videbatur, tanto suo exercitu inuasurus, legatos Athenas miserat terram & aquam postulaturos: & an suum imperium subire mallent, quàm vt hostes, se suaq; euerti & opprimi. Themistocles auctor erat, cū Athenienses Persarum impetum nullo certe modo sustinere possent, id statuerent prius, vrbe relicta, coniugibus & liberis Troæzæne depositis, naues conscendere, Græciæque li-

bertatem classē defendere, quā vt imperata facere cogerentur. Contrā Cirsylus extitit qui suaderet vt in vrbe manerent, Xerxémque reciperent. non durius esse seruitutē pati, quā vr-
bem, penates, sepulchra deferere, prodere: satiū
que esse in extrema necessitate fœliciter serui-
re, quā liberos miserē languere, aut fame in-
terfici. Adeo displicuit hoc cōsiliū, visūque
est allatum esse aduersus Rempubicā, Sena-
tus Populique maiestatem atque auctoritatem,
vt tanquam proditorem & hostem Reipublicæ
Cirsylum lapidari placuerit. pro consilio haberi
non posse, imò pro maleficio, in quo fas, ius, om-
nisque religio violatur. Sed & mirę virtutis hæc
plena indignatio ad mulieres peruenit. Nā post
quā audierunt quid Cirsylo damnationem ac
mortem attulisset, eunt, rapiūt Cirsyli vxorem,
& hanc lapidibus obruunt. Idem & de Apolloni-
de narratur apud Xenophontem, de Cyri mino-
ris expeditione lib. I I I.

DE CONSTITVTIONIBVS
PRINCIPVM, TIT. IX.

*Beneficia Principum latè esse interpretāda: sed non adeo
vt alijs quoque noceant. neque in generali beneficio
vni factō comprehendi, quod alteri specialiter an-
tea concessum est.*

I. Ex Fabio Quintiliano, lib. v. cap. x.

CVM Thebas euertisset Alexander, inuenit
tabulas quibus centū talenta mutuò Thef-
salis

salis dedisse Thebanos continebatur. Has, quia erat usus cōmilitio Theſſalorum, donauit his ultro. Poſtea reſtituti à Caſſandro, repoſcebant Thebani Theſſalos. ſe credidiſſe conſtare, & non recepiſſe. igitur res ad Amphyctionas deducta eſt. Pro Theſſalis hoc imprimis dicebatur, ea centū talēta mutua, iis ab Alexandro remiſſa ac cōdonata eſſe. ita enim videri, qui debitori chirographum reddidit, hunc liberare, atque ius etiam pignoris remittere voluiſſe. cæterum quod in hac cauſſa fecerit Alexander, id iure belli potuiſſe, quo regna, populi, fines gentiū atque urbium cōtinentur. Pro Thebanis contrā, id eos repetere quod vi ſit ablatum. nam de iure belli quod attinet, nihil id valere in eo quod in iudicium deductum eſt. Præterea quæ armis erepta ſunt, niſi armis retineri non poſſe. itaque ubi illa valeant, ibi non eſſe Iudicem: ubi iudex ſit, illa nihil valere. ſic captiuos, ſi in patriam ſuam redierūt, liberos & ingenuos eſſe: quia bello parata, non niſi eadem vi poſſideantur. Iam (vt fortius agebatur) quod ab Alexādro donatum eſt, id eiufmodi fuiſſe, quod à victore donari nō poſſit: quia id demum ſit eius, quod ipſe teneat. at ius in tabulis fuiſſe, quod incorporale eſt, nec poſſit manu apprehendi. aliam hæredis, aliam victoris conditionem eſſe: quia ad illum, ius ad hunc, res tranſeat. Ruſſis afferebatur, id creditum quo de agitur, publicum fuiſſe, non priuatorum hominum: quamobrem ius publici crediti tranſire ad victorem non potuiſſe. quia quod

populus crediderit, omnibus debeat: & quandoquidlibet vnus superfuerit, esse eum totius summæ creditorem. Thebanos autem non omnes in manu Alexandri fuisse. Quid vero amplius? si tabulæ concessæ fuerint, an quod in iis contineatur, perpetuo ac protinus concessum esse dici necesse est? nam neq; ius in tabulis versari, sed hinc, mutui peti probationem. Has potuisse Alexandrum vel decipiendi vel deponendi animo Thessalis credidisse. Denique (in quo potissima ratio consistit) si quid Thebani amiserunt, id nunc restitutione recepisse: & Cassandri beneficium latissimè interpretari oportere. Postremò rem agi apud Amphyctionas, qui nihil æquitate libentius audiunt. Sed quia dici non potest, quin omnia quæ propria essent Thebanorum, in dominium venerint Alexandri: adeò vt à Thessalis quoq; pecuniam hanc rectè suo nomine exigere potuerit: & quia certissimū est non vi, aut possliminii iure, sed indulgentia ac Principali rescripto Thebanos res suas recuperasse: idque ita à Cassandro factum esse videri, vt eius clementia ac liberalitas (quæ in aliis rebus stabat amplissima) beneficium Alexandri non impediret (si tamen beneficium dici debet, quod veluti ob causam datum est) nam cui ius antea quæsitum est, nunquam alii facta restitutio nocet, nisi sit nominatim expressum, deniq; quia falsum est, quod ciuitati debetur, singulis deberi: placuit Thessalos petitione liberari. ita enim Amphyctionas iudicasse arbitror, postquam

quam id à Quintiliano prætermisſum eſt.

Longo intervallo reſtitutione facta, poſſeſſoribus tuis præſcriptione, quid de bonis quondam eorum qui reſtituti ſunt, obſeruari debeat.

II. Ex Cicerone, lib. II. Officio. & ex Plutarcho, in Arato.

ARATVS Sicyonius cùm ſua ciuitas quinquaginta annos à tyrannis teneretur, proſectus Argis Sicyonem, clandeſtino introitu vrbe, eſt poſitus: cùmque tyrānum Nicoclem improviſò oppreſſiſſet, ſexcētos exules qui fuerant eius ciuitatis locupletiffimi, reſtituit, remque publicam aduentu ſuo liberauit. Sed cùm magnā animaduerteteret in bonis & poſſeſſionibus difficultatē, quòd & eos quos ipſe reſtituerat, quorum bona alii poſſederāt, egēre iniquiſſimum arbitrabatur: & quinquaginta annorum poſſeſſiones mouere, non nimis æquum putabat, propterea quòd tam longo ſpatio multa hæreditatibus, multa emptionibus, multa dotibus detinebantur: ſine iniuria iudicauit, neque illis adimi, neque his non ſatiſſeri, quorum illa fuerant, oportere. Cùm igitur ſtatuiſſet opus eſſe ad eam rem conſtituēdam pecuniā, Alexandriam ſe proficiſci velle dixit, remque integrā ad reditum ſuum iuſſit eſſe. iſque celeriter ad Ptolemæum ſuum hoſpitem venit, qui tum regnabat alter poſt Alexandriam conditam. qui cùm expoſuiſſet patriam ſe liberare velle, cauſamque docuiſſet: à Rege opulento vir ſummus facilè impetrauit,

vt grādi pecunia adiuuaretur. quam cū in Sicyonem attulisset, adhibuit sibi in consilium quindecim Principes, cum quibus causas cognouit, & eorum qui aliena detinebāt, & eorum qui sua amiserant: præfecitque æstimandis possessionibus, & vt persuaderent aliis vt pecuniam accipere mallent, & possessionibus cederent: aliis, vt commodius putarent numerārī sibi quod tanti esset, quā suum recuperare. Ita perfectū est, vt omnes constituta concordia sine querela discederent.

DE STATV HOMINVM
TITVLVS X.

Vt quis pro spurio habeatur, communi famæ consentiēs parentum testimonium, plurimum adferre adiumentis: postremo rem confici, si post decimum mensem natus appareat.

I. Ex Xenophonte, lib. i i i. rerum Græc. & ex AEmilio Paulo, & Plutarcho in Agefilao.

AGIS Rex Lacedæmoniorum fuit. is Agefilaum fratrem habuit. inter hunc & Leotychidem, qui se filium Agidis ex Timœa esse affirmabat, de regni successione versata est magna contētio. Dicebat Leotychides omnes præsumptiones in suam causam concurrere. filium esse, quem nuptiæ demonstrant: & vxorem ex marito credi concepisse. denique se à patre, cū moreretur, præsentibus testibus pro filio agnitum. Contrā Agefilaus fateri natum quidem Leoty-

Leotychidem Timœa matre vxore Agidis, sed ex Alcibiade: quorum vnicuique perspecta nimia familiaritas, ipsi tandem etiam Agidi eoufque suspecta fuisset, vt quandiu vixerit, Leotychidem pro filio nō haberet. Præterea & matrē quoties cū amicioribus esset, solitam eum Alcibiadē non Leotychidem appellare. Postremò, post decimum mensem quā cum marito fuisset, natū eum esse ac editum. At denuo referebat Leotychides, etiam post decimum mensem nasci legitimum partum. porro nudas & falsas parentum enuntiationes, aut ementitas professiones, licet vtrique consentiant, liberis non nocere: imò nedum iusiurandum vel trāsactionem interpositam. semper enim veritati locū superesse. At cōtrā, habere se verum & vltimum elogium patris. si quid aliter antea senserit aut dixerit, dixisse iratum. etenim vxorem neq; repudiasse, aut retinuisse alieniōre animo: & cū testamento se vt filium agnouerit, eò satis hæredem reliquisse. Denique quia claudus sit Agesilaus, regni incapacem esse ex antiquissimo oraculo, quod à Diopythe sacerdote afferebatur. Sed vbi ostēdit. Agesilaus, aut eius nomine Lyfander, qui partibus Agesilai fauebat plurimū, eum potius claudum esse, qui nothus esset: tūque reuera Lacedæmoniorum imperium claudicaturum, cū spurius, falsa Herculis proles, id occupasset: atque postremò constitit illud vltimum elogium patris, non ex certo animi iudicio profectum, sed expressum lachrymis, supplicatione

catione & obtestatione Leotychidis: Ephori pronuntiarunt, videri Leotychidem non esse filium Agidis, itaque regnum ad Agefilaum pertinere.

Oclauo, vndecimo, decimotertio mense partum nasci posse legitimum.

II. Ex Plinio, lib. v III. cap. v. & A. Gellio, lib. I I I. cap. x v I.

M V L I E R quædam in vndecimo mense post mariti mortem pepererat. accusabatur, illegitimum peperisse. nam Decemviros scripsisse, in
 ” decem mēsis gigni hominem, non in vnde-
 ” cimo. Sed cū ea fœmina bonis ac probatis moribus, neq; dubiæ pudicitie esse diceretur, Diuus Hadrianus causa cognita, requisitisque veterum philosophorum ac medicorum opinionibus (inter quos summus fuit Aristoteles) decreuit in vndecimo quoque mense partum edi posse.

III. Ex iisdem.

S E D & alibi refertur, Lucium Papyrium Præto- rem, secundo hærede lege agente, bonorum possessionem contra eum dedisse, cū mater partum se x I I I. mensibus tulisse affirmaret: quoniam nullum certum tempus pariendi statutum ei videretur. Verū hæc non faciliè ad exemplum trahi debent, & nota aut suspecta mulieris pudicitia, iuncta communi opinione, & adhibito iureiurando, multum adfert in his naturalibus rebus adiumenti.

IIII. Ex Gellio ibidem.

INFANS octauo mense natus & mortuus est. Accuratè atque sollicitè quæsitum est, num ius trium liberorū suppleuisset. Nam abortio quibusdam, non etiam partus videbatur esse mensis octauæ intempestiuitas. Atqui audeo affirmare, & hic vicisse Aristotelis sententiā.

Hermaphroditos in communi hominum vita tolerari. non oportere: & hanc Episcoporum curam esse.

V. Ex Liuiō, Deca. I I I I. lib. x I. Plinio, lib. VII. cap. I I I I I. & I I I I. Gellio, lib. I X. cap. I I I I. Iulio Obsequenti, de prodigiis. & Eusebio, lib. I I I I. de vita Constantini.

HERMAPHRODITOS, qui olim Androgyni vocabantur, in prodigiis, postea in deliciis habitos esse manifestum est. hoc postremum ideo fortasse, quòd nihil tã in eo videatur esse contra naturā, cum inter Scythas Caius Plinius scripserit, populum fuisse qui omnes Androgyni essent, vicibus inter se coeūntes: ideoque seruari cœpisse, & ex eo diiudicatos, quod in eis prævaleret. Atqui sæpissime legimus, L. Licinio Crasso, C. Cassio Longino Coss. Cassini puerū factum ex virgine sub parentibus, iussu Aruspicum deportatū in insulam desertam. S. P. Posthumio Albino, Q. Martio Philippo Coss. cum ex Vmbria nuntiatum esset, seminare inuentum duodecim ferme annos natū: id prodigium abominantes Romanos Pontifices, iussisse hunc arceri Romano agro, atque primo quoque die inter-

interfici. L. Metello, Q. Fabio Maximo Coss. Luna androgynum natum, præcepto Aruspicum in mare proiectum fuisse. Idem P. Africano, C. Fulvio Coss. cum in agro Ferentino: Cn. Domitio, C. Fannio Coss. cum in foro Vessano; L. Aurelio, & L. Cæcilio Coss. cum in agro Romano annorum octo: L. Cæcilio, L. Aurelio Coss. cum Saturne decem annorum natus: Quinto Metello, Tullio Didio Coss. inuentus esset: prætereaque decreuisse Cneo Cornelio, Lentulo, P. Licinio Crasso Coss. ut tota vrbe supplicationes fierent. Tandem etiam Constantinus Imperator lege lata, hoc tertium genus e vita tolli & auferri constituit.

De prodigioso & monstruoso partu.

VI. Ex Dionysio Halicarnasseo, lib. 1. & Iulio Obsequenti de prodigiis.

IN prodigioso partu videtur ab initio Romulus, parentum omnium & amicorum consilium desiderasse: atque ex eorum sententia omnem monstruosum & prodigiosum partum necari & abiici consueuisse. Certè L. Furio, Attilio Sarrano Coss. cum Puteolis puer ex ancilla quatuor pedibus, manibus, oculis, auribus, atque duplici obsceno natus esset, Aruspicum iussu crematus, cinisque eius in mare deiectus est. Et L. Scipione, C. Norbano Coss. in Hetruria Clusii, cum materfamilias viuum serpētem peperisset, iussu Aruspicum in profluētem deiectus, auersa aqua natuisse dicitur. At contra P. Africano, C. Ful-

uio

DE DIVISIONE RER. ET QVAL. 47
uio Coss. cum bos loquutus esset, publicè nutritus est. sed inter miracula & monstrosa multum interest.

DE DIVISIONE RERV
ET QUALITATE,

Tit. XI.

Muros violare, quia sancti sunt, capitale esse.

I. Ex Cicerone, lib. III. officio. Plinio de viris illustribus. Pomponio, lib. I. ex variis lectionibus.

ROMVLVS, vt urbem cuius imperium ei Augurio aduenerat, prius legibus quàm mœnibus stabiliret, edixerat, ne quis vallū transiliret, aut murum transcenderet: si fecerit, quia hostile & abominandum est, id ei capitale esset. Remus ipse Romuli frater cùm transiliuisset, murumque transcendere maluisset, quàm per portas egredi: iussu Regis à Fabio Celere centurione, rostro interfectus est. nam & edicto non paruisset, & muros qui sancti sunt violasse. Seuerissime iudicatum, vt ad cohibendâ in vrbe nomina vndique collectam multitudinē necesse fuit: iniquè, si cùm Romulo videretur esse vtilius, solum se quàm cum altero regnare, fratrem interemit: nec ista muri causa opposita, satis probabilis atque idonea est.

DE

DE SENATORIBVS,
TIT. XIII.

Senatores nisi in Senatum veniant, puniendos.

I. Ex Dione, lib. LIIII. & LX. Plinio Nepote, lib. IIII. epistolarum.

IAM olim pignoribus captis Senatores in Curiam venire cogebantur. Octavius item Augustus, ac Caius Caligula, iis qui tardius absque verisimili causa venissent, maiorem quam antea multam proposuerunt. Denique sub Traiano cum quidam Senator cessauisset in Senatum venire, Prætor Licinius Nepos ei multam indixit: quæ tamen innumeris postea deprecationibus à Prætore remissa est.

DE OFFICIO TRIBVNIPLE-
BIS, TIT. XIII.

Violari posse magistratum, qui auctoritate sua atque religione ad seditionem abutitur.

Ex Dione, lib. XL.

ET SI Tribunus plebis sacrosanctus erat, plusque in impediendo & intercedendo, quam aliquid aliud in vrbe posset: tamen cum Q. Pompeius Rufus ne comitia Consulum fierent, magis seditioso animo, & studio Cæsarianarum partium, quam quod est Republica & vtilitate Populi Romani id esse persuaderet, impedire videretur: decreto Senatus in carcerem coniectus est.

DE

DE OFFICIO PRAEFECTI
VIGILVM, TIT. XV.

Negligentiam in ijs quæ ad summam Reipublicæ pertinent, capitalem esse.

I. Ex Valerio Maximo, lib. v i i i. cap. i.

M. MILITIVS, Cneus Lolius, L. Sextilius Triumviri nocturni, cum incēdii arcendī causa, quod Romæ in Sacra via exortum esset, cum haniis & dolabris, omnique familiā publica euocati, tardius aduenissent: à Tribunoplebis die dicta ad Populum, damnati sunt. Idem ferè apud nos Senatus Parisiensis iudicio (cui nunc tu præes Thuane amplissime) nuper Gabastoni Præfecto vigilum accidit: cum vocatus ad sedandam scholarium de suo prato seditionem, non venisset. Nam indignum esse, qui ab omnibus aliis muneribus excusatur, vt incumbat & excubet vni salutis Reipublicæ: in tantā necessitate, vbi minima mora summi momenti est, segnem, tardum ac negligentem se præstare, aut (quod minus etiam ferendum est) contumacem.

II. Ex eodem loco.

PVBILIVS Bilius quoque Triumvir nocturnus, à P. Aquilio Tribunoplebis (nam hæc cura ad AEdiles Tribunosque plebis etiam pertinebat) accusatus, Populi iudicio concidit, ob id quod vigilias negligētius circūierat. Nam quod leue sit in aliis rebus, hoc in istis, vt in re militari, capitale esse. quia puncto saepe temporis, maxime

ximarum rerum occasiones amittuntur : neque in huiusmodi bis errare fas est, aut dicere, Non putabam.

DE OFFICIO PRAESIDIS,
TIT. XVI.

*Esse cuique magistratui suos honores, quos ambitiose
excedere crimen est.*

I. Ex Dione Nicæo, lib. XLIII.

ABSENS Iulius Cæsar Dictator, curâ Urbis Lepido Magistro Equitum, Præfectisque Urbis mādauerat. Præfecti, lictores, vestem ac sedem Curulem vsurpauerant. quo nomine accusati, ideo absoluti sunt, quòd horum insignium vsus iis magistratibus permetteretur, qui à Dictatore creati atque ordinati essent. Sed & quod in ea re admiserint, non tam id fecisse viderentur quasi Præfectorū loco, quàm pro Magistris Equitum : ideo quia Cæsar eos in Urbe, pari potestate, itaque & honore, esse cum Lepido voluisset.

Hunc Praesidem tolerari non conuenire, qui ea sibi arrogat quæ solo Principi debentur : & istud esse affectati regni argumentum.

II. Ex eodem, lib. LIII.

CORNELIVS Gallus, in his honoribus qui ei ab Augusto deferebantur, secus ac faceret Agrippa, insolentius se gerebat. Hoc nomine mul

ta

ta sceleratè atque flagitiosè perpetrabat: statuas in Aegypti Prouincia sibi collocari: pyramides quibus acta sua continerentur, erigi partiebatur. His de causis accusatus à Valerio Largo, cum Augustus ipse cognosceret, ignominia notatus est, prohibuitque Cæsar ne denuo Prouinciam obtineret.

Vetari Præsides à Prouincialibus munera accipere: & quatenus quis in officio locupletior factus sit, hoc videri sordibus acquisisse.

II. Ex eodem, lib. l x.

QV I D A M Præfectus Prouinciæ, contrà quàm mandatis continetur, ne donum vel munus ipse aliufve qui in officio erit, accipiat emátve quid nisi victus quotidiani causa: à Prouincialibus munera acceperat. Is eo nomine apud Claudiũ Imperatorem accusatus, exilio multatus est. amplius etiam bona omnia quæ is Præfecturæ tẽpore acquisiuisset, in publicum rēdacta sunt. Et quod antea constitutum erat, nè vlli statim vnũ post alterum imperium mandaretur, Claudius edicto renouauit: ideo certè, ne delicta potestatibus imperiisque aut protectionibus continuis impunita remanerent.

Qui sibi delinquendi viam præcludi non vult, hunc iam videri deliquisse: & ab officio remouendum.

III. Ex Xiphillino in Commodo.

V I C T O R I N V S cum Germaniæ præesset, co-
d 2 natuſ

natus est domi, semotis arbitris, Legato suo persuadere, ne se pecunia corrumpi sineret. cumque ille non impetraret, ad Tribunal venit, iurat se nunquam ulla munera accepisse, neque quâdiu viueret, accepturum. mox idem præcipit Legato, vt simili sacramento se obstringeret. Conditionem recusauit. eum itaq; officio iussit abdicari.

DE OFFICIO PROCURATORIS CAESARIS VEL
Rationalis, Tit. xvi.

Minores magistratus, maiorum insignia usurpare non debere: cum id maxime sine Populi vexatione accipere non possit.

I. Ex Cornelio Tacito, lib. iiii. & Dione, lib. lvi.

PROCURATORVM Caesaris hoc munus fuit maximum, vt res, pecunias, colonos, seruitia, redditusque Principis locarent, curarent, exigerent. si controuersia nasceretur, hanc legibus atque citra imperii formam dirimerent. Itaque cum Lucilius Capito Procurator Asiae sub Tiberio, Principe, apud Senatum à Prouincialibus accusatus esset, vim eum Prætoris usurpasse, ac militum manu ad comitatum usum esse; conuictus in exilium actus est. Visum est enim aliquid in eo affectati Imperii, aut grauioris insolentiae fuisse: qui nec quidem vetante lege, cupiditatem suam ac studium immoderatum cohibere potuerit.

DE

DE IN IUS VOCANDO,
TIT. XVIII.

Quod dicitur, Tribunum plebis maioremve Magistratum in ius vocari non posse: locum non habere, si sua maiestate ad calumniam manifestò uti videantur. Præterea non certe parem, sed plures pares in unum parem, habere potestatem.

I. Ex Valerio Maximo, lib. v r. cap. v.

CVM L. Cotta Tribunus plebis fiducia sacrosanctæ potestatis, creditoribus suis nollet satisfacere: decrevit collegium Tribunorum, ut si neque solueret pecuniam, neque daret cum quo sponsio fieret, appellantis se creditoribus auxilio futurum. Quia profecto sit iniquissimum, maiestatem publicam priuatę perfidię obtentui esse, indeque iniuriam nasci, unde ius maxime reddi oporteret. Itaque Lucium Cottam in Tribunatu quasi in aliquo sacrario latetem, extraxit hinc Tribunitia iustitia.

Quæstorem, minorem Magistratum esse, ideoque in ius sine fraude vocari posse. Et qui maiores, qui minores sint Magistratus.

II. Ex A. Gellio, lib. x i i r. cap. x i i r.

CVM quærebatur, an aliquis qui Quæstor esset, in ius à priuato vocari posset: ac multis videretur, non posse: neque ius vocationis in eum

Prætori esse, quoniam Magistratus Populi Romani sit: ideóque nec vocari, nec si venire nolit, capi aut præhendi salua ipsius Magistratus Populique Romani maiestate, posse. Gellio contra, non quoslibet Magistratus sine fraude vocare non licere: sed eos duntaxat, qui imperium habent, & qui coercere aliquem possunt, & iubere in carcerem duci. Aliter de minoribus Magistratibus qui sine imperio aut sine potestate sunt: qui neque vocatione neque præhensionem habent: qui non in sellis curulibus nec tribunalibus, sed in subselliis duntaxat iudicia exercent. Huiusmodi Quæstoré esse, quia nec lictoré nec viatorem habeat. Idem ergo Gellius cum auctoritatem M. Varronis attulisset, Marcique Leuini AEdilis Curulis exemplum, qui à priuato in ius ad Quæstorem deductus esset: fecit vt pronuntiaretur, Quæstorem videri sine fraude in ius ad Prætorem vocari posse.

DE POSTVLANDO,
TIT. XIX.

Aduocatam non debere susceptum patrociniū deferre. & an aduocationes venire debeant. ius quoque nundinarū, à Senatu aut à Principe impetrandum.

I. Ex Plinio Nepote, lib. v. epistolarum.

QUIDAM vir Prætorius, à Senatu petierat, vt sibi instituere in agris suis nundinas permetteretur. At cum primò Legatis Veicetinorum contradicentibus Tuscilius Nominatus

minatus adfuisset, atque dilata causa esset: proximo Senatu venerat quidem paratus ad agendum: sed repētē abierat deserta & destituta aduocatione. Itaque cū Veicetini sine Aduocato intrassent, questi sunt, prauaricari Aduocatum: se deceptos ac proditos esse. Interrogati à Senatu num alium docuissent, & an eis Nominatus antea gratis adfuisset: responderunt, neq; se Aduocatum alium intercessionis suæ docuisse: & eum sex millibus nummū antea sibi adfuisse: nunc etiam vt denuo ageret, ei mille numerasse denarios. Itaque Nominatum introduci placuit. Respondit, non fidem sibi in Aduocatione, sed constantiam defuisse: descendisse vt ageret, ideoq; se ab omnibus visum esse in Curia: sed amicorū sermonibus perterritum, discessisse: monitum ne desiderio Senatoris, non iam quasi de nundinis, sed de gratia, fama, dignitate certantis, adeo pertinaciter, præsertim in Senatu, repugnaret, si muneri necessario operam dare non perseuerasset, id se humanitate & precibus; non precio, pactione, aut denique dolo malo commisisse, quò ei aduocationibus interdici debeat. Pronūciatum est, Videri melius quidē Nominatum fuisse facturum, si causam Veicetinorum eodem animo quo susceperat, pertulisset. quia tamen in hoc genus culpæ non fraude incidisset, nihilque dignum animaduersione commisisse argueretur, liberandū esse, ita vt Veicetinis, quod acceperat, redderet. Postea quoq; agitatum est de renouandis veteribus Senatuf-

sultis, quibus vñire Aduocationes prohibebantur, sensitumque esset, omnes qui quid negotii haberent, iurare prius quàm agerent, nihil se ob Aduocationem cuiquam dedisse, cauisse, promississe: sed peractis demum negotiis, permittebatur pecuniam duntaxat decem millium dare. Verum hoc ad Principem reiici placuit, quia lex antiqua iam communi malo vinceretur.

Qui de quota litis siue suo siue alieno nomine pactus erit, huic Aduocationibus interdici.

II. Ex Vlpiano, lib. xxxi. ad edictum tit. mandati.

MARIUS Paulus Aduocatus fideiusserat iudicatum solui pro Daphnide cliente suo, mercedem pactus ob fideiussione: & callidè sub nomine alterius, ex euentu litis cauerat sibi certam quantitatem dari, quæ illius à se mercedis pactæ loco cederet. De hac redemptione atque pacto de quota litis, cum Claudio Saturnino Prætori constitisset: quia contra bonos mores est, & in procuratore aut Aduocato certe magis periculosa, ne salariis in spem victoriæ constitutis, non ex fide bona, sed calumniis & malis artibus litem procurent: Mario Paulo Aduocationibus interdixit. Sed neque propter eius calliditatem mandati actionem cum habiturnum pro iudicato, à Diuis fratribus rescriptum est. quanquam ex Marcelli sententia, alii quàm procuratori aut Aduocato, pecunia accepta, non etiam pacto de
quota

quota litis interueniente, fideiussisse, non noceret.

QVOD CVIVSQUE VNI-
VERSITATIS NOMINE, VEL

contra eam agetur. Tit. x x.

Diuisis partibus ciuitatis, quod interim es alienum ab altera contrahitur, si denuo coalescant, ab omnibus agnosci oportere.

I. Ex Isocrate, in Arcopagitico, Xenophonte, lib. i i. rerum Græcarum. A Emilio Probo, in Thraſybulò, & Iustino, lib. v.

POST QUAM exules reuerſi e Piræo, urbem eiectis Tyrannis recuperarunt, id imprimis Populo Athenienſi curæ fuit, vt nocentiſſimi quique de medio tollerentur. in reliquos ſane ſancita lex eſt *αὐτὴ ἀμυντική*. Deinde quantum ad eos attinet, quorum à Tyrannis pecuniæ publicatæ eſſent, iis ager publicè datus eſt. Sed & poſtremò de iis pecuniis (centum erant talèta) quæri placuit, quas ii mutuati eſſent à Lacedæmoniis, qui dum ſeruire mallent, quàm ſua perdere, in vrbe remanſerant. Ergo indiſta concione de reddèda pecunia, cùm multis æquum eſſe videretur, vt hi Lacedæmoniis ſatisfacerèt, qui mutuò ſumpſiſſent, nō vt in cōmunem vtilitatē vterètur, ſed qui bellū gererent aduerſus Rempublicam, quæ ſane tum in Piræo fuit, non Athenis. Populus tamen ſapiētīſſimè ſciuit, cùm vitādæ nouæ ſeditionis cauſſa, tum quia certum eſſet

certum esset, si non ab his aut illis, at profecto ab Atheniensibus atque nomine publico sumptam esse pecuniam, vt id æs omnium commune esset.

DE MINORIBVS, TIT.

XXI.

Si venditor cum maiore xxv. annis venditione celebrata, beneficio legis commissoria à qua sub minore recesserat, alij fundum vendiderit: minori tam aduersus venditorem, quàm secundum illum emptorem, restitutionem competere.

I. Ex Paulo, lib. i. decretorum hoc tit.

AEMILIUS Larianus ab Ouinio fundum Puteolanum lege commissoria emerat, data parte pecuniæ: ita vt si intra duos menses ab emptione, reliqui precii partem dimidiam non soluisset, inemptus esset. item si intra duos alios menses reliquum precium non numerasset, similiter esset inemptus. Intra priores duos menses Lauinio defuncto Rutiliana pupillaris ætatis successerat, cuius tutores in solutione cessaerunt. Venditor denuntiationibus tutoribus sæpe datis ante & post diem, quo placuerat esse commissum, post annum eadem possessionem Claudio Telemacho vendiderat. Pupilla acceptis aliis tutoribus, quod primi vt suspecti remoti essent, in integrum restitui desiderabat aduersus & Ouinium & Telemachum. Victa tam apud
Præto-

Prætorem, quàm apud Præfectum vrbi, ad Imperatorem prouocauerat. Dicebatur benè iudicatum, quòd pater pupillæ, non ipsa cõtraxisset. nec mouere quòd dies committendi in tempus pupillæ inciderat, eaque efficisse videretur, ne obediret legi venditionis: non magis quàm si creditor pignus distraxisset post mortem debitoris, in tempus pupilli hæredis aie solutionis finita. Sed cum tutores e contrario dicerent, venditorem denunziando post diem commissoriae legi præstitutum, & præcium petendo, a lege sua recessisse; ideoque variare & ad hanc redire non potuisse: cùm etiam alioqui lex cõmissoria Imperatori Alexandro displiceret: præterea quoque moueretur, quòd priores tutores qui nõ restitui desiderassent, suspecti pronuntiati erant: ex Iulii Pauli aliorumque Iuriscõsultorum sententia, qui ei in consilio aderant, pronuntiauit, Rutilianam in integrum restituendam.

DE IUDICIIS, ET VBI QVIS-
QVE AGERE VEL CONVENI-
ri debeat, Tit. xxii.

Vllusne vnquam Iudex rem sibi adiudicare possit, de qua apud eum lis iudiciumque est.

I. Ex Dionysio Halicarnassco, lib. xi. & Tito Liuiio, Deca. i. lib. iiii. & iiii.

ARICINI atque Ardeates de ambiguo agro cùm sæpius bello certauissent, multis inuicem

inuicem cladibus fessi, iudicem Populū Romanum acceperunt. Cū ad causam orandam venissent, concilio populi à Magistratibus dato, magna contentione res acta est. Editi testes vtrinque: ac iam ineunda erant suffragia, cū repente denuntiante Septitio quodam, aliisque argumentis verissimè apparuit, neque Aricinorum neque Ardeatium agrum esse, quo de agitur: sed finium Coriolanorum fuisse, captisque Coriolis, olim iure belli publicum Populi Romani factum. De hac re cū eos Populus Rom. interrogasset, nihil responderunt: vt hac sua taciturnitate de iure suo diffidere viderentur. Sed id modò indignè ferebant: minimeq; etiam honesti exempli Consules esse arbitrabantur, vt cuius rei Populus Rom. iudex atque arbiter inter alios sumptus cognitionem suscepisset, hanc in suam rem verteret: neque vnquam antea rem à possessoribus vindicatam, nunc ereptam litigatoribus, sibi adiudicare vellet. Quem hoc priuatæ rei Iudicem facturum? an Populum Rom. quadruplatoris & interceptoris litis alienæ, non Iudicis personam laturū? At ex contrario, populus Rom. stultissimum aiebat esse, sinere quæ sua sunt, ab aliis ita iniquè occupari. Præterea iurasse se, quorumcunque agrum litigiosum esse inuenisset, hūc eis adiudicaturum. Nunc igitur cū vel ipsa confessione litigantium manifestum sit, neq; Aricinorum neque Ardeatium, sed Populi Romani esse: hunc pro sua religione videri ad Populum Rem. pertinere, pronuntiare posse,

posse. Aliam sui, aliam Iudicis priuati rationem esse. sæpissime animaduersum, Reges, Imperatores, eosue penes quos omnis esset maiestas & auctoritas, in sua causâ iudicâtes sedisse ac pronuntiasse. Denique dignissimos Ardeates atq; Aricinos esse, qui tale iudicium ferant. quod ad se verò attinet, indignissimum, si inani pudore suam ipsi rem & causâ prodiderint, damnauerint. Sic enim reos agere voluisse, vt quem agrû horû aut illorum esse iuratus Populus Ro. pronuntiasset, hunc nulla deinceps agendi ratione vindicare posset: quia aliis adiudicando, à se abiudicasse videretur. Itaq; vocatæ Tribus, iudicarunt omnes, agrum publicû Populi Rom. esse. Et proculdubio, si postquam Populus Rom. rem didicit ad se quoq; pertinere, cum vt inter alios non vt de sua causâ suffragium ferret, acceptus erat, iudicâdi partes reliquisset, omnino id quidem æquius fuisset atque honestius. Verùm quia secundum Populum Rom. idem pronuntiatum esset, si alii Iudices cognouissent: non tam iniquum aut infame iudiciû illud fuisse existimo, quàm huiusmodi, vt facilè ad exemplum trahi non debeat. Sane de iudicii iniquitate querentibus Ardeatibus, respondit Sænatus, iudicium Populi Romani rescindi non posse. Nihilominus tamen huius inuidiæ leuandę causâ, retinendisque sociorum animis, apud quos fide vti satius est, quàm interdum plus nimio iuris sui atque cõmodorum suorum meminisse: (nam cum rem priuatam agimus, æque magnam vtilitatis atq; iustitiæ

iustitiæ rationem haberi posse: at cùm res communes Sociorumve tractâtur, honestas quoque seruanda est: ita rem Senatus moderatus est, vt nec iudicium Populi rescindere videretur (quia res semel iudicata pro veritate habenda est: itēque vitāda erat Ordinum discordia) & ager tamē ad Ardeates rediret. Id Senatus adeptus est, titulo deducendæ coloniæ: in qua obseruaretur veluti ex tacito Senatusconsulto, vt nullum alium agrum diuiderent, quā qui supradictō iudicio Populo Rom. mancipatus esset: nec quid vlli pri⁹ Romano ciuī glebæ assignaretur, quā omnibus Rutulis ager diuisus esset. Quinti certe Fabii Labeonis iudicium de finibus inter Nolanos & Neapolitanos, non ita æque defendi potest: neque illud Philippi Macedonum Regis, de quo Paulus Orosius, lib. III. cap. XII.

Missus in Prouinciam magistratus, siue iniuria affectus sit, siue ipse affecerit, rem ad Senatum reuocari oportet. vel sic: De causis inter Præsidem & Prouinciales, non in Prouincia, sed in Vrbe disceptari debet.

II. Ex Cicerone, Verrina III.

SI IN Prouincia Proconsul, Legatus, Præses, Quæstor, aliūve magistratus Populi Romani iniuriam à Prouincialibus accepisset, aut eis contrā intulisset: querela Romam deferrebatur, eratque Senatus de hac re iudicium, frustra omni opposita à Prouincialibus fori præscriptione: vt in causā M. Aurelii Scauri iudicatum est.

Nam

Nam eo postulante, quòd is Ephesi se Quæstor-
rem vi prohibitum esse dicebat, quo minus è fa-
no Dianæ seruū suum, qui in illud asylum con-
fugisset, abduceret: Pericles Ephesius homo no-
bilissimus Romam euocatus est, quòd auctor in-
iuriæ illius esse diceretur.

DE INOFFICIOSO TE-
STAMENTO, TIT. XXIII.

*Et filio adoptiuo querelam dari aduersus testamentum
patris naturalis.*

I. Ex Valerio Maximo, lib. v i i. cap. v i i.

M.A N C V S Carseolanus, cū Suffenati fi-
lium suum dedisset in adopcionem, testa-
mentum fecit. Tullianum Pompeii Magni fami-
liarem, L. Sextilium & P. Popilium ei sanguine
coniunctos, hæredes, filio præterito, instituit.
Filius apud Centumviros, quos hæredes pater
nuncupasset prouocauit sacramento, Si non,,
testamentum Carseolani patris inofficiosum ef-
fet: quia se immerentem, ideoque indignè præ-
teriisset. Lucius Sextilius, & P. Popilius non,,
sunt ausi contendere. Tullianus spopondit, fi-
sus cū aliis rationibus, tum etiam Pópeii Ma-
gni auctoritate & opibus, qui præsertim & in eo-
dem testamento signauerat. Dicebat, iure filium
præteritum: quia tantum abest, vt tēpore mortis
in patris potestate esset, vt non etiam in eius fa-
milia fuerit. nam in Suffenatis auunculi familiā
transiisse.

transiſſe. Vt pater, filio dato in adoptionē, perdit omnia iura patris naturalis, vitæ, necis, ſuccedēdi & acquirendi poteſtatem: ita filiū in bonis patris naturalis omnia iura amittere. Quid enim? in aliud nomen, aliud imperium, alia ſacra, aliā gentem atque familiam tranſiſſe: maximè quia ſe auunculo adoptandum dederit, in quem naturalia & ciuilia iura concurrunt. Legem, naturam imitari. atqui naturā neminem duorum filium eſſe poſſe: itaque nec duobus patrum loco ſuccedere. Potuiſſe petitem, cū daretur in adoptionem, contradicere. quando id non fecerit, patriæ ſucceſſioni videri renūtiāſſe. At filius contrā: dicebat arctiſſimū eſſe inter homines procreationis vinculum. nunquā ſic adoptione filium patris naturalis, filium eſſe deſinere, quin ſemper ſit potior veritatis & naturæ, quā fictionis legisve cauſſa, ratio atque conditio. Patrem & filium nexu diuino copulari: at nihil adoptione fragilius eſſe. eundē poſſe vno die & filium fieri & extraneū, ſi ſtatim emancipatio acceſſerit. Quid de eo tum fiet, ſi neque ad hereditatē patris quodā adoptiui, neq; naturalis admittatur? Sane quòd ſit in alterius poteſtate per adoptionem, id eo bonum eſſe, quò ſe præterito, teſtamentum patris, ipſo iure, nullius momenti eſſe dici non valeat: non vt querelam etiam inofficioſi non habeat. De inofficioſo teſtamento agi hoc colore, quaſi non ex officio pietatis fecerit teſtamentum. at certe pietatem aliaque inſeparabilia iura per adoptionem non tranſiſſe.

se. Igitur qui adoptat⁹ patri naturali pietatem, reuerentiam debuit conseruare (nec cum enim sine permissu in ius vocat) eandem pietatem à patre naturali expectare debuiffe : qua cùm testamentum deficitur, iure Tullianum defici. Centumviri secundum filium pronuntiarunt.

Liberi, aduersus testamentum matris ; querelam inofficiosi competere. Porro quæcunque odio liberorum, in secundum maritum cõtulerit, ea merito renocari.

II. Ex eodem, ibidem.

SEPTITIA mater Trachalorum Ariminensium, infenso erga filios animo, atque in eorum cõtumeliam, cùm iam parere non posset, Publio etiam seni ac decrepito nupsit : eaque si in matrimonio moriatur, actum est, vt dos apud maritum remaneret. Eundem moriens, vtroque filio præterito, heredem instituerat. Filii Diuum Augustum adierunt. querelam deferunt & de nuptiis matris, & de illius supremo & inofficioso iudicio. Iniquum esse, dotem à Publio, & si hæres non sit, ex eo matrimonio retineri, quod non creandorum liberorum causa intercesserit : sed in suam necem, ac solam defuncti mariti contumeliam, Esse & aliquam nubentium pudicitiam : satisque esse oportere, si dos intelligatur ex secundis nuptiis, non vt etiam (quando certè inhonestæ sunt, licet legitimæ) ex iis lucrum capi, captari atque expectari debeat. Quod ad hæreditatem attinet, profecto iniquè se præteritos :

tos: neque se commisisse, cur eos exhæredâdi vllam causam habuerit. Augustus indignatione motus, quòd eos mater sine causâ spreuisset, quos genuerat: quòd effœta de secundis nuptiis cogitasset, quæ genus quoddam sed honestioris adulterii dici possunt: quòd testamenti ordinem violento & hostili animo confudisset, neq; erubisset ei totum patrimonium addicere, cuius polluto iam corpori marcidam senectutẽ prostituisset: vtrũque, & nuptias mulieris, & suprema iudicia improbauit. hæreditatem maternam filios habere iussit: dotem ex pacto retinere vetuit.

An etiam pro ea parte rescindi possit testamentum patris, in qua liberis præteritis aut exhæredatis superinductam nouercam instituit. Esse cõtrouersias, quas indecisas relinque reinterdum optima decisio est.

III. Ex Plinio Nepote, lib. v. epistolarum.

ACCIA Variola splendide nata, atque nupta Prætorio viro, cum exhæredata esset ab octogenario patre intra vndecim dies, quàm ille nouercam ei amore captus induxerat: nouerca ex sexta parte, Suburrano ex reliqua institutis: Quadruplici iudicio bona paterna repetebat. Sedebant magna cum expectatione patrum, filiarum, nouercarum omnium, Iudices centum & octoginta (tot enim, vbi quatuor simul consilia iudicaret, conscribebantur) Pro Variola dicebatur, non esse consentiendum patribus, qui iniuriam

furiam aduersus liberos suos testamento inducunt. manifestum esse, hoc testamentum non à libera mente, voluntate, certoque animi iudicio profectum: sed ab eo qui nouercalibus delinimentis, instigationibus, ac malitiosis blāditiis officiorum corruptus esset. Verè dici posse, à nouerca maritum prohibitum, quo minus aliter testaretur. quid enim tā noui accidisse, cur post vndecim dies pater omnem naturalē affectum ita cito exueret? Nec quidem probandas eas nuptias, quæ non liberorum quærendorum, sed libidinis causa paratæ essent. Certè non ferendū, vt Suburranus qui ipse à patre exhæredatus esset, non ausus paterna petere, aliena vindicet. Contrà, pro nouerca dicebatur: non eam turpeni personam esse, vt nihil à marito capere possit. Secundas nuptias permitti legibus. ceterū coniugali sermone, amore & obsequio iudiciū mariti prouocare, non esse prohibitum. Filiam nihil habere quod conqueri possit, nam eam à patre optinè atque honorificè dotatam & collocatam esse. atqui dotem & de inofficioso actionem excludere. Ea ætate patrem, non tam (vt dicitur) amore, quàm tacito quodam odio filiæ, atque iusta indignatione, ad secundas nuptias conuolasse. Id debere tribui patribus, vt si senectutem suam à liberis contemni percipiant: legitimis his modis potius maiestatem suam tueantur, quàm imperio aut animaduersione. Nouercam ex solo sextante institutam: vt videri non possit, solius nouercæ delinimentis & commo-

do filiam exhæredatam à patre: quare non esse admittédum, vt aduersus nouercam Variola audiatur agendo de inofficioso. sufficere, si ab extraneo reliquæ partes vindicentur. Secutus est varius euentus: Variola duobus consiliis vicit, totidem victa est. certè Suburranus succubuit. De Variola id non casu factum esse dicitur, sed ne quid prærogatiuæ in tanta iudicii expectatione, pro quo omnes in vrbe patres, filiæ, nouercæ laborabāt, vni potius quam alteri tribueretur: atque re iudicio transacta, plures in eam partem inducerentur, quam sententiis suis Iudices approbassent.

In infantem nullas posse cadere exhæredationis causas, cumque filium esse videri, qui in matrimonio natus, domi vt filius educatus est.

IIII. Ex Valerio Maximo, lib. VII. cap. VII.

CVM infans nihil committere possit dignum exhæredatione, merito Diuus Augustus Caium Tectium infanté á Tectio patre exhæredatum, in bona paterna, rescisso testamento, ire decreuit. Sed neque de statu filii post mortem patris queri passus est, quem Petronia matre, quam Tectius pater quoad vixit, in matrimonio habuerat, natú, velut in proprio iure, & ab iis u-m tuò educatum esse apparebat.

Parentibus quoque inofficiis querelam competere aduersus testamenta liberorum, licet non in potestate sint.

V. Ex eodem, ibidem.

ET SI parentibus non debeatur filiorum hæreditas, propter parétum commune votum, & naturalem erga filios charitatem: turbato tamen ordine mortalitatis, non minus parétibus, quàm liberis piè relinqui debet. Parentes ad bona liberorù, ratio miserationis admittit, patria maiestas, donum vitæ, beneficium educationis: liberos, sola natura. Itaque & parêtes, filiorum testamenta de inofficioso accusant. Ideo motus C. Calpurnius Piso Præfectus Vrbi, cùm ad eum Terentius, ex octo filiis quos in adolescentiam perduxerat, ab vno in adoptionem dato & emancipato exhæredatum se, querelam detulisset: filii bonorum possessionem Terentio dedit: hæredes lege agere non permisit. Mouit eum quoque circumstantium liberorum numerus, quòd vnà cum patre septem fratres exhæredatos impiè cerneret.

 SI QVADRVPE\$ PAVPERIEM FECISSE DICATVR.

Tit. xxiiii.

Pænas pertinere ad exemplum: ideoque leges in brutis etiam & rebus inanimis exempla edere.

I. Ex Mose, in Exodo cap. xxi. & xxii. Platone, lib. ix. de legibus. AEschine, còtra Ctesiphontem. Iosepho, lib. iiii. cap. vlti. Plinio, lib. xxi. cap. iiii.

CVM omnis pœna non tam ad delictum pertineat, quàm ad exemplum: id etiam obseruari non in hominibus duntaxat, qui iniuria: aut brutis animantibus, quæ impetu: verùm etiam in rebus inanimis, quæ pondere officiunt, mirum videri non debet. Itaque legimus & anseres Romæ ob conseruatum Capitolium præmio affici: & canes, quòd non latrassent, veluti si id ob perfidiam atque per proditionem fecisse videretur, supplicia annua viuos in furca sambucea arbore fixos pependisse. Athenis, ligna, lapides, ferrum, quòd hominem delapsa occidissent, exterminata esse. Nec id solùm in administratione Reip. obseruatum est: verùm & in libris ac præceptis Philosophorum reperitur, atque adeo in libris sacris: cùm maxime ob rei memoriã, tum vt eo magis homines à talibus arceantur, quæ animaduenterent in brutis quoque animalibus & rebus inanimis non tam certè vindicari, quàm omnibus rationibus expiari.

A D L E G E M A Q V I L I A M,
T I T. X X V.

Dammum ita allatum brutis animantibus, vt cum nullo quàm nocendi studio, ledantur etiam vtilitates humane societatis, in puero quoque capitale esse.

I. Ex Fabio Quintiliano, lib. v. cap. ix.

SOLON legislator Atheniensiu, Arcopagitas instituit, quorum consilio leges ac maiorum instituta

instituta seruarentur. In hoc cōsiliū publicū
 admittebantur Prætorii viri dūtaxat, & qui an-
 tea fuissent (vt agnoscatur Græci magistratus ap-
 pellatio) ἀρχοῖς. neque item eò adoptabantur
 omnes sine delectu: sed quorum virtus, fides, at-
 que integritas in rebus gerendis, administranda
 Republica, iurēque dicundo, cui libet ciui cogni-
 ta esset ac perspecta. Nempe tam celebris Se-
 natus tandiu floruit auctoritas, donec eam E-
 phialtes ac Pericles, vt in eo soli omnia possēt,
 imminuerunt: videlicet imprimis, Senatoribus
 statuentes iudiciorum mercedem: postea quoq;
 violantes omnem illius honoris adipiscēdi gra-
 dum, vtī sua quidem gratia & opibus ad hoc fa-
 stigium adducti Areopagitæ, iam ex eorū nutu,
 voto & arbitrio agerent, transigerent, iudicārēt
 omnia. Scilicet absit vt hoc de nostris propē tē-
 poribus dici possit: quasi in his (opinor) aliqua
 soleret esse magistratuum iudiciorumq; auctio,
 licitatio ac nundinatio: sintque nonnulli magis
 à libertis mancipiisque aulicis atque domesti-
 cis, quàm à summo optimoque Principe ac pa-
 trefamilias instituti: aut non etiam illa nostra
 calamitosissima tempora suum Periclem & E-
 phialtem simul habuerint, quos id pugnare vi-
 dimus, ac inuicem quasi de triumpho contende-
 re, vter sibi deuotos atque dedititios plures in
 Senatum obtruderet, vt percussores ad homici-
 dia, sic leguleos infames ad iudicia sibi accom-
 modatos. an hi legem ideo non metuunt, quia
 lege creati non sunt? Verū ad Areopagitarum

decreta veniamus. Puër quidã capitis postulatus est hoc nomine, quòd inuentus esset oculos coturnicum omnium eruens, quas posset apprehendere. Excusationem ætatis reus primò affectabat. in puerorum delictis, pro innocentia imprudentiã esse. tum vt aliquam pœnam mereatur, hoc certè crudele esse, vel brutorũ animantium mortem, hominis morte vindicari. deniq; vt talione res agatur, oculos ei non vitam eripi oportere. Attamen omniũ Areopagitarum iudicio damnatus est, quòd signi id eis esse videretur perniciosissimæ mentis, multisque malo futuræ si adoleuisset. Non aliã ob causam Spurr̃i Melii Marcique Manlii popularitatem (vt Quintilianus ait) signum affectati regni existimatam esse.

Qui animal intercipit, quo alius ad quæstum vitur, meritò multandus est.

II. Ex Plinio Secundo, lib. i x. cap. l i x.

P r i s c i s est, quem Anthiam appellant. horum nulli omnino capi possunt, nisi vnum ex ipso genere piscator sibi longa intentione atque diligenti cõcilauerit, quo veluti duce ad capturam aliorum vti possit. Itaque auctorem hunc spei & socium insidiarum nosse, ad hoc prodest, ne capiatur: & ideo huic vni parcitur, ne occiso eo, ratio prædæ amittatur. At ferunt discordem socium malefica voluntate, ducem hunc pulchrè sibi aliisq; notum, clam socio cepisse, & in macellum

cellum attulisse. Ibi cùm ab eo agnitus esset, cuius iniuria erat, socio Damni dati formulam edidisse: atque ob id à Iudicibus, decem libris lite æstimata, condemnatum. Nam & cum in publicam annonam dolo malo deliquisse: & sine vllò suo commodo nimis inuidè & malitiosè, alii, nisi vt noceret, solùm nocuisse.

Posse quem dolo malo eiusmodi animal occidisse, vt ipse mortem mereatur.

III. Ex eodem, lib. x. cap. XLII.

TYBERIO Principe, M. Seruilio, C. Sestio Coss. ex fœtu corui supra ædem Castoris & Pollucis, in oppositam sutrinam pullus deuolauerat: quo nomine veluti religionis ergò cõmendabatur officinæ dominus. Maturè sermoni coruus assuefactus, omnibus matutinis horis euolans in rostra ad forum versus, Tyberium, deinde Germanicum & Drusum Cæsares nominatim, mox transeuntem Populum Rom. salutabat: postea ad tabernam rediens, mirus hoc pluriū annorum assiduo officio. Hunc æmulatione vicinitatis, manceps proximæ sutrinæ exanimauerat. Verùm quia id subita iracundia fecisse videri voluit, excremētis istius corui, calceis suis impositâ macula, res coram Iudicibus de facili transacta est. Sed Populum Ro. tanta indignatio cepit, consternatióque inuasit, vt primò pulsus ex ea regione manceps, mox quoque ideo interfectus sit denique funus etiam aliti publicè celebrata-

lebratum. Adeo mirum hoc ingenium auis, iuxta causa exequiarum supplicique de homine ac ciue, Populo Romano esse uila est.

FAMILIAE ERCISCVNDAE.

TIT. XXVI.

Quæ res hoc iudicio diuidi non potest, quales sunt liberti, ea ut diuisa maneat, nec consensu partium, nec auctoritate rei iudicata, nec longo tempore effici posse.

I. Ex Paulo, lib. i. decretorum.

CAMELIA Pia ab Hermogene appellauerat, quod diceret iudicem de diuidenda hæreditate inter se & cohæredem, non tantum res, sed etiam libertos diuissse, & alimenta quæ dari testator certis libertis iussisset. nullo enim iure id cum fecisse, ut libertos quasi mancipia quædam aut hæreditaria bona diuideret. Nam adeo quoque libertorum omnium hæredes omnes æquè patronos esse, ut & si pater ipse testamento, per epistolam, aliisue modis vni ex filiis libertum assignauerit, non desinat alterius filii libertus esse. quare & assignationem, nec quasi legatum, nec quasi fideicommissum percipi. Ex diuerso respondebatur, hæredes consensisse diuisioni, & multis annis alimēta secundum diuisionem præstitisse. Placuit nullā esse libertorum diuisionē. quia quod est natura indiuisum, eius partitio facta nullis modis confirmari possit. sed illud adiecit, standum esse alimentorum præstationi. Nam id fieri solet, ut quoties plures
sunt

sunt hæredes, ex caussa alimentorum liberti diuidantur, ne à singulis hæredibus nominatim alimenta petentes, distringantur.

DE SERVO CORRUPTO,
TIT. XXVII.

Frequentia delicti & pro eius qualitate qui deliquit, augetur serui corrupti damnationem. vel sic, Etiam pro seruo corrupto extra ordinem agi posse.

I. Ex Plutarcho, in Demosthene.

THEORIDES sacerdos apud Areopagitas ab oratore Demosthene accusata & damnata est, quòd seruos alienos dolo malo corrupisse atque persuasisse diceretur, quò hi se erga dominos, fallaces, fures, improbè ac perfidè gererent. Nempe quod in aliis graue, & ex legibus altero tanto duntaxat multandum esset: hoc ipsum in sacerdote & virgine, quam sibi aliisque sanctam, castam & incorruptam esse oporteret, grauissimum videri, atque extremo supplicio vindicandum. Præterea non esse hanc sine probri, incesti, & auaritiæ suspicione, quæ alienos seruos ad furta & rapinas sollicitasset tam familiariter.

DE INSTITORIA ACTIONE, TIT. XXVIII.

Qui negotiationi quam exercebat, alium præposuit: videri ad omnia quæ gerebat circa illam negotiationem, eum præposuisse.

I. Ex

I. Ex Paulo, lib. I. decretorum, tit. Quod cum eo.

TITIANVS Primus præposuerat seruum mutuis pecuniis dandis, & pignoribus accipiendis. Is seruus, etiam negotiatoribus hordei, solebat pro emptore per intercessionem suscipere debitum & soluere. Cum fugisset postea seruus, & is cui delegatus fuerat dare precium hordei, conueniret dominum nomine institoris: negabat eo se nomine conueniri posse, quia non in eam rem præpositus fuisset. Cum autem & alia quædam gessisset, & horrea conduxisset, & multis soluisse idem probaretur: Præfectus annonæ contra dominum dederat sententiam, & is ad Imperatorem prouocauerat. Dicebant, Vlpianus, Paulus, aliique Iurisconsulti qui in consilio aderant, quasi fideiussorem eum videri, cum pro alio solueret debitum, non solere autem ex ea causa in dominum dari actionem, nec videri hoc dominum mandasse. & quod alia quædam gessisset probaretur, ne horum quidem gratia, dominum, si nolit, obligari. Sed quia videbatur, in omnibus quæ & soleret ipse agere, quale hoc unum fuit, seruum suo nomine substituisse: sententiam conseruauit Imperator.

DE COMPENSATIONIBUS, TIT. XXIX.

In quibus causis aduersus fiscum priuatus possit obijcere compensationem.

I. Ex

I. Ex Paulo, lib. III. decretorum.

FISCVS à debitore suo pecuniam petebat. is compensationem fisco opponebat, séque audiri postulabat adprobantem sibi à fisco deberi. Fiscum non vti priuilegio, nisi in iis casibus, quos nominatim lex compræhendit. Necessariam, vtilem, & naturalem compensationem esse. æquitate merum ius compensationis induci. ergo reliquum esse, quemadmodum ipso iure solutione debiti, ita compensatione pari liberationem. Cōpensationem admitti iussit Imperator, modò intra duos menses debitum sibi esse priuatus adprobaret. Sed tamen nonnullæ causæ exceptæ sunt, quarum debitor vti non possit compēsatione aduersus fiscum. causa tributaria, stipendiorum, item precium rei à fisco emptæ, & quod ex causa annonaria deberetur.

DEPOSITI VEL CONTRA,
TIT. XXX.

Ea lege depositum à duobus, vt nisi vtrisque simul reddatur, nisi ab ambobus simul peti posse.

I. Ex Valerio Maximo, lib. VII. cap. V.

QVAEDAM mulier à duobus hospitibus pecuniam depositi nomine acceperat, ea lege atque conditione, vt nisi ipsis vtrisque non redderet. Horum alter interiecto medio tempore, tanquam mortuo socio, squalore obsitus, sine Iudice, sine satisfactione omnem pecuniam

pecuniam à muliere abstulerat. Sed cùm alter postea superuenisset, ac pecuniam per magistratum reposceret: dicebat se sine dolo malo alteri socio integram pecuniam restituisse. si decepta legi non paruerit, aduersus socium qui decepit, agere eum oportere, non suum periculum facere, quæ ex natura contractus, qui solum eius qui deposuit gratia celebratur, ex dolo ductaxat conueniri potest. Ecquid si reuera decessisset? illi alteri petenti non redderet, quia nisi vtrisque simul reddere non debuit? Cõtrà pro petitore dicebatur, legem expressè dictam esse contractui, sic deposuisse, nisi vt ambo totâ pecuniam tollerent. Si mortis suæ nuncius à socio allatus sit, non statim credere, sed probationes, aliumve certiozem nuncium, cui cur id fingeret, nihil causæ esset, expectare debuisse. certe vel interim in æde deponere, aut satisfactione à socio præstita reddere, aut non nisi iussu magistratus, nunc rem se à socio seruare non posse: quare ad mulierem periculum pertinere. Neque de dolo aut fide bona hic vllam quæstionem esse, quando non casus fortuitus obiicitur, sed factum ipsiusmet, penes quam pecunia deposita est: quæ alii & aliter quàm deponenti hæredive eius restituendo, non magis liberatur, quàm dum alteri debitor, quàm creditori suo soluit. hinc propriè sequestrum fuisse, quod raro ei soli restituendum sit qui venit. At postquã Demosthenes mulieris patronus, rem agi potius iure summo, quàm ex æquo & bono animaduertit: ipso etiam iure actoré

actorē petitione sua summouit: Ecce parata est (inquit) depositi fidem soluere: sed nisi socium adduxeris, id facere non potest: quoniam vt ipse vociferaris, hæc dicta lex est, ne pecunia alteri sine altero numeretur. Itaque pronūtiatum est, videri socium non recte atque ex lege agere.

III. Ex incerto auctore.

APVD Turcas hoc in ore omnium denegati depositi percelebre iudicium fuit. Quidam, nemine cōscio, penes amicū suū pecuniam deposuerat. Is cūm reposceret, negauit alter se quicquam accepisse: & quōd amico Imperatore yteretur, non ausurū illum cōtrouersiam mouere, existimabat. Sed re nihilomin⁹ ad eum delata, interrogat vtrumque, depræhēdit, eum penes quem pecunia esse dicebatur, non vt ingenuum decet atque innocentem, turbulentē inficiari: alterū cōtrā, non fictis lacrymis constanter affirmare. Statuit igitur Imperator, nihil omnino prætermittere, quod pertineret ad inquirendam veritatem. Inprimis rem in alium diem protrahit. postea summittit qui amicē & quā familiariter inficiantē admoneat, vt sponte pecuniam reddat: rem sine iudicio transigat: famæ atq; opinioni suæ consulat: sane vel Principem malē quid de eo coniicere: itaque rem componi posse, vt sine suo damno pecunia restituitur. Cū ille verò tum audacius denegasset, præ se tulit Imperator, controuersiam hanc quæ non iure, sed probationibus egeat, indeci-
fam

fam haberi velle:& mox rursus inopinantem ad se adduci iussit. Postulat num proxima nocte cum vxore dormierit,& an cum ea ré habuisset, quave hora noctis. vtrumq; vti postulabat cum ab eo didicisset: iussit aliū adire.vxorem, veluti si a marito mitteretur, qui diceret virum suū mandare, vt quam ei custodiendam pecuniam credidisset,hanc per se nuntium mitteret.si loquenti fidē non habeat, narrare se quæ a marito acceperit.Vxor his victa sermonib⁹, pecuniā promit. Sic itaque detecta perfidia, Turcarum Imperator non duplo, sed capite animaduertit.

MANDATI VEL CONTRA.
TIT. XXXI.

Ex auctore ad Herennium,lib.ii.

Mandatum,non mandati actio morte soluitur.

IN mandato, & quia certi hominis fides eligitur,morte eius cui mandatum est: & quia ad arbitrium reuocatur, morte mandatoris soluitur.Itaque Sextus Iulius Prætor,ei qui cum hærede mandati agere vellet, iudicium non reddidit.nam & absurdum videri, cuius ante mortem nulla cœperit actio competere: & quod ipsum morte soluitur, eius tamen nomine post mortē mandati agi posse.quare alia potius actione experiundū. At cōtrā Marcus Drusus Prætor vrbānus iudicium reddidit.nam nihil obesse cur si mandatum soluitur,mandati tamen actio non soluatur:ideo, quia rebus nō integris,vel ob iustam

stam quidem ignorantiam, etiam post mortem ea obligatio durat, quæ ex ipso negotio & synallagmate nascitur. Agi ex empto, etiam cum emptio nulla est. Denique si hoc subtilitas non admittit, certè causam vtilitatis admittere. Quare & Iulianus & Paulus ad edictum, hanc sententia fecuti sunt.

DE CONTRAHENDA EMPTIONE, ET QUAE RES VENIRE POSSUNT. Tit. XXXII.

Qui iactum retis emerit, si non pisces, sed aliud quid preciosum incidit, an ei debebitur.

Ex Valerio Maximo, lib. III. cap. I. Suetonio, de illustribus Rhetoribus: & Diogene Laertio, libr. I.

AESTIVO tempore adolescentes urbani cum Hostiam venissent, litus ingressi, piscatores trahentes rete adierunt: pactique iactū retis quanti emerent, precium numerarunt. Hi cum diu expectassent dum retia extraherentur, tandem nullus quidem piscis apparuit, sed sporta auri obsuta. tunc emptores bolum suum dicere, piscatores suum. Hanc sane controuersiam ex veritate, ac re quæ recens accidisset, (vt aliàs plerumque) e medio foro in scholam traductam esse, & ibi sæpius agitatam, scribit Suetonius Tranquillus: sed quid in ea aut visum aut iudicatum sit, omnino prætermittit. Fuisse verò iurgium hoc ambigui iuris atque indifficilis, ex Mi-
f lesiorum

lesiorū decreto facile cognosci potest. Nam cū antea genus idem causſæ apud Coos accidisset, nempe vt cū Ionici adolescentes iactum retis à piscatoribus cōparassent, extracta magni ponderis aurea mensa siue tripode, Coi propter nouitatem rei & magnitudinem pecuniæ, ad Miletum Ionum Metropolim, negotium reiecerunt: vix quid in eo sequerentur, Milesii habuerunt. A piscatoribus dicebatur, se non captū omniū rerum indefinitè, sed piscium vendidisse: neq; verisimile esse emptores aliter cogitasse, qui ad mare, qui ad piscatores accesserint. Verba cōtrahētium de his accipi oportere, de quibus credibile sit inter eos actū. porro quid eo certius, quā vt qui captum emit ab aucupe, indaginem à venatore: auium ferarūque captum emisſe dicitur: ita qui iactum à piscatore comparauerit, de piscium captū intellexisse videatur? Alioqui certe si dicant nihilominus emptores, se & de aliis omnibus rebus, quā de piscibus, atque etiam (si Diis placet) de ipso tripode cogitasse: cū ipsi piscatores ex aduerso, non nisi de piscibus, quorum captui vacarent, sensisse se affirmant: nullam atque imperfectam fuisse venditionem necesse esse: quia non in eadem re conuenerint. Sed & si id inspicere debeat, quod frequentius fieri consuevit, vt in eo videlicet qui contrahunt, quasi si sit res dubia, consensisse videantur: non aliud dici posse, quā quod supra dictum est, cōsensisse de piscibus: de aliis rebus dissensisse. Id porro & ex precii quantitate facile colligi, quæ
pro

pro moderato ac veluti quotidiano piscium modo apponi solet, non etiam aliarum rerum contemplatione. Spem, aleam, & incertum quidem emptum esse: sed id quantum ad pisces attinet. nam & si cogitassent, fore ut vel reliqua omnia capta deberentur, maius utique pretium eò pepigissent, quò spes & alea minus incerta est, quæ nullis rebus speciebusve coartata non potest non utiliter cadere. Iam quid si post conventionem ipsi piscatores rete iactare noluisse? quam Iones iure æstimationem fieri postulassent? an summæ infinitæ, preciique incredibilis, quia potuit, ut exemplo nunc apparet, mensa aurea incidere? At piscium profecto habita fuisset æstimatio, etiam ad id relatione facta, quod piscando sæpius accidit. nunc itaque cum pisces educti non sint, nihil peti posse. Deniq; id omne quod actum est, non tam naturalem contractum esse emptionis & venditionis, quàm negotium do ut facias, aut aliquod aliud minus serium quàm ludicrum. Itaque & si pisces extraxissent, cogi non potuisse eos emptorib⁹ tradere: sed eorum duntaxat æstimationem. quod ius ad mensam hanc auream adducere, nullus est iudex qui arbitrari velit. Pro emptoribus contra dicebatur, eos nihil de piscibus egisse nominatim: bolum, iactū seu captum emisse, ideoq; omnem aleam, spem ac fortunæ euentum. Tam frequens esse, cum in mari piscamur, ut quidlibet aliud, quàm pisces educantur. id maris amplitudine & opulentia fieri, qua vel terram ipsam longissimè superat.

Quare si id inspici placeat, quod frequenter accidit, vt de eo quoque contrahentes sensisse videantur: tam de aliis rebus omnibus, etiam quæ nusquam alibi quàm in mari nascuntur, quàm de piscibus cogitasse verisimile esse. vt qua etiã ratione insula quæ in mari nata sit, sit occupantis, quia id raro accidit: contrà, quæ in flumine, quia id frequenter accidit, eorum esse dicitur, qui prope ripam prædia possident: eadem profecto ratione si in flumine dici possit, quia raro id fit vt loco piscium res aliæ pretiosæ educantur, nihil ex verisimili contrahentium voluntate, quæ ad ea quæ sæpius eueniunt adaptatur, emptori quàm pisces deberi, si vlli quidem extracti sunt: ita in mari, propter ea quæ sæpe accidunt, videri de rebus omnibus cogitasse contrahentes. itaque deberi emptori quicquid extractum sit. Nam & piscatores ipsos in mari piscari, alia quoque quàm piscium expectatione. vt in missilibus quia & aliarum rerum quàm pecuniæ spes atque expectatio est: profecto qui à Titio missilia emerit, & si aues, & si vestimenta, & si aliud prorsus quàm numi iactati sint, debentur. Præterea si, vt à piscatoribus dicitur, hoc quasi ludicrum fuit negotium: non magis affirmari posse contrahentes de piscibus, quàm de conchis aut gémis aut lapidibus cogitasse. Igitur si lapides aut calculi incidissent, crederent piscatores emptionem nullam esse? & precium quod accepissent, vtrumne emptoribus redderent? Quemadmodum vt sine re precio suo careant

reant emptores, non necesse est ut nedum pisces, sed & nihil aliud inciderit: ita ut id quod extractum est consequatur, non oportere, ut nihil aliud quam pisces extracti sint. Aliud esse si pisces ita venierint, Qui caperentur: & aliud, Si iactus aut captus venierit. nam priore casu, si nulli pisces capientur, nullum precium deberi: quia res non sit quæ veneat. posteriore casu, siue nihil, siue quid aliud quam pisces extractum sit, venditionem subsistere: quia captus venierit, hoc est, spes & alea. Quid igitur, & si vel pisciculus in rete incidisset, in eoque occiso gemma preciosissima inuenta esset? si indaginem quis emisset plagis positus à venatore, vel pantheram ab aucupe: & collo aut pedibus bestiae quid summi valoris appensum esset, id igitur non cederet emptori? Atqui parem rationem esse commodi atque incommodi. neque rem ex pretii modo metiendam esse: quia hoc ipso maius minusve precium imponitur, quia & res ipsa, & eius quæ capietur aestimatio incerta est. Milesii cum non occurreret quid ex animi sui sententia iudicare possent. nam non videri mensam piscatoribus adiudicari oportere: quia si quod ius inuentione acquisissent, id à se prius spe vendita alienassent. at nec Ionicis adolescentibus: quia si de alia re quam de piscibus, non certe unquam de re tanti precii cogitasse verisimile videretur. Itaque consuli placuit Apollinem Delphicum. Respondit, neutri, sed ei qui in tota Græcia sapientia prae-staret, dandam esse. Ergo omnium consensu Tha-

dem sibi debitum iri ex iudicato, quia iudicio vicerit: sin verò secundum eum iudicetur, futurum etiam vt ex conuentione sibi pecunia debeat, quia ille iudicio vicerit. Euathlus contra (cùm potissimum pro se verba faceret, nec alio Patrono vteretur) ita referebat: Imò siue pro se siue contra se iudicatum fuerit, nihil Protagoræ soluturum. Nam si (vt inquebat) Iudices pro causa mea senserint, nihil tibi ex sententia debetur, quia ego vicero. sin cōtra me pronunciauerint, nulla re tibi ex pacto obligatus ero, quia ego non vicero. Expectabatur in re difficili & ambigua Iudicantiū arbitrium: quibus & si videri poterat, de hoc controuersia genere non esse cogitatum inter contrahentes: ideoque quo casu discipulus litem perdidisset, si exceptione pacti vti vellet, eum doli replicatione submoueri posse. sed ex aduerso, rationem non occurrere, cur eius pecuniæ damnari posset, cuius neque dies neq; conditio euenisset, aut etiam pro impleta haberi posset, ac si per eum stetisse diceretur, quo minus causas reciperet: quia illa conditio & ex voluntate discipuli penderet, & vt maximè reciperet, euenire possit vt nūquam superior euadat. Quid igitur si absoluissent? videbant iuuaturum se pactione Protagoram. Igitur quanquam in hanc partem subsistere potuerit iudicium, ac facile (vt ego quidem existimo) defendi ac tueri doli mali clausula: tum quia de huiusmodi victoria nec ipsum etiam Protagoram cogitasse verisimile est: tum rei iudicatæ.

dicatæ auctoritate, quia hoc ipsum in hac lite iudicatum esset, vt quanquam Euathlus vicerit, eò sibi pro sit hæc victoria, ne nunc ex stipulatu merces peti possit: rem tamen Iudices iniudicatam reliquerunt, causamque in diem longissimum prorogarunt. Omnino quidem magis prudenter ac religiose. nam pari ratione distulerunt petitionis iudicium, qua illius re vera dies non venerat. ac cum facile coniectura colligi posset, nunquam præsensisse litigantes, inter se tale futurum iudicium: itaque etiam utilius fore, si vt ita esset, efficeretur. Denique ideo etiam opinor (quod plerunque præsertim his temporibus accidit) ne in executione aut interpretatione iudicati, longior & molestior actio & contentio, quam in prima ipsa lite nasceretur. Nepe & hoc apud nos in iudiciis sæpissimè obseruatur, vt quam rem siue litem aut Reipub. aut partium definiri non interest, hanc etsi liqueat, tamen consilii esse pronunciemus.

Si per redemptorem non steterit quo minus conditioni parcat, non teneri.

II. Ex Cicerone, lib. II. de Inuentione.

CUM Lacedæmoniis lex esset, vt hostias nisi ad sacrificium quoddam redemptor præbuisset, capitale esset: hostias, is qui redemerat, cum sacrificii dies instaret, in urbem ex agro cœpit agere. Tum subito magnis commotus tempestatibus fluuius Eurotas, is qui propter Lacedæmonem fluit, ita magnus & vehemens factus est, vt eò traduci

duci victimæ nullo modo possent. Redemptor, suæ voluntatis ostendendæ causâ, hostias constituit omnes in litore, vt qui trās flumen essent, videre possent. Cùm omnes studio eius subitam fluminis magnitudinem scirent fuisse impedimento, tamen quidam eum capitis accersierunt. nam vtut sit, quia factum non sit quod lex iubet, cum supplicio dignum esse. Præterea causam agi Religionis, quæ ne vllis casibus impediri posset, & ne vlllo tempore sacra intermitterentur: ideo legi conductionis tantam pœnam appositam esse, vt vel toto anno ante sacrificium potius iam paratæ & adductæ sint hostiæ, quàm vt vlllo casu sua die non celebretur. Nunc & delictum culpam præcessisse. cur enim se redemptor tam arctauerit, vt dum sedatur tempestas, adhuc ante diem sacrificii, satis spatii non haberet? At quia crudele est, casus qui vel à sapiente prævideri non possunt, hominibus imputari: mea quidem sententia, reum absolui placet. sufficit enim Ciceroni genus controuersiæ proposuisse, non etiam quid in re certe non ficta placuerit, in medium adducere.

Si quis ante legitimum salarij tempus decesserit, nihil eum transferre ad hæredes, nisi pro rata temporis: non etiam integrum annum.

III. Ex Plinio Nepote, lib. iiii. epistolarum.

EGNATIVS Marcellinus Quæstor in Pro-
uincia, Scribam qui sorte obtigerat, ante le-
gitimum salarii tempus amisit. De eo quod ac-
ceperat

beatū?euenire posse, quæ est hominum caducitas, vt vnius anni operæ terna aut quina annua debeantur. Summam gestorum munerum à parentibus, in laude & commendatione magis, quàm in compendio, liberis expectationem esse oportere. Cælius Strabo ærario censuit inferendum: Bæbius Macer, hæredibus dandum. obtinuit Strabo. Sane à Leone Imperatore tandem id solis fisci Aduocatis concessum est, vt totius anni comoda atque stipendia, ex quo hoc officium peragere cœperint, si moriantur, deferant hæredibus. quo iure sicut in omnibus ferè Gallicis magistratib⁹ vtimur, ita non integrum annum, sed sola pensio soluitur.

DE EVICTIONIBVS, ET DV-
PLAE STIPVLATIONE.
Tit. XXXIII.

Venditorem, si quid dolo reticuerit, quò postea res ab emptore auocari posset, teneri: & bono publico res priuatorum dirui, occupari posse.

I. Ex Cicerone, lib. iiii. Officiorum: & Valerio Maximo, lib. viii. cap. ii.

CVM Augures, quòd in arce augurium facturi essent, iussissent T. Claudium Centimanum, qui ædes in Cælio monte habebat, eas demoliri, quarum altitudo auspiciis officeret: Claudius proscripsit, insulam vendidit. emit P. Calphurnius Lanarius. Huic ab Auguribus illud
idem

idem denuntiatus est. Itaque Calphurnius cum demolitus esset, cognouissetq; ædes postea Claudium proscriptis, quam esset ab Auguribus demoliri iussus: arbitrum illum adegit, QUID SIBI DE EA REFACERE OPORTERET EX FIDE BONA. M. Cato pronunciauit, Cum in vendendo rem eam scisset, & non pronuntiaffet, emptori damnum præstari oportere.

Quod vitium emptor non ignorauerit, id ei veditorem præstare non debere.

II. Ex M. Tullio, lib. III. Officiorum. & lib. I. de Oratore.

M. MARIUS Gratidianus C. Sergio Oratæ vendiderat ædes eas, quas ab eodem ipse paucis ante annis emerat. Hæ Sergio cuidam alii seruiebant. sed hoc in mancipio Marius non dixerat. Adducta res in iudicium est. Oratam Crassus, Gratidianum defendebat Antonius. Ius Crassus urgebat: quicquid fuisset incommodi, id si venditor scisset, neque in mancipii lege declarasset, præstare debere. Aequitatem Antonius. quoniam id vitium ignotum Sergio non fuisset, qui illas ædes eidem antea veditisset, quo etiam tempore seruiebant, nihil fuisse necesse dici: nec eum esse deceptum, qui id quod emerat, quo iure esset, teneret. Quid Centumviri pronunciarint, non refertur à Cicerone. Sed ex iure nostro certum est, cum ædes non ita venierunt, VTI OPTIMAE MAXIMAE, liberas tradi necesse non

non fuisse. Igitur Oratę nullam ex empto actionem esse. nam & si de seruo ageretur, Grati-
diano exceptionem competere: cū in edicto
AEdilium Curulium hoc sufficiat, ne emptor
decipiatur. at sciens intelligensque non deci-
pitur.

DE PROBATIONIBVS ET
PRAESUMPTIONIBVS.

Tit. XXXIII.

*Eius notæ atque infamia, reum: actorem, fidei ac prob-
bitatis esse posse, vt actore non probante, statim reus
absolui non debeat. Præterea lites occurrere, quas non
decidere interdum humanius est.*

I. Ex Aulo Gellio, lib. XIII. cap. II.

APV D Aulum Gellium Iudicem à Præto-
re datum pecunia petebatur, quam actor
dedisse se ac numerasse contenderet: sed nequic-
quam probabat de intentione, siue testibus siue
instrumentis. Hoc vnum & aliis omnibus & Iu-
dici constabat, actorem apprimè virum bonum
esse, notæ & expertæ fidei, atque vitæ inculpatif-
simæ: ideoque multa & illustria exempla probi-
tatis synceritatisque eius pro eo afferebantur.
Debitorem ex aduerso, hominem non bonæ rei,
vitæque turpis & sordidæ: conuictum vulgo in
mendaciis, plenumque esse perfidiarum ac frau-
dum. Ita esse à maioribus traditum (quemad-
modum à M. Catone pro L. Turio contra Cn.
Gellium

Gellium relatum est) vt si quid inter duos actū est sine vllis aut tabulis aut testibus, tū apud Iudicē qui de ea re cognosceret, vter ex iis melior esset, quēreretur. si ambo pares essent, siue boni siue mali, vnde petitur vt ei poti⁹ crederetur, ac secundum eum iudicaretur. hic qui petit, meliorem esse: ergo ei condēnandum aduersarium. At is contrā clamitabat, probari debere pecuniam datam esse legitimis ac consuetis modis, expensilatione, mensæ rationibus, chirographi exhibitione, tabularum obsignatione, testium intercessionem: ex quibus omnibus si nulla re probaretur, dimitti se oportere, atque aduersarium calumniæ damnari. Nam quod de vtriusque vita atque factis diceretur, frustra id fieri atque dici rem enim de petēda pecunia apud Iudicem priuatum agi: non apud Censorem de moribus! Gellius quia homines considerabat, alterum fidei, alterum probri plenum, spurcissimæque vitæ ac defamatissimæ: cum nequaquam ad absoluendum cum à quo petebatur, adduci posset: primò diē diffudit. postremò quia ex facto ac præter morem iudiciorum venerat in quæstionem controuersia de moribus: ne petitoris famæ atque opinioni præiudicium afferret, maxime quia fidem eius secutus esse videretur, in quo perfidiam arguebat: pronunciauit, sibi non liquere. ita cum non liberaretur debitor, ab eo tamen pecunia non exacta est.

Summa præsumptio est, quæ à natura ducitur.

II. Ex

II. Ex lib. III. Regum, cap. III. & Iosepho
lib. VIII. cap. II.

DVAE impudicæ mulieres solæ simul habitabant. hæ remotis omnibus arbitris, pepererant eodem tempore masculum. Sed altera cùm tri-duo post, noctu filium dormiens suffocasset, de superstite coram rege Salomone inter eas contentio fuit. Vtraque dicebat suum esse. vna, sibi dormienti ab altera viuo erepto, suppositum mortuū: altera negabat. Quid vel Iudex sapientissimus in re tam obscura, nullis adiuta probationibus decerneret? Forte vt eius esset, qui vinum possideret. At rex Hebræorū Salomon coniectura ac præsumptione omnino certe naturali ac verisimili, quid liquidò iudicandum esset, affectus est. Finxit iubere se (quod in dubiis rebus fieri solet) vt ambo infantes tam ille qui viueret, quàm qui mortuus esset, diuiderentur: & quando superstes cuius integer esset cognosci non poterat, ambæ ytriusque dimidiam partem acciperet. Igitur cùm vna totis commota visceribus, metu, pietate, amore sollicita, superstitem potius alteri concedi, quàm secari atque interfici permetteret: id enim vel sibi solatio fore, quòd alii adiudicatus, saluus esset: altera vero parum resisteret, occidique mallet, quàm dum ipsa suo careat, altera gaudeat filio suo superstite: motus Salomon naturali ratione, qua nunquam in ea maternus animus esse dici potest, quæ pro liberis tam crudele consilium capit, vt iudicium magis interitu filii, quàm secundum aduer-

aduersariam decidi malit, neque minoris æstimet filium quàm litem perdere: eius quæ cædebat, filium esse pronuntiauit.

III. Ex Suetonio in Galba, cap. VII.

CVM de proprietate iumentis iudiciũque esset, omni ex parte leuibus argumentis & probationibus, ideoque difficili coniectura veritatis: sic Galba decreuit, cùm rem ipse cognosceret, vt ad lacum quo iumentum adaquari solebat, duceretur capite inuoluto: atque ibidem reuelato, eius esset, ad quẽ spõte se à potu recepisset. Nimirum in causis latentibus & natura reconditis (vt noster Quintilianus ait de cla. c c c x x) ita demum veritatem existimauit manifestam esse posse, si nihil quamlibet exiguum à Iudice prætermittatur, quo inueniri veritas possit, in hoc omne Iudicium opus esse oportere. Plane si quædam etiam sola sorte dirimimus: huic iudicio, vltra cæcum illum euentum & aleam, accessit iumeti naturalis quidam instinctus, & familiaris huic à quo pasceretur, adulatio: quæ nec non aliis rebus hoc vel illo modo iudicandis, sæpe occasionem attulit, vt ex sequentibus quibusdam cognitionibus sententiisque apparebit. Interim vero quid illa Androdis serui & Leonis mutua recognitio?

DE IVRIS ET FACTI IGNORANTIA. TIT. XXXIII.

Error iuris facit, vt qui ex inutili testamento adit hæredita-

reditatem, ex utili testamento repudiare videatur.

I. Ex Paulo, lib. 111. decretorum, tit. de acqui-
renda hæreditate.

CLODIUS Clodianus factò prius testa-
mento, postea eùdem hæredem in alio te-
stamento inutiliter factò, instituerat. Scriptus
hæres cùm posterius putaret valere, & hoc po-
steriore prius testamentum ruptum esse, ex eo
adire hæreditatem voluit: adiit. sed postea hoc
inutile repertum est. Papinianus putabat repu-
diasse eum ex priore hæreditate: ex posteriore
autem, quia inutile esset, non posse adire. itaque
Clodianum intestatum decessisse. nam & qui bo-
norum possessionem ab intestato petiit, cùm pu-
taret testamentum non valere, hæreditatem ex
testamento videri repudiasse. Paulus contrà,
dicebat non repudiare eum ex priore testamen-
to; qui putabat posterius valere: quemadmodum
qui iudiciùm defuncti secutus est, cùm ignoraret
vires testamenti, legitimam hæreditatem vin-
dicare non prohibetur. Pronuntiavit tamen Im-
perator Antoninus Magnus, Clodianum intesta-
tum decessisse. nam dissimile esse, quis, ubi ex te-
stamento adeat, an ideo ab intestato adire no-
lit: aut cùm, ecce, duo testamenta proferuntur,
nolit ex vno capere, cùm ex alio velit. Certe, si
hæres scriptus alioqui vocetur ab intestato, pos-
sit legitimam hæreditatem petere: neque ei no-
ceat ex testamento adiisse, quod valere existi-
mabat. Sed postquam maluit semel ex vno te-
stamento

mento adire, ex alio amplius non poterit: quia statim caussa intestati successerit, legitimisque hæredibus ius acquisitum sit, quemadmodum substituto, statim atque primus hæres ex testamento adire noluit, & si ideo quia id putaret non valere: quia in his nocet iuris ignorantia. Itaque eum prorsus ex priore testamento repudiare, qui ex alio adire voluit, qualecunque sit, vtile aut inutile: si vtile, quia prius rumpitur: si inutile, quia sibi imputare debet, qui aut per se aut consulendo peritiores, de iure & viribus posterioris testamenti scientiã assequi non potuit.

DE SECUNDIS NVPTIIS
TIT. XXXVI.

Secundas nuptias improbari, quæ ad contumeliam liberorum inita sunt.

I. Ex Valerio Maximo, lib. vii. cap. vrr.

CVm Septitia mater Trachalorum filiis irata, & in contumeliam eorum, iam cùm parere non posset, Publio seni admodũ nupsisset, postea quòq; testamẽto vtrumque præteriisset: aditus Diuus Augustus, & nuptias mulieris & suæ preme iudicia improbavit.

DE PACTIS DOTALIBVS.
TIT. XXXVII.

Clausula soluto matrimonio dotem reddi, omnia genera soluti matrimonij comprehendit.

I. Ex

I. Ex Paulo, lib. I. Imperialium sententiarum
in cognitionibus prolatarum, tit. de verbo.
significatione

CVM quærebatur an verbum, SOLVTO
MATRIMONIO DOTE REDDI,
non tantum diuortium, sed & mortem contine-
ret: hoc est, an de eo quoque casu contrahentes
sensissent: & multi putarent, etiam de hoc sensis-
se. quia illa verba generalia sunt, & nullo alio
modo verius quàm morte matrimonium solui-
tur: item quia facile hâc interpretationem non
sequimur, vt dos quæ vxoris alteriusve propria
est, apud maritum remaneat. Postremò, cum mul-
tis modis solvatur matrimonium, si dixerimus
in vnum sibi cauisse duntaxat vel patrem vel ex-
traneum, vel ipsam mulierem: in hac generali
commemoratione, cur de diuortio magis quàm
de morte: aut contrà, de morte potius, quàm de
diuortio dici debet, cum qui stipulatus est, cogi-
tasse? At quibusdam aliis contrà videbatur, sen-
sisse contrahentes de diuortio duntaxat, certè
de morte non sensisse. Naturalem enim illum e-
uentum esse, qui nulla vtriusque culpa eueniat:
ideoque verisimilius esse, de hoc casu actum vide-
ri, quo aliter quàm bona gratia receditur à ma-
trimonio. Præterea morte extinguì potius ma-
trimonium, quàm solui. item fauorabile esse, vt
dos apud maritum remaneat, siue sint liberi, vt
eos facilius possit alere: siue non sint, quia legi-
bus approbatur hoc lucrum. Denique si dicatur

etiam de morte sensisse contrahentes, id frustra ab iis factum esse. nam in hac specie, etiam sine stipulatione certum est dotis actionem sua die competere. Itaque veluti cum actum est, vt in matrimonio sine liberis defuncta filia, dos patri restituatur: id ea mentione liberorum actum esse intelligitur, vt ex aduerso liberis superstitionibus dos retineatur, ne illa expressio superuacua sit: ita cum his verbis, *SO LVTO MATRIMONIO DOTE M REDDI*, stipulatio concepta est: si vxor in matrimonio moriatur, id actum videri, ne dos restituatur: quia sibi contrahentes idem eo casu prospexisse non creduntur, quo iis lege ipsa satis abunde consultum est. Prioribus tamen rationibus motus Imperator pronuntiavit, id actum eo pacto, vt nullo casu remaneret dos apud maritum.

DE DIVORTIIS ET REPVDIIS, TIT. XXXVIII.

Si vxor contumaciter marito dicto audiens non sit, repudiari posse.

I Ex libro qui inscribitur Esther, & ex Iosepho, lib. x i. cap. vi.

ASSV ERY S rex Persarum, Medorum, Indorum, AEthiopum, Vasthy vxorem habuit. Is post conuiuium quod magnificentissimum populo exhibebat in ciuitate Susa, factus hilarior, mandauerat Eunuchis vt Reginam vocarent,

carent, atque introducerent, quò ab omnibus
 ciuibus, summi beneficii loco, vt erat eximie
 pulchritudinis, Reginae habitu & ornatu con-
 spiceretur. Sed cum bis atque iterum vocata ve-
 nire recusasset, ideo quia moris erat apud Per-
 sas, vt omnium hominum aspectum mulieres
 auerterent, præterquam parentum ac domesti-
 corum: Rex nihilominus grauiter infensus, se-
 ptem Magos atque Patritios in consilio adhi-
 buit, penes quos omnis potestas erat legum in-
 terpretandarum, vt sciret an & qua pœna hæc
 in Regem & maritum contumacia plecteretur.
 Mamuchan cœsuit, hanc iniuriam non ad solum
 Regem Assuerum, sed ad omnes etiam ei subdi-
 tos pertinere. Nam quid non ausuras omnes a-
 lias vxores aduersus maritorum volutatem, au-
 thoritatem, imperium, cum in Regina ipsa pro-
 ptum erit ac familiare contumacie, superbie,
 peruicacitatis exemplum? Potuisse negligi, si
 qua in re priuatim minus dicto audiens Vasthy
 fuisse diceretur, nam istud esse mulierum com-
 mune malum. Verum tale quid coram vniuerso
 Populi conuentu ac Procerum commississe, ni-
 mis ad exemplum pertinere, quam vt vlla ra-
 tione, lege aut cōsuetudine excusari possit. Nam
 & si quid minus patrium, vel indecorum Assue-
 tus imperasset, vxorem tamen parere non dispu-
 rare debuisse. Sufficere vxori obsequii gloriam.
 Quapropter censere se, optima causa Vasthy
 posse repudium mitti. Hanc sententiam, cum o-
 mnibus aliis, Rex secutus est: illudque iudicium

passim edicto promulgari iussit, vt discerēt vxores, maritos suos, cuiuscunque dignitatis sint, in honore ac precio habere, imperiumque esse domi, virorum, non mulierum.

Interdum etiam sponsa turpiter, ideoque non sine fraude, repudium mitti.

II. Ex Plutarcho, in Lysandro.

LYSANDER Lacedæmoniorum dux fortissimus, filias quas duas habebat, dum viueret adhuc, desponderat: sed cū eius interea defuncti inopiam sponsi cognouissent (adeo Lysandro nihil summa potentia, nihil regni diuturna administratio præterquam ad virtutem & gloriam adiumenti attulerat) sponsalibus renuntiauerant. Apud Ephoros res acta est. Placuit, quoniā sola contraria voluntate sponsalia ferē distrahuntur, certē admittendam renuntiationem esse: sed quando non omne quod licet honestum est, ob turpe & auarum animi propositum, pecunia multati sunt.

Impudiciam marito non iustam causam diuortij esse, qui sciens duxit impudicam.

III. Ex eodem, in Mario: & Valerio Maximo, lib. v. cap. 11.

CAIUS Ticinius Minturnensis Fanniam vxorem quam sciebat impudicam, de industria duxerat, vt eam postea hoc nomine repudiando:

aut

aut si prius ipsa diuerteret, quasi vxoris, non sua culpa diuortio facto, lucro suo dos cederet. Diuertit à Ticinio Fannia. Cum dotem à marito repeteret, dicebat C. Mario, nihil se commississe cur dote priuaretur: & si non bona gratia diuortium factum est, certe non sua culpa factum esse. nam quòd à marito stupri accusatur: vt id verum esset, quòd falsò accusat, tamen illius se tēporis quod nuptias præcessisset, à marito argui non posse: quia mores vxorē ducēdo comprobasset. Prætor ita pronūtiavit, Cūm liqueat Ticinium patrimonio Fanniæ inhiantē, impudicæ coniugium expetisse: videri mulierē impudicitæ, seftertio nummo: Ticinium turpis quæstus nomine, summa totius dotis damnari oportere.

Qui iurauit vxorem se nunquam repudiatum, de adulterij caussa non cogitasse: sed nihilominus iurifurandi gratiam impetrandam.

IIII. Ex Suetonio Tranquillo, in Tyberio, cap. xxxv.

TYBERIVS Equiti Romano iurifurandi gratiam fecit, vxorem vt in stupro generi cōpertam dimitteret, quam se nunquam repudiatum antea verbis conceptis iurauerat. Nam licet tale iurandum facilè contemni posset, quia de hac caussa cogitatum non videretur, qua etiam vxor ad delinquendum impunè prouocatur: & maritus ipse religioni stādo, inuitus aduersus legem Iuliam cōmitteret, quæ in adulterio deprehensam retineri vetat: tamen ob iurifurandi

maiestatē & auctoritatem, gratiam eius maluit Tyberius impetrari, quā priuatim incognita causā violari.

DE TUTORIBVS ET CURATORIBVS DATIS AB HIS
qui ius dandi habent, & qui & in quibus causis specialiter dari possunt.

Tit. xxxix.

Qui pro tutore fideiussit, is ei contutor dari potest.

I. Ex Paulo, lib. ii. decretorum.

ROMANVS Appulus ab iudice appellauerat, dicens se non debuisse dari in tutela collegam ei, quem ipse cū magistratus esset, nominasset suo periculo: ne in vna tutela duplex periculum sustineret. Sed quia illud periculum, quod propter alterius personam ad aliquē peruenit, in numerum trium tutelarum nō imputatur, & duos etiam reos promittendi, vice mutua fideiussores non inutiliter accipi certum est: decreuit Imperator Alexander, posse quem & fideiussorem pro tutore esse, & nihilominus tutorem dari. itaque detentus est in tutela.

DE ADMINISTRATIONE
ET PERICULO TUTORVM ET
curatorum, Tit. xl.

Finita tutela tempore si tutores idonei reperiantur, incipit omne periculum esse curatorum, non amplius contutorum aut Magistratum,

I. Ex

I. Ex Paulo, lib. II. decretorum.

AEMILIUS Dexter magistratus fui tempore datis tutoribus, cessauerat in exigēda satisfactione. deinde quibusdam excusatis, à sequētibus magistratib⁹ Dexter tutor adsumptus fuerat. Creatus conueniebatur in solidū duplici ratione: & quia tutor, & quòd cū magistratus esset, & tutores dedisset, satisfactionem non exegisset. Ex diuerso dictum est: licet satis exactum non esset, tamen in diē tutelæ finitæ idoneos fuisse tutores, neque cessationē curatorum obesse tutoribus debere. Pronūtiavit Imperator Alexander, Si in diē finitæ tutelæ idonei permāsisent tutores, licet satis non esset exactū, curatorum esse periculum: si minus, tutorū, postea magistratū. hoc est, tunc esse periculum eius qui suspectum non fecisset, aut satis non exegisset, cū finita tutela nō inueniretur idoneus fuisse.

DE CURATORIBVS FVRIOSO
ET ALIIS EXTRA MINORES
dandis. Tit. XL I.

*Nimia in suis bonis negligentia, nimiaque senectus, non
sufficiunt vt alicui curator detur.*

I. Ex Cicerone, lib. de Senectute.

SOPHOCLES tragædiarum scriptor excellentissimus, cū propter nimium studium, rem familiarem negligere videretur: à filiis in iudicium vocatus est, vt illum quasi desipientem à re familiari remouerent Iudices: nam eos curare

rare oportere, ne dum ita malè bona ad se pertinentia tractat, ni ei subueniatur, & se & filios quibus eo mortuo sua debetur hæreditas, ad egestatem deducat. Vetus & translatitiuin esse, vt etiam patri filii curatores dari, nedum postulare possint. Verùm pro Sophocle, vt hoc etiam dici potuit, solere interdici prodigo atque res suas ita profunderiti & alienanti, vt nullam inde vtilitatē capiat: non huic etiam qui eas modò negligentius tractet (quod studiosis ferè omnibus accidit) certe ipsemet hoc vno præstitit, ne demens, aut furiosus, aut ætate in delirium venisse videretur, recitata Iudiciis ea fabula videlicet quam in manibus habebat, & proximè scripserat, Oedipo Coloneo. itaque sententiis Iudicum est liberatus.

Interesse Reipublicæ, ne bona illustrium familiarum luxuria & dilapidatione eorum qui possident, amittantur: ideoque etiam prodigis interdici, ne egeant.

II. Ex Valerio Maximo, lib. III. cap. v.

REIPUBLICÆ interest, cui nos nostraque debemus, ne quisque bonis suis malè vtatur: atque vt ea plerunque accepit à parentibus, ita quasi perpetuæ substitutioni ac restitutioni obnoxia sint, transmittat ad posteros: vel quò salua sit in vrbe familiarum dignitas, vel vt inopiæ ciuium occurratur: cùm nihil sit periculosius in hominibus mutata subito fortuna, nihil ad vilitatem sui pronius miseris delicatis: multū etiam contra iniustitiam necessitas valeat. In magnis patrimoniis atque in summa nati dignitate (vt elegan-

elegantissimè Quintilianus ait in iis suis verè declamationibus, quas non ita pridem latinitati restituiamus) subito excussi, aut casu aut vitio suo, non solum opibus, sed necessariis etiam ad victum spiritumque vltimum sustinendum: non redibunt ad opus quotidianum, non suscipient assiduos labores. superest vt in latrocinia se predaſque mittant, aliudve quid audeant vel propter quod moriantur. Itaque moribus primùm, postea lege x i i. tabularum, prodigis bonorum suorum administratio interdicta est. Tandem iis quoque cœptum est à Prætoribus vel Præsidibus curator dari exēplo furiosi: istaque iis formula bonis interdici, QVANDO TVA BONA PATERNA AVITAQVE NEQVITIA DISPERDIS, LIBEROSQVE TVOS AD EGESTATEM PERDV CIS, OBEAM REM TIBI EA RE COMMERCIOQVE INTERDICO. Hoc modo Q. Fabio Maximo filio Q. Fabii Maximi Allobrogici Q. Pompeius Prætor Vrbanus paternis bonis interdixit: cū dolenter homines ferrent, pecuniam quæ Fabiæ genti splendori seruire deberet, flagitiis & luxuria difſici. Ergo quem nimia patris indulgentia hæredem reliquerat, publica seueritas quodam modo exhæredauit.

Patri furioso aut insipienti filium curatorem dari posse, non etiam prodigo.

III. Ex eodem, lib. viii. cap. vi.

DE patre furioso, & si à plerisque dabitaretur, quasi

quasi sit indecorum patrem à filio regi: tamen rescriptis Imperatorum facile tandem admissum est, vt ei filius magis curator detur, si sobrie viuat, atque adeo probus sit, quàm quilibet extraneus: vt scripserunt libris de officio Proconsulis Paulus & Vlpianus. Patre verò prodigo, filium quidem postulare atque impetrare posse, vt ei bonis à Prætorè interdicatur, exemplo est Caius Licinius Hoplomachus. Sed hoc casu filium patri curatorem dari exemplo furiosi, quia quòd ad bona ipsius pertinet, furiosum faciat exitum: non ita admitti placuit: videlicet, quòd in furioso ob mentis alienationem, latet quodammodo patria maiestas: in prodigo secus: vereque tum esset indecorum, patrem sui competentem, nisi quòd rectè bonis non cònsulit, sub filià præfectura & auctoritate esse.

IIII. Ex Dione Nicæo, lib. LVII.

TYBERIVS Imperator Senatori cuidà luxuriòse viuenti, tutorè, quasi si pupillus esset, dedit.

QVI TESTAMENTA FACERE POSSVNT, ET QVEMADMODUM testamenta fiant; Tit. XLII.

In gratiam liberorum, testamentum patris inutile còseruatur.

I. Ex Valerio Maximo, lib. VII. cap. VIII.

TVDITANVS certæ ac notæ erat infantiæ, vt qui populo nummos spargeret, togam velut

velut tragicam vestem in foro traheret, multaque alia his consentanea faceret. Is testamentum fecit, quo filium hæredem instituerat. Titus Longus ei sanguine proxim⁹, petiit bona ab intestato, quæ tum illo iure, cum filius emancipatus esset aut ab alio adoptat⁹, capere non poterat. Cæterum quæ tabulæ proferrentur, eas nullius momenti esse, quia ab eo scriptæ essent, quæ ad agnatos & gentiles deduci oportuit. Verum id magis Centumviri, quod scriptum esset in tabulis, quàm quis eas scripsisset, cum sapientissimè considerassent, secundum testamētum pronuntiarunt. Nam & hoc iure utimur, ut patris inter liberos imperfecta voluntas, pro perfecta habeatur. Præterea videri Tuditanum lucido interuallo scripsisse aut dictavisse, quo naturæ, pietatis, diuini humanique iuris pro patrum omnium voto meminerit. Denique ut testamentum insipientissimus scripserit, quare non sicut à patre sano testamento facto, De inofficioso agitur, hoc colore, quasi non sanæ mentis fuerit, dum filium præteriit: ita à furioso aut demente patre testamento facto, non secundum tabulas possessio peti poterit, hoc colore, quasi sanæ mentis fuerit, qui ex officio pietatis fecit testamētum? nam utrumque potest fauor liberorum inducere.

Damnatus statim amittit testamenti factionem.

II. Ex auctore ad Herennium lib. I. & ex Cicerone lib. II. de Inuentione.

CVM

CVM Malleolus iudicatus esset matrem occidisse, eique ideo damnato statim folliculo lupino os obuolutum esset, ac soleæ lignæ pedibus inductæ, ne haberet effugiendi potestatem: in carcerem deductus erat, vt ibi esset tantisper, dum culeus in quem coniectus in profluentem deferretur, compararetur. Interea verò quidam eius familiares qui eum antea defendebant, tabulis allatis ac testibus adductis, scribunt hæredes quos Malleolus iubet esse, nec non tabulæ obsignantur. De illo post supplicium sumitur. Inter eos qui hæredes in tabulis scripti erant, atque inter fratrem minorem Malleoli, qui eum oppugnauerat, lege agnationis de hæreditate fuit controuersia. Illi se recte hæredes institutos, quia lex ait, PATERFAMILIAS VTI SUPER FAMILIA PECVNIAVE SVA LEGAVERIT, ITA IUS ESTO: neq; agnatis locum esse, nisi si defunctus intestato decesserit. nam & lex ait, SI PATERFAMILIAS INTESTATO MORITVR, FAMILIA PECVNIAQVE EIVS AGNATORVM GENTILIVMQVE ESTO. porro nullam certam legem esse, quæ testamenti faciendi iis qui in eo loco sunt, adimat potestatem. imò eò nominatim videri concessisse, quādo vita duntaxat, non etiam bona damnaris adimuntur. nam ideo non adimi, vt de his liberè testari possint. Agnatus cōtrā, multa esse in legibus præterita, quæ idcirco præterita nemo arbitrari debeat, quod ex cæteris de quibus scriptum sit, intelligi possint. nunc
vero

DE IIS QVAE IN TEST. DELEN. II.
vero & ex legibus quæ defunctum huiusmodi
supplicio afficiunt, QVI PARENTEM NE-
CASSE IUDICATVS ERIT, IS OBVO-
LVTVS ET OBLIGATVS CORIO, DE-
IICIATVR IN PROFLVENTEM: & ex
iis quæ ad testamenti faciendi potestatem per-
tinent, quibus, Si quis furiosus sit, agnatûm gen-
tiliumque in eo pecuniâque eius potestas est: fa-
cile colligi potest, multo magis damnato, quàm
furioso testamêti factionem adéptam. Quid de-
nique si protinus de Malleolo parricidarum mo-
re sumptum esset supplicium? an testari potuif-
set is, qui ipsa damnatione & ciuis, & liber, & pa-
terfamilias iure Quiritium esse desuisset? nec igitur
& is qui ad supplicium seruatur. Quem vero
magis furiosum, minusve sui compotem, quàm
qui parentem occidendo, iura omnia violasse,
omnem humanitatis sensum exuisse certum est?
Atqui damnatis bona non adimi, non vt si de
his legassint, adhuc aliquis eorum status post
damnationem esse intelligatur: sed ne si agnatis
publicatione auferantur, nocentium poëna ad
innocentes perueniat. Pronuntiatum est (vt ego
quidem interpretor) Malleolum videri intesta-
to decessisse.

DE IIS QVAE IN TESTA-
MENTO DELENTVR, INDV-
cuntur vel inscribuntur, Tit. XLIII.

*Ex immensa quantitate comprehendendi, quid testator in-
ducere, quid inscribere voluerit.*

I. Ex

I. Ex Fabio Quintiliano, lib. v i i . cap. v i i .

MVLTA oriri possunt, quæ pro bono & æquo sint æstimanda: ideoque huiusmodi varietatem viri boni arbitrio dirimi oportet: qualia sunt, cùm in testamentis accidit, vt nihil scriptum sit, & voluntas manifesta sit: vel quod huic contrarium est, scriptum sit, quod appareat testatorẽ noluisse. Id verò assequimur aut ex vicinis scripturis, aut ex cõsuetudine patrisfamilias, vel regionis, aut cæterorum legatorum contemplatione, aut ex magnitudine eius pecunię, põsitione patrimonii, mediocritate facultatum quas testator reliquit. Sed & mēs patrisfamilias ex legatarii dignitate, charitate & necessitudine percipitur: vt in hoc iudicio temporibus Domitiani Augusti obseruatum est. Nam qui **SESTERTIVM NVMMVM QVINQVE MILLIA** legauerat, quia cùm emēdaret testamentum, sublatis sestertiis numis, **ARGENTI PONDO** reposuisset: **QVINQVE MILLIA** scriptum reliquisset: peterentur argenti pondo quinque millia: iudicatũ est testatorem quinque pondo duntaxat dari voluisse, non etiam quinque millia pondo: atque illud verbum, **MILLIA**, inconsultò reliquisse: quia ille argenti legati modus & inauditus erat, & incredibilis.

In testamentis re dubia & obscura, videri quod indutum sit, hoc perimi duntaxat: excepta libertatis causa. cætera valere.

II. Ex Marcello, lib. xxix. Digestorum.

Pudente

PVDENTE & Pollione Consulibus, in cognitione Antonini Augusti hæc controuersia mota est: Valerius Nepos Viuium Zenonem & Leonem hæredes instituerat: iisdem etiam multa prælegauerat: manumiserat quosdam, & aliis quoque legata dederat. Postea cum hæredum vniusque serui quem liberum esse iusserat, nomina induxisset, neque essent qui ab intestato hæredes esse possent, bona vt caduca Fisci Aduocati vindicabant. Certè ab Imperatore pronuntiatum est, hæreditatem ad eos qui scripti fuerant, & quorum nomina Valerius induxisset, pertinere non posse: cæterum vt eam Aduocati Fisci apud suos iudices peterent, Procuratorem Fisci aut Rationalem, si caducam esse intenderent. Sed de legatis dubitatum est, & maxime de iis legatis quæ adscripta erant Zenoni & Leoni, quorum institutio fuerat induc̃ta. Dicebat Calpurnius Longinus Aduocatus Fisci, non posse vllum testamentum valere, quod hæredem non haberet: neque vt id valeret testatorem voluisse, qui nomina hæredum induxerit, imò satis se constituturum putasse, si intestati exitum faceret. omnino certe prælegata dari noluisse: quia quos hæredes esse noluit, multo minus legatarios esse voluerit. Zeno contrà & Cornelius Priscianus Aduocatus Leonis dicebāt, Valerium Nepotem nomina hæredum tantum induxisse, id iure ipso perimi duntaxat, quod induc̃tum sit. Cum omnem scripturam testamenti defunctus non cancellauerit, sed eam partem

h

dunta-

duntaxat qua eos hæredes instituerat, non qua
iisdem aliisque legauerat: veri similis esse, vo-
luisse quidem defunctum intestatò decedere: sed
tamen quæ legasset, ea quocunque modo præ-
stari: ideoque magis quæ ipsis hæredibus lega-
uisset: quia id duntaxat ademerit, quod induxis-
set. Sane in re dubia benigniorem interpreta-
tionem sequi non minus iustum esse quàm tu-
tum. Quid enim si casu neque consultò induxe-
rit? cuius rei si deficit probatio, at suspicio ma-
net. Antoninus Cæsar remotis omnib⁹ cum de-
liberasset, & admitti rursus eosdem iussisset, ita
secundum Marcelli sententiam pronunciauit:
Causa præsens admittere videtur humaniorem
interpretationem, vt ea duntaxat existimemus
Nepotem irrita esse voluisse, quæ induxit. cæte-
rum cum nihilominus liberum fore, cuius no-
men induxerit.

DE HAEREDIBVS INSTI-
TVENDIS, TIT. XLIIII.

*Extraneus ideo à patre institutus, quòd filium suum su-
persitem habere se non crederet: ex illo testamento
hæres esse non potest, si reuersus filius hæreditatem
petat.*

I. Ex Cicerone, lib. I. de Oratore: & Valerio
Maximo, lib. VII. cap. VII.

FILII FAMILIAS militis de morte cum
domum falsus ab exercitu nuntius aduenis-
set: pater eius re credita, testamentum mutauit.
alium,

alium, quem ei visum esset, fecit heredem: ac paulo post ipse mortuus est. Cum filius miles domum reueneret, atque hereditatem lege aduersus scriptum heredem vindicaret, res delata est ad Centumuiros. Possessor se lege XII. tabularum tuebatur, VTI QVISQVE REI SVAE LEGASSIT, ITA IVS ESTO. non alium heredem esse posse, quam eum quem testator lingua nuncupasset. Testatorem nulla praefatione visum; Quando de morte filii rumor ad me allatus est, aut alia huiusmodi. neq; necesse habuisse hunc filium nominatim exhæredare, quem ne habere quidem, inque rebus humanis esse existimauerit. At contra pro petitoribus dicebatur, fieri non posse ut patrum bonorum exhæres sit filius, quem pater testamento neque heredem neque exhæredem scripsisset nominatim. Si falsus rumor nocere non soleat, se voluntate iudicioque patris non deficere: quia si de morte filii non accepisset, utique prius testamentum non mutasset. itaque extraneum nisi contra defuncti voluntatem, ac votum naturale, heredem esse posse. nec simile silentium, cum filium suum pater vita decessisse existimat, in patre etiam militate, vicem exhæredationis suscipere. Omnibus non solum consiliis, sed etiam sententiis filius superior discessit, cum iure tum æquitate.

Vt is etiam heres sit qui scriptus non est, heresque non sit is qui scriptus est, ex voluntate testatoris, quæ vel ex falsa causa praesumitur, potissimum metiri nos oportet

oportet. sane hoc casu legata conseruantur.

II. Ex Paulo, Imperialium sententiarum in cognitionibus prolatarum ex libris sex, primo, seu Decretorum secundo.

PACTUMEIVS Androsthenes Pactumeiam Magnam filiam Pactumei Magni, ex asse hæredem instituerat, eique patrem eius substituerat. Pactumeio Magno occiso, & rumore perlato quasi filia quoque eius mortua esset, mutauit testamentum, Nouiumque Rufum hæredem instituit hac præfatione, Quia hæredes quos volui mihi contingere, habere non potui, Nouius Rufus hæres esto. Pactumeia Magna supplicauit Imperatores Seuerum & Antoninum. cognitio suscepta est. Rufus allegabat, falsum modum aut falsam demonstrationem neque legatario, neque fideicommissario, neque hæredi instituto nocere: ideo quia ratio legandi legato non cohæret. quare licet Pactumeia mortua non sit, iure tamen se hæredem esse. Præterea si aliud dici possit, propter rationem naturalem, in filio aut filia ideo præteritis, quod à patre ignorantur: non ideo in extraneis id admitti oportere. Pactumeiam, filiam defuncti non fuisse. Pro Magna dicebatur, ex præfatione apparere, non alias defunctum, Nouium hæredem relicturum fuisse, quam Pactumeiam decessisse credidisset. Igitur quamuis generaliter falsus modus non noceat: attamen tum nocere, cum de contraria testatoris voluntate apparet. nunc autem manifestum

nifestum esse, Androstenem ideo iudiciū suum in Nouium contulisse, quia putaret habere se non posse Pactumeiam hæredē. Cæterum quòd filia defuncti non sit, ideo præfationem hanc apponi necessarium fuisse. verū in liberis, perpetuo inesse. quare nunquam eis parentum ignorantiam aut falsam opinionem obesse: quibus etiam ignorantibus neque filii, neque in potestate esse desinunt. nunc quod in causā liberorum operatur tacita volūtas, id expressam hanc præfationem & protestationē in causā Pactumeiæ Magnæ operari. Seuerus Imperator putauit Pactumeiæ ex voluntate testatoris subueniendum. igitur quasi hoc casu reuera prius testamentum per posterius non rumpatur: aut adeo magis hæc institutio Nouii ob præfatiorem quæ apposita est, sic accipi debere videatur, ac si testator ita scripsisset, Si Pactumeia hæres non erit, Rufus hæres esto: pronuntiauit hæreditatem ad Magnam pertinere. Sed legata ex posteriore testamento eam præstare debere, perinde atque si in posterioribus tabulis ipsa fuisset hæres scripta.

Siue re siue consilio pater filium in potestate constitutum præterierit, testamentum nullum est: quare & legata & libertates renocantur. l. Papinianus §. si ex causa. ff. de inofficioso testa. l. iii. ff. de condic. indebi. l. uxorem. ff. de manu. testa. At testamentum matris de inofficioso argui debuit. l. si instituta §. vlt. ff. de inofficioso testa. in quo si filius inconsulso sit præteritus, & legata & libertates conseruantur.

III. Ex Paulo, de septemviralibus iudiciis. CVM mater militē filiū falsō audisset decessisse, & testamēto hæredes alios instituisset: Diu⁹ Hadrianus decreuit hæreditatē ad filium pertinere, ita vt libertatēs & legata præstentur: quia abesset ab ea cōsiliū impietatis, cui filium instituere aut exhæredare non fuit alioqui ex iure antiquo necessarium.

DE VULGARI ET PVPILLARI
substitutione Titulus XLV.

*In conditione Si posthumus moriatur, inest ea quoque
Si non nascatur.*

I. Ex Cicerone, lib. 11. de inuentio, lib. 1. & 11.,
de oratore, in Bruto, in Topicis, & in
oratione pro Cæcina.

MANIVS Curius a Coponio hæres institu-
tus erat his verbis, Si mihi post mortem
meā in decē mensibus proximis filius nat⁹ erit,
hæres esto. Quòd si is antequam in tutelā suā
veniat, moriatur: tunc in locum partemq; eius
M. Curius hæres esto. Cū neq; nat⁹ esset post-
humus, Curius secundus hæres, apud Cemtum-
uiros & iudicāte Manilio, petebat hæreditatem.
Q. Mutius Scæuola pro M. Coponio agnato, ne-
gabat nisi posthumus & natus & antequam in
suā tutelam veniret, mortuus esset, hæredem
eum esse posse, qui esset secundum posthumum
& natum & mortuum hæres institutus: itaq; M.
Curium hæredem esse non posse, quia conditio-
ne deficitur. At cōtrā L. Crassus dicebat, volū-
tatem

tatem non verba valere oportere. nam si voluntates sententiæq; negligentur, quanta in verbis futura sit captio, cum in cæteris rebus, tum in testamentis? Ex bono & æquo, non ex callido versutoq; iure res iudicari debere. scriptum sequi, calumniatoris esse: boni vero iudicis, voluntatem scriptoris auctoritatemque defendere. nunc Scipionem ex vno scilicet captionis, Centumvirale iudicium hæreditatis efficere. Quid enim hoc subtilitatis habet, excogitare nasci quem prius oportere, quàm emori? Hunc testatorem qui sub hac cõditione Curium hæredem esse voluerit, Si posthumus moriatur, hoc voluisse, hoc sensisse, quoquo modo filius nõ esset qui in suam tutelam veniret, siue non natus, siue ante mortuus, Curius hæres vt esset. Nam qui voluerit hæredẽ esse si alius moriatur, multo magis ad substitutionem vocasse, si non nascatur: quemadmodũ ex aduerso, qui eum instituit, qui post mortẽ suam nasceretur, multo magis hæredẽ eum sibi esse voluit, si ante mortẽ suam nascatur. Mutius referebat, inutile & captiosum esse Populo, quod scriptũ esset negligi: opinione quæri voluntates, atq; interpretatione disertorum scripta simplicium hominum pervertere. Vbi verba clara & manifesta sunt, tutissimã esse interpretationẽ, quæ ex verbis colligi possit. In testamẽtis certẽ, volũtates defũctorũ conditiones regere. at id eos profecto voluisse, quod locuti sunt. Varia esse, Si posthumus non nascatur, & Si posthumus moriatur. itẽ referre

an pubes an impubes moriatur. itaq; q̄ in vnā
causam disposuit testator, ad aliam trahi non
oportere. Maluisse defunctum, quo casu posthu-
mus non nascatur, sibi agnatos & proximos hæ-
redes esse: si nascatur & moriatur, maluisse Cu-
rium hæredem esse: quòd ita fortasse vitæ filii
sui tutius consulere se existimaret. eius vitæ
proximos non insidiaturos, ad quos nihil morte
perueniret: de Curio nihil tale cogitasse. Vt in
manifestis probationibus hæredi scripto fauen-
dum est, quia fauorabilis sit defunctorum vo-
luntas: ita in rebus dubiis, humaniorem esse in-
terpretationem, quæ sit pro legitimis hæredi-
bus, quos lex ad successionem vocat, quorum
post liberos prima omnino causa & ratio est.
An non & aliud futurum sit, si non posthumus
sed posthuma nasceretur? quid amplius si & fi-
lius & filia nati essent, & horum alter solummo-
do decessisset? diceret Curius conditioni Lo-
cum esse? Præterea non alia ratione ex formula
Galli Aquilii in institutionibus & substitutio-
nibus ita scribi solere, Si mihi filius aut filia na-
scatur, & intra quartumdecimum annū moria-
tur, Curius hæres esto: quàm quòd variæ hæ scri-
pturæ diuersam voluntatem, vt diuersam signi-
ficationem habent. quapropter aliud caueri Si
nascatur, & item aliud Si moriatur. Non eādē
rationem esse vbi Mæuius ex parte, & ex parte
posthumus hæredes instituti sunt. tunc enim
profecto si posthumus nō nascatur, Mæuium so-
lum hæredem fore. nec enim eum qui non sit,
partem

partem facere inter eos qui simul vocantur, sic Curium nec vocari cū posthumo, & nisi si posthumus nascatur & moriatur, non vocari. Verū tamen vicit L. Crassus, ac facile sentētiā suā probauit omnibus. quare secundum Manium Curium pronunciatum est. & ideo Paulus libro singulari de secundis tabulis respondit, Cū a posthumo ita legetur, Si hæres erit, & non nato posthumo substituti adeant: legata eos debere, quæ ille si viueret, debiturus erat.

Ad substitutos pupillares pertinent & si qua postea pupillis obuenerint.

II. Ex Cicerone, lib. 11. de inuentione.

QVTDAM pupillum filium suum hæredē instituit, & si hæres non esset, aut intra pubertatem moreretur, quosdam substituit. Pupillus hæres patri extitit. post item alia bona ei obuenerē. deinde verò mortuus est antequam in tutelam suam veniret. De hac hæreditate quæ pupillo aliunde obtigit, inter eos qui patris pupilli hæredes secundi sunt, & inter agnatos pupilli controuersia mota est apud Centumuiros. Atqui hæredum secundorum certe possessio fuit. Dicebant ergo agnati suam pecuniam esse, de qua is cuius agnati essent, testatus non sit. pupillum profecto, quia nec possit, testamētum non fecisse: patrem autem secundos hæredes non filio, sed sibi iussisse esse: & si quidem pater filio tabulas scripserit, certè nō in hac pecunia scripsisse, igitur præter quā quod patris fuit in testamento,

mento, vllius hæredum esse non posse. Hæredes contrà, suam omnem esse pecuniam, qui testamento patris, hæredes secundi sint. Patrem & sibi & filio testamentum scripsisse, dum is pupillus esset, quare quæ filii fuerint, testamento patris sua fieri necesse esse. Secundos hæredes patrisfamilias, filii quoque pupilli hæredes esse. alioqui fore, vt vnus pecuniæ plures dissimilibus de causis sint hæredes, alius lege, alius testamento: & vt pupillus pro ea parte intestatus quæ de agitur, & testatus pro ea parte quam a patre accepisset, decesserit. atqui vnâ fuisse in persona pupilli pecuniam: itaque omnem ad se testamento pertinere. Sed rursus eam agnati, non ideo fateri vnâ esse, propterea quòd altera iam erat pupilli aduentitia, cuius hæres non illo in testamento quisquam scriptus sit, **SIC QUID PUPILLO OBVENISSET.** at de altera, patris etiam nunc quidem mortui voluntas plurimum valeat, quæ hanc olim, non illam aduentitiam, mortuo pupillo, suis hæredibus concesserit. ergo diuersæ pecuniæ dissimilibus generibus varios hæredes esse posse. Sed vt pater nō solùm sibi, verùm & filio suo impuberi simul testamentum faciat, cùm id moribus introductum sit, videlicet propter patriam potestatem dūtaxat, ideoq; & filio exheredato pupillariter substitui possit: quia pro isto more, hic apparet defunctum non tam suis bonis quàm impuberis substituisse: & quamuis duæ sint quodammodo hæreditares, quia tamen separari non possunt, propter

propterea quòd vnum sit testamentum patris & filii: merito arbitror secundum hæredes pronunciatum esse.

DE CONDITIONIBVS INSTITUTIONUM. Titul. XLVI.

Conditio iurisiurandi remittitur: sed non vt aliis omnibus facillime, ita filio, seruo, vel liberto. cæterum proscripto legari non posse.

I. Ex Cicerone, Verrina III.

P.TREBONIUS complures fecerat hæredes: in his suum libertū, is Aulū Trebonium fratrem habuerat proscriptū. ei cum cautū esse vellet, scripserat in testamento, vt hæredes iurarēt se curaturos, vt ex sua cuiusque parte ne minus quàm dimidiū ad Trebonium fratrem perueniret. Libertus iurauit. cæteri hæredes ad C. Verrem Prætorem adierunt (tunc enim adire necesse fuit: nec in perpetuum a Prætore, sed per singulos hoc iusiurandum remittebatur) docent non oportere se iurare facturos esse, quod contra legem Corneliam esset, quæ proscriptum iurare vetat. impetrant vt ne iurent. dat reis possessionem: & recte. Nam omnino hæ conditiones remitti, quin etiam pro non scriptis haberi solent, quæ contra leges, aut ea quæ legis vicem obtinent, aut contra bonos mores scriptæ sunt, aliter atque si impossibiles fuerint, neque in hominum potestate. Præterea remisso iureiurando, ita nihilominus hæres facere tenetur de quo rogatus

gatus est, si non sit vetitum & improbum. At C. Verres liberto malè possessionem ademit, eo quòd iurasset secundum voluntatem patroni. quia sicut aliis facilè, ita seruo vel liberto conditio iurisiurandi non remittitur: admissumque est vt iis vel tacitè fidem accommodasse non noceat (quod etiam in filio dicitur) quia paren- di necessitatem habet. Denique & si placeat re- mitti conditionem quæ ad fraudem legis respi- ceret, tamen si forte cautum vel iuratum est: in ipsa exactione libertus exceptione tutus esse potuit, minusque periurium metuere, quàm pœ- nam legum: quibus id etiam duntaxat adimitur quod incapaci restitutum est, nò etiam ea pars, pro qua non rogatus esset hæres.

DE SENATVSCONSVLTO

Silaniano & Claudiano, quorum te-
stamenta nec aperiantur.

Tit. XLVII.

*Si dominus a seruis suis interfectus esse appareat, de
tota familia supplicium sumi.*

I. Ex Cornelio Tacito, Annalium lib XIII.

PRAEFECTVM vrbis Pedanium Secundum
seruus eius interfecerat, seu negata libertate,
cui præciũ pepigerat: seu quòd infensus (& hoc
verius esse dicebatur) exoleti amore, dominum
æmulum ferre non potuisset. Ex vetere more, de
omni familia quæ sub eodem testò mansitauerat,
nec seruiles insidias aut prohibuisset, aut
prodi-

prodidisset, hæredes suppliciū sumi postulabant. Vociferabatur id esse iniquissimum, pro vnus noxa quādringētos interfici: concursūque plebs ad seditionem vsque tot in tanta familia seruos suo cœtu protegebat. Nihilominus in Senatu res acta est: nec defuere qui hanc ex animo sententiam dicerent, non quòd imperitæ multitudini obtemperare vellēt: nimis crudelem ac inhumanam legem esse (nisi eo consilio tanta immanitas pœnæ denuntiata est, ne ad eam vnquam perueniretur) quæ ab vno seruorum domino interfecto, seruos omnes qui sub eodem tecto fuissent, necari iubet. etenim dispiciendum qui cōscii & noxii fuerint: quia infōtes occidere, quod nulla lege liceat, sit omnino crudelissimū: at vero penitus inhumanū, id si vel numeri seruorum, vel ætatis vel sexus nulla habita ratione fiat: denique si nec ipsius perpensa delicti causa & occasione, iure an iniuria quis occisus esse videatur. hīc enim suas interfectorem vltum iniurias. Verū ex aduerso C. Cassius censuit, nihil de iure antiquo mutari oportere. Nunquā alia ratione quenquam in domo sua tutum esse posse, cū Pedanūm nec dignitas nec numerus seruorum (cui quādringenti fuere) nec rigor antiqui Senatusconsulti, a suis domi suæ protexerit. Nullam causam concedendam esse inter dominum & seruum, qua dominus a seruo iure occisus habeatur. Ferè inuisa imperia, & odium seruitutis commune esse. abiisse in prouerbiū, Totidem hostes, quot seruos. ideoque suspecta semper

per ingenia seruorum maioribus fuisse: quæ cum nisi metu contineri possint, idcirco illud etiam olim placuisse: & nuper rursus factum Senatusconsultum ultioni iuxta & securitati, ut si quis a suis seruis interfectus esset, ii quoque qui testamento manumissi sub eodem testamento habitassent, inter seruos supplicia penderent. Etenim fieri non posse, ut inter seruos & domesticos vnus ita domini interficiendi consilium tacite inierit, quin ab aliquo præfieri potuerit. Multa sceleris indicia præuenire seruos, si prodant. cæterum non prodidisse, aut ne auxilium quidem tulisse domino, ut æquè capitale sit omnibus, meritò institutum: ut in cõmuni metu & æquali periculo, saluti dominorum inuigilent: quasi suarum inuicem actionum, verborum, & cogitationum quæsitores dati: (ut de fabricensibus a Theodosio & Valentiniano postea rescriptum est.) Quod siqui sint in rerum natura magis, quàm quia id sciri possit, innocentes: non minus iniquum esse in eos quoque animaduertere, quàm cum fuso exercitu decimus quisque fuisse percutitur, etiam strenui sortiuntur. Securitatis publicæ causa, ab indemnatis & liberis hominibus nonnunquam vel semota appellatione, vel inconsulto Principe supplicium exigi: priuatæ vero securitatis, vnde illa publica nascitur, cur non vel de seruis innoxii iure licuerit? Iam & in liberos damnatorum sæpissime animaduersum: nec iniquum esse iudicatum est, ut pœnis filiorum, parentum scelera luerentur: videlicet ut charitas liberorum

liberorum amiciores parentes Reip. redderet:& magis eorum pro affectu naturali,quàm sui metu & formidine a proditione arcerentur. Si id minus æquum esse apparebit,habere aliquid iniusti omne magnum exemplum,quod cōtra singulos vtilitate publica repēditur. Itaq; placuit supplicium decerni.& cū obtemperari non posset,conglobata multitudine saxa ac faces minitante: Nero Imperator Populum edicto increpuit: atque omne iter quo damnati ad pœnam ducebantur,militaribus præsiidiis sepsit.Hæc igitur placuere,si dominus a seruis suis occisus domi diceretur.quòd si ab alio,tam seueris legibus Romani vsi non sunt. Quæstionem modò de omnibus seruis haberi placuit: sed & de his (vt ab Adriano cōstitutum est) qui non solum sub eodem tecto fuissent: verum etiam qui per vici nitatem sentire potuissent, vt AElius Spartianus ait.

DE LEGATIS ET FIDEI-
commis. Titul. XLVIII.

In dubio fit pro hærede interpretatio: & minus esse in legato, vbi hæredis electio est.

I. Ex auctore ad Herennium, lib. I. & ex Cicerone lib. II.de inuentione.

PATERFAMILIAS cū filium hæredē faceret, testamēto vasa argentea vxori legauit,hoc modo: Hæres meus vxori meæ vasorum argenteorum pondo centum, quæ volet, dato.
Post

Post mortē eius, vasa pretiosa & cælata magnificè, petebat à filio mater. ille quæ ipse vellet, debere se dicebat. Nihil erat in testamento, quo ex superiore aut inferiore scriptura, consuetudine patrisfamilias, animo, vita, dictis ac factis, aut ex iis rebus quæ personis attributæ sunt, defuncti voluntas colligi ac considerari posset. Nam & charissimi sunt vtrique, filius, & vxor. Itaque tota erat in iure controuersia. In iis enim quæ extra testamentum incurrunt, possunt res ex bono & æquo interpretationem capere: ea vero quæ ex ipso testamēto solisque verbis testatoris oriuntur, necesse est secundum scripti iuris rationem expediri. Ergo pro matre id afferebatur, nihil atcinuisse adscribi, *QVÆ VELET*, si defunctus hæredis voluntati electionem permisisset. eo enim non adscripto, nihil inesse dubitationis, quin hæres, quæ ipse vellet, daret. Amentix igitur fuisse, cum hæredi vellet cauere, id scribere, quo non adscripto, nihilominus hæredi caueretur. Item verba semper ad id magis propriè referri, quod proximius est: alioqui maritum hoc modo scripturum fuisse, Hæres meus
 ” vasorum argenteorum quæ volet centum pon-
 ” do vxori meæ dato. vel sic, Vxori meæ centum
 ” pondo vasorum argenteorum hæres meus quæ
 ” volet dato. Denique honestius esse, matri optio-
 ” nem competere, quàm eam veluti pendere ex
 filii nutu atq; arbitrio. Pro filio contrà diceba-
 tur, quæ insunt, ea sæpe nihilominus apponi, ne-
 que tamen obesse: imò in hac caussa si non ex-
 pressisset

pressisset hoc *QVAE VOLET*, matrem peti-
turam fuisse vasa quæ nec vulgariter, neque e-
tiam magnificè cælata essent. nunc sufficere si
ab hærede quantitas pöderis obseruabitur, non
etiam manupretium, quod materiam sæpissime
superat. Postremò si quid ambiguum sit in lega-
to, quia non sunt in onerandis hæredibus faci-
les voluntates, fauorabiliorem esse causam hæ-
redis quàm legatariorum: ideoque & quod mi-
nus est amplecti. at cum hæredis, promissorisve
electio est, minus semper esse intelligitur in ob-
ligatione. Quare ita pronunciatum esse conii-
cimus, videri optionē in hæredis potestate esse:

*Non debent obseruari defunctorum voluntates quæ
inceptæ & inhumane sunt.*

II Ex Athenæo, lib. iiii. cap. xvi.

GLADIATORVM spectacula magno in vsu
fuerunt antea Romanis (quam Nicolaus Dama-
scenus ait a Tyrrenis acceptam consuetudinē)
adeo vt non in conuētibus solùm, ludis ac thea-
tris ea Populo exhiberent, verùm etiam amicis in
priuatis epulis, quòd si alter alterum iugulasset,
quasi magnopere delectati applaudebant. Hæc
quanquam pessima consuetudo postea sublata
est, interea tamen cum quidam scripsisset in te-
stamento, vt formosissimæ duæ mulierēs quas in
dominio habebat: alius item; vt impuberes co-
ram Populo digladiaturi committerentur: Po-
pulus, editis his gladiatoribus, tantam iniuriam

-3309

i atque

atque inhumanitatem non æquo animo tulit. quinimo hanc testantium voluntatem irritam esse voluit, iussit.

In dubio minor summa legata esse intelligitur: nisi aliud ex opibus & dignitate defuncti, legatarijque considerari possit.

II. Ex Suetonio, in Galba cap. v.

L I V I A Augusta hærede Tyberio, H. S. **Q V I N.** hac nota, Sergio Galbæ legauerat. Sergius petebat ex testamento H. S. quingenties. Hæres ex aduerso allegabat quinquaginta duntaxat legato contineri. nam ex notata atque imperfecta summa non perscripta, quod minus est accipiendum esse. Pro Galba hoc afferebatur, quod dicimus, huiusmodi legata ex modo facultatum quas testatrix reliquisset, ex legatarii dignitate, charitate & necessitudine considerari: quemadmodum & in dotis repromissione, non demonstrata re & quantitate, quin etiam arbitrio detracto, & patre & marito digna dos dicta esse intelligitur. Vicit Tyberii si nō causa, certe auctoritas. ita enim mihi placet locum illum potius interpretari, quàm vt Tyberium pro hac nota L. hanc D. fecisse arguamus.

Legata ambitiosa, inutilia esse.

III. Ex eodem, in Domitiano cap. ix.

R V S C I V S Cepio testamento cauerat, quotannis Curiam ingredientibus Senatoribus certam summam viritim ab hærede suo dari. Cùm
posce-

poscerent legatū annuum Senatores: hæres autē hoc nomine recusaret, quòd ei turpe & ambitiosum hoc legatū esse videretur. nam & quod ciuitati relictum est, legibus peti non solere, si aliam ob causam, quàm ad ornatum relictum est. Minime enim tutum esse, ne de communi, tantòve ciuium ordine priuatus vnus ac locuples bene mereri videatur. ideoque largitiones in vulgus, ac nimiam quoque popularitatem multis olim exitio fuisse: certe suspectam semper esse oportere. Et hac quoque ratione, si vt venatio aut spectacula edantur legatū sit, vitium esse in eas causas erogari. denique vllò alio quàm bono publico, Senatores vnquam in Curiā venire, id verò omnibus modis esse indignissimum. His motus Imperator, legatū irritum fecit.

Demonstratio facta apud quem pecunia accipitur, hæredem grauat, non cum apud quem pecunia est.

IIII. Ex Paulo, lib. II. decretorum.

IULIANVS Seuerus decedens, institutis quibusdam hæredibus, alumno suo quinquaginta legauerat: eaque a Iulio Mauro colono suo, ex pensionibus fundi ab eo debitis, præstari voluit: eidemque Mauro quædam legauerat. Cùm de hæreditate fiscus quæstionem mouisset: iussu Procuratoris Cæsaris Maurus pecuniam interim fisco soluerat. postea hæres scriptus obtinuerat aduersus fiscum. Alumno autē mortuo, hæres eius fideicommissum ab hærede Mauri pete-

i 2 bat.

bat. Nam Iulianum a Mauro ideo quòd ei legasset, & aliquid emolumenti Iulius ex testamento defuncti caperet, quinquaginta legauisse. præterea Maurum debitorem fuisse. atqui ex rescripto diui Pii ab omni debitore fideicommissum relinqui posse. Placuit tamè imperatori Alexandro, non videri eius fideicommissum: sed patremfamilias in hoc legato demonstrare potius hæredib⁹ voluisse, vnde quinquaginta sine incommodo rei familiaris contrahere possent. nam Iulianum imprimis quinquaginta simpliciter legauisse: itaque ab hærede legauisse. & quod postea de præstatione adiecerit, solam facultatem comodioris solutionis respicere. præterea a debitore non legari nisi sit ei liberatio legata. & ideo hæredes Seueri hæc præstare debere: cæterum a fisco solutum posse condici.

Appellatione reliquorum, quæ in condito paterfamilias habuit, non veniunt.

VI. Ex eodem, ibidem.

OSIDIUS quidam instituta filia Valeriana hærede, actori suo Antiocho data libertate, prædia certa & peculium & reliqua legauerat, tam sua quàm colonorum. Legatarius proferebat se manu patrisfamilias reliquatum, tam suo quàm colonorum nomine. præterea & eadem scriptura patrisfamilias adiectum esse in hunc modum,
ITEM QUORVM RATIONEM REDDERE DEBEAT, scilicet quæ in condito habuerat
 pater-

paterfamilias, FRUMENTI VINI ET CAETERARVM RERVM: quæ & ipsa libertus petebat, & ex reliquis esse dicebat. idemq; sensisse Osidium his verbis, QVORVM RATIONEM REDDERE DEBEAT: & apud Præsidentem obtinuerat. Hæres cum appellasset, dicebat de reliquis nullâ se mouere controuersiam. diuersam autem esse causam eorû, quæ in condito essent: quia reliquorum appellatione ea videantur legata, quæ in eadem causa manserunt. itaque nec pecuniam a colonis exactâ, & in Kalêdarium versam, aut cuius cautio interposita est, aut quæ omnia denique in rem domini versa sunt, reliquis non contineri neque colonorum neque actorû, tametsi nominati actores ipsos ac colonos etiam paterfamilias legauisset. Imperator interrogauit partem legatarii quæredi causâ: Pone (inquit) in condito centies aureorum esse, quæ in vsum sumi solerent: diceres, totum quod esset relictum in arca, deberi? Et placuit rectè appellasse. A parte legatarii suggestû est, quædam a colonis post mortem patrisfamilias exacta. Respondit, hoc, quod post mortem exactum fuisset, reddendum esse legatario.

Non censetur inesse in maiori minor summa, neque legatum pecuniæ repetitum, vbi legatariorum diuersa persona est, licet vni per alterum acquiratur.

VII. Ex eodem.

PAULA Callinico ex parte hærede instituto, filia eiusdem Iunetianæ, cum in familia nuptis-

set, decem testamento legauit, deinde post tempus codicillis factis, centum eidem Callinico reliquerat, non adiecto, HOC AMPLIVS. Dicebatur, illa decem perinde esse, atque si Callinico relicta essent. itaque posteriore legato contineri: præsertim quia Paula nõ adiecisset, HOC AMPLIVS. Imperator pronuntiauit vtramque summam deberi: maximè cùm in codicillis, filix Callinici nihil legatum fuisset, vnde videretur filix contemplatione hoc etiam Callinico relictum.

DE ADIMENDIS VEL TRANSFERENDIS LEGATIS VEL fideicommissis. Tit. XLVII.

Inter liberos, ademptio humaniter interpretatur.

I. Ex Paulo, lib. II. decretorum tit. de legatis lib. III.

POMPEIVS Hermippus filiũ Hermippum ex dodrãte, filiã Titianã ex quadrante hæredes instituerat, & prædia certa singulis prælegauerat: præterea si sine liberis Hermippus moreretur, aliam possessionẽ filix dari iusserat. Post testamentum factis codicillis, certa filix prædia dederat: eãque his contentam esse voluit pro omni hæreditate, & his quẽ in testamento reliquerat. Hermippi bona ad fiscum peruenerant. Titiana soror fideicommissum petebat. Quærebatur vtrum pro hæreditate tantum, an & pro his

his quæ post mortem frater rogatus erat restituere, pater eam voluisset accipere ea quæ codicillis reliquerat. Paulo, ab omni voluntate recessum videbatur. sed placuit humanius interpretari, ea sola quæ viuentis fratre acceptura erat, adempta videri: non etiam quæ post mortem eius reliquerat, si sine liberis decederet. & ita Imperator Alexander pronuntiauit.

DE IIS QVAE VT INDI-
GNIS AVFERVNTVR.

Tit. XLVIII.

Qui se castrauerit, hunc indignum esse qui quid testamento capiat: & si spoliatus sit, hunc minime restituendum.

I. Ex Valerio Maximo, lib. VII. cap. VII.

GENVTIVS quidam sibi ipsi genitalia membra amputauerat. postea a Neuiano Surdinii liberto hæres institutus, bonorū possessionē secundū tabulas testamenti a Cn. Oreste Prætorē acceperat. eiectus a Surdinio, restituere in bona Neuiani ab eodem Prætorē urbis impetrauerat. Surdinius A Emiliū Lepidū Mamercū Consulē appellauit, ideo quia videretur obscœna Genutii persona, qui neq; virorū neque mulierū numero haberi posset: atque perinfame esset, huius mōstri, tertiiue generis hominū inquinata voce, sub specie petiti iuris, tribunalia pollui. Istiusmodi Genutium esse (secundum quod a Surdinio dicebatur) cui vis, cui iniuria nun-

quam allata esse dici possit: qui nullā actionem iniuriarum, nullum interdictum habeat. Equidem si olim eunuchi in pretio fuerint, antequam dominis permissum fuerit seruos suos castrare, quos occidere poterant: in liberum quidem id commississe, perpetuo capitale fuit. quæ istius indignatio est, qui tale quid in se commiserit? & si tali odio habitus est is qui libertate neglecta (quæ res inestimabilis habetur) se ad precium participandū venire passus est, ut in seruitute retineretur: quid de eo statui oportet, qui ut ne quidem pro homine sit, effecit? qui sub quo genere in iudicio sistat, cōprehendi nequit? Ergo AEmilius Lepidus consulto Senatu pronūtiavit, Genutium videri ius actionemq; restitutionis in iure postulandæ non habuisse, minusq; impetrare debuisse: itaque iure appellatum.

Lenonis persona turpis est: itaque testamenti factionem non habet: & si velit lege agere corā Prætorē, non admittendus est.

II Ex eodem.

QV I D A M Vetilium lenonem hæredem instituerat. is cum Q. Metellum Prætorē Urbanum adiisset, bonorum possessionem secundum tabulas non impetrauit. Etenim fori ac lupanaris separandam rationem esse. ut in altero casti, probi & honesti viri non admittuntur: sic in iure, turpes ac intestabiles personas admitti non oportere. Præterea nec factum testatoris comprobandum esse, neque eas tabulas pro iustis haberi

beri conuenire, quibus veluti in stabulum cōtaminatum fortunas suas proiecerit, effuderit. Interesse Reip. vt honestæ personæ & verbis honestis vocentur ad hæreditates. Porro ius absque iniuria huic denegari posse, qui se ab omni honesto vitæ genere segregauerit. Iuris ciuilis vnâ ac præcipuam partem esse, Honestè viuere.

Qui tacitè fidem accommodauit cautione interposita: etsi probet testatorem in omni sua voluntate non perseuerasse, poterit tamen ex cautione sua conueniri. A iudice qui ex rescripto iudicauerit, nihilominus appellari posse.

III. Ex Paulo, lib. I I. decretorú tit. de iure fisci.

S T A T I V S Florus testamento scripto, hæredis sui Pópeii tacitæ fidei cōmiserat, vt non capiēti fundum & certę pecuniæ quantitatem daret: & eo nomine cautionem a Pompeio exigi curauerat, se restitutum ea quæ illi per præceptionem dederat. stipulatus est incapax, spondit Pompeius. Postea idem Florus factò secundo testamento, & eodem Pompeio & Faustino hæredibus institutis, nullas præceptiones Pompeio dederat. Hæc psona quæ capere nō poterat, se detulerat. Cōsulti Imperatores a Procuratoribus fisci, rescripserunt, si non probaretur a Pompeio mutatam voluntatem esse, præstandum fideicōmissum, partim fisco, partim incapaci: quia se detulisset. atque ita Pompeius condemnatus a Procuratoribus, ad Imperatorem appellauit. Dicebat, videri quidem posse, cū tacitum fideicōmissum

missum ab eo datur, qui tam in primo quàm in secundo testamento hæres scriptus est, non mutatum esse volutatem, quando is cuius fidei priore testamento commissum est, in posteriori testamento pro eadem parte, aut etiam pro maiore institutus est. verum hic se in minore institutum esse. Præterea dici non posse, testatorem pro parte in prima voluntate perseverasse, sed in vniuerso. igitur cum præceptiones secundo testamento non dederit, apparere pro ea parte mutatam esse voluntatem testatoris: igitur & in vniuersum: vt quemadmodum nulla prælegata Pompeio dederit, ita de iis iterum tacitè rogasse voluerit. Denique etsi placeat reliqua solui citra præceptiones, quia nullæ relictæ essent: saltem Pompeius desiderabat id onus esse totius hæreditatis, ideo quia præceptiones non accepisset. Nam prius testamentum non constare: neque si dedisset ei præceptiones in primo testamento, ex posteriore peti potuisse, nisi si repetitæ essent. aliud enim esse in tacito, aliud in expressio legato. hoc nisi nominatim repetitum in secundis tabulis, non deberi. Placuit, quia probabat non sibi datas præceptiones, ex sola sua cautione, ne Faustinus grauetur qui fidem tacitè non accommodauit, Pompeium solum fundi pecuniæque fideicommissum, quod ab eo tacitè repetitum videretur, præstare debere. nam nihil prohibere, cur pro parte Statius Florus voluntatem non mutauerit, pro parte mutauerit.

De con-

DE CONDITIONIBVS ET DEMONSTRATIONIBVS. Tit. XLIX.

Conditio, Si filij morte patris, sui iuris facti sint, impletur filiorum emancipatione.

I. Ex Vlpiano, lib. v. disputationum tit. ad S. C. Trebellianum.

BRASIDAS quidam Lacedæmonius vir Prætorius, cum filiis suis ab uxore diuortio separata fideicommissum relictum esset, hoc modo, SI MORTE PATRIS, SUI IURIS FACTI ESSENT: eos emancipauerat. Filii, post emancipationem, fideicommissum petebant. At conditio certè non exstiterat: aut verò videbatur mors patris expectanda esse, nec hæredes antè fideicommissi nomine conueniri posse. Tamen Diuus Marcus in auditorio de hac re ipse cognoscens, intellecta matris voluntate, quæ quia non crediderat patrem filios emancipaturum, distulerat in mortem eius fideicommissum: non dilatura id in mortalitatem, si cum emancipaturum sperasset: decreuit fideicommissum eis repræsentandum.

AD SENATVS CONSULTVM
TREBELLIANVM. Tit. L.

Qui heredem suum testari vetat, censetur eum rogare de hereditate sua post mortem heredis sui restituenda: nisi appareat, consulere, non prohibere aut mandare voluisse.

I. Ex

I. Ex Paulo, lib. 11. decretorum.

QVI filium & filiam habebat, testamentum fecerat, & ita de filia sua cauerat: *ἐν τέλει καὶ σοὶ μὴ διατίβῃς πρὶν τέκνα σοὶ γενέσθαι*. Pronuntiavit Imperator fideicommissum ex hac scriptura deberi: quasi per hoc quod prohibuisset eam testari, petiisset, ut fratrem suum heredem faceret. sic enim accipiendam eam scripturam, ac si defunctus hereditatem suam rogasset filiam restituere fratri, si antequam liberos tolleret, moreretur: id est, quicquid ex hereditate patris filia consecuta esset, ut ei restitueret. non quod de rebus aliis quæ filiz obuenissent, testamentum fieri prohibendo, iuri publico derogare velit. nam adimi non potest libera testandi facultas.

Non quia duo inuicem substituti sunt, ideo fideicommissum, Si quis eorū sine liberis decesserit, soli substitutus superstiti deberi potest.

II. Ex eodem, Imperialium sententiarum in cognitionibus prolatarum ex libris sex lib. 7. seu Decretorum lib. 11.

IVLIVS Phœbus testamēto facto, cum tres liberos hæredes institueret, Phœbū & Heracliam ex eadem matre, Polycratem ex alia, æquis portionibus: petiit a Polycrate minore fratre, ut accepto certo prædio hereditatem fratribus concederet. & inuicem eos qui ex eadē matre erant, si quis eorum hæres non fuisset, substituerat. Polycrati, si intra pubertatem decessisset, secundas tabulas

tabulas fecit, quas matri eius commendauit aperiendas, si impubes obiisset. deinde petiit à prioribus, vt Si quis eorum sine liberis decederet, portionem suam, exceptis bonis maternis & auitis, ei vel eis qui superessent, restitueret. Heraclia soror mortua sine liberis, fratrè Phœbum instituit hæredem. Polycrates fideicommissum petierat & obtinuerat apud Aurelium Proculum Proconsulem Achaie. Appellatione facta, cum solus Phœbus egisset *μνομενός*, attamen victus est: quia EI VEL EIS verba, vtrosq; fratres complecterentur: atqui inuicem duos illos tantum substituerat. quare si nihil Polycrati restitui voluisset, ita eum loqui oportuisse, vt EI QUI SUPERESSET, non EIS etiam QUI SUPERESSENT, restitui vellet. Sed & voluntas hæc patris esse videbatur, qui exceperat eorum bona materna: quia Polycrates aliam matrem, vt dictum est, & quidem superstitem habebat, cuius etiam fidei commiserat, vt legata quæ ei dederat, intestata moriens, Polycrati filio suo restitueret. itaque voluisse vt bona materna singuli separatim liberi possiderent, Phœbus & Heraclia matris suæ, itemque suæ Polycrates. paterna vero ita ad tertium peruenirét, si alii duo sine liberis decessissent.

QUANDO DIES LEGATORVM
VEL FIDEICOMMISSORVM

cedat. Tit. LI.

In caus-

In caussa liberorum cessit dies anno capto, non etiam impleto duntaxat.

Ex Paulo, lib. II. decretorum tit. ad S. C. Trebellianum.

FABIUS Antoninus impuberem filium Antoninum & filiam Honoratam relinquens, exhæredatis his, matrem eorum Iuliam Valerianam hæredem instituit: & ab ea trecenta & quasdam res filiae reliquit. reliquam omnem hæreditatem filio Antonino, cum ad annum vicesimum ætatis peruenisset, voluit restitui. quod si ante annum vicesimum decessisset filius, eam hæreditatem Honoratæ restitui præcepit. Mater intestata decessit, utrisque liberis legitimis hæredibus relictis. Postea filius annum agens plenum nonūdecimum, & ingressus vicesimum, necdum tamen eo expleto, decessit, filia hærede Fauia Valeriana sua relictæ: à qua amita fideicommissum, & ex testamento patris portionem hæreditatis petebat, & apud Præsidentem obtinuerat. Tutores Valerianæ filiae Antonini, egestatem eius prætendebant, & recitabant diui Hadriani constitutionem, in qua quātum ad munera municipalia, iusserat eum annū quē quis ingressus esset, pro impleto numerari. Imperator autem Alexander motus & æquitate rei, & verbis testamenti, **SI AD ANNUM VICESIMUM ÆTATIS**, quæ hanc interpretationem pati possunt, ut is ad annum vicesimum ætatis peruenisse dici possit, qui illum annum attigit, licet

licet proprie viginti annorum natus non sit :
 quamvis scire se diceret, a diuo Marco non excu-
 satum a tutela eum, qui septuagesimum annum
 ætatis ingressus fuisset: Iulio etiam Paulo iure-
 consulto contra petitrice[m] legis Aeliæ Sentiaë
 argumenta proferente, & quod de vsucapione
 & ætate eius qui testari possit, vulgo dicitur:
 item aliam suorum, aliam extraneorum ratio-
 nem esse. in extraneis certè Imperatorem Aure-
 lium Antoninum ad appellationem ex Germa-
 nia iudicasse, tum aliquem esse quatuordecim
 annorum, cùm impleretur. at in suis fauorabi-
 liorem causam esse. denique videri exhereda-
 tionem hanc qua de agitur, non notæ causæ, &
 vt filio Antonino noceretur, a patre interposi-
 tam: sed magis vt ei cōsuleret. vxorem enim ro-
 gasse, vt ei cùm ad vicesimum annum peruenis-
 set, hæreditatem restitueret: aliqua potius admi-
 nistrationi præstationiq; mora quasi adhibita,
 quàm vt dies fideicommissi nisi extremo mo-
 mento cecidisse videretur. Sed et si re vera dies
 præstationi duntaxat, non etiam fideicommissio
 esset appositus: consummationem vicesimi anni
 expectari posse. nam hic solummodo fructuum
 versari detrimentum, at vbi transmissio legati
 impeditur, durum esse hanc interpretationem
 sequi, per quam aduersus iudicium patris & com-
 mune votum, re ipsa & mala mente patris, non
 pio consilio, cùm filius, tum ex ea neptis exher-
 edati esse reperiatur. His itaque motus Impe-
 rator Alexander contra petitrice[m] pronuncia-
 uit.

DE SVISET LEGITIMIS
HÆREDIBVS. Tit. LII.

*Iudæorum legibus, filii, nō etiam nepotes, in successione
filiabus anteponuntur.*

I. Ex Mose, Numerorū cap. xxvii. & Flauio Iosepho, lib. iii. antiquitatum cap. vii.

SALPHAAD Hebræus intestatò decesserat sine liberis masculis. de eius hæreditate agebatur inter Maalam, Noam, Heglā, Melcham, & Thersam filias, atque fratres aut agnatos defuncti. Hi ad se hanc ideo pertinere differebāt, quòd cū ita per Tribus diuisa sint patrimonialia suis Iudæorum moribus ac legibus, vt gētis atque familiæ bona potius esse dicantur, quàm eorum qui possident: filiæ meritò excludi debeāt, quia è familia exeunt. Hæ contrā, Mosē, Eleazarū aliosque Mosi assessores ad cogitationem naturalis æquitatis adducebant, quæ masculos æquè ac fœminas amplectitur. Itaque secundum filias pronunciatum est, modò ne extra gentem familiamque nuberent. atque etiam decretum est in posterum, vt ad successionem primo loco, filii: secundo, filiæ: tertio, fratres defuncti: si ne hi quidem vlli erunt superstitēs, aut hæredes esse nolint, aui: postremò agnati vocentur: multis de causis (quas vnusquisque Populus, hoc vel illo iure vtatur, pro more, utilitate & regione iustas habet) filium filiæ anteponendo, nec non & filiam, vel ipsi ex filio nepotis:

quia

quia certe filia sit omni nepote proximior: nec per vllam fictionem aut representationem, sed re ipsa. præterea, si lex semper naturam imitatur, quia nostra omnium affectio pronior est in liberos qui vere nostri sunt: quàm in nepotes, qui sane ad patrem suum pertinent.

In regni successione inspicitur duntaxat, vter sit maior natus, non etiam vter Rege patre natus sit.

II. Ex Herodoto, lib. VII. & Plutarcho, in Artoserxe. Iustino lib. II. & XVI.

DARIUS Rex Persarum, priusquam regnum adeptus esset, ex alia vxore Artobazanem, Xerxem deinde rerum potitus ex alia suscepserat. Cum de successore cogitasset, magnam inter consanguineos dissensio fuit, ac vtrunque res coram ipso Dario Rege summis fauentium studiis agitata. Dicebat Artobazanes, omnium se fratrum maiorem natu esse, quare iure gentium, primique geniti prærogatiua, imperii spem ad se pertinere. nam patri aduenientem dignitatem, etiam antè susceptis liberis proficere: & nihilominus (si decet paruis magna componere) Senatoris aut Equitis filium appellari, qui nondum patre Senatore vel Equite natus est. præterea & illegitimè susceptos, per subsequens matrimonium non minus patri suos effici, quàm qui postea legitimè suscepti sunt. Xerxes ex aduerso, conueniens esse, vt qui patre imperante nasceretur, hic regno succederet: quasi reuera id sit Regale semen, stirpsque Regia, quæ tunc
k orta

orta est cùm quis regnare cœperit. Et sane vicit
 hæc sententia, magis secundæ vxoris illecebris
 falsoque Demarati testimonio, qui hoc iure vt
 Lacedæmonios malitiose recitauit: quàm lege
 aut moribus aut exemplo. Quamobrem ita iu-
 dicatum fuisse nihil postea Cyro profuit, cum
 idem Artoxerxi maiori fratri obiiceret: valuitq;
 ius naturæ, non studium matris, quæ Parysates
 cognomento fuit. Veruntamen & quòd illud de
 Xerxe & Artobazane aliter est a Iustino memo-
 riæ proditum, inuat hìc quæ ab eo scripta sunt,
 „ apponere: ait enim, Darius cùm aduersus Athe-
 „ nienses bellum restauraret, in ipso apparatu de-
 „ cidit, relictis multis filiis & in regno & ante re-
 „ gnum susceptis. Ex his Arthemenes maximus
 „ natu, ætatis priuilegio regnum sibi vindicabat:
 „ quod ius & ordo nascendi & natura ipsa genti-
 „ bus dedit. Porro Xerxes controuersiam non de
 „ ordine, sed de nascendi felicitate afferebat. nam
 „ Arthemenum primum quidem Dario, sed priua-
 „ to prouenisse: se, Regi primum natum. fratres
 „ itaque suos qui ante geniti essent priuato, pri-
 „ uatum patrimonium quod eo tempore Darius
 „ habuisset, non regnum sibi vèdicare posse: se es-
 „ se primum quem in regnum rex pater sustule-
 „ rit. Huc accedere quòd Arthemenes non patre
 „ tantum, sed & matre priuatæ adhuc fortunæ,
 „ auo quoque materno priuato, creatus esset: se
 „ vero & matre regina natum, & patrem non nisi
 „ regem vidisse: auum quoque maternum Cy-
 „ rum regem habuisse, non hæredem sed condi-
 torem

ditorē tanti regni. itaq; etſi æquo iure vtrumq;
 fratrem pater reliquiſſet, materno ſe tamē iure
 & auito vincere. Hoc certamē (inquit) concordi
 animo ad patrum ſuum Artaphernem, veluti
 ad domeſticum iudicem deferunt: qui domi co-
 gnita cauſſa Xerxem præpoſuit: adeoque frater-
 na contentio fuit, vt nec victor inſultauerit, nec
 victus indoluerit, ipſoq; litis tempore inuicem
 munera miſerint, & iucūda quoque inter ſe non
 ſolum credula cōuiuia habuerint: iudicium quo-
 que ipſum ſine arbitris, ſine conuitio fuerit. Tā-
 to moderatius tum fratres inter ſe regna maxi-
 ma diuidebant, quā nunc exigua patrimonia
 partiūtur. Sed & Ptolemæū contra ius gentium
 minimo natu ex filiis, ante infirmitatē regnum
 tradidiſſe, ait lib. xvi.

*Frater ex vtroque parente in ſucceſſione fratris alij
 antefeſtur.*

III. Ex Iuſtiniano, conſtitutio. LXXXIIII.

QVIDAM ex tribus vxoribus relictis liberis,
 & tertia vxore relictā deceſſerat. hæc cum item
 alteri nupſiſſet, liberos habuit. Sed & ea mortua
 defuncto filio ex tertio matrimonio ſine liberis,
 inter vterinos fratres, germanos & conſanguineos
 tantum, de hæreditate fratris defuncti coram
 Iuſtiniano Imperatore ſumma contentio fuit.
 Conſanguinei, vterinos: germani, vtroſque non
 admittebant. At ipſius Iuſtiniani lege, merito
 ſublata cognationis & agnationis differentia,
 vterini ſuam quoque hæreditatē eſſe dicere.

Nam eorum qui per virilem sexum coniunguntur, si aliquis certe fauor afferri potest, non ideo tamen proximior esse gradu iis qui per fœminas se contingunt. Planè vetustissima & æquissima lege XII. tabularū, hæreditates deferri PROXIMO, non DIGNISSIMO. Etenim si in successionibus non gradus, sed sexus: non proximitas, sed dignitas, præsertim ab intestato, considerabitur, futurum esse, vt neque filia cum filio succedat, & remotior aliquādo proximiorē antecedit. atqui a lege naturam imitari, quæ profecto æquo iure vtrumque sexum amplectitur, & sibi quæque proxima magis fouet ac nutrit. Præterea cur qui ex vtroque parente, aut certe ex eodem patre nati sunt, hi sibi ipsis coniunctiores esse videri velint? an propter communem familiæ, gentis ac nominis appellationem? atqui nulla est plerunque inter alios maior discordia. Eam potius igitur rationem esse, quòd eodem se fonte ortos esse existimant. quæ opinio sane non tam in patre, quàm in matre certa est. Denique nihil esse quamobrem qui ex eodem patre proficiiscuntur, hanc CONSANGVINEORVM appellationem, sibi peculiarem attribuāt: quia & vterini verè cōsanguinei sunt. nisi sit hoc falsum, quod est verissimum, vxorem etiam aliquid de suo adferre ad hoc opificium hominis, ex copula concepti & compositi animantis. Ideoque a veteribus, vsque ad Constantinum, merito indistincte omnibus fratribus etiam vterinis querelam inofficiosi testamenti concess-

concessam fuisse. nunc si a querela testamento facto arceantur, iis equidem ab intestato succedendi facultatem non esse ademptam. Consanguinei quoque, ii nempe qui duntaxat eodem patre nati essent, affirmare se fratri sine controuersia legitimos hæredes esse: quia & reuera sint agnati & proximi: nec ut quis agnatus aut consanguineus sit, hoc requiri, ut & eadem matrem habeat. Nam quò seruus sit aliquis aut ingenuus, spurius aut legitimus, matrem venire quidem in considerationem: sed in iis omnibus quæ ad ciuilia iura pertinent, qualis est etiam succedendi ratio, solum attendi masculum solumve patrem familias. Porro quemadmodum æque filii nostri sunt, qui ex hac aut illa vxore nati sunt: quia nihil ut telluris in colono, ita in patrefamilias nihil vteri diuersitas afferat: sic æquo iure esse inter se fratres qui maxime ex eodem patre concepti sunt. cumque ideo simul absque distinctione ad successionem patris admittuntur: cur eorum vno defuncto, inter se esset varia conditio? Itaque nullam hætenus tota antiquitate motam esse controuersiam, qua nati ex iisdem parentibus, aliis ex diuersa matre consanguineis uti prerogatiua postularent. Nam & omnes omnino leges quæ de consanguineis loquuntur, patris solummodo rationem habuisse. Ideoque post suos, lege x i i. tabularum vocari generaliter consanguineos, id est, ut Vlpianus ait, ex eodem patre natos. & indefinitè, querela vterinis adæpta, relictam esse consanguineis fratribus. Denique

& cū ingratitudinis causſæ a legibus explican-
tur, ob quas frater a fratre exheredari aut præ-
termitti poſſit, non diſtingui fratrem vnum ab al-
tero. in quo vel id pulchre obſervari debeat, plu-
res cauſas enumerari, ob quas filius a patre,
quā frater a fratre exheredari poſſit, quod non
tam pietati & officio tribuendum eſt, quæ erga
fratrem proſecto minora ſunt; quā quod fratre
ſine liberis deſuncto, quod frater illius morte
accipit, id potius creditoris loco & a patre vt fa-
miliare patrimoniū accipere intelligitur, quā
fraterna prouidentia: quæ ratio (vt antea dictum
eſt) in omnibus fratribus eadē eſt. Nam ſi inter
conſanguineos vlla eſſet propter varia iura di-
ſtinctio; cur non ex vtroque parente conceptis
fratribus, ſpecialis aliqua appellatio cōceſſa eſt?
nam ſi vbi notationē inſpicimus, etiam GER-
MANI ſunt qui eundem patrem habent. Porro
non tanti æſtimari ex eadem etiam matre eſſe,
cuius in liberos nulla vllis legibus ac moribus
potestas auctoritasque fuit; ideoque nec arro-
gare potuit: quæ ex ſe natos ne quidem ſuos
hæredes potuit vngquam appellare: quos inſti-
tuere aut exheredare necesse non habuit: & ad
quorum etiam vel tutelam vel ſucceſſionem vix
cum Atria tandem admiſſa eſt. Quare igitur ma-
ter in ſucceſſione fratris conſiderabitur, quæ in
iure tam parui momenti eſt? cuius nec in nuptiis
liberorum, conſensus auctoritasque requiritur?
Eadem itaque ratione vterinos ſe excludere o-
portere, qui ipſi excludi non debeant a conſan-
guineis

guineis & vterinis simul. At hi profecto aiebāt se solos hæredes esse. nam sibi cōuenire propriè fratris consanguineique nomen. quis tam enim frater, hoc est, ferè alter alteri dici potest, quàm qui eosdem parentes habet? præterea consanguineum dici non aliter quàm respectu vtriusque parentis: vt reuera consanguineus sit qui filius appellatur, ex duorum composito sanguine conceptus. itaque consanguinei sint filii, antea quidem parentibus, mox inuicem fratribus, in quibus inuenire liceat vtriusque seminis & sanguinis vestigia & opera. Quicquid ab aduersariis speciose adducitur, id nequicquam vrgerè, si solam naturā inspiciamus, qua nullus alius aut charior aut proximior aut certe coniūctior dici potest, quàm qui vtroque parente veluti duplici vniculo alteri coniungitur. Itaque si verisimilem defuncti voluntatem amplectimur, se solos hæredes esse oportere, qui sint ei & cōiunctissimi & proximi. Si item iudicium parentum ac commune votum, vt eò nempe deferatur hæreditas, vbi quasi cum defuncto eadem persona esse intelligitur: profecto qui patre matreque coniuncti sunt, quique omnes liberi sunt vnius matrimonii ac fœderis, hos, atque si re & verbis coniuncti sint, vnius loco esse quodammodo, vt quādiu vdelicet eorum alter superstes erit, solus bona defuncti fratris accipere debeat: tum quia defuncto fere alter, tum propter illud commune votum. Nam & non alia ratione omnium gentium legibus inter fratres & sorores

nuptias esse prohibitas, quàm quòd ex eodem patre ac matre profecti, ita inter se sint gemini, vt penè iidem esse videantur. nemo vero possit secum nuptias iungere. quæ consideratio certe non tanta est in fratribus & sororibus, quorum prima ipsa natiuitas aliquid seiunctum habet. Iam & si quod publicè honestum & vtile est sequimur, expedire ad cohibendas secundas nuptias, hoc vtì postulant vsurpari. nam dum ciues animaduertent tanto in fauore esse qui eosdem parentes habent, raro efficient mariti vt alios quàm ex vno matrimonio liberos habere velint. Denique etsi placeat paterna bona a maternis distinguere (vt multis id apud nos legibus municipalibus) id tandiu non valeat, quandiu sit qui duplici iure capax omnium bonorum alteri naturaliter anteponi possit. Iustinianus qui videri vult hanc litem primus omnium veterum terminasse, pronūciauit, fratrum ex vtroque latere successionem esse.

Regni Aragoniæ fæminas capaces esse: illegitimos, incapaces. ceterum in linea transuersa, germanum ex vtroque parente, fratri aut sorori ex patre aut matre tantum anteferri.

II. Ex Laurentio Valla, historiarum Ferdinandi Regis lib. II.

IANVS Rex noster, is qui apud Pictonas prælio victus & captus est, fratrem Aragoniæ atque Siciliæ regem Martinum habuit. hic cùm sine liberis decessisset, asseriebant hi singuli ad se Regni

gni successionem pertinere; Ludonicus ex Iöläte fratris filia nepos. nam vt aliquid sexus matri fuisset impedimento, id nunc in sua persona non obitare. Contrà, Iacobus Comes Vrgellensis, se Iōanne patre susceptum, quem Petrus defuncti pater, quòd maior natu fuisset, eò duntaxat a successionē repulerat. Itaque cum masculus ex masculo descendat, Ludouico anteferri oportere, ad quem Iölans mater nihil plus iuris transmittere potuit, quàm ipsa haberet. cæterum legibus Aragoniæ, fœminas Regni esse incapaces. Iam & si quid momenti habeat fœmineus sexus (nā constabat & Aragoniæ regnum ad fœminas venisse) esse apud se Isabellā defuncti cōsanguineā, quæ Ludouico omnino, ex filia præsertim, & charior & proximior sit. Item Ferdinādus ex Helianora, quæ fratrem ex vtroq; parente Martinum habuit, dicere bona omnia naturali iure ac legibus ad proximum deferri: ideo quia sint vltimi cuiusque possessoris, non amplius eorum a quibus longa successionē profecta sunt. itaque inspicere oportere duntaxat, quis ei cuius de successionē agitur, sit proximus. & quod dicitur fœminas non succedere (etsi non sit cautum nominatim legibus Aragoniæ) intelligi tamen, quando & mares ipsi æque proximi sunt, ac eodem cum fœminis gradu coniuncti. Id neque de Ludouico, neque de Comite Vrgellensi, aliisve, vt de Alphonso Duce Gandiæ dici posse. Sed quod de Isabella sorore obiicitur, id neque perpendi oportere, quia neque sit Martino ex eadem

dem matre soror, & Sibylla matre nata sit, quæ iam tum cùm peperit, neque vxor neq; Regina esset. Deniq; etiam Fœdericus ex filio defuncti nepos, sed illegitimus, mouebat controuersiam. habere se iudiciũ defuncti, quanquam reuera non postremum. nam tandem moriens, eius regnum esse iusserat cui iure deberetur: haud fere aliter quàm Alexander magnus, qui interrogatus quem imperii faceret hæredem, respondit, dignissimum. Se non omnino illegitimum dici posse, qui ex patre cœlibe ac matre innupta natus sit, quorum iustæ nuptiæ esse potuerunt. vt vt sit, iniquum esse, delictum patris (scilicet quidem summorum Principum in his rebus vllum delictum appellatur) filio nocere. Se a patre & auo, pro filio, pro nepote habitum. multos minus legitime susceptos, nedum ex adulterio, & alio nefario coitu & incestuoso, licere vel in libris diuinis cernere, qui a successione naturalium parentum summoti non sunt. Certe quidem leges de naturalibus filiis, non propriè ad nepotes pertinere. filios enim placuisse ad paternam hæreditatem non venire, non vitio suo: quid enim promeruerunt? sed quia his rationibus vitia paterna refrænari melius posse veteres existimauerunt. at nullum esse vitium aui, qui ex filio legitimo nepotem naturalem habeat. cur itaque & de auo & de nepote qui nihil deliquerunt, quasi supplicium caperetur? Præterea mereri se, vt si non aliorum, at sui ratio habeatur, qui nuper amplissima parta victoria

etoria, regnum Siciliae Aragonico adiecerit. Denique ut lege ab Alphonso Rege Aragoniae lata, spurii a successione regni arceantur, se natalibus a summo Pontifice restitutum. Res postquam vi armis ac dubio Marte ante omnia gesta est, tandem iudicio ac legibus eam transigi placuit. in nouem conuenere arbitros. Nunquam post hominum memoriam res fere tanta in iudiciis versata est. ex Aragonia cepere Dominicum Ramum Oscensem Episcopum: Franciscum Arundum philosophum: Berengarium Bardeffinum Iuriscōsultum. ex Valentia, Ferrarium dominum Cartusiae Iuriscōsultum, atque fratrem eius Vincetium sodalem ordinis Prædicatorum: Petrum Berrandum Iuriscōsultum. ex Catalonia, Franciscum Sagarrigua Terraconensem Archiepiscopum, Berrardum Vallissicæ Iuriscōsultum, Guillelmum Graspem: summæ doctrinæ, probitatis atque prudentiæ viros. Hi sacris antea rite peractis, ac precioso Christi corpore ac sanguine suscepto, per triginta dies Aduocatos partium audierunt, toties & quandiu cuique libuit dicere. Postremo re cognita ac dispectis omnibus causæ instrumentis, conclusi in arce ita ut hinc abire non liceret, nisi Rege antea declarato: octauo die progressi in publicum, summa cum totius atque infiniti populi attētionē, spe atque expectatione, de scripto, Ferdinādum Regem pronunciarunt.

De

DE DAMNO INFECTO
TIT. LIII.

Damnum publicè datum, a Republica priuati sarciri debet.

I. Ex Cornelio Tacito, Annalium lib. 1.

PIUS Aurelius Senator questus mole publicæ viæ ductuque aquarum labefactatas ædes suas: auxilium Patrum cum imploraret, resistētibus Aerarij Prætoribus, eo quòd dicerent Aurelio Pio imputandum esse, quì secundum viam publicam ædificasset, neque damni infecti a Republica sibi caueri postulasset: nihilominus subuenit Tyberius Imperator, preciumq; ædium Aurelio tribuit.

DE PVBLICANIS VECTIGALIBUS ET COMMISSIS.
Tit. LIIII.

Ad solutionem vectigalium, neminem carcere, sed pignoribus captis duntaxat coerceri. porro nimiam exactorum molestiam, puniendam esse.

I. Ex Plutarcho, in vitis decem Oratorum.

AD hoc ius quo vtimur, ne quis ob vectigale nō solum duci possit: quia patrimoniale hoc munus est potius, quàm in personā: ideoque sufficit cogi pignoribus captis. hoc apud Athenienses Lycurgi oratoris iudicium proximè accedit. Cùm Publicanus manum in Xenocratē

tem philosophum iniecisset, eūque in carcerē traheret, tributi nō soluti nomine: liberauit Xenocratē Lycurgus: quia omnino quenquam duci hac de caussa non oportuit. Sed & quia minime omnium, tantum tamque eximium virū duci oportuit, ipsum exactorem vltra quā deceret importunum & iniuriosum, in carcerem cōiici iussit.

Fraudem Publicanorum, multā: violentiam, audaciam, ultimo supplicio coerceri oportere.

II. Ex Tito Livio, deca. III. lib. V.

MARCVS Posthumius Pirgēsis publicanus, quia publicum periculum erat à vi tempestatis, in iis quæ portarentur ad exercitus, ementitus erat facta naufragia: & ea ipsa quæ vera enunciauerat, fraude ipsius facta erant, non casu. In veteres quassasque naues paucis ac parui pretiū rebus impositis, cūmersisset eas in alto, nauis exceptis in scaphas præparatas, multiplices fuisse merces ementiebatur. Ea fraus indicata primū M. AEmilio Prætori, mox ab eo ad Senatum reiecta, nullo tamen imprimis Senatusconsulto notata est: quia Patres ordinem Publicanorū iis Reipublicæ temporibus nolebāt offensum atque inimicum habere. Sed excitati Tribuni plebis ducentū millium æris multam M. Posthumio dixerunt, cuius certandæ dies cum aduenisset, atque in sua caussa parum præsidii esse existimaret: turbandæ rei causa Publicani, summo loco vi occupato, in Tribunos plebis

bis irruerunt,iurgantes simul cū Populo Tribunisque;nec procul dimicatione res erat.quamobrem Plebe dimissa, tam Senatus vocatus est. Consules referūt de concilio Plebis turbato vi atque audacia Publicanorum. Vim eam cōtra Remp. pernicioso exemplo factā videri, censuit Senatus. Igitur confestim Tribuni plebis omiffa multæ certatione,diem rei capitalis Posthumio dixerunt. ni vades daret, iusserunt eū præhendi à viatore, atque in carcerem duci. Posthumius,vadibus datis,non adfuit.Tribuni vocarunt Plebē, quæ ita sciuit:Si M. Posthumius ante Cal.Maias non prodiiisset,citatusque illo die nō adfuiisset,neque excusatus esset,videri eū in exilio esse, bonaque eius venire: ipsi,aqua & igni placere interdici.

Quod vi & tempestate contingit, nō cadit in commissū.

III Ex Cicerone,lib.II. de inuentio.

LEX apud Rhodios fuit,vt si qua rostrata in portu naus depræhensa esset, ea publicaretur. Cū igitur magna in alto tēpestas esset, vis ventorū inuitis nautis Rhodiorum, in portum nauim coegerat.Quæstor, nauim Populi vocauit. nam rostratam in portu depræhensam esse. Naus dominus negabat publicari oportere: quia vi maiore ac necessariò in portū coacti essent.itaque non videri contra legē quid fecisse,cuius si, vt in omnibus rebus,voluntatē spectari placet, mens ea certe nunquā fuisse dici potest, vt qui culpa careat,supplicio ac fraude non careat. nā
hoc

hoc nihil indignius esse: nisi ex suo quoque nomine placeat communem omnium hominū infirmitatem condemnari. Quæstor rursus, nullā non relinqui peccandi potestatem, si semel institutum sit, vt non de facto, sed de facti causa quæretur. Nauem τὴν θυράμην in portum eiici, & si tum fortasse prohiberi non potuit, id tamē antea euitari ac multis rationibus præcaueri potuisse. quare non nautarum imprudentiā aut casum aut necessitudinē, sed inertiam, negligentiam, fatuitatem nominari oportere. Rem eius momenti esse, adeoque ad publicam securitatē pertinere, vt exemplo sit vtile, nullis excusationibus ignosci, si quid contra legem sit admissum. Attamē ex Alfeni Vari sententia, ad similitudinem nauis onustæ cotibus, quæ ante Idus Martias ex portu Cretæ profecta, & à vento in portum relata, iterum post Idus Martias aduersus legem profecta fuerat: nos quoque à Rhodiis ita iudicandum esse interpretabimur, Nāvim commissam esse non videri.

*Vectigalia remitti nō posse ab vlllo alio, quā vel à Principe, vel à Populo, vel à Senatu, qui supremam potestatem habet. Item si rata omnia generaliter habeantur, quæ ab aliquo bellis civilibus, vel in Pro-
uincia gesta sunt, alienationes publicorum non comprehendunt.*

IIII. Ex M. Cicerone, Verrina V.

PRIMVS fuit L. Sylla, cui Respublica totā se tradidit temporibus coacta. & malis domesticis

cis. Eius omnes res gestas, quanquam Romani non solum obtinerent, verum etiã propter maiorum, incommodorum & calamitatum metũ, publica autoritate defenderunt: vnum tamen hoc illius Senatusconsultum repræhensum, decretumq; est, vt quibus ille de capite dempsisset, ii pecunias in ærarium referrent. Statuit enim Senatus, hoc ne illi quidem esse licitum, cui concefferat omnia, à Populo factarum quaesitarumque rerũ, quibus Respublica pace & bello salua est, summas imminuere.

Venditio fundi vilissimo pretio facta ob vectigal non solutũ, si vectigal offeratur, ex aquo & bono rescindi potest.

V. Ex Cerbidio Scæuola. tit. de rescindenda vëditione.

FVNDVS qui Lucii Titii erat, ob vectigal Reipubl. venit, longe minoris quàm debita summa esset. postea Lucius Titius debitor professus est paratum se esse solidũ vectigal exsoluere. itaque postulabat rescindi venditionem. Emptor recusabat. etenim se bona fide emisse, atque auctore Prætore. quòd si vilius emerit, non prohibuisse se quo minus alii altius licerentur. cæterum licere vnicuique conditionem suam meliorem facere. Attamen Præses Prouinciæ rescidit venditionem, summa æquitate motus.

Qui in certam summam pro conductore vectigalium fideius sit, de vsuris non tenetur. sed ex bonis conductoris

floris, quod venierit, prius in vsuras cedet; reliquū in sortem.

V I. Ex Iulio Paulo, lib. I I I. Decretorum
Tit. de fideiussoribus.

P R O Aurelio Romulo conductore vectigaliū, centū annua Petronius Thallus & alii fideiusserunt. bona Romuli fiscus occupauerat vt obligata sibi: & conueniebat fideiussores tam in sortem quā in vsuras. hi vero deprecabantur. Lecta subscriptione fideiussionis, quoniam in sola centum annua se obligauerāt, non in omnem conductionem, decreuit Imperator fideiussores in vsuras nō teneri. nā nō debere imputari fideiussorib⁹ quod debitor veluti ex pœna sua debet. Sed quicquid ex bonis Romuli fuisset redactū, prius in vsuras cedere, reliquū in sortem: & ita in id quod defuisset, fideiussores conueniendos, exemplo pignorum à creditore distractorum, cui in optione est, in quam causam sibi soluat, in vsurās nē prius, an in sortem.

DE LIBERALI CAUSA.

TIT. LVII.

Ex Suetonio, de illustribus rhetoribus, & Fabio Quintiliano, declamatio. CCCXL, & CCCXLII.

V ENALITII, cū Brūdus gregē venaliū ē nani educerēt, formoso & pretioso puero bullā atque prætectā togam imposuerāt,

rant, siue quia portitores verebantur, siue hoc animo vt publica non soluerent pro eo, quem sciebāt à Publicanis magnò æstimatū iri. & certè fallaciam faciliè celarunt. Sed postquam Romam ventum est, puer petitus est in libertatē, quia domini voluntate in libertate fuisset. nam legibus contineri, **QVI VOLVNTATE DOMINI IN LIBERTATE FVERIT, LIBER ESTO.** Quam ob rem igitur qui volūtate domini signauerit aliquid tanquam liber, vxorē iure Quiritiū duxerit, pileatus incesserit, filius à domino appellatus sit, iure ipso potius manumissus esse videbitur: quā cū puer, prætexta: ancilla, stola & habitu matronali volente domino amicta, ornata est? Signa etenim hæc atque indicia non solum esse libertatis, sed etiam dignitatis & ingenuitatis. Ideoque & Sacerdotes velari sacro prætextato, itē Magistratus & primæ pueritiæ adolescentes, vt sit eorum hoc ornatu religio, maiestas atq; infirmitas sanctior, augustior, & eo magis inuiolabilis. Sufficere quod Mango puerū esse in libertate, aut in aliqua forma & imagine libertatis esse voluerit: neque etiam postulari, vt liberum eū esse disertè pronunciauerit. non enim interesse qua ex caussa consenserit eum in libertate esse, modò consenserit esse in libertate, & pro libero eum se gerere. Nam quia sunt fauorabiles libertates, idcirco placuisse, vt qui omnino voluntate domini in libertate moratus sit, is nisi fraude ac culpa sua in seruitutem retrahi possit. Sed & si id
hoc

hoc animo fecerit, vt vectigalia Populi Romani circumscriberet, dignum esse pro hac fraude ac veluti peculatu, vt pūero careat. Denique odiosam hanc esse Mangonum negotiationem, & multos sæpe pro seruis venundari, qui ingenui sunt: nec alia in foro frequentiora esse iudicia. Venalitii contrà, dicebant iniquū esse rem suam a se inuitis adimi. Constantem voluntatem accipi oportere, qua quis seruum suum in libertate esse velit, non imperfectam, fictam & simulatam voluntatem. ideoque non fieri liberum, si mētītus dominus ne a magistratu castigaretur, liberum esse dixerit: quia non sit voluntas manumittēdi. nec si dominus ancillam in scenam miserit, & mimi pārtibus tanquam matrona ambulauerit, liberam fieri. Hic Suetonius, qui e foro sumptam hanc controuersiam fuisse ait, quid iudicatum sit non explicat. Ego vero pro libertate censeo.

DE ACQVIRENDO RERVVM
DOMINIO. TIT. LVIII.

Quod gens quaque armis quæsit ac possidet, id quando tenet, iure dominiū possidet.

I. Ex Herodoto, lib. v.

CVM inter Athenienses ac Mitylenæos summa contētio fuisset de Sigeo oppidō, quod in agro Iliensi erat: sæpiusque vi, viris ac viribus eo nomine mutuò certauissent: tādē con-

1 2 uenerē

uenère in arbitrum Perianndrum filium Cypseli. Cōstabat Sigeum oppidum armis à Mitylenæis Athenienses duce Pisistrato eripuisse. igitur Mitylenæos antiqua dominia iure repetere. Athenienses contra, & si vim non negabant, certe nihil plus iuris Mitylenæis A Eolisq; omnibus fuisse affirmabant in agrum Iliensem, quam sibi ac cæteris Græcis, qui Melælo in raptu Helenes operam nauassent: igitur quoad vi quisq; oppidum possideat, id eum iure possidere. Placuit Periandro, ut uti quisque quid obtineret, ita id possideret.

II. Ex Tito Liuiio, decade. IIII. lib. X.

INTER Populum Carthaginensem & Regem Masanissam, in re præsentis disceptatores Romani de agro fuerunt. ceperat eum à Carthaginensibus Gala pater Masanissæ. Syphax rex Numidarum Galam inde expulerat: posteaque in gratiam soceri Andrubalis, Carthaginensibus dono dederat. Rursus cum Masanissa Carthaginenses agro expulisset, haud minore contentione animorum, quam cum ferro & acie dimicaret, apud Romanos res acta est. Dicebant Carthaginenses, quod primò maiorum suorum fuisset, deinde à Syphace ad se peruenisset, id se merito repetere. Ex aduerso Masanissa, paterni regni agrum & se recepisse, & nunc iure gentium possidere: istoque modo se & causam & possessionem superiorem esse. Legati, possessionis ius non mutarunt: causam integram ad Senatum reiecerunt.

Post diuturna bella, & maximè ciuilia, id ad eos quosque

que iure pertinere, quod singuli possident, vitandarum litium, atque prateritarum calamitatum memorie vitanda causa.

III. Ex Suetonio Tranquillo, in Augusto
cap. XXXII.

POST bella ciuilia, cum in Vrbe loca essent plurima iuris ambigui, dum alii propria Mancipii-que sui, alii publica esse affirmarent: multi etiam multa à possessoribus auocarent, quia sibi vel à Senatu, vel à Pompeio, vel à Cæsare, ab Antonio aut à Lepido, ab ipso etiam Augusto militibusque pro præmio donata, assignata esse cõtenderent: Octavius Augustus Imperator ipse cognoscens, secundum possessores pronunciauit.

Ædificatione nonnunquam totius soli & area dominiū acquiri.

IIII Ex eodem, in Vespasiano Augusto,
cap. VIII.

VRBS deformis veteribus incendiis ac ruinis erat. Vespasianus vacuas areas, & dirutas domus, deformationi auxilium ferens; concessit unicuique occupanti, si eas ipsi domini cessaret aut detrectarent ædificare, reficere, exstruere. Paucos enim re sua priuari satius esse, quàm in vrbe urbem quærere.

DE RE IUDICATA, ET DE EFFECTV SENTENTIARVM, ET DE
interlocutionibus. Tit. LIX.

In officio Iudicis hoc etiam versatur, aliqua iudicare nolle.

I. Ex Cicerone, lib. III. officiorum: & Valerio Maximo, lib. VII. cap. II.

MVLTA incidunt quæ indecisa & intransacta relinqui a iudicibus satius atque utilius est, quàm iudicio terminari. Huiusmodi est illa coram Licinio Fimbria viro Còsulari a Marco Luçtatio Equite Romano sane honesto, NIVIR BONVS ESSET, facta sponsio cum adversario. Sapienter enim iudex pronunciauit se illam rem nūquam iudicaturum, ne aut spoliaret fama probatum hominem, si contra iudicaret: aut statuisse videretur, virum bonū aliquem esse, cū ea res innumerabilibus officiis & laudibus contineretur.

Vt maior pars dici possit, similes similibus sententiis, non etiam varia minus varijs iungi debent.

II. Ex Plinio Nepote, lib. VIII. epistolarum.

REFEREBATUR de libertis Afranii Dextri Còsulis, incertum sua, an suorum manu, scelere an obsequio perempti. hos alii post quæstionem supplicio liberandos, alii in insulam relegandos, alii morte puniendos arbitrabantur. Atque in ea erant còditione sententiæ, vt singularum nulla pars alia maior esset. Itaque in id iri quod mitius est videbatur oportere, eamque numero sententiam prævalere, quæ absolvēdos esse censuisset. Contrà, puniēdos esse dicebatur. etenim eorum qui vindicēt, duas partes esse: vnam duntaxat

taxat eorum qui absoluant. si in genere pœnæ differât, in eo certè conuenire, quòd ambæ animaduertant. Sed postquam summa æquitate in singulas sententias iri placuit, singulasque separatim considerari, in eam quisque partem eundo quæ sentiret: propterea quòd nihil magis cõmune habet occidere & relegare, quàm relegare & absolvere: ideoq; , vt ii qui puniūt, ab aliis discrepant: sic illi inter se pugnet. imo vero aliquanto propior sit sententiæ relegâtis, ea quæ absoluerit, quàm quæ occiderit. quare iungi sententiæ non possint tam diuersa censentium: lex enī ait, QVI HABET SENTITIS, IN HANC PARTEM: QVI ALIA OMNIA, IN ILLAM PARTEM ITE QVA SENTITIS: ii qui occidebant omiffa sententia, relegationi accesserunt. itaque relegati sunt liberti.

QVIBVS EX CAVSSIS IN
POSSESSIONEM EATVR.

Tit. LX.

Nemo alienæ rei idoneus defensor est sine satisfactione.

I. Ex M. Tullio, in oratione pro Quintio.

BONA Publii Quintii, cùm absens non defēderetur, iussit Burrienus Prætor a Næuio possideri. Iit Næuius in possessionem: atq; dum bona proscriberet, interuenit Alphenus procurator Quintii. impedit auctiōem: etenim se, Quintium qui defendat, paratū esse. Hunc quia

14 Prætor

Prætor ad defensionem non prius admittebat, quàm iudicatum solui satisfecisset, Tribunos appellauit. Sed cùm frustra se didicisset appellasse (neminem enim, vel si filius aut pater est, in aliena re sine satisfactione idoneum defensorem esse, quo casu etiam reus si adesset, satisfacere non teneretur) ita discessum est, ut P. Quintium fisci Sex. Alphenus promitteret: interea nihil veniret.

DE REBUS IUDICIS AVCTORITATE POSSIDENDIS SEV
vendundis. Tit. LXI.

Antequam audiatur qui edictum induci postulat, satisfacere debet Iudicatum solui. & Prætor quanquam iniquè decreuerit, ius est.

I. Ex Cicerone, pro Quintio.

CVIVS latitantis bona ex edicto Prætoris possessa essent, is reuersus si edictum induci postulare, & admitti ad rem defendendam, cum prius iudicatum solui satisfacere oportebat. Bona P. Quintii quasi latitasset, ex edicto possessa esse dicebantur. Is contrà negabat possessa esse, neque possideri potuisse, quia defensus esset, ac non latitasset. itaque recusabat satisfacere sub hac solita & legitima formula, C V I V S E X E D I C T O P R A E T O R I S R O M A N I B O N A X X X . D I E S P O S S E S S A S U N T. Sed hoc modo, S I B O N A P O S S E S S A E S S E N T E X E D I C T O. Verùm quia docebat de edicto Nævius: atque

atque ideo constabat, si nō æquo iure, attamen auctore Prætore bona possessa esse: ne iudicio itemque possessioni præiudicium fieret, iussit Prætor Dolabella Publium Quintium aut satisficere, aut sponsonem cum Sexo Nævio facere, SI BONA P. QVINTII EX EDICTO P. BVRRINI PRÆTORIS DIES XXX POSSESSA ESSENT NECNE, TANTVM DARI.

DE PRIVILEGIIS CREDITO- RVM. TIT. LXII.

Ciuitates vsu & consuetudine priuilegiū nō acquirūt, quo ceteris creditoribus chirographariis anteponantur, nisi id nominatim à Principibus impetrarint.

I: Ex Plinio Nepote, lib. X. epistolarum.

BITHYNÆ ac Ponticæ ciuitates, apud C. Pliniū Procōsulem aiebāt, in exigendis pecuniis, quæ sibi vel ex locationibus, vel ex vēditionibus, aliisque causis deberentur, priuilegium competere, eo iure vsos esse se longissimo tempore, sibi que id nec alios antea Procōsules denegasse: quod ius *πρωτοπραξία* appellare solēt: & esse huiusmodi, vt omnibus aliis chirographariis creditoribus anteponantur. hoc in omni sua regione pro lege valuisse. Creditores contrā, solum Principem aut Rempublicam Romanorū, eāmve quæ Principum instar, fiscum, ærarium, publicā pecuniā habet, isto vti priuilegio, quasi suo quodam iure ob communem vtilitatem: videlicet

delicet vt chirographariis non etiam hypothecariis præferatur. alias omnes ciuitates esse loco priuatorum: ideoque à cæteris creditoribus qui personalem actionem habent, caussam eorum separari non oportere. Frustra opponi à Bithynis & Põticis ciuitatibus, eo se antea iure vti consueu sse: quia tale ac tatum priuilegium nulla ciuitas al is modis in bonis debitoris sibi acquirere debeat, quàm si id nom natum à Principe nõ à Proconsulibus acceperit, aut specialiter in vnoquoque negotio sibi forte de eo iure prospexerit. C. Plinius Secundus ex sententia Traiani Imperatoris, pronunciauit, vsum in his rebus atq; consuetudinem, citra legem totius Reipublicæ aut Principale beneficium, non valere.

Conditionali creditori ita posterior interim præfertur, vt in euentum conditionis postponi possit.

II. Ex Paulo, lib. i. decretorum. Tit.
de iure fisci.

CORNELIO Felici mater scripta hæres, rogata erat hæreditatem restituere post mortem suam. cum hæres scripta condemnata esset, & a fisco omnia bona mulieris occuparentur: dicebat Cornelius Felix, se ante pœnam esse. hoc enim ideo constitutum, videlicet ne fisci priuilegium in pœna contra creditores exerceatur: quia bonorum cuiusq; id esse intelligitur, quod æri alieno superest. Sed cum nõdum dies fidei commissi venisset, propterea quod prius posset Cornelius decedere, vel etiam mater alias res sibi

sibi acquirere, repulsus est interim a petitione: tum petiturus a fisco, ad quem bona omnia cum sua conditione transissent, vbi conditio aduenisset.

DE FLVMINIBVS, NE QVID IN
FLVMINE PVBLICO RIPAVE

cius fiat, quo peius nauigetur.

Tit. LXIII.

Non licet aquam publicam ad vsus priuatorum conuertere, neque in contrarium valet vlla possessio, & praescriptio.

I. Ex Plutarcho in Themistocle, & in Porcio Catone, & ex Liuiο lib. 1 x. deca. 1111.

VT nihil mortales a Diis immortalibus usurpare, sic nihil priuati earum rerū quæ publici iuris sunt, sibi vllō tempore assumere ac vindicare possunt. Fluminum, maximè nauigabilem, aqua publica, vsus publicus est, non singulorum: vnde haurire vnicuique licet, non aquam etiā ducere & deriuare: ne aut flumina exarescant, aut deterius, aqua de pressiore facta, nauigentur. Quamobrem & apud Græcos Themistocles, & apud Romanos M. Porcius Cato, & L. Valerius Censores, omnem aquam publicam seu fontium & aquæductuum (quales Lutetiae cernimus) seu fluminum publicorum, in priuatum ædificium aut agrum fluētē ademerunt: & quæ in loca publica inædificata immolitæ habebant, intra dies triginta demoliti sunt. tantumque

tumque abest sua se possessione & longo usu tuerentur ad circumscribenda ciuitatis iura, ve hoc etiã nomine, quasi diutius eo deliquissent, Themistocles fluminum cognitioni & curationi Athenis præfectus, multam seuerissimè dixerit. Idemque postea a Theodosio Valentiniano & Iustiniano Imperatoribus tit. de Aquæductu, sub maiori pœna, hoc est, prædiorum publicatione vetitum est: nisi quis speciali rescripto ius aquæ impetrauerit: quo tamen ciuilitè utatur, & sine incommodo publico. quia nunquam aliter a Príncipe peti atque irrogari solet.

V T I P O S S I D E T I S
TIT. LXIIII.

Is potior est in possessione, apud quem nec vi, nec clam, nec precario res postremo fuit.

I. Ex Polybio Megalopolitano, lib. xii.

LO C R I S, cùm duo adolescentes de seruo contenderent, euenerat vt apud alterum (quem placeat Primum appellare) plusculũ antea temporis moratus & educatus esset. interea quoq; vt cùm Secundus rus abiisset, seruus sese a Primo in domum Secundi subduxisset, & ibi domino absente & ignorante biduo permansisset. Re cognita, Primus ad ædes Secundi se contulit: hinc seruum abstrahit: ducit in ius: suum esse ait. imò ille suum. Interim de possessione oritur controuersia. Primus satidationem offerebat

rebat, Rem, si ita iudicatum erit, restitutum iri. «
etenim ex Zaleuci lege, hunc tantisper rei de
qua lis est, quandiúque iudicium agitur, posses-
sione, vindiciis atq; interdicto superiorem esse,
apud quem litis ordinatæ tempore seruus mo-
ratus, educatus esset. Secundus ex aduerso dice-
bat, legem pro se ipso facere. nam seruum apud
se nouissimè educatum esse: ibi postremò serui-
tutem seruiuisse: quod vel ex eo manifestum est,
quòd e domo sua familiaq; in ius ad magistra-
tum tractus, abductus sit. igitur apud se potissi-
mum pendēte lite, commodum possessionis esse
oportere. cæterum fideiussores dare se paratum
esse. Primus etiam concedebat ex ædibus suis ho-
minem in ius non esse adductum: nihilominus
aiebat hunc sese etiam antea e domo sua subdu-
xisse, neque alio iure in possessionem Secur di
peruenisse. Eum qui vi rapuerit, traxerit, duxe-
rit, etsi pro possessore possideat, iure tamen pos-
sidere non videri: nec iustam hanc educationem
esse, quæ non pacifica fuit, sed controuersa. Iu-
dices admissio & consulto Cosmopolide (quia de
interpretatione legis agebatur) ita pronuncia-
runt, Educationem semper eos præstitisse videri
apud quos id quod in disceptationē venit, postre-
mò quidem vel aliquo tempore, sed sine contro-
uersia fuerit. nunquam verò possessionem vio-
lentam ulli agenti proficere, qui ab aduersario
vi, clam aut precario possideat, quo magis po-
stremò possedisse videatur. Secundus Patres ap-
pellauit. Cosmopolidem iudicio prouocat. cum
Zaleuci

Zaleuci legibus incongruam interpretationem attulisse: nec eam mētem legislatoris esse, quam nō ex verbis legis, sed ex ambagibus collegerit. Cosmopolis de sententia legis cognosci non recusabat, modò sub Zaleuci conditionibus: quæ erāt huiusmodi, vt ei vndique adstantibus militibus laqueus immineret, qui videretur deteriorem verbis legis interpretationem Populo attulisse. Sed facetè adolescens respondit, iniquam esse conditionem. nam Cosmopolidi grandæuo, si victus fuerit, biennii aut triennii: sibi adolescenti, maioris meliorisq; vitæ partis periculum, damnum, iacturamque fore. Itaque hoc dicto faceto & vrbano elusit quidem iudicii seueritatem. cæterum patres pro Cosmopolide pronunciarunt.

DE VERBORVM OBLIGATIONIBVS TIT. LXV.

Ex turpi stipulatione & obligatione actio non datur: licet honestus color & titulus obligationi quasitus sit.

I. Ex Valerio Maximo, lib. v i i i. cap. i i.

148 C A I V S Visellius Varro dum graui morbo laboraret, trecenta millia nummū ab Octacilia Laterensi, cum qua commercium libidinis habuerat, expēsa sibi ferri passus est. stipulata est Octacilia, spondit C. Visellius: sed eo cōsilio & animo, vt si quidei humanitus accidisset, tum modo à suis hæredibus hanc summam

Octaci-

Octacilia peteret, veluti genus legati quoddā:
 ita sub titulo creditæ pecuniæ testā inhonestā
 liberalitate. Accidit vt Varro non moreretur.
 igitur Octacilia grauiter offensa, quod præ-
 sentis ille suæ prædæ pecuniæq; spem, morte nō
 maturasset: Visellium in ius vocat. Iudex Caius
 Aquilius à Prætorē datur, SI PARERET
 C. VISELLIVM VARRONEM
 EX STIPVLATV TRECENTA
 MILLIA NYMMVM OCTACI-
 LIAE LATERENSI DARE OPOR-
 TEERE. adhibentur in consilio principes ci-
 uitatis. Negare non poterat Visellius sponsonē
 à se factam, neque huius nomine emissam esse
 Octaciliæ cautionem: sed falsum esse dicebat id
 mutui nomen, quod tabulis contineretur: nihil
 enim reuera sibi ab Octacilia numeratū. Sin
 causam aliā afferat: vereri se ne ea sit huiusmo-
 di, quam eius intersit potius obrui silētio, quam
 ex ea, lege agere. multa retineri, atque à debito-
 re soluta condici non posse, quorum inanis sit
 petitio. At contrā pro Octacilia dicebatur, vel
 si minus pudicam eam fateri necesse sit, ac qua-
 situm stipulationi colorem præter facti verita-
 tem: certe donationis iustam causam obligatio-
 ni esse. cæterum neque inhonestas donationes,
 vt circa meretrices, iure prohiberi. Præterea si
 turpiter faciat, quod pudicitiam non seruauit:
 iā vero vti est, eam nec turpiter stipulari, nec tur-
 piter accipere: & quod ab hærede Varronis ex
 testamēto rectē consequi posset, id nunc ab ipso
 Visellio.

Visellio ex stipulatu ferre oportere. Attamen C. Aquilius prudentia & religione sua, mulierē actione summouit. Nam & si ea fuisset Octauia, cum qua adulterium, vt cum meretrice, non cōmitti diceretur: id tamen inutiliter peti, quod turpiter sibi quis stipulatus esset. Idem & C. Aquilium iudicaturum fuisse arbitror, si mortuo Visellio tandem pecuniam ex testamento petiisset: quia legatum sub debiti nomine, in fraudem legis, probrosæ fœminæ relictū esse videretur. Certè huiusmodi personis lōgo intervallo Domitianus Imperator ius capiendi legata hæreditatesque ademit: quo iure in Gallia constantius vteremur, si sanctius esset apud nos siue nomen siue numen Pudicitæ.

FINIS LIBRI PRIMI.



P. AERODII ANDEG. I. C

DECRETORVM, RERV M-
*ue apud diuersos populos ab omni antiquitate
 indicatarum liber Secundus.*

DE FVRTIS. TIT. I.

*Homines ita ab alieno facile abstinebūt, si artis suæ &
 industria rationem reddant. porro Remp. premio
 & pœna contineri.*

I Ex Athenæo, lib. 1111. cap. xx. & lib. v.
 cap. 11. & ex Diogene Laertio, lib. vii.

HOc Athenis celeberrimum fuit institutū
 (sed à Solone, vt Herodotus ait, traductū
 ex Aegyptiorū moribus) quòd otiiū & inertia
 in iudiciū vocarentur, singulisque annis omnes
 omnino ciues adesse coram Magistratu tenerē-
 tur, responsuri qua arte, quibus opibus ipsi sui-
 que vitā trāfigerent. Atq; Areopagitarum hæc
 imprimis cura ac sollicitudo fuit, qui morū atq;
 disciplinæ publicæ custodes tum merito ab Iso-
 crate appellari potuerunt. Eos, Cleāthem, Me-
 nedemum & Asclepiadē nouos Philosophos, &
 qui in nullis erāt facultatibus, euocasse atq; in-
 terrogasse memoriæ traditur, quī fieri posset, cū
 toto die operam Philosophiæ nauarēt, ac nihil
 penitus possiderent, eorū corpora nihilominus
 m ram

tam bene se haberent, ac tã robusta essent. cæte-
 rum Philosophos iussisse adduci molitorẽ quẽ-
 dam, & alium item hortulanum, victus sui opti-
 mos testes, qui dicerent, vti apud se singulis no-
 ctibus aqua nunc haurienda, nunc volutatione
 rotæ, atq; pistrini, pro opera duas drachmas lu-
 crificarent. itaque magnopere admiratos Areo-
 pagitas non solum Cleanthẽ, Menedemũ & Af-
 clepiadem innoxios dimississe, sed & ducetarum
 drachmarum munere donauisse. Cleanthes acci-
 pere noluit. Narratur & apud Corinthios hunc
 morem fuisse, vt si quem cernerent splendidius
 obsonari: hũc interrogarẽt vnde ille sumptus ei
 competeret, quidve ageret. quod si huic vitæ ge-
 neri sumptus suppeterent, frui sinebant. sin autẽ
 sumptus facultates excederent, iubebant impo-
 sterum moderatius vti: ni parerent, multam
 imponebant. quod si nihil cùm haberet, attamẽ
 ita splendide & opiparẽ viueret, necandum car-
 nifici tribuebant. quia aut hunc furem esse,
 aut noctibus spoliare, aut cum furibus partici-
 pare, aut falsa testari, aut accusare necesse esset.
 Et quidem si alibi hac lege vti oportuit, apud
 nos, Obsonomos esse necesse esset.

*Qui in agello suo maiores tota vicinia fructus percipit,
 furtum cum facere præsumi, nisi causam fertilitatis
 approbet.*

II. Ex Plinio Secundo, lib. xviii
 cap. vi.

C. FVRIVS Cresinus è seruitute liberatus, cũ
 in

in paruo admodum agello largiores multò fructus perciperet, quàm ex latissimis & amplissimis tota vicinitas; à Spurio Albino AEdile Curuli accusatus est. Nam quì possit, nisi aut incantationib⁹ vtatur, & fruges alienas pelliciat veneficiis, aut aratro quæsitæ, furtim noctu ex alieno in suum transferat? quod vtrunque puberi lege x i i tabularum capitale fuit. At Furius Cresinus cùm non persuaderet, ideo se fertiliorè agello frui, quòd præ cæteris eum benè araret, benè coleret, item crebro stercoraret, istaque omnia tempestiuè ageret: nam cur idem non aliis & ditioribus accidat, qui nullis impensis, nullis sumptibus, nulli pecuniæ parcunt? Itaque metuens damnationem, cùm in suffragium Tribus oporteret ire, instrumētum rusticū omne in forum attulit, & adduxit filiam validā, benè curatam ac vestitam, ferramenta egregiè facta, graues ligones, vomeres ponderosos, boues saturos: Et, veneficia mea Quirites hæc sunt (inquit) nec possum vobis ostendere, aut in forum adducere lucubrationes meas vigiliasque & sudores. Id tum rectè visus est dicere, culturā non impensā; sed opera constare: ideoque Licinia illa septena iugera maiores quæstus antiquis retulisse, quàm nunc præberent amplissima veruacta. Quare & illud antiquum Populus Romanus memoria repetēs, Oculus domini fertilissimus in agro est: omnium sententiis reum absolui voluit, iussit. Igitur & quid si aliquis Paridium illum Veterensem accusasset, de quo L. Iunius

m 2 Colu-

Columella lib. IIII. is duas filias ac fundum vineis cōsitum habuit. huius fundi tertiam partem nubenti maiori filię in dotē dedisse dicitur, ac nihilo minus solere æque magnos fructus ex duabus partibus eiusdem fundi percipere. Minorem deinde filiam nuptui collocasse in dimidia parte reliqui agri: neque sic tamen ex pristino redditu quicquam detraxisse. Nullis aliis se artibus vsū esse docuisset ille Paridius optimus, quā quòd postea melius tertiam illā fundi partem coluisset, quā antea vniuersam.

In re commodata, aliter vtendo, furtum committitur.

III. Ex Valerio Maximo, lib. VIII. cap. II. & ex Aullo Gellio, lib. VII. cap. XV.

QV I D A M vsque Ariciam, equum alteri commodauerat. hoc cū illius municipii vltiore cliuo vectus esset, longiusque produxisset iumentum commodatum, quā quò vtendum acceperat: furti postulatus atq; damnatus est. Etenim nemini licere aliena re vti inuito domino. cæterum voluntate domini deficitur, qui aliter atque lex ab eo dicta est, re commodata vtitur: nec ea contrectatio dolo malo & fraude carere dici potest, qua deceptus est qui sic commodauit, alioqui non factururus. Nihil interesse vt furtū cōtrahatur, ignorante an sciente, si modò inuito domino quis rebus alienis vti velit. denique in eo contractu qui solius accipientis gratia celebratur, & qui tam ad societate hominum pertinet, fidem vllō modo frangi, minime omnium ferri oportere.

Colo-

Colonus qui domini possessionem interuertit, furtū facit.

IIII. Ex Gellio, lib. XI. cap. XVIIII.

C O L O N V S (per quem nos possidere certum est) fundum quem à domino conduxerat, vēdidisse dicebatur: atque isto modo fundi possessione dominum interuertisse. nani & eo casu possessio amittitur. Hoc nomine furti condemnatum esse quēdam à Sabino relatum est: quia surripi & condici possessio possit, quemadmodum re mobili subrepta.

Solo consilio & malo animo sine contrectatione, & quamquam res furtiua non reddatur, interdum furtum committitur.

V. Ex Eodem auctore & loco.

C V M seruus fugitiuus præter oculos domini fortè ambularet, quidam obtentu togæ veluti se amiciens, fecerat atque obstitit ne a domino videretur. Ideo furti postulatus ac iudicatus est: licet qui seruo persuaserit vt fugeret, fur nō sit: neque eò fecisse ac cēlasse probaretur, vt seruus ab alio subriperetur: & quanquam vulgo dici soleat, furtum non committere, qui fugitiuo iter monstrauerit. deniq; & ita iudicatum est, quamuis dominus serui fugitiui dominium ac possessionem retineat, quandiu nemo eum possidere cœperit. ideo videlicet, quia potest homo fugitiuus proposito redeundi, domino possessionem cōseruare. aliter atq; in iis mobilibus rebus quæ ratione vel anima carēt. Mirum igitur quo facto

res furtiua non fit, quenquam furti cōdemnari.
Sed placuit mentem, consilium & animum eius
intueri, qui quantum in se fuit effecit, ne domi-
nus vnquam serui sui operis vteretur, dominiū-
que tandem siue possessio ab eo recederet.

DE INCENDIO, RVINA
ET NAVFRAGIO. TIT. II.

*Qui ideo deliquerunt, vt famosi & plus noti quān no-
biles euadant, horum memoria damnanda est.*

I. Ex Valerio Maximo, lib. viii. cap. xv.

QUIDAM cūm Dianæ Ephesæ templum
incendere parasset, deprehensus, in quæ-
stione confessus est, id se ideo tentare ac
perficere in animo habuisse, quò pulcherrimo
opere consumpto (etenim tota Asia extruente
quadringētis annis perfectum est) nomen suum
per totum orbem diffunderetur. Itaque hoc Iu-
dices damnationi addi censuerunt, vt decreto
memoria teterrimi hominis aboleretur, neque
eum fas esset loquendo aut scribēdo nominare.

*Incendiarij pro rerum & personarum qualitate, inter-
dum solo exilio puniuntur.*

II. Ex Dione Nicæo, lib. xl.

CVM Milo Claudium occidisset, ad urbem nun-
cio allato, iam populum per se tumultuantem
Rufus & Munatius Plancus Tribuni plebis ex-
ceperunt: atq; posito in foro cadauere, suis ser-
moni-

monibus ad seditionem accomodatis, facile persuaserūt, vt rogam in curia ex subscelliis ipsis cadaueri construerent. quo factum est vt & tota curia incenderetur, atque hinc etiam recta ad domum Milonis plebs cum igne contenderet. Verum ii postquam magistratu abierūt, pro incēdiariis ac seditiosis exilio dānati sunt: nec Munatio profuit aut reiectio Catonis, aut a Cn. Pompeio contra legem a se latā, missa laudatio.

DE INIVRIIS ET FAMOSIS
LIBELLIS. TIT. III.

Ob iniuriam factam a privatis, non est tota ciuitas aut vniuersa Respublica punienda.

I. Ex Plutarcho, in vita Cimonis.

CVM Thessalorum negotiatores, e Syriis nonnulli violassent, suaque propria mercede spoliauissent: re delata ad Amphictyonas, tota respublica Syriorū damni iniuriæ nomine multata est. Sed huic iudicio Popul⁹ obsequi noluit: quia delicti pœnā & culpā in auctores, non in Cōmune iudicaret reiici oportere. Publicam enim causam a priuatorum culpa segregādam: et si in ciuitate a multitudine peccatum est, non protinus bonis aliisque innoxiiis imputandum esse.

Iniuria aduersus magistratum atrocior est, ideoque exilio punitur.

I I. Ex Dionysio Halicar. lib. VII. Liuius, deca. I. lib. II. Plinio, de viris illustribus.

MARTIVS Coriolanus a Tribunis plebis ad Populum vocatus, nō paruit: & ministros eorum cū iussi eum præhendere ac ducere conarentur, ceciderat, pulsauerat. denique ne a corporibus quidem ipsorum Tribunorum, qui sacrosancti sunt, etsi fortasse nimis insolenter ac turbulentē se gererēt, manus abstinuerat. Hoc nomine Coriolanum in exilium perpetuum Populus ire voluit, iussit. abiit in Volscos exulatum.

Poetis non perpetuo licere, sine fraude maledicere. Propter artis peritiam interdum reus indulgeri.

III. Ex Aulo Gellio, lib. III. cap. III.

NAEVIUS Poëta cū ob assiduam maledicentiam, & probra in principes ciuitatis, de Græcorum poëtarum more dicta, in vincula Romæ a Triumuiris ductus, coniectus esset (nam æquè probis ac improbis, priuatis atque in magistratu constitutis maledicere, iniquum est. nec placet opinio Socratis dum ait, si vera obiiciūtur, conducere ad emendationem: si falsa, istud verò maledicere, quid ad nos? quia si quæ in nobis vitia manifesta sunt, officium hoc Censoris sit, ea nominatim: Poëtæ vero, sub persona atque etiā obscurè notare atque perstringere) postquam tamen alias fabulas in carcere scripsit, in quibus delicta sua, & linguæ petulantiam, qua multos antea læserat, apertissimè diluit: facilè ob artis excellentiam vinculis solutus est.

Nota grauior est, aliquem in scena nominatim ledere.

IIII. Ex auctore ad Herennium, lib. I. & II.

C A I V S Cælius iudex absoluit iniuriarū eum, qui Lucilium Poëtā in scena nominatim læferat. existimauit enim inter eos quibus propria maledicētia & inuidia est, hanc nominationem non ad iniuriam, sed ad æmulationem pertinere. deniq; qui solitus est maledicere, vt idem de se dicatur prius, iure tolerare posse. At Publius Mutius contrā, mimum qui Lucium Acciū Poëtā in scena nominauerat, cū nihil aliud defenderet, nisi licere eum nominare cuius nomine scripta dentur in vulgus: hoc ipso condemnauit: habita videlicet personæ, temporis atq; loci conditione: quæ a mimo, & de scena atque in conspectu totius Populi Romani, dum res non seria sed ludicra agitur, quenquam eximium virum nomine compellari non patiūtur. Nam etsi plures in instrumentis legi sua nomina, molesterunt, quanto magis ea a mimo pronuciari?

Lictor, apparitor, officialis iniuriam non facit, dum edicto magistratus obtemperat.

V. Ex Halicarnassico, lib. x.

C V M legem ferre vellet ad Populum Icilius Tribunus plebis: Consules Senatūque rogauerat, vt eam primo quoque die decernerent. sed moras trahebāt Consules, neque vt de ea referretur, Senatū conuocabant. ergo misit apparitorem, qui Consules cogeret. Contrā, a Cōsulibus per alium suum viatorem, Tribunitius iste
viator

viator remotus est. Ideo Tribunus læsum se esse dicere: hanc iniuriam officiali suo factam, sibi esse factam videri. se sacrosanctum & inuiolabilem esse. ipse in sua an in persona viatoris summoueatur, nihil interesse. itaque Consulum lictorem præhendit, ducit ad socios Tribunos: de capite postulat. Sed causa cognita, lictori Consulibus magistratuique suo paruisse, sine fraude fuit, huncque placuit dimitti oportere.

Magistratui via non decedere, iniuria est.

V I. Ex Plutarcho, in Graccho.

Q V A N D I V sacrosancta & inuiolabilis est magistratuum auctoritas, ac legum pœna & metumunita reuerentia: eousque benè ac beatè ciues in incolumi Republica victuros esse, pro diuino atque certo augurio habendum est. Nunc cum apud nos leges contemnere, ius fasque violare, manus impias magistratui afferre, minari ac terrorem adducere ludicibus, omnia vi & violentia agere, religio meliorque rerum constitutio & emendatio est: quid de nostro Franciæ Principatu iam nos in futurum sperare atque expectare possumus? Interim dum legimus Caium Veturium a Romanis veteribus ideo publicè condemnatum, quòd Tribunoplebis transeunti via decedere contumaciter recusasset, neque lictori summouenti obtemperasset, quasi ipsi vniuerso Populo atque Reip. allata iniuria: nihil amplius imperio Romano depræhendere est, nihil angustius, nihil quod propius ad diuinitatem &
immor-

immortalitatē accedere videatur. At postremò vbi Consules, Prætores, Tribunos plebis, trahi, necari, interfici summa cum impunitate animaduertimus: rostra, subsellia, forum impleri hominibus armatis, ne vis Iudicibus afferatur: ecce versa pagina accipimus totius Reip. interitum: en rerum noua constitutio, non prudens emendatio est.

Si minor maiori magistratui non assurrexerit, iniuria est.

VII. Ex Plinio, de viris illustribus.

Cum P. Decius Prætor sedens pro Tribunali, transeûte M. AEnilio Scauro Consule, non ad-surrexisset: iussit eum Consul adsurgerè, eique vestem scidit, sellam concidit: nequis item ad eum in ius iret, edixit, vetuit. Quæ enim ista impudentia est, minorem magistratum, maiorem præ se contemnere? aut quæ ista ingratitude, Rempub. in aliis magistratibus despicere, a qua munus suum acceperit?

Tenetur iniuriarum, qui matrem familias aut virginem appellauerit, sollicitauerit.

VIII. Ex Valerio Maximo, lib. VI. cap. VI.

M. Celer, Gn. Sergio Silo promissorum matrifamilias numorū gratia, diem ad Populum dixit, eumque hoc vno crimine condemnauit. Itaque non factum, sed animus in quæstionem deductus est, plusq; voluisse peccare, voluisse contra bonos mores alterius pudicitiam attētare & solli-

sollicitare Sergio nocuit, quàm profuit reuera non peccasse. Sed voluntas cum pacto, actum habet: neque non certè grauior est corruptela mentis quàm corporis.

Definit atrox esse iniuria, quæ magistratui quidem illata est, sed cùm se pro non magistratu indecorè ageret.

IX. Ex Aulo Gellio, lib. I I I I. cap. X I I I I.

AULVS Hostilius Mancinus AEdilis Curulis fuit. is Manuliæ meretrici diem ad Populũ dixit, quòd de ambulo eius noctu lapide ictus esset: vulnusque ex eo identidem ostentabat. Et re & persona atrocem esse iniuriam, quæ Magistratui Populi Romani facta sit. nec se læsum modo, sed & minutam Populi auctoritatem. denique ex facientis vilitate & indignitate, iniuriam & contumeliam crescere. Manulia Tribunos plebis appellauit. apud eos dixit, comessatorem Mancinum ad ædes suas venisse: eum sibi apud se recipere non placuisse. sed cùm vi irrumperet, lapidibus sane depulsum. Tribuni decreuerunt, AEdilem ex eo loco iure deiectum, quòd cum venire cū coronario non decuisset. propterea ne cum Populo AEdilis ageret, intercesserunt. Nam vt quæ meretricia veste, non matronali habitu vestita fuerit, ægrè si quis eam appellauerit, aut ab ea comitem abduxerit, iniuriarum actione habet. ita Magistratus qui cum imperio & potestate est, si pro fascibus, cum sertis & coronis in eo loco reperiatur, quòd etiam
alios

alios accedere, prohibere debuisset: ei si iniuria fiat, de se magis quàm de alio queri oportet. Postremò vim etiam in meretricem cadere. ergo vim vi repellere iure licuisse. nã & si quis palam corpore pecuniam quæreretur, aut se lenoni locauisset, etsi famosus & suspiciosus sit: vim in corpus liberum adferri non æquum esse veteres censuerunt, vt ex M. Catone scripsit Nonius Marcellus.

Seruo allata iniuria, minor: a seruo libero homini facta, certe grauior est,

X. Ex Dione, lib. l x.

Cum quidam Tribunus plebis seruum Claudii Augusti in publico percussisset: Claudius Imperator, etsi seruo suo allata esset iniuria, seruo tamen allatam esse cum sapientissimè iudicasset, nihil aliud in eum statuit, quàm quòd Tribunus plebis ministros abstulit, & aliquo postea interuallo restituit. Seruum suum alii, qui virum illustrem probro affecisset, in forum trahi, atque flagris necari iussit. Certè Athenièsum legibus æquè de iniuria seruis atque ingenuis fieri prohibita, nominatim continebatur: non ideo quia (vt præclare in Timarchum Aeschines ait) seruilis conditionis homines tantæ curæ legislatori fuerint: sed quia ciues assuefacere voluit, vt se a contumelia ingenuorum magnopere temperarent, hoc etiam adscripsit, Ne quidem seruis iniuriam faciendam esse: ideo denique, quòd eum ad ciuilem còsuetudinem minime

nime idoneum iudicaret, qui in libera ciuitate quacûq; in re contumeliosus & iniuriosus esset. Apud nos vero quo quis insolentior est, hoc illustrior & nobilior est.

Qui iniuriam iniuria repellit, innoxius est.

XI. Ex Suetonio, in Vespasiano cap. 1 x.
CVM de iurgio quodam Senatoris Equitisque Romani, Diuus Vespasianus Augustus ipse cognosceret: ac pro Senatore diceretur, tanti ordinis homini quoquo modo factam iniuriâ ferri non oportere, etsi ab eo cœperit, non etiam vltro Eques intulerit: ita pronunciauit, Non oportere maledici Senatoribus: remaledici, ciuile fasque esse.

Publico consilio facta iniuria, publica eget animaduersione.

XII Ex Cornelio Tacito, annalium lib. x x.
IISDEM ferè temporibus, cùm in Senatu Manlius Patricius ordinis Senatorii pulsatum se in colonia Senensi cœtu multitudinis atque iussu magistratuum quereretur: vocati qui arguebântur: & caussa cognita, in conuictos vindicatum, additumq; senatusconsulto, vt Senensium plebs modestiæ admoneretur.

Scripta, monumenta, inuito authore producere, edere, capitale esse.

XIII. Ex D. Hieronymo, ad Pammachium, in epistola, de optimo genere interpretandi.

E S E-

ESBCHIVS vir Cōsularis, cum Patriarcha Gamaliele grauissimas exercuit inimicitias. Itaque diffamādi Gamalielis seu opprimendi caussa, atque vt eum suis ipsius testimoniis conuinceret, quem sciebat ad exercitationem multa in hanc illamque partem dictare ac scribere: sollicitato notario chartas Gamalielis inuasit, & in publicum protulit. Querela a Gamaliele ad Theodosium delata, Ezechium capite condēnauit. Nam & seruos alienos in necem domini sollicitare, corrumpere: & calumniandi occasionem ex ipsis Laribus ac focis, qui vnicuique nostrum sanctissimi, tutissimi atq; fidelissimi esse debent, anxie aucupari, flagitiosum esse. Postremo & quis amplius audeat nedum hiscere, aut manum ad tabulas apponere, si quod nobis ac Musis duntaxat scribimus, canimus, neque ex animi sententia ple runque, sed styli acuendi caussa, vel ad id quod scimus vtile esse, dissuadēdum: vel contrā, quod inutile & inhonestum, persuadendum, id inuitis nobis auferatur, & in publicū exeat? Plane & si quis apud se vel famosissimum libellum descripserit, tamen si non ediderit aut produxerit, imò si corruerit, suppresserit, lege Cornelia non teneri: quemadmodū & si quis venenum habuerit, nisi caussa necādi hominis habuerit. Non enim siue crimen, siue maledictum esse posse, quod nulli aut dictum aut obiectum sit: nec cōuicium esse absque vociferatione. ideoq; & qui curauerit conuicium fieri, attamē si factum non fuerit, non teneri. Deniq; , vt a Valentiniano & Valen-

Valente rescriptum est, qui famosum libellũ repererit, modo non manifestauerit, etsi illum penes se habeat, nihil aduersus legem cõmittere. alioqui fore vt cogitationis quis pœnã subeat: quia quod apud quemlibet in bibliotheca lateat, id adhuc in animo latere videatur. Itaque si quid illæ tabulæ famosi habuerunt, non Gamalielis, qui scripsit, sed Esehii qui protulit, iniuriam esse. quę authori capitalis merito fuit, quòd in alienum caput excogitata & præparata esse videatur.

DE EXTRAORDINARIIS
CRIMINIBVS, TIT. IIII.

Nimiam lautitiam veteribus crimini fuisse.

I. Ex Valerio Maximo, lib. viii. cap. i. Suetonio, in Augusto, Plutarcho in Sylla, Plinio Secundo, lib. viii. cap. xlv.

QUID de hoc tam graui, tamque seuerò, præfractò & abscisso Populi Rom. iudicio nunc dicemus, apud quos nulla iam ferè est mentio parsimonix: nam M. AEmilium Porcinam a L. Cassio accusatum crimine nimis sublimè extructæ villæ in Alliensis Agro, graui multa Populũ Ro. affecisse, recitatur a Valerio Maximo. Videlicet his antiquæ probitatis ac frugalitatis hominibus placebat, vnũquẽq; non solum publicè, sed etiam priuatim, continẽtem, frugi, parcum, ac non modo ciuem bonum, sed & patremfamilias optimum esse oportere. Ex
priuata

priuata luxurie, abundantiâ atque nimio splendore, æstimari quæ publica esset cuiusq; de ceterorum ciuium vita, bonis ac fortunis administratio. quia vita nimium splendida & copiosa, nunquam a bonis alienis abstinet: sed & perpetuo tyrannicum aliquid præ se gerit. Etenim, in ea ciuitate maximè, quæ Populi suffragiis aut paucorum arbitrio regitur, alium alio ciue, fortunis & opibus magis quàm virtute antecellere, nunquam suspicione caruisse. ideoque Valerio Publicolæ domum in Palatio constructam, crimen affectatæ tyrânidis attulisse: & apud Græcos populos, exilium id quod Ostracismum appellabant, idcirco institutum. Deniq; Reip. interesse, neminem re sua malè uti, non ad superbiam & prodigalitatem. Itaque Rutilium Rufum, modû ædificiis attulisse: Lycurgum Lacedæmonè, vt tecta domus, non alio instrumeto quàm securi: tabulata, quàm dentato perficerentur. Hinc & leges Oppias, sumptuarias, vestiarias, de minuendis dotibus, de sumptibus funerum, aliaque innumera huiusmodi: quæ hominum libido, potentiorum atque primariorum exemplum, in omni Rep. semper abrogauit. Verùm vt ad illud Populi Ro. iudiciû reuertamur: huic similis fuit Fabricii Lucini nota Censoria. nam ideo Senatu monit Cornelium Rufinum, iam duobus Cõsulatibus & Dictatura speciosissimè functû, quòd decem pondo vasa argentea comparasset. Similis itè M. Antonini & Lucii Flacci nota Censoria aduersus Duronium, quòd legem latam de coer-

n cendis

cendis conuiuiorum sumptibus, Tribunus plebis abrogasset. Quidam etiam inter reos, diē dicta, relatus & damnatus est a Populo Romano, quod pueruli & cōcubini sui nimis amore corruptus, rogatus ab eo ruri ut omasum in cœnam ferri præciperet, cū bubulæ carnis in propinquo emēdæ nulla facultas esset, domito boue occiso, desiderium eius impleuisset. itaque in exilium actus est, tanquam colono suo interempto.

Interdictionis pulcherrimum genus.

II Ex Athenæo, lib. iiii. cap. xx.

At etiam Græci sua habuere Censoria iudicia. Athenis Arcopagitæ cū Demetrius, Demetrii Phalerei, luxuriosius vitam ageret, & Aristagoram Corinthiam amicam donū possideret: ut melius & honestius viueret, imperarunt. Ephori quoque, cū Gnosius Lacedæmonē insolenter se gereret, vetarūt ne cum iuuenib⁹ versaretur.

Donis ac muneribus publicis insolentius vti, non sine crimine fuit. Præterea carcerem haberi & ad puniendos etiam homines, non solum continendos.

III. Ex Plinio Secundo, lib. xxi. cap. iiii.

ANTIQUAE parsimonie ac continentie apud Romanos, veteres, hoc etiam graue & nobile est exemplum. Cū superbius atq; luxuriosius esse videretur, passim & publice coronis vti etiā ludicris: quæ virtutis eximie causa duntaxat, ab initio

initio ciuibus a Republica concedebantur, magisque vt post mortem in statuis aut imaginibus suis, & ad pompam exequiarum, quam vt viuī (quod perpetuo accidit) ad inuidiam vterentur: Lucius Fuluius argentarius bello Punico secundo, cū interdiu e pergula sua cum corona rosacea in forum prospexisse diceretur, ex auctoritate Senatus in carcerem adductus, non antequam bella finirentur, emissus est.

IIII. Ex eodem.

PUBLIUS quoque Munatius cū demptam Marciæ coronam e floribus, capiti suo imposuisset: atque ob id duci in vincula Triumuii iussissent: etsi Tribunos plebis appellauit, tamē non intercessere.

Non in potestate nostra est, filios nostros ita erudire, vt rebus gerendis in Republica sint inutiles.

V. Ex Cicerone, lib. i i i. officiorum. & Valerio Maximo, lib. v. cap. i i i i. & C. Plinio, de viris illustribus.

ET SI non fuerit hoc peractum iudicium, sed iureiurando adactus accusator, ab accusatione destiterit: utile tamen est posteritati cognoscere quid in iudicio versaretur, vt nostri temporis homines sciant (quam rem maxime prætermittunt ac negligunt, vt si parum ad Rempub. pertineat) fidem, religionem atque puerorum institutionem, hanc olim neque reprehensione neq;

animaduersione caruisse. L. Manlio A. filio, cùm Dictator fuisset, M. Pomponius Tribunus pleb. diem dixit, quòd is paucos sibi dies, licet occasione benè faciendi belli, ad Dictaturam gerendā addidisset. Criminabatur etiam quòd Titum filium, qui Torquatus postea est appellatus, ab hominibus relegasset, & ruri habitare iussisset: itaq; hunc publicis vsibus subtraheret: cùm nihilominus qui liberi nostri sunt, non tam nobis quàm Reipublicæ nascuntur. Sed cùm audisset adolescens filius negotium exhiberi patri, accurrisse Romam, & prima luce Pomponii domum venisse dicitur. cui cùm esset nuntiatum: quòd illū iratum allaturum ad se aliquid contra patrē arbitraretur, remotis arbitris ad se adolescentem venire iussit. At ille vt ingressus est, confestim gladium distrinxit, iurauitq; se illum statim interfectorum, nisi iusiurandum sibi dedisset, se patrem missum esse facturum. Itaque iurauit hoc terrore coactus Pomponius. rem ad Populum detulit, docuit cur sibi a causa desistere necesse esset. Manlium missum fecit. Tantum temporibus illis iusiurandum valebat.

Nimia virtus & industria, plerunque periculosa est.

VI. Ex eodem, lib. v. i. cap. xv. i.

HANNOC Pœnorum clarissimis, primus hominum, leonem manu tractasse ausus, & mansuefactum Populo Carthaginensi ostendisse traditur. Hoc certè argumento dānatus est: quoniam
nihil

nihil non persuasurus vir tam artificis ingenii videbatur:& male credi libertas ei, cui in tātum cessisset ipsa etiam feritas, tam superbum, tam sæuum, tam crudele animal. Omnino in quolibet Politix genere, non tam per se malum est, cæteros omnibus ingenii partibus, virtute ac fortunis anteire, quàm minus pro communi libertate, rerum tranquillo statu, & eorum qui soli dominationem & imperium habent, dignitate, tutum atque oportunum. Igitur eadem res per se optima, necem exiliumque summis atq; fortissimis viris sæpissime attulit, dum apud alios timor, apud alios versatur invidia. Non minus contemni, quàm suspici nocet. Sic & virtus sua iura, suas leges, suos terminos habet: quos ultra modum excitare ac producere, hominibus nefas & piaculum est.

Impiorum votorum accusatio & damnatio.

VII. Ex Annæo Seneca, lib. VI. de beneficiis
cap. xxxviii.

IMPII vota Demade Athenis quidam accusatus est, qui cum necessaria funeribus vendicaret, grande lucrum ut in hac arte sua faceret, optasse dicebatur. Id nisi ex mala mente & pessimo in Remp. odio proficisci, cuius hic compos esse nequeat, sine multorum nece, strage & interitu. Satis per se detestandas atque abominandas opes, quæ tam infœlici & lugubri officio seu cōmercio paratæ sunt: quàm ut etiã solenni voto, palam & publicè cum damno publico misere

concupisci & affectari debeant. Etiam verbis impiis crimē læsę Reip. maximè exacerbari. Quòd si tacuisse quæ ad salutem suorum ciuium totiusq; Reip. pertinet, crimini vertitur: cur non & ea pronunciaſſe, quæ niſi ad interitum pertinet? Contrà pro reo dicebatur, quod ita fortasſe optaſſet, non eo animo feciſſe quo arguitur. rem aliter atque benignius (quod in criminibus fieri ſolet) arripi atque interpretari poſſe, Vt hinc magnum lucrum faceret, non quòd multis venderet, ſed vt carè venderet quod paruo & vili pretio comparaſſet. Iam etſi quid ſub ſiniſtre cogitaſſet, an ideo ſcleris vicem obtinere debeat? ſi quid commiſſum eſt, quod quidem repræhendi poſſit, etiàmne id ſtatim vindicari ac damnari oportere? Quis non hac ratione puniendus eſt? Omnes ex alieno incommodo lucrum facimus. Miles bellum optat in prædam & gloriã: Agricola m erigit caritas & difficultas annonæ: quia annona pretium niſi in calamitate fructuum nõ habet. Medicis grauis annus in quæſtu eſt. inſtitutores delicatarum mercium iuuentus corrupta locupletat. exceptat precium eloquentiæ, litium numerus. omnia tamen iſtorum tam nota ſunt vota, quàm impunita. quia reuera in hoc omni genere facilior eſt exiſtimatio, quàm reprehenſio: ideo quòd qui iſta deſiderant, auaros poſſumus exiſtimare: crimen in eo conſtituere non tam facilè poſſumus. Denique ſi ſe quilibet excutiat, inſpiciatq; quid tacitus optat, vix eſſe qui ſe innocentem prædicare poſſit: in ſuoque
finu

finu inueniet, quod in alio repræhendit. Attamen Iudicum sententiis condemnatus iste est designator & libitinarius: quia etsi taciti multa interdum communi vitio naturæ, & errante magis quàm fixo animo concipimus: id certe continuisse, imperfectæ & irritæ: protulisse, constitutæ & consummatæ voluntatis atque malitiæ est. quod quia cuiuimodi sit, cùm exemplo nocet, tum ad perfectiorem actum peruenire potest: merito præueniendum fuit legibus, multa, aut alia extraordinaria animaduersione.

VIII. Ex Gellio, lib. x. cap. vi. & epitome
Liuiana libri xix.

BELLO Punico primo, Fabio Licinio & T. Acilio Crasso Consulibus, insigne Romanæ disciplinæ dignitatisque inuiolabilis iudicium extitit: cùm non in facta modò, sed in voces etiam petulantiores publicè vindicarèt. Appii Cæci filia, a ludis quos spectauerat, exiens, turba vndique confluentis fluctuantisque Populi miserri-
mè iactata, cùm se malè habitam diceret: cœpit exclamare, Ecquid in me tunc factū esset, quantòve arctius pressiusque conflictata essem, si Publius Claudius frater meus cōtemptis auspiciis, nauali prælio classem nauium, cum ingenti ciuium numero non perdidisset? certè quidem maiore nunc copia Populi oppressa, intercidissem. Sed utinā (inquiebat) reuiuisceret frater, aliamque classem in Siciliam duceret: atque istam multitudinem perditum iret, quæ me malè nūc

miseram vexauit, impulit. Ob hæc verba tam improba ac tam inimica, C. Fundanius, & Tib. Sempronius AEdiles Plebei, multam ei dixerunt, æris grauis xxv. millia.

Consiliū mali, impij, & inhonesti supplicium.

IX. Ex Plutarcho, in vita M. Bruti.

VVLGARE est de Theodoto præceptore Ptolemæi Regis AEgyptiorū, qui quod Pompeium interfici persuasit, cū eò se victus a Cæsare in fidem recepisset, tandem in Asia a M. Bruto depræhensus, merito supplicio affectus est. nam qui non eius cōsiliū nomine pœnas luat, quo iura omnia, & fides publica violatur? quo nullum ynquam minus amicitiae, hospitii, debitæ gratiae iura seruata sunt? Denique quibus in locis Regem puerum esse accidit, quorum consilio res interim reguntur: id eis perpetuò fraudi esse oportere, si quid tam impiè consulāt. Præterea & Theodotum memoriae Pompeii insultare solitum esse a plerisque traditur: nunc proculdubio se magnum oratorem esse, qui solus Pompeium Magnum suo sermone occidi persuaserit. ergo & pessimum & fraudulentum consilium vindicari placuit.

Rumores non temere spargi oportere, siue in bonam siue in malam partem.

X. Ex Valerio Maximo, lib. 1. cap. viii.

POSTRIDIE quàm reuera confecto bello Macedo-

redonico, Perſes a Paulo Aemilio captus eſt: Publius Vatinius id ſicut omnino euenerat, ad Senatum retulit, duobus quidem adoleſcentulis (vt dicebat) auctoribus, ſed quos laudare aut adducere non poterat. Itaque viſus eſt inani ſermone & incredibili, maiestatem & amplitudinem Senatus nimis inuerecundè contemnere. nam qui fieri poſſit, vt quod tanto locorum ac regionum intervallo geſtum, actum & tranſactum eſt, is tam cito, ſolus, ac propè eodem die reſciuerit? Ergo placuit, hoc Publium non impunè ferre, intereaue vinculis & carcere contineri. Nam præter neglectam & illuſam Senatus auctoritatem, ad Remp. etiam multum pertinere, in rebus tam magni momenti, falſos rumores minimeque verosimiles, non temerè ac ſine certo auctore ſpargi in vulgus: vnde ex gratulatione ac ſumma lætitia, incredibilis mœror ac ſumma conſternatio, aut vice verſa, leui & inconstanti Populo ſtatim oboriri poſſit: quo nihil vel corporum valetudini, vel publicæ ſecuritati periculoſius atq; calamitoſius poteſt accidere. Sed vbi tandem a Caſtore & Polluce hoc verum indicium proficiſci, ſibi Senatus poſtea perſuaſit: Vatinius cuſtodia liberatus, & inſuper agro atque vacatione donatus eſt.

XI. Ex Plutarcho, in Nicia.

NARRATUR idem iudicatum eſſe Athenis, cum in tonſoris officinam hospes adueniſſet: qui otiaudi cauſſa (vt ferè fit) ibi vt de re plane cogni-

cognita narrare cœperat, victōs in Sicilia, sub
ducibus Nicia & Demosthene, Atheniēses. Nam
cū protinus rem ad magistratus tonfor enun-
tiasset, totaq; vrbe diuulgasset: hospes ille quia
non satis constanter affirmare, nihilque certi
edocere videretur, publico iudicio tortus ac
vinctus est, quandiu certum nūtiū alius item-
que alius attulisset. Atq; ob hanc causam pre-
clarum illud maiorum nostrorū institutum di-
gne satis nunquam laudari potest, quo cōtine-
batur, vt si quis quid de Republica a finitimis ri-
more aut fama communi accepisset, id ad magi-
stratum deferret, néve cum vllō alio communi-
caret: quia certē homines temerarios atque im-
peritos falsis rumoribus terreri, & ad faciūs
impelli, & de summis rebus consilium capere, so-
lenne atque ordinarium est. Quod ad Magistra-
tus attinget, vt quæ visa essent, occultarent: quæ
ex vsu esse iudicauissent, ea multitudini prode-
rent. Sed & de Republica nisi per concilium lo-
qui permittebatur. ita enim lib. v i. apud Cæ-
sarem legimus.

*Nimia quoque ingratitude, maxime quæ cū fraude
& incommodo alieno coniuncta est, coerceri debet.*

XII Ex Annæo Seneca, lib. i i i. de benefi-
ciis, cap. xxxv i i.

PHILIPPVS Macedonum Rex habuit stre-
nuum quendam militem, cuius vtilem operam
expertus in multis expeditionibus, sæpissime a-
liquid ei ex prædā virtutis causā conferebat, &
homi-

hominem avarum crebris autoramentis accendebat. Is naufragus, in possessiones cuiusdā ignoti sibi antea Macedonis expulsus est: a quo cū humaniter acceptus, recreatus, sanatus, viatico instructus esset, nullo prætermisso officio hospitalitatis: interimq; dum nihil aliud miles sapius obtūderet, quā se tam liberalis erga se beneficii tum gratiam habiturum, cū primū per valetudinē ad Philippū sibi redire licuisset: tamen reuersus, narrauit quidem Imperatori suo naufragium: sed de isto officio & auxilio nullum verbum. quinimo protinus id cum magna contentione petiit, vt sibi compensandi istius damni ac periculi caussa, Rex cuiusdam prædia maritima donaret, assignaret. Fecit: ipsaq; illa fuere huius tam grati hospitis, a quo miles sanatus ac receptus erat. Verū ille prædiorum dominus, vbi se tam indignē ab eo a quo minimē oporteret, expulsū vidit: rem omnem liberē narrat Philippo per epistolam: qua lecta, & rei veritate accepta, eaque perquisita diligēter: Pausaniæ mandauit, curaret vt bona priori domino restituerētur: cæterū improbissimo militi, ingratiſſimo hospiti, auidissimo naufrago stigmata inscriberētur huiusmodi: Hic ingrat⁹ hospes est.

Romanis veteribus res fuit supplicio digna, vxores vinum bibere.

XIII. Ex Caio Plinio, lib. xiiii. cap. xiii.

ROMAE diu foeminis vinum bibere non licuit: adeoq; id mariti in vxoribus aut somentum aut
argu.

argumentum impuditiæ esse existimabant, vt solis propinquis (quia vel osculo solo pudicitiam mulieris delibari veteres existimant) hac de causa osculum dare permetteretur, vt eo sciret, hoc ipsum vlturi, an temetum mulieres biberent. Sed ne hæream⁹ in re minime incognita: Egnatius Mecennius cum vxorem fuste interfecisset, quod ea vinum bibisset e dolio: cædis accusatus ad Romulum, ex Patrum sententia absolutus est. Mecennium enim & leges, quas vxor violarit: & morem patrium, quem neglexerit: & matrimonium suum vltum esse: quasi eam in adulterio deprehenderit, quæ incitamenta maxima libidinis, furtim atque nimis auidè sectaretur.

Ex eodem, & ex Lactantio Firmiano, lib. i.

cap. xxii.

CERTE & Cneus Domitius iudex pronuntiavit, in causa eius mulieris, quæ quod vinum bibisset, morbo excusabat: videri plus vini bibisse quam valetudinis causa, viro insciente: & ideo dote multauit. Ideoque & Pompilius Faunus Fatuam Faunam virgis myrtæis ad mortem usque cecidisse, quod contra morem decusque Regium, clam vini ollam ebibisset, & ebria facta esset.

Noxiarum rerum & quæ vexationem afferant, inuentores, pœnam mereri.

XIIII. Ex Plinio Secundo, lib. xxxiiii.

cap. viii. & Paulo Orosio lib. i. cap. x.

PARILLVS quidam æris opifex, cum id ageret,

ret, vt nouis suppliciorum generibus, Phalaridis tyranni crudelitatem recrearet, aleret: fecit vt tauro suo æneo, in quo pariter fontibus atq; in fontibus impositis, igneq; supposito, ex clamore & sonitu vocis, mugitus pecudis, non hominis gemitus esse appareret: ipso Phalaride Siculo sæuior atque inhumanior haberetur. Itaque vel ab iniquissimo atq; iniustissimo tyranno extorsit hic Perilli non hominis, sed bruti sæuior animus, iustiorẽm sæuitiam. etenim Phalaris inuentorẽ ipsum & artificem, cruciatũ experiri iussit. Simili certẽ præmio digni, qui in Republica nullam aliam artem profitentur, quàm vt varia ac noua tormetorum genera, hoc est, tributorum, vectigalium, portorum, quibus misera plebs dilaniatur, Principibus suggerant. nam ista vnde prodeunt, nisi ex turbulento, iniquo, factioso, ac societati humanæ inimico animo? Verũ hi apud nos in pretio habentur: neque iam istius Porcherii Treuirensis, de quo Nicolaus Egidius in Chilperico Rege, vlla memoria atque recordatio est, quẽ populus lapidibus obruit, propterea quod noua vectigalia inuenisset. Hinc itaque colligi possit, quo in statu sint res Gallicę, postquã nulla fides, nulla amplius religio est: Magistratum rerumq; iudicatarum nulla maiestas, nulla auctoritas: omnia luxu & luxuria abundant: deniq; vnum iam restat inimmune aër. nam Ius Iustitiæ ipsa diu est cùm veneat, in exordio, media lite, & post perfectum iudicium.

Longe

Longo pòst tempore rationem pecunie publicæ reposcere, & captare bonorum publicationes, periniquum atque inhumanum esse.

XV. Ex Dione Nicæo, lib. LIX.

CNEVS Domitius Corbulo Senator, Caio Imperatori hanc inuenerat pecuniæ conficiendæ rationē, si vias exigeret ab iis omnibus, qui eas sub Tyberio curādas locauissent. multos aut cōtra legē, aut vitio curauisse: neq; etiam fortassis in refectionem tātā pecuniam collocasse. huius nomine grande lucrum, pœnis & multis parari posse. Placuit (vt nūc semper in Gallia) nouum aucupium. Itaque viuis ac mortuis simul exquisitæ insidiæ: sollicitata omnium patrimonia. & ideo certè Corbulo Consul pro præmio factus est. Verū vbi Claudius imperio potitus est, ob id accusatus & damnatus est: ex ipsiusque bonis, iis a quibus multæ exactæ essent, pecunia restituta. Quid enim hoc hominum genere pestilentius dici aut excogitari potest, & quos minus omnium ferri oportet, qui iuris ac iustitiæ nomine, ad latrocinia, ad prædas, ad vexationes & calumnias abutuntur? Non sunt in Gallia nunc (opinor) huiusmodi, fidi fiduciarique ex Italia nobis acciti consignationum litiumque redemptores. quòd si Romanorum legibus vteremur, vt in multis vtimur, periculo suo discerent, id eis vt in Italia, ne hodie quidem: ita neque in Gallia licere.

Inter liberos Principum serere inimicitias, grandissimum

mum scelus est. & eos ita recte institui, si ne mutuo quidem in ludicris opponantur.

XVI. Ex Herodiano, lib. III.

SEVERVS Imperator Antoninum & Getam filios habuit. cū ne inuicem hi dissiderent, omni opera, cura ac diligētia præcaueret, ideo quia magnas ex discordia fratrum calamitates oriri necesse est: itaque iuberet eos ludis spectaculisque abstinere, ne, vt studia & certamina semper in diuersum, atq; id naturaliter, tendunt: etiam animi iuuenum, quibusdam quasi admotis contentionum atque inimicitiarum facibus, inuicem distraherentur: omniaq; tamen frustra essent propter adulatorum ministeria, qui in hoc vno non solum laborabant, vt adolēscētiū cupidinibus flagitijsq; obsequerentur, verū etiam vt noua idētidem excogitarent, vnde alteri gratulatio contingeret, alter offenderetur. adulatores ac corruptores istos Seuerus atrocissimo ac seuerissimo supplicio vīdicauit. quia nullus sit tam publicæ trāquillitatis perniciosus inimicus, quā qui id quo maximè sustētatur, Principum ac Procerum cōcordiam, quantum in se est, dissoluit ac distrahit.

Principum liberalitatem intercipere, quod sumum vendere antiqui appellarunt, capitale esse.

XVII. Ex AElío Lampridio, in Alexandro Seucro.

VITRONIVS Turinus fuit. is cū Alexandro

dro Seuero familiarior fuisset, sic omnia certē venalia proponebat, & Præposituras & Prouincias, dum mentiēdo omnibus persuaderet, nihil non Imperatorē ad nutum suum exequi: vt Alexandri quasi fatui hominis, & quem ille in potestate haberet, imperium traduceret. Verūm is postea tandem hac arte ab Alexandro deprehensus est. Immisit aliquem, qui de se quiddam publicē peteret: a Turino verò præsidium occultē postularet, vt pro se Alexandro rem atq; negotiū secretò suggereret. Hic, Turinus cū suffragium promississet: imprimis, et si ne verbo quidē Imperatorem cōuenisset, ait, se cum eo locutum esse: sed in eo pendere, vt adhuc impetraret. Ibi verò Alexander, quò res notior esset, iterum iubet hominem interpellari. Ampla tum mercede accepta, Imperatorem alloquitur: impetrat. & tamen quia nihilominus quærenti de se, quid actum esset, quasi aliud agēs nunc annueret modò, nunc se nondum impetrasse adfirmaret, hominemque indignē frustraretur ac ludificaret, non alio animo videlicet, quàm vt maiora præmia perciperet: accusari eum Alexander iussit. probatisque per testes omnibus, & quibus præsentibus quid accepisset. denique postquam diligenti quæstione & inquisitione facta, reum inuenit in multis etiam aliis causis ab vtraque parte accepisse: in foro transitorio ad stipitem Turinum alligari, fumoque appposito, quem ex stipulis atque humidis lignis fieri præceperat, necari iussit, præcone dicēte, Fumo punitur, qui vendi-

videdit fumum. Hos Licinius Imperator tineas
& mures palatii appellabat.

DE SEPVLCHRO VIOLATO, TIT. V.

Regum sepulchra violare, capitale est.

I. Ex Plutarcho, in Alexandro.

PER SIS Alexander Magnus Polimachum
præfecerat summò loco natum, atque inter
suos facile principem. Verum cum eò impieta-
tis & avaritiæ prorupisset, ut nedum a viuen-
tium bonis, sed ab Cyri Persarum Regis sepul-
chro violando, fodiendo, spoliandoq; non absti-
nuisse diceretur: ob id accusatus coram Alexan-
dro, luit capite sepulchri violati crimē. Sed nos
qui Christiani volumus appellari, & quibus
ideo iura sepulchrorū sanctiora & religiosiora
sunt, quia corporum ut animorum resurrectio-
nem fide amplectimur, quot Polimachos habui-
mus? Habuisse turpe sit: sed habere adhuc, quod
monstrum quodve piaculum est?

Spuere in cadaver summa & capitalis noxia est.

II. Ex Pomponio Læto, de progenie Heraclii.

HERACLIVS Imperator ex Fabia Eudoxia
uxore habuit Epiphaniam & Heracliū, qui Con-
stantinus novus appellatus est. Cæterum cum
defunctæ Fabiæ funus efferretur, Epiphania for-
te quadam spuit per fenestram, contigitque ut

matris elatum corpus sputo attingeret. Ergo E-
 piphania nulla mora facta, cōprehēditur, vnāq;
 cū cadauere rogo imposita, viua exurit. Nam
 siue id imprudentia factum erat, siue malo & im-
 pio animo, perinde haberi placuit: ideo quia &
 de matre quid per viam ageretur, & quo in loco
 spueret, dissimulare non potuit: vt si ne in cor-
 pus quidem defunctæ matris sputum cecidisset,
 tamen id totius pompæ funerisque vel ludibrio
 vel indignatione fecisse videretur. Hanc igitur
 iniuriam, quæ ad Deos, ad parentes, ad Impera-
 torem, ad Populum Romanum pertineat, subi-
 to atque seuerissime vindicari debuisse.

DE PRAEVARICATORIBVS
 TIT. VI.

*Qui priuato iudicio accusat, ne publicè rem accusari
 possit, præuicator est.*

I. Ex Cornelio Tacito, Annalium lib. xiiii.

V ALEXIVS Ponticus, reos, ne apud Præ-
 fectum vr̄bis arguerentur, qui pro officio
 in omni quæstione solebat animaduvertere, ad
 Prætorem deferrebat, cuius non tanta erat coer-
 cio, sed iurisdictio magis quàm imperium. atq;
 hoc interim agebat, specie quidem legum, sed
 mox præuaticando vltionē illusurus. Nam cū
 de crimine, & ciuilitè & priuato & publico iu-
 dicio agi posset: semel tamen ab alio delatum,
 eiusdem criminis alius deferre non poterat: mi-
 nus verò, absolutum repetere, actione publica
 con-

consumpta, nisi de prioris accusatoris collusione & praeuicatione prius constitisset, atq; pronuntiatus esset. At Valerius Ponticus ciuilitate agendo, aut priuato iudicio accusando, praeuicator esse dici non poterat, quia proprie praeuicator sit qui publico iudicio accusauerit. Sed de hac fraude cum Senatui Romano, sub Nerone, iudicanti apparuisset: placuit Valerio Italiaeque Prouincia qua oriundus esset, interdicti. additumque senatusconsultum est, qui talem operam emptitasset, veditissetve, ut perinde poena teneretur, ac si publico iudicio calumniae condemnatus esset.

Interdum postulari potest, veluti propter summam accusatoris infamiam, ut prius de praeuicatione queratur, quam reus peractus sit: neque accusatori damnato proderit, reum postea absolutum esse.

II. Ex Plinio nepote, lib. 111. epistolarum.

ET SI lege cautum erat, ut reus ante perageretur, postremo de praeuicatore quereretur: videlicet quia optime ex accusatione ipsa accusatoris fides aestimatur, neque dum ordo exercendorum publicorum iudiciorum in usu esse desisset: tamen cum Norbanus Licinianus electus a Baeticis ad inquirendum aduersus Cæcilium Classicum, reus postulatus esset, tanquam in causa Castæ, uxoris Classici, praeuicaretur: tanta ex aliis flagitiosis criminibus conflagrauit inuidia, ut nihil ei ordo legis præsidio fuerit. quare statim respondere coactus, extra ordinem adductis

probationibus, damnatus & in insulam relegatus est. Sed & postea res accidit noua & contraria, vt accusatore præuaricationis damnato, rea absolueretur. Verùm in dubiis atque incertis quoque probationibus, accusator præuaricari potest. reus verò, non aliis quàm certis & manifestis argumentis condemnari debet. Præterea vt de aliquo pronuncietur, videri hunc præuaricatum esse, sufficere si doceatur, instrumenta corrupisse quæ ad accusationem pertinebāt: sed reus contrà peragi non potest, nisi quid omnino instrumentis his aut testimoniis corruptis contineretur, liquido appareat. Denique quid si accusator iniuria damnatus est? quod iudicium tamen rescindi non oportet.

DE ACCVSATIONIBVS ET INSCRIPTIONIBVS TIT. VII.

Qui quos accusare possunt vel non: certe olim Quaestor Pratoris sui accusator minus idoneus fuit. & aliqua non prohiberi, quæ tamen iudicium iudiciorumque auctoritate non sunt approbanda.

I. Ex Cicerone, in diuinatione.

CVM inter Caium Iuliū & Cneū Pompeium Strabonem magna esset de T. Albutio accusando contentio: idq; in eo iudicio versaretur (quod Diuinationē appellabāt, illiusque controuersię genus est, quæ Trāslatio dicitur) vter eorū legis iudiciiq; magis idoneus esset: quamuis

uis Pompeii auctoritas & dignitas & eloquētia valebat plurimum: tamē quia Iulius hoc secum auctoritatis ad accusandum afferebat, quòd a Sardis rogatus accesserat: Cn. Pompeius denique contra morem maiorum delinquere videretur, quòd Albutium, cui Quæstor olim fuisset, potius accusare vellet, quàm has partes alteri relinquere. atque id si vel iure posset, piē tamen non facere. etenim Prætorem Quæstori suo parentis loco esse: neque iustiores vllam aut grauiorem causam necessitudinis posse reperiri, quàm coniunctionem sortis, quàm Prouinciæ, quàm officii, quàm publicam muneris societatem. ideoq; nec L. Philoni in C. Scruilium, neque Aurelio Scauro in L. Flaccum nominis deferendi potestas olim data fuisset: quamuis eo quòd Quæstores fuissent, hoc Prætorū suorum crimina melius nosse se dicerent: Placuit ne libido violandæ necessitudinis auctoritate Iudicium comprobaretur, Pompeium admitti non debere.

Cui accusare non permittitur, ne quidem libello accusationi subscribere conceditur.

II. Ex eodem loco.

SIMILITER & postea inter L. Pisonem, & Q. Cæcilium: M. Tullium Ciceronē, & Q. Cæcilium Nigrum: hīc cū de C. Verris: illic, de Gabinii accusatione quæreretur, pronūciatum est: vt Quæstori Q. Cæcilio ne subscribendi quidem facultas concessa sit.

Serui, libertique in dominos patronosve non audiuntur: imò si accusauerint, puniuntur. sed & huius criminis domestica animaduersio fuit.

III. Ex Valerio Maximo, lib. v i. cap. v.

Nec alibi, nec apud Romanos potissimum, id vnquam admittendum esse visum est, vt salus ac vita dominorum ab eorum arbitrio pendeat; in quos ipsi domini potestatem vitæ ac necis habuissent: & quos nunc etiã periculo capitis sui dominis custodiã præstare necesse est, vt hi vel torti, vel indices, siue deferant, siue accusare velint, denique vlla ratione in caput dominorum audiantur. Nam etsi non iam spe libertatis, sed liberi liberis nobis mercede seruiunt: quid magis ingratum, indignum atq; inuidiosum, quàm nec tutos esse Penates? in ipsaq; domo, que vnicuique cuiusdam asyli loco est, vnde veluti ex tutissimo perfugio ac receptaculo, neminem fas est vi eripere, nos illic pro cane leonem ac viperam, pro defensore accusatorem fouere, alere? Itaque & Cn. Domitius Tribunus p. cum M. Scaurum, & L. Crassus Cn. Carbonem accusarent, ad eosq; reorum serui aduenissent, totam multis & grauib; instructuri dominorum criminibus accusationem: non admisерunt, sed vinctos vt hi pro imperio suo vindicarent, ad dominos remisерunt.

Vbi quid generaliter conceditur, inest hac exceptio, Si non aliquid contra ius fasque est.

IIII. Ex

IIII. Ex Plutarcho, in Sylla.

VERVM graue in hoc omnino genere Syllæ iudiciū fuit, crudelissimi victoris alioqui & insolentis. Nam quia præmii loco libertatem seruis edicto proposuisset, qui a se proscriptos occidissent aut indicassent: seruum Sulpitii Rufi Tribuniplexis, quia dominum detexisset, & prodidisset, ipse quidem manumisit: sed præcipitari proptinus e saxo Tarpeio cum illo suo pileo, scelere & parricido parto, voluit, iussit. Nullo enim præmio quenquam adduci oportere, vt tam immane, ingratū & inhumanum facinus audeat.

A Equum & bonum lege potentius.

V. Ex Appiano, lib. I I I. bello. ciuiliū.

CVM in prostriptione Triumuirorum, e duobus seruis alter in ea deliberatione esset, vt se domini sui habitu illius seruandi ac tutandi causa, percussoribus obiceret: alter conserui sui piū consilium enuntiasset, quo factum erat, vt ipse dominus interficeretur: rem Populus Romanus adeo indignè tulit, vt apud Triumuiros querela facta, licet ex edicto ille vel præmium mereretur: attamen qui prodidit, cruci affixus; ille præmio ac libertate donatus sit. Adeo quod per se bonum & æquum est, id aduersus iniquas leges, iusta & sancta plerunque iudicia elicit, exigit.

Sum ex iniqua lege causa ab aliquo dicitur, taciturnitas ac sui desperatio multum mouet.

O. 4 VI. Ex

VI. Ex Eodem.

TRAHENTE Bruto, bellis ciuilibus, per Asiam vrbes in suum atq; Caii Cassii imperium, potitus Patariensibus, edixit vt omnes omnino ciues, quicquid in vrbe auri, argenti facti aut infecti possiderēt, id ad se in medium afferrēt, in eos statuto vltimo supplicio, q̄ celassēt: præmio contrā, iis qui detulissent. Itaq; cū seruus quidam dominū indicasset, mittitur Tribunus qui nactam pecuniam adferat, dominumque cum tota familia in iudiciū trahat. Dominus cū negare non posset, iussus causam dicere, nihil respondebat. Sed postquam mater se ipsa accusans, identidem clamaret, filium innocentem esse, seque non filium, pecuniam latitasse: itaq; oraret vt filio parceretur: seruus eò contrā perfidiæ venit, vt etiam non rogatus (quæ falsi calumniæq; suspicio est) mētiri eam diceret, istudque ciuile crimen, non ad matrem, sed ad filium pertinere: Brutus cū filii taciturnitate, tum matris pietate motus, vtrumque & libertate & pecunia donauit: seruū laqueo suspendit.

Præptore m, discipulum: vel ex contrario discipulum, præptorem accusare, meritò graue est.

VII. Ex Plutarcho, in Antonio: & Dione, lib. LV.

SUNT personæ, a quibus facta delatio vel nocentissimū atque improbissimū hominis, nunquā tamen etiam crudelissimo cuique grata & accepta est: vt si filius patrem, seruus dominum, libertus

bertus patronum prodiderit, accusauerit. Antyl-
lum quoque filium Antonii Triumviri, Theo-
dorus rector ei atque præceptor a patre datus,
debellato Antonio, Augusti militibus interfici-
endum tradidit, erepto, qui ex collo pende-
bat pretiosissimo lapillo. Cum vtrumque ad aures
Augusti peruenisset, ob nefariam proditorem
atque ob latrocinium quod impudenter perne-
gabat, Theodorum, haud minus magistro Fali-
scorum abominandum, necari iussit: tãtam lau-
dem inde nactus Augustus, quantum ex eo de-
decus, quòd, ne serui in caput dominorum tor-
queri videretur, iussit eos ante quæstionem sibi
aut Reipubl. distrahi: tum alienos interrogari,
non suos. Fuit enim fraus ista nimium aperta.
quòd si fiducia legis, quæ in dominum seruos
torqueri vetat, multos aduersus se salutemque
suam conspirare animaduerneret: palam edice-
re oportuit, Citra hunc casum torqueri non
licere. Sed fraudem legi facere, imò vim eam af-
ferre, quid aliud est, quàm contemptionem om-
nium legum atque despicientiam, summo cum
totius Reipublicæ periculo introducere?

*Qui liberto patronū accusanti adfuerit, cum ius alios
accusandi amittere.*

VIII. Ex Dione Nicæo, lib. l x.

Cum quidam libertus Tribunoplebis patro-
num suum deferret, atque in eum lictorem pe-
teret, & impetrasset: Claudius Imperator facti
indignatione motus, hūc sociosq; eius supplicio
affe-

affecit, edixitque ne quis auxilium eis qui contra dominos ita agerent, ferret: qui tulisset, eum ius alios accusandi amissurum.

IX. Ex Cornelio Tacito, annalium lib. xiii.

QUINQVENNIO illo Neronis, nec Carinas Celer Senator, nec Iulius Densus Equester, cui fauor in Britannicum crimini dabatur, inter reos, seruis accusantibus, recepti sunt.

Quibus diebus accusare liceat, vel non.

X. Ex eodem, lib. iiii.

INVIDIOSVM perpetuò fuit nomen accusatoris, adeoque M. Bruti apud Romanos: Lycurgi, Athenis, qui accusationem factitasse dicti sunt. Id cum Calpurnius Saluianus ita adamasset, vt etiam feriarum Latinarum diebus (quarum omnium ratio, in liberis quietem habet litium & iurgiorum, in seruis operum & laborum) Sextum Marium coram Druso Præfecto vrbis, eum postulasset, in exilium actus est.

Quorum reorum accusatio non recipitur.

XI. Ex Valerio Maximo, lib. vii. cap. ii.

CLAVDIVS Nero, & L. Salinator cum ob nimis asperè actam Censuram, a Cn. Bebio Tribunopleb. rei pro rostris agerentur, Senatus causæ dictione decreto suo liberauit: vacuum præstando hunc honorem omnis iudicii metu, ad quem iure suo pertinet rationem exigere, nõ reddere.

Absens

Absens Reip. causa olim apud Romanos interim non accusabatur.

XII. Ex Suetonio, in Iulio Cæsare cap. xxiii. CÆSAR cum esset in Gallia, a Lucio Antistio Tribunoplebis postulatus erat contra legem Menniam, quæ eorum qui Reip. causa abessent, recipi nomina vetabat. Is demum appellato Tribunorum collegio, quod abesset Reip. causa, reus ne fieret, impetrauit.

XIII. Ex Cicerone, Verrina. iiii.

ITEM cum Cn. Dolabella Philodamum Opuntium damnasset, tum cum ei legatio Romam à suis ciuibus esset data: rescissum est Romæ illud Dolabellæ iudicium.

Summa integritatis opinione quosdam id affecutos, ut inter reos vel sua nomina non reciperetur, vel certe protinus sine ulla inquisitione dimitterentur.

XIIII. Ex Valerio Maximo, lib. ii. cap. v. & lib. iii. cap. vii. & ex Plinio, de viris illustribus.

QUAM Tullius eleganter pro Q. Roscio Comæ do, Vt ignis in aquam coniectus, continuo restinguitur & refrigeratur: sic referuens falsum crimen in purissimam & castissimam vitam collatum, statim concidit & extinguatur. At constat sibi quidem innocentia: sed nunquam potest sibi constare fama (vt rectissime noster Quintilianus ait, decla. cccxxxv.) neq; multi hanc felicitatem ac beatitudinem inter homines adepti sunt

sunt, vt sola de se parta virtutis & optimi viri opinione, omnem erga se suspensionem & accusationē procul ab hominum & iudicum auribus & animis summouerent. Hoc tamen & Q. Metello & M. AEmilio Scauro accidit: quorum tāta auctoritas fuit, vt etiam delicti suspensionem tegere potuerit. Ille iam senex, cū diceret causam de Repetūdis, ipsiusq; tabulæ ab accusatore postulatæ, ad nomen inspiciendū circumferrentur in iudicio: vniuersum concilium ab earum inspectione oculos auertit, ne de aliqua re quæ in tabulis relata esset, viderentur hæsitasse. Itaq; absolutus est. nec enim in tabulis aut rationibus, sed in vita Q. Metelli argumēta sincerè administratæ Prouinciæ legēda sibi Iudices crediderūt: indignum rati, integritatē tanti viri exigua cetera & paucis literis comprobari. Scaurus etiam senex, cū a Vario Tribunoplebis argueretur, quasi Socios & Latium ad arma coegisset: vel (vt Valerius ait) cū pro rostris accusaretur, quòd à Regē Mithridate ob Remp. prodendam pecuniam accepisset: ita Populum interrogauit, Varius Sucronēsis Marcū AEmilium Scaurum Regia mercede corruptum, imperium Populi Ro. prodidisse ait: M. AEmilius Scaurus huic se affinem culpæ esse negat. vtri creditis? Huius dicti admiratione Populus commotus, qui summam virtutem rei & continentiam: accusatoris nequitiam & vilitatem nosset, Varium ab hac accusatione depulit. Sed huiusmodi iudicia non facile ad exemplum trahi solent: non iudicii ini-

quitate

quitate: Nam & quid diuinius, quàm quod in hanc sententiam in Phœnice Euripides ait:

*Iam sæpe, lectus acris litis arbiter,
Cum multa concurrissent dicta testium,
Statui diuersum, caussa adductus vnica.
Et ego quidem sic (ratio vt ipsa postulat).
Inquiro vera, mores intuens viri, &
Quotidiana vitæ consuetudinem.
Namque improborum cui placet sodalitas,
Is qui fiet vir, non rogo: sciens satis,
Sodalium illum conuenire moribus.*

& hanc rationem Areopagitæ potissimum secuti sunt: Ergo trahi non debet in exemplum hæc tam celeberrima iudicia, non sui nouitate, sed Metellorum AEmiliorumq; raritate atque infrequentia.

Reis prodesse ad absolutionem, nimiam accusatorum vel potentiam, vel infamiam: vel eiusdem criminis societatem.

XV. Ex Valerio Maximo, lib. vii. cap. i.

CAIVS Cosconius Seruilia lege (cuius de pudicitia caput aliquod fuisse interpretor) reus, & sine vlla dubitatione nocens: tamen cum Valerii Valentini accusatoris sui recitasset in iudicio carmen, quo puerum prætextatum, & ingenuam virginem a se corruptâ poëtico ioco significauerat: iniquum esse Iudices existimarunt, eum victorem dimittere, qui palmam non ex alio ferre, sed de se dare merebatur. Magis ergo Valerius

fius in Cosconii absolutione damnatus, quàm Cosconius in causa sua liberatus est. Simile sane iudicium Christi de adultera esse dici potest. nam etsi vt hominũ natura est, omni vitio prorsus carere non possumus: eo certe carere necesse est, quo quis alium accusat. vt is si causam alteri de religione velit dicere, quem suo poemate constat sine Deo ac sine religione esse.

Cauendum est accusatori ne dum alium accusat, ipse in delictum incidat. quia facile damnatur, qui noxius alium accusat.

XVI. Ex Cicerone, pro C. Rabirio: & Valerio Maximo, lib. viii. cap. i.

L. Saturninus seditiosissimus Tribunus a Senatu hostis iudicatus & interfectus est. Cùm igitur paulo post, C. Decianus P. Furium hominem omnibus insignem notis turpitudinis, summo studio bonorum omnium pro rostris accusaret: atque in concione, quadam actionis suæ parte, de morte Saturnini queri ausus esset: neq; reum damnauit, & insuper vox illa sua temeraria ei exitium attulit. ipse enim Decianus accusator, nõ Furius damnatus est. nam eo qui damnationem ipse mereatur, accusante: alterum si nõ virum optimum, at satis certe bonum ciuem, capite damnari, neque iustum neque honestum videri posse.

Index hoc debet imprimis in accusatore deprehendere: quo animo accuset.

XVII. Ex Valerio Maximo, lib. viii. cap. i.

QVIN-

QVINTVS Flavius a C. Valerio AEdile apud Populum Romanum reus actus, cùm iam quatuordecim Tribuum suffragiis damnatus effects proclamauit se innocentem opprimi. Cui cùm Valerius æquè clara voce respondisset, nihil sua interesse, nocens ne an innoxius periret, dummodo periret: hac sola occasione a reliquis Tribubus absolutus est. Certo enim iudicio & animi dolore, non impetu: aut propensa in Remp. volùtate, non cæca iracundia, quemlibet ad accusandum accedere oportere: reique malitia fretum, non opibus, potentia, gratia & auctoritate ad alterius circũueniendam innocentiam.

Idem etiam in Teste: testis an accusatoris partes suscipere videatur.

XVIII. Ex Cicerone, pro M. Fonteio: & Valerio Maximo, lib. VIII. cap. v.

IDEOQVE Cn. & Q. Cepionibus, L. & Q. Metellis testibus in Q. Pompeium nouum hominem, Iudices sapientissimi non crediderūt. nam corū virtuti, generi, rebus gestis fidem & auctoritatem in testimonio, cupiditatis atque inimicitiarum suspicio derogauit. M. AEmilii Scauri, cuius iniurati nutu, propè terrarum orbis regebatur, testimonio, neq; in C. Fimbriam, neq; in C. Memmiam, neque in C. Flauium, neque in C. Norbanum creditum est. Noluerunt enim ii qui iudicabant, hanc patere inimicitias viam, quem quisque odisset, vt eum testimonio posset tollere. L. Crassus, cuius etiam sermo testimo-

nii

nii authoritatem habebat, testimonio ipso, quæ in M. Marcellum inimico animo dixit, probare non potuit.

Denique hoc Index curare debet, vt æqua conditione litigetur.

XIX. Ex eodem, pro A. Cluentio.

APVD C. Orchinium Prætoré, locus ab Iudicibus Fausto Syllæ de pecuniis Residuis non est constitutus: non quò illi aut exlegé esse Syllam, aut caussam pecuniæ publicæ contemptam atq; abiectam putarent: sed quòd accusante Quintio Tribunopl. conditione æqua disceptari posse non arbitrabantur.

XX. Ex eodem, pro Murena.

P. Africani accusatoris nimia dignitas, Lucio Cottæ profuit. Noluerunt enim sapientissimi viri, qui tum rem illam iudicabāt, ita quenquam cadere in iudicio, vt nimis aduersariis viribus abiectus videretur.

XXI. Ex Valerio Maximo, lib. viii. cap. v.

NEQVE aliam ob caussam Cn. Cornelius maiestatis reus, Q. Metello, L. Lucullo, Q. Hortensio, M. Lepido: P. Clodius incesti & sacrilegii accusatus, M. Tullio Cicerone testimonium dicentibus, absoluti sunt: quàm ne vel testium vel accusatorum amplitudo magis, quàm obiectū crimen causæ nocuisse videretur.

Recriminatione vt interdum licet.

XXII. Ex C. Plinio nepote, lib. vi. epistolarū.

L V S T R I -

L V S T R I C V S Bruſtianus, cùm Montanum Atticinũ Comitem ſuum in multis flagitiis depræhendiffet, ad Traianum Cæſarem accusauit. Atticinus cõtrà, & Bruſtianum Præſidem ſuum accusabat. Eſi in odiũ prioris accusationis id facere videretur, atq; recriminãdo magis quàm accusando: tamen recepta cognitio eſt, amboq; ſimul & cauſã dicere, & accusare iuſſi. ita enim viſum eſt potentiam Præſidis, Comiti ſuo in accusando non nocere, & æquiore iudicio certari inter ſummam & humilem perſonam, ſi ambo rei, ambo accusatores eſſent.

DE CVSTODIA ET EXHIBITIONE REORVM.

Tit. VIII.

Illuſtres perſonæ cauſſam dicunt ſatiffatò: non in vinculis.

I. Ex Dionyſio Halicarnaſſæo, lib. x.

C A E S O Quintius Lucii Quintii Cincinnati filius, cui genus illuſtre & vita nulli ſecunda fuit: a Virginio Tribunopl. accusatus eſt ad Populum læſæ maiestatis, quòd hominibus coactis multitudinem ſummouiſſet, quo minus legem Terentillam Virginius ferret, de decem mittendis Legatis in Græciam, legum petendarum cauſſa. In hoc iudicio quælitum eſt, an reus in vinculis cauſſam diceret, an vero ſatiffatò. Placuit, pecuniis ſatiffdari, corpusque eſſe

p libe-

liberum. Certe a patre Cincinnato aliisque vā-
dibus pecunia exacta est, cū filius ad diem non
stetisset.

*Si reus ad diem morbo excusatus non venerit, stipula-
tionem non committi. ceterum in eximiis personis,
omnem morbum, fonticum esse videri posse. & vt
Reip. interfit, omnes posse legibus interrogari: iuuat
tamen atque ad exemplum pertinet, non temerē in-
terrogari, quorum in Remp. merita sunt amplissima.*

II. Ex Tito Liuiio, deca. IIII. lib. VIII. &
Appiano, in Syriaco.

P. SCIPIONI Africano, duo Q. Q. Petiliū
Tribunipleb. diem dixerūt, & pecuniæ captæ a
Rege Antiocho reū accusarunt, vt conditioni-
bus gratiosis & mollibus, pax cum eo Populi
Romani nomine fieret. Imprimis excellentissi-
mi viri, multumque de Republica bene meri-
ti, recepta atque admissa accusatio est. Nemi-
nem enim tantum eminere ciuem debere, vt le-
gibus interrogari non possit: nihilq; tam æquan-
dæ libertatis inueniri, quàm potentissimum
quemque posse causam inter reos dicere. Nam
quid tuto cuiquam, nedum summa Reip. per-
mitti possit, si ratio reddēda non sit? In eum vim
haud iniustam esse, qui ius æquum pati non pos-
sit. Iussus itaque Scipio causam dicere, sine vlla
criminis mētionē orationem adeo magnificam
de rebus à se gestis exorsus est, vt satis constaret
neminem vnquam neque melius neque verius
laudatum esse. hacque commemoratione, quòd
dies

dies accusationis in eundem inciderat, quo cum Annibale & Carthaginēſibus, ſignis collatis in Africa benè ac feliciter pugnauerat: Populum ab auditione cauſæ ad vota & preces & ſupplicationes, cū ipſe in capitolium præſſet, relicto ac deſerto iudicio, conuertit. Tribuni cū reliquum eſſet, vt apud Populum ſine populo agerent, diem inuiti produxerūt. Scipio interim vrbe profectus eſt, certo conſilio (vt quidem vulgò ferebatur) ne ad cauſam dicendam adeſſet: non delicti conſcientia, ſed quia maior animus & natura erat, ac maiori fortunę aſſuetus, quàm vt reus eſſe ſciret, & ſummitteret ſe in humilitatem & ſordes reorum ac ſupplicum. Patria cedere, quàm cū Tribūnopl. humilimo contendere de innocentia ſua, maluit. Sane vbi dies venit, abſensque citari cœptus eſt, L. Scipio frater morbum cauſſam eſſe cur abeſſet, excuſabat. Tribuniple. qui diem dixerant, hanc excuſationem non accipiebant. iubebāt eum ex villa ad cauſſæ dictionem efferri, extrahi. reum morbo ſontico non impediri, vt ex lege xii. tabularum diem diffuſum eſſe oporteat. Cū reo placuit iumentum dari, id eò feciſſe Decemuīros, ne cauſatio iſta ægri corporis, perpetuam vacationem daret iudicia detrectantibus. Scipionē non debilitate, ſed eadem ſuperbia non venire, qua iudicium & Tribunosplebis, & concionem reliquiſſet. Alios ergo Tribunos L. Scipio appellauit. Hi ita decreuerunt, Si morbi cauſſa excuſaretur, ſibi placere eam cauſſam accipi, diemq; a collegis pro-

duci. Quinimo quòd iam Petilii magis allatrare magnitudini Scipionis, quàm veris criminibus in eum agere viderentur, & magis a M. Catone inimico Scipionis comparati, quàm sua sponte accusare: T. Sempronius Gracchus, cui vel inimicitiz cum P. Scipione intercedebant, ita decreuit. Se P. Scipionem priusquàm redisset, accusari non passurum. tum quoque vbi venerit, si se appellasset, auxilio ei futurum, ne causam dicat. Ad id fastigium rebus gestis, honoribus Populi Ro. P. Scipionem Deorum hominumq; consensu peruenisse, vt sub rostris reum stare, & præbere aures adolescētium conuitiis, Populo Ro. magis deforme quàm ipsi sit futurum. Hoc nomine a Senatu gratiæ ingentes T. Sempronio actæ sunt, quòd Rēp. priuatis simulatibus potiore habuisset. quo factò iudicauit, omnes æquè legibus accusari posse, non æquè inter reos diu retineri posse.

III. Ex Tito Liuiο, ibidem. Valerio Maximo, lib. I III. cap. I. & Aulo Gellio, lib. V I I. cap. X I X.

Id ferè semper in confessis, iudicatis & custodiēdis reis obseruatū est, vt qui in aliqua dignitate positi essent, hi ne vinculis publicis continerentur. Hæc enim tota res, vel pro criminis quod obicitur, qualitate, vel propter honorē, aut propter amplissimas facultates, vel pro innocentia personæ, vel pro dignitate eius qui accusatur, æstimari solet. Itaque cū L. Scipio

Alia-

Asiaticus, P. Africani superioris frater, de Peculatu a Q. Terentio Prætorè damnatus esset, quòd plus ab Antiocho, vt còmodior pax ei daretur quàm in ærarium retulisset, accepisse diceretur: vel (vt Aulus Gellius ait) M. Minutius Augurinus Trib. pleb. multam ei irrogasset, & iudicatæ pecuniæ satisficere non posset: Prætor eum in vincula duci iussit. P. Scipio Africanus fratris sui nomine Tribunorum collegium appellauit: Petebat vt virum consularem, triumphalemque, a Collegæ vi defenderent. non id tam Cornelie gēti, quàm vrbi Romanæ erubescēdum, L. Scipionem virum clarissimum in carcere, inter fures nocturnos & latrones pati esse: ibi in robore & tenebris expirare: nudum ante carcerē deinde proiici. Aduersus ea Terentius Prætor, siue ille fuit Augurinus, rogationem Petilliam ex Senatusconsulto, & iudicium de L. Scipione factū recitabat. se, nisi referatur pecunia in publicum, quæ iudicata sit, nihil habere, quàm vt præhēdi iudicatum, & in vincula duci iubeat. neque aliter contineri lege XII. tabularū. Octo Tribuni cognita causa ita decreuerunt: Quod P. Scipio Africanus postulauit pro L. Scipione Asiatico fratre, cū contra leges, contraq; morem maiorum Tribunus plebis hominibus accitis, per vim, inauspicatò sententiam de eo tulerit, multamque nullo exemplo irrogauerit, prædesque eum ob eam rem dare cogat: aut si non det, in vincula duci iubeat: vt eum a Collegæ vi prohibeamus. & quod contrà

Collega postulauit, ne sibi intercedamus, quominus suapte potestate uti liceat: de ea re nostrum sententia omnium data est: Si L. Cornelius Scipio Asiaticus Collegæ arbitrato prædes dabit Collegæ, ne eum in vincula ducat intercedemus: si eius arbitrato prædes non dabit, quominus Collega sua potestate utatur, non intercedemus. Ergo cum Augurinus Trib. pleb. L. Scipionem prædes non dantem præhendi & in carcerem duci iussisset: tum Tiberius Sempronius Gracchus Tribunus plebis, licet P. Scipioni Africano inimicus grauis, ob plerasque in Remp. dissensiones, esset, iurauit palam, in amicitiam inque gratiam secum P. Africano non redisse: atque ita decretum ex tabula recitauit: Cum L. Cornelius Scipio Asiaticus triumphas, hostium Duces in carcerem coniecisset, alienum videtur esse a dignitate Reipublicæ, in eum locum Imperatorem Populi Romani duci, in quem locum ab eo coniecti sunt Duces hostium. Itaque L. Cornelium Scipionem Asiaticum a Collegæ vi prohibeo.

A D L E G E M I V L I A M M A - F E S T A T I S, T I T. I X.

Huius criminis prima causa est, affectate tyrannidis: in quo hoc speciale fuit, ades nocentium euertere, equari solo.

I. Ex M. Varrone, lib. III. de lingua Latina: Cicerone, pro domo sua: & Plinio, de viris illustri-

lustribus, aliisque infinitis auctoribus.

COMMUNE hoc fuit Romæ iudicium in eos qui regnum appetisse dicerentur, ædes eorum publicari & eueri. Spurii Melii regnum affectatis domus est complanata, Populo iudicâte: & AEquimelium area dicta est. ipse a Seruilio Hala, iussu atq; imperio L. Quintii Cincinatti Dictatoris interfectus est. In Vacci pratis, domus fuit M. Vacci, quæ publicata & euerfa est, quò facinus illius memoria & nomine loci notaretur. M. Manlius cum ab ascensu Capitolii Gallorum impetum repulisset, ideoq; Capitolinus, & a suis omnibus ciuibus Patronus appellatus, ac farre donatus esset: non fuit contentus beneficii sui gloria. Cum primum suppressisse Gallicos thesauros argueretur, & additos propria manu liberare: regni affectati suspicionem in carcerem coniectus, Populi consensu liberatus est. Sed rursus in eadem culpa, & grauius, cum perseuerasset, regnum appetisse est iudicatus. damnatus, & de saxo Tarpeio præcipitatus est. Ergo & domus eius euerfa, duobusque lucis conuestita visa est quondam. bona publicata sunt. Gentilitas eius, Manlii cognomine, iurauit, ne quis postea Capitolinus vocaretur. M. Flaccus, quia cum Caio Graccho contra salutem Reip. fecerat: & Senatus sententia interfectus, & eius domus diruta & publicata est: in qua porticum fecit aliquantò post Q. Catulus de manubiis Cimbricis. Sed & macellum a Macel-

lo dictum est, cuius quæ illic esset antea domus, publicè fuerit diruta.

Gallorum affectata tyrannidis vetus supplicium, ignis.

II. Ex Iulio Cæsare, lib. I. de bello Gallico.

ORGETORIX apud Heluetios nobilissimus atque ditissimus fuit. is regni cupiditate adductus, coniurationem nobilitatis fecit, ut regno occupato, totius Galliarum imperio potiretur. Ea res ut Heluetiis per indicium enuntiata est, moribus suis Orgetorigem ex vinculis causam dicere coegerunt. Damnatum poenam hanc sequi oportebat, ut igni cremaretur. Sed cum dies constituta causæ dictionis aduenisset, hominibus armatis, ne causam diceret, se eripuit. Itaque ciuitas cum ob eam rem incitata, armis ius suum exequi conaretur, multitudinemque hominum ex agris Magistratus cogerent (vocarent Arietabandum, ut loquimur) sibi ipsi mortem consciiuit.

Hæc suspiciones atque indicia affectata tyrannidis enumerantur. Porro humaniorem esse sententiam, quæ damnatorum filios innoxios seruat.

III. Ex Dionysio Halicarnassæo, lib. VIII. & Tito Liuiio, deca. I. lib. II.

SPURIO Cassio diem dixere perduellionis, & affectatæ tyrannidis ad Populum, Cæso Fabius & L. Valerius Quæstores. Eum haud satis habuisse, ius ciuium Romanorum Latinis cedere, ni hoc amplius, agri ab Hernicis adempti, par

tem diuidiam Latinis, alteram Populo Ro. diuideret. item legem Agrariam proposuisse incōsulto Senatu, & collega suo Proculo Verginio non approbante, nedum maiori parte Plebis. Vt cōmoda vtilisq; lex ea fuerit: tentasse nihilominus suam hanc vnus facere munificentiam atq; liberalitatem, quæ totius Senatus omniumque magistratuum esse debuerit. Iussisse, multitudinis sibi conciliandæ causâ, vt pro Siculo frumento pecunia accepta, Populo diuideretur. Pestilētibus istis muneribus viam regno fieri, largitione periculosas libertati opes ab eo strui. denique ne iam coniecturis agatur, ei pecuniam Hernicos Latinosque contulisse: pro Coridano duce, Cassium parari. Hac probè instructa accusatione, Populi iudicio damnatus; de saxo Tarpeio deiectus est. ædes eius publicè dirutæ: bona publica sunt. Sed cū de liberis eius interficiendis ageretur, durior & immanior ista sententia visa est, parentum noxa innoxios premi. hos itaque liberari Senatus censuit..

Non est affectanda seueritatis aut clementie gloria.

IIII. Ex Valerio Maximo, lib. v. cap. 11. Dione Nicæo, lib. LXII. Plinio, de viris illustribus.

IN libera ciuitate nihil vnquam committendum est, quod præter morem maiorum esse videatur: minimeque sunt præ aliis omnibus captandi honores insoliti, ac præter modum. quia cæca hæc gloriæ cupiditas, aliquid de se plusquam de ciue sentientis, coniecturæ atq; suspicionis habet

bet. quod in Furio Camillo est animaduersum. Is non tam adeo quod prædā Veiis domitis iniquè diuississe videretur, quàm quod albis equis præter morem in triumpho vsus esset: a L. Apuleio Tribunopl. accusatus, Populi suffragiis in exilium actus est. Ardeam concessit. Verùm aliquid tantis in Remp. Furii Camilli beneficiis concedi poterat. itaq; Populus Ro. hac damnatione cùm nimium iura tueretur, ingrati crimen non euitauit.

Ne privati ex nimia potentia aliquid tandem contra communem libertatem suscipiant, Athenis legem de Ostracismo, Syracusis de Petalismo latam esse.

V. Ex Diodoro, lib. xi.

TYNDARIDES inter Syracusios nobilissimus ac potentissimus, viam muniens ad vsurpandam tyrānidem: pauperes ære dirutos, atque infimos quosque, specie misericordiæ alebat, sustentabat; sed eo certe animo, vt eorum opera ad regnum occupandum fideliter vteretur. Re indicata & cognita, quia regnum affectasse probaretur, capite damnatus est. At cùm a iudicio in vincula duceretur, qui ab eo ali ac nutriri consueuerant, postquam stipato agmine eos adorti sunt, qui reum duceret: conuenere primores ciuitatis, istosque omnes seditiosos, ac rerum nouarum cupidos, simul cum Tyndaride ad supplicium rapuerunt. Cæterum quia Syracusani sæpius iam in ea pericula incidissent, multosque stimulare indices ambitio ac libido occupandæ tyrā-

tyrannidis: qualem Athenienses legem de Ostracismo tulerant, & ipsi de Petalismo tulerunt.

Diligentissima ratio periculosa cōiurationis vindicāda.

V I. Ex Xenophōte, lib. I I I. rerum Græcarum.

A C I N A D O N E insidias strui aduersus Agefilaū atque Rempub. Lacedæmoniorū, ad Ephoros delatum est. Igitur ab indice tota coniuratione perspecta: & ubi post diligentem inquisitionem vera sibi afferri existimarunt: censuere non paruum concilium (quod appellabant) sed omnes seniores conuocari oportere. Hi decreuerunt, Cinadonem cum quibusdam validis iunioribus Aulonem mittere, ut Aulonitas quosdam cum Hilotis in Scytala descriptis, comprehenderet, & Lacedæmonem adduceret: inter quos & mulierem quandam, quæ cum pulcherrima esset, Lacedæmonios omnes qui illuc appulissent, corrumpere ac peruertere dicebatur: item & tres currus Cinadoni dari, ne custodiæ pedibus iter facere cogerentur. Ita enim sine suspitione ac sine tumultu, re cum iis ipsis quos secum deduceret, ab Ephoris composita, extra urbem Cinadonem capi posse. illic satius esse reum in conscios interrogari, quod ii interim ignari quid de Cinadone accidisset, neque in vrbe seditionem agitent, aut certe detecta coniuratione non aufugerēt. Itaque Cinadon in itinere a suis ipsius comitibus comprehensus, conscios indicauit. quorum nomina cum in urbem statim allata

lata essent, iussi sunt apprehendi, inter quos fuit Tisannenus vates. Habita quæstione, cum Cindon nihil non confessus esset, atque interrogatus, cur tantum facinus molitus erat, nihil aliud respondisset, quam voluisse se nulli Lacedæmonè concedere, siue opibus siue potentia: is sociique manibus post tergum reuinctis, per ciuitatem vndiq; traducti, atque flagris cæsi, interfecti sunt.

Si iudicij mora, præsens periculum allatura est, posse noxios re inter principes ciuitatis summatim ac breuiter cognita, damnari & interfici, non expectatò Populi aliorumque legitimo iudicio. Caterum vbi pluri sunt conscj, quid agendum.

VII. Ex Cicerone, in L. Catilinam: Salustio: Dione, lib. xx xvii.

PATEFACTA coniuratione Catilinæ, quæ contra Remp. suscepta esset, imprimis mandatum est Consulibus Ciceroni & Antonio, videret ne quid Resp. detrimenti caperet. deinde Catilina lege Plancia de vi publica accusatus, priusquam causa perageretur, nouo timore allato, vrbe a Senatu excedere iussus: cum postea bellum parare diceretur, ideoque in Manliana castra recessisse, de vi damnatus est, hostisque Populi Ro. cum Manlio iudicatus. Cæterę multitudini Senatus diem statuit, ante quam sine fraude liceret ab armis discedere, citra cõdemnatos rerum capitalium. De Lentulo Prætor, vbi ante omnia magistratu se abdicare coactus est, quid de

eo, quid de Cerhego, L. Statilio, L. Cassio qui sibi procurationē incendendæ vrbis depoposcerat: M. Cepario, P. Furio, Q. Manlio Chilone, P. Umbreno, aliisque coniuratis fieri placeret, referri cœpit. Censuit C. Iulius Cæsar, publicandas eorum omnium pecunias: ipsos in vinculis habendos per municipia, quæ maximè valerent opibus: neu quis de his postea ad Senatum referret, neve cum Populo ageret. qui aliter fecisset, Senatum existimare oportere, hunc contra Remp. & salutem omnium facturum. nam ut iniussu Populi in caput ciuis Romani animaduertatur, Porcia lege prohiberi. Contrà M. Porcius Cato, quia cætera maleficia tum persequi possumus, ubi facta sunt: hoc nisi provideatur ne accadat, ubi euenerit, frustra leges implorantur: nec ibi mansuetudo aut misericordia nominanda sit, quæ in miseriam conuerti potest: censuit, cum eorum nefario consilio Resp. in maxima pericula venisset, hique indicio T. Vulturii & Legatorum Allobrogum conuicti confessique essent, cædem, incendia, aliæque se fœda atque crudelia facinora in ciues Patriamque parauisse: de confessis, sicuti de manifestis rerum capitalium, more maiorum supplicium sumendum. id posse Consules sine Populi iussu, ex clausula, **VIDEANT NE QUID RESPUBLICA DETRIMENTI CAPIAT.** Placuit D. Syllano, placuit Ciceroni Consuli, & omnes in hanc iere sententiam. Sed & illud nominatim adiectum est, Si qua pœna minus legitime exacta

Etā esset, placere id omne ratum esse: quique eius nomine vllum in ius postea vocaret, is pro hoste haberetur. Itaque in reos animaduersum est: indicibus ex ærario præmia data sunt, & decretæ supplicationes: quod nunquam antea fuerat vsurpatum.

Non semper tutum esse, omnium hominum inter reos nomina recipere.

VIII. Ex iisdem auctoribus.

PLANE & in caussa Lucii Tarquinii indicis, consulente Cicerone, sapientissimè ac prudentissimè iudicatum est. Is enim cùm M. Crassum hominem nobilem, maximis diuitiis, summa potentia inter socios coniurationis nominasset: quia in tali tempore, tametsi verum esset indicium, tanta vis hominis magis lenienda erat, quàm exagitāda, ita a Senatu decretū est, Tarquinii indicium falsum videri: eumque placuit in vinctulis retinendum, neque amplius potestatem faciendam, nisi de eo indicaret, cuius consilio tantam calumniam mentitus esset.

Cauendum est, ne boni aequè ac mali, nimia accusationum frequentia, de salute sua desperent: neque minorum Magistratuum esse, maiores coercere.

IX. Ex Dione, ibidem.

IN L. Vestio Equite hoc pariter ad quietem & concordiam pulcherrimè obseruatum est, ideo quia

quia ex proposita impunitate liberius omnia diceret, ne innocentes pro noxiis, nimioque plures in tabella deinceps Vectius nominaret: censitum est, ut quos in posterum deferre vellet, hos palam in Senatu nuncuparet, eorumque nomina publicè ab eo ederentur: ne dum alii iusto metu, alii consciètia, alii falsa suspitione ob tacitum indicium de vita sua laborent, ex desperatione tumultus occasio noua nasceretur. Is Vectius, cum etiam postea apud Nonium Nigrum Quæstorem, Iulium Cæsarem Prætorem nominasset per calumniam, inductus a Catulo & Pisonè, qui graues cum Cæsare inimicitias exercebant: pignoribus captis & direpta suppellectile malè multatus est, atque in carcerem coniectus: item & Nonius Quæstor, quod cōpellari apud se maiorem potestatem passus esset.

Numeros sua sub imagine percutere, affectati regni esse argumentum. quod si potentiores in hoc crimen inciderint, satius esse eos inopinantes opprimi, quàm peragi solenni iudiciorum ordine.

X. Ex Herodiano, lib. I.

Cum post obitum Marci, Commodus adhuc adolescens Imperator a patre relictus esset, is Perennem Italicum hominem, militaris alioqui disciplinæ peritissimum, Prætorianis præfecerat. Hic ut sibi omnem auctoritatem atque Imperii vim assumeret, abutens Imperatoris adolescentia, deliciis ganeisque hunc corrumpi facile

cile patiebatur: quia dum voluptatibus indulgeret, necesse esset imperii summam in alium reici. Sed & antea nobilissimis, locupletissimis & Imperatori coniunctissimis omnibus per falsas accusationes supplicio affectis, vbi qui facinus suum impediret, reliquum esse neminem existimauit: tum de imperio cogitare cœpit. Itaque hoc imprimis Commodo persuasit, vt filium suum adolescentem Illyricis exercitibus præficeret. Ipse magnam vim pecunię contrahebat, quacum opus esset, corruptis Prætorianis vteretur. Interea certe quidã Philosophi habitu cum insidias prodidisset, neq; id aliis argumētis quàm aut forte quadam aut diuinandi ratione confirmare videretur: Perennis ipse compræhendi hominem, atque pro furioso & vaniloquo, igne cõburi iussit. Sed cum postea clam Perenni filio, atque ignaro etiam patre, quanquam erat Præfectus, nonnulli milites aliquot numos de recenti sub illius factos imagine, Commodo attulissent: omni deniq; insidiarum ordine patefacto, illi quidem maximis muneribus affecti sunt: cæterum missi qui noctu Prætorianorum Præfecto nihil tale minus cogitanti, & horum omnium inscio, caput obtruncarent: deinde in Illyricum ita ad filium accurrerent, vt eorum diplomate famam quæ Romæ accidissent, anteuertent. hi Commodi literas perquam familiariter ad eum scriptas afferunt. iubent vt magna propostita spe Romã reuertatur. Is vt attigit oram Italiæ, ab iis quibus Imperator negotium dederat, occi-

occiditur. Postea Commodus duos Præfectos sapientissimè constituit. quia tutius sit omnino, tantam illam potestatem non vni committere, sed dissectam in partes, imbecillio rem eo pacto efficere, si quid aduersus Principem nefariè suscipitur.

Huius criminis secunda causa est, Proditionis: cuius dolo malo ciuitas, exercitus in insidias deductus, hostibusve proditus erit.

XI. Ex Herodoto, lib. v i i. & ex Strabone, lib. i. de situ orbis.

APVD Amphictyonas (qui conuentus fuit totius Græciæ) Epialtes Lacedæmonius (quem & Diodorus Siculus lib. x i. Trachinium appellat) proditionis accusatus est, quòd Xerxi Persarum regi, aduersus Lacedæmonios Thermopylas oppugnanti, tramitem incognitum, occultum & auium indicasset: eiusque dolo malo factum esset, cur totus Lacedæmoniorum ille exercitus, cum ipso rege ac duce Leonida in insidias deductus, hostibusque proditus esse diceretur. Conuictum nihilominus pecunia non capite multarunt. inuidia id quidem magis (vt opinor) quàm legibus: ne si atrociter rem vindicassent, nò tam de Epialtis proditione, quàm de Lacedæmoniorum, vbi fraus aberit, inuincibili virtute, ac fortitudine pronuntiasse viderentur: ideoque totius Græciæ principatum ad eos pertinere. in quo tamen perpetua fuit Græcorum omnium inter se, nec non ad euersionem vsque misera

contentio. An ideo verò, quòd in liberis populis raro fit iudicium capitis? primumque in Areopago actum esse Plinius notat, naturalis historię lib. VII. cap. LVI.

Vt hominis, ita etiam ciuitatis, Populive memoriam damnari posse.

XII. Ex M. Vitruuio Pollione, de architectura lib. I.

CARYA ciuitas Peloponnesi, cum Persis hostibus aduersus Græciam consenserat, suæ ac totius Patriæ libertatis, Sacrorũ, legum, fœderum immemor. Igitur quantum in ea fuit, vniuersam Græciam Xerxi prodiderat. Verùm ea tam celebri parta victoria, Græci communi consilio Caryatibus bellum indixerunt, & tandem oppido capto, viris interfectis, deleta ciuitate, etiam matronas in seruitutem abduxerunt. Sed & hoc constitutum est, vt hæ earumque filię licet seruitutem seruientes, attamen neque stolas neque matronales habitus deponerent: vt non vno triũpho Caryates duceretur, sed isto exemplo insolitę seruitutis; eaq; perpetua contumelia, pœnas in ætèrnum pèndere viderentur.

Hæc accusatio non extinguitur morte: sed & a mortuo incipit. Præterea proditorem indemnatum iure occidi posse, modò proditor esse approbetur.

XIII. Ex Plutarcho, in Alcibiade.

PERYCLES dux Athèniensium, cum Astyoco Lacedæmoniorum duce de prodendo exercitu,

tu, omnique Atheniensium classe & apparatu communicauerat. Id cū rescisset exul tum Alcibiades, rem tamen aliis Atheniensium ducibus renunciāri, non est fides adhibita: propterea quod graues scirent esse inter Phrynicum & Alcibiadem inimicitias, vt hæc potius admonitio, inimici vlciscendi atq; opprimendi caussa, quàm vllā ob patriæ sollicitudinē & amorem (a qua per iniuriam certe pulsus erat Alcibiades) proficisci videretur. Attamen cū quidam inuentus esset familiaris Alcibiadis, Hermon nomine, qui in medio foro Phrynicum occidisset: re a Populo amplissime perspecta & cognita, quia iure se Hermon occidisse affirmabat: non in Hermonem, sed in Phrynici memoriam animaduersum est. nam & Phrynicus mortuus proditionis damnatus est, & Hermoni consciisque præmia sunt a Rep. constituta.

Dictum est, dolo malo: quia potest aliqua esse proditio utilis, salutaris, & pio consilio facta.

XIIII. Ex Xenophonte, rerum Græcarum lib. I. & Plutarcho, in Alcibiade.

DEFECERANT Byzantii ab Atheniensibus: præsidiumque Lacedæmoniorum, quorum dominatui subditi esse mallēt, intra mœnia susceperant. Urbem ingenti manu obsedit paulo post Alcibiades: quā cū omni arte & machina, postremo commeatu & inopia premeret, Anaxilaus Alcibiadi prodidit, iis conditionibus, vt nemini Byzantio sua defectio fraudi esset. Verūm

apud Lacedæmonios proditiōis reus causſam dicere coactus eſt. reſpondit ſe non Lacedæmonium, ſed Byzantium eſſe. igitur ciuitati ſuæ quę periclitabatur, ſe magis cōſulere debuiffe, quā vrbi Lacedæmoniorum, quæ in pacato tutoque eſſet, quā neque obſideret hoſtis, neque ita muro & foſſa circundediſſet, vt auxilii externi nulla ſpes relinqueretur. Byzantios in ea cauſſa fuiſſe. commeatuum omnium ſummā penuriam habuiſſe: aut ſi quid tantilli fuerit, hoc vniuerſum præſidio Lacedæmoniorū ac Bœotorum diuidi conſueuiſſe: dum interim Byzantii, vxores eorum ac liberi, fame, ſiti, miſeriaque omnes interirent. ideo ſalutem vrbiſ ſuæ prodidiſſe non videri: quinimo a clade & certo interitu liberaſſe. Denique minime conueniens eſſe, id ſi non glorioſum, at Byzantiis vtiliſſimum, a Lacedæmoniis repræhendi, quibus perpetuò potior fuit vtilitatis, quā honeſti ratio. Placuit igitur Anaxilaum eo iudicio liberari.

Qui hoſtes dolo malo conſilio inuerit. nam & hac ſumma proditiō eſt.

XV. Ex vita Thucydidiſ.

ANTIPHON, iſ cuius nimia eloquentia, nimiaque in dicendo auctoritas ita Iudicibus ſpectata fuit, vt non ſinerent eum facilè pro aliis poſtulare: & de quo id dicitur, Neminem illius vſum eſſe conſilio, cui non in alea Iudiciorum optimè ſemper aliquid euenerit: temporibus belli

belli Peloponnesiaci missus ab Atheniensibus Legatus ad Lacedæmonios cum Archeptolemo & Onomacle, accusati & cōiūcti sunt, e re Lacedæmoniorum vtilissima consilia, pro Atheniensibus deteriora protulisse. Quamobrem sic in eos animaduerti placuit, vt eorum etiam ædes solo æquarentur, gens familiaque tota partim necaretur, partim infamia perpetua notaretur.

In depræhensos statim indicta caussa posse animaduerti, maioris mali vitandi caussa.

XVI. Ex Plutarcho, in Agefilao.

IN summis periculis, iuris ordine atque accusationum formulis non vtimur: interdum etiam inauditos atque indicta caussa condemnamus, interficimus. videlicet cū in ipsa ordinaria inquisitione & legitimo supplicio, metus est, ne crescentem seditionem excitet, citiusque cogat post dissimulationem erumpere, quā antea sedari ac suprimi possit. Hac igitur ratione vsum esse Agefilaum a Plutarcho relatum est, ex consilio tamen & auctoritate Senatus, eorumve qui Ephori dicebātur, cū a Thebanis, duce Epaminōda, vrbs Lacedæmon obsideretur. Etenim admonitus quosdam ciues Lacedæmonios de proditiōe cogitare, noctuq; in vnā domum conuenisse: depræhensos absq; vlla alia iudicii forma (quod nunquam antea Lacedæmonē vsu venerat, quenquam indicta caussa condemnari) statim necari iussit.

Proditionis crimen & aduersus Socios committitur: quos quia in fide continere ad summam Reip. pertinet, ideo durius vindicatur.

XVII. Ex Polybio, lib. i. Epito. Liuiana, lib. xii. Valerio Maximo, lib. ii. Paulo Orofio, lib. iiii. cap. iii.

Cum in præsidium Rheginorum legio Campana cum Præfecto Decio Iubelio missa esset, milites allekti Rheginorum opulentia, ita fidem violarunt, vt occiso Iubelio & in eius locum sua sponte M. Cælio suffecto, Rhegiū occupauerint: ciues alios vrbe, alios opibus, alios vita priuarūt: Hoc turpiter admissum, perfidè & cōtra Ius gentium, mandauit Senatus Genutio Consuli vt seuerè vindicaret. Is vrbe obsessa, captisque omnibus, de aliis quidem supplicium sumpsit: trecētos vero milites ciues Romanos, quia magis eorum iudicium ad Senatum Populumque Romanū pertinere videretur, Romā deportauit. Hos, licet M. Furius Flaccus Trib. Pleb. denuntiaret ne in ciues Romanos aduersus morē maiorum animaduerneretur, attamē Senatus ita hoc modo puniri decreuit, vt quinquageni per singulos dies virgis cæsi, securi percuterentur, neve eorū aliquis sepeliretur. sed & eos lugeri vetuit.

Quo plus inter se hostes diuersis linguis ac moribus videntur, eo minus a se inuicem corrumpi possunt.

XVIII. Ex Iustino, lib. xx.

HANNŌ Dux eius belli fuit, quod cum Dionysio

nyfio Siciliae tyrāno Carthaginenses habuerūt. Is cū inter Pœnos Suniatore illa tempestate potentissimo, inimico vteretur: Suniator odio illius, Græcis literis, non lingua Punica, Dionysio aduentum exercitus, segnitiamque Ducis familiariter prænuntiauerat. Sed literis interceptis, proditiōis damnatus est: factō etiam Senatusconsulto (quod certe notandum est) ne quis postea Carthaginensis, aut literis Græcis, aut Græco sermoni operam daret: ne aut præsens aut per literas loqui cum hoste posset sine interprete, sine arbitro.

Legatos innoxios esse, si sub specie legationis, proditiōem moliantur. Indicibus præmia danda sunt. Si ad plurimos delictum pertineat, est aliquando relinquendus pœnitentiæ locus.

XIX, Ex Dionysio Halicarnasseo, lib. v. & vi. Tito Liuiō, deca. i. lib. ii. Plutarcho, in vita Valerii Publicolæ.

EIECTO Tarquinio, missis ab eo legatis, inter eos & Vitellios Aquiliosque primæ nobilitatis adolescētes (erant Aquilii ex sorore Collatini) de accipiendis clam, nocte in urbem Regibus, Consulibusque interficiendis, Bruto & Collatino conuenerat, in societatem consilii accitis Tito & Tyberio ipsius Bruti liberis. Cū scriptæ literæ ad Tarquinos ut pignus fidei essent, seruo deferente, & accusante P. Valerio, manifestum crimen reddidissent: depræhensis Legatis, coniuratisque, sine tumultu re omni transa-

q 4 etā,

etia, de Legatis, de bonis Tarquiniorum, de proditoribus iudicium haberi cœpit. Quod ad legatos attinet, etsi commississe videbantur vt hostium loco essent: ius tamen Gentium valere placuit: neque tam considerari, quid Legatis merito patiendum, quàm Romanæ virtuti concedendum esset. Præterea huius facinoris noxam magis penes eos esse, qui legationem imperarunt, quàm qui obierunt: quia iis parere necesse fuit. Itaque Aulus Posthumius Dictator, non aliam rationem paulo post secutus est, victis Latinis ad Regillū lacum, aduersus Legatos Volscorum, qui falso legationis nomine exploratores aduenierant. Semper enim præualere oportere ius gentium, quarum omnium, vbicunq; Legatos violatos esse intellexerint, hæc prior erit perpetuo coniectura & opinio (quæ sane vitanda est) iniuria, quàm iure violatos esse. De bonis, quæ reddenda Populus antè voluerat, placuit referri ad Patres integrum negotium. Hi tum vetuere Tarquinio reddi, vetuere & in publicum redigi. ager exceptus est, quem Marti cōsecratum Martium appellarūt. Denique citantur rei. accusat apud Coss. Valerius. Illos, eo potissimum anno patriam liberatam, patrem liberatorem, ortum ex domo Iunia Consulatum, Patres, Plebem, quicquid hominum Deorūque Romanorū esset, induxisse in animum, vt Superbo quōdam regi, tum infesto exuli, proderent? Literas, Iunii recognoscunt. itaque iussi a patre causam dicere, postquam nihil negarunt: ibi se Brutus,

cui

cui de liberis pœnæ capiendæ ministerium Consulatus imponebat, & quem exactorem supplicii fortuna dederat, vnde fuit imprimis spectator amouendus: aut se nunquam satis inhumanum, aut nunquam satis admirabilem præstitit. Hunc nec ciuium preces, nec filiorum commiseratio, neque ætatis excusatio dimouet. iubet lictores supplicium sumere. deligatos ad palum sedente Bruto nudatos virgis cædunt, securique feriūt. De Aquiliis fuit contentio. cœpit enim Collatinus eorum nomine primùm deprecari: postea verò, quia infestiore Bruto vteretur, quasi iure agere. Dicere, periculū imminere ne tota ciuitas conturbetur, si quicunq; visi essent aliquid de reditu exulum cogitasse, eos omnes capitali pœna ducerent affici oportere. iam verò absurdissimum esse, Tyrannos exilio duntaxat, amicos vero tyrannorum, capite condemnari. Hic Brutus rem ad Populum reiecit: Se quidem de liberis suis magis pro patria potestate, quàm pro Imperio statuisse. de aliis, quando a Collega prohiberetur ne pares pœnas exigeret, qui paria cum filiis consilia inissent: Populum pro maiestate sua iudicaturum. Quare aduocata cōcione, Valerius accusator grauius ostendit, non hoc clementiam esse, aut erga ciues beneuolentiam: sed cum Tyrannis reconciliationem esse. Collatino sanguine & amicitia coniunctos, non æquo iure vti cum Iuniis, atque cum proditoribus mitius agere, quid aliud esse, quàm & legem & iusiurandum de non admittendis vnquam regibus

gibus, violare? ipsum etiam antea Collatinum consuluisse, bona tyrannis reddenda esse. In aliis delictis, ubi perpetrata sunt, solere irasci omnes: in prodicionis autem tantummodo suspicione, prudentius esse, frustra etiam metuendo, seuerius animaduertere: quam nimis secure agendo, quod deinde in perniciem vergat, benigniores esse videri velle. Itaque omnibus Populi suffragiis, Aquilii cæterique proditores pari supplicio affecti sunt. & vt in vtramque partem arcendis sceleribus exemplum nobile esset, indici præmium datum est, pecunia ex ærario, libertas & ciuitas: Valerio, Consulatus. atq; etiam constitutum (quod apprimè ciuitatem ad concordiam adduxit) vt Romanis qui cum tyranno profugerant, reditus in urbem sine metu, finèq; delicti alicuius recordatione permitteretur: certe viginti dierum tempore præfinito, intra quod si non redirèt, pœna statuta esset, exilium perpetuum, cum bonorum omnium publicatione.

Suspicio suspicione tollitur: vnius noxa, alterius innocentia, quos credibile esset fuisse delicti participes.

XX. Ex Valerio Maximo, lib. viii. cap. i.

A. Attilium Calatinū, Soranorum oppidi prodicione reum admodum infamem, imminentis ac certę damnationis periculo, Q. Maximi foceris fides, integritas, cognita virtus, maiestatisq; ac securitatis plena affirmatio, subtraxit. iurauit enim, si in eo crimine fontē illum ipse cōperisset,

risset, dirépturum se fuisse affinitatē. Igitur Populus Romanus (non enim aliis iudicantibus fortasse licuisset) penè iam exploratam sententiam suam, vnius iudicio concessit: indignum ratus, eius testimonio non credere, cui difficillimis Reip. temporibus, exercitus se credidisse meminerat: cuiusque generum tanti & tam acerbi criminis, quod nunquam vnius esse potest, non facile condemnaret, quin aliqua semper ad focerū delicti suspicio perueniret: quem de ista proditione, si vllum alium, nihil ignorasse verisimile videretur.

Huius criminis tertia causa est, eius qui Principem, Magistratum, cumve qui imperium potestatemve haberet, occiderit, feceritve dolo malo quo hi occiderentur: in quo etiam inimicorum securitas atque ratio vertitur.

XXI. Ex lib. 11. Regum cap. 1111. Flauio Iosepho, lib. VII. cap. 11.

Posr longas contétiones inter Saülem & Dauidem, mortuo Saüle, adhuc graue bellum erat Dauidi cum Isbosetho filio Saülis, propter regnum patrum, quod a se indignissimè auferri, vt ei quidem videbatur, molestè ferebat. Igitur duo Tribuni tandem extitére, Rechab & Baana: vel, vt Iosephus ait, Banaoth & Than. Hi, quòd sentirent Regis sui Isbosethi res in peius vertere, defectionem meditati, gratissimum facturos se existimarūt, si dolo interfecti regis caput amputatum

putatum ad Dauidem attulissent. Sed impium eorum facinus, atque parricidio cōiunctam proditionem, vir strenuissimus, vir religiosissimus abominatus est. Isbosethum nihilo deliquisse, si iure optimo secum de Imperio contenderet. ideoque ne quidem a suis interfectum voluisse, nec placeat turpi proditione, sed æquo Marte hostem vincere. Aliud esse victoriam, aliud latrocinium: & alterum fortis ac magnanimi Principis, alterum ignaui, timidi, & abiecti lanistæ aut gladiatoris, qui tergum non iugulum postulet: alterum leonis, alterum vulpeculæ. Itaque Tribunis, manus; quibus amputasset: pedes, quibus ad se caput attulissent: iussit quoque amputari, postremo interfici.

Supplicium interdum maxime legitime sumi, cū illegitime sumitur.

XXII. Ex Diodoro Siculo, lib. xi. & Iustino, lib. iiii.

ARTABANVS apud Xerxem regem Persarum cū plurimum posset, illiusque custodiæ ac militibus Prætorianis præficeretur: iniit tandem Regis occidendi, regniq; in se transferendi consilium. Ergo re communicata cum Mithridate quodam eunucho, clam noctu istius opera intra cubiculum regium ingressus, Xerxem interficit: nec non Artaxerxi filio persuadet, vt fratrem Dariū maiore natu maturè aggrediatur, quem patrem apud eum falso occidisse accusat, vt citius regno potiretur. Artaxerxes deceptus, Da-
rium

rium interficit: parricidium parricidio vindicat. Tum ratus Artabanus præclare sibi cœpta consilia succedere, rem septem filiis suis robustissimis aperit: hortatur vt simul omnes Artaxerxē, qui vnus ex Regiis filiis superest, feriāt. Sed proditis insidiis, Artaxerxes timens Artabani numerum filiorum, in posterum diem paratū exercitum armatumq; esse iubet, recogniturus & numerum militum, & in armis industriam singulorum. Itaque cum inter cæteros & ipse Artabanus armatus assisteret, Rex simulat se breuiorē loricam habere: iubet Artabanum secum commutare: exuentem se ac nudatū gladio traicit: tum & filios eius corripit iubet. ita præclare & cædem patris, & necem fratris, & se ab insidiis Artabani vindicauit.

Qui sciens aliquid parari aduersus salutem Principis, non renuntiauerit, is reus quoque est lese maiestatis. Porro cum de iniuria Principis agitur, non suam sed aliorum cognitionem esse oportere.

XXIII. Ex Quinto Curtio, lib. VI.

DYMNVS, apud regem Alexandrum non multæ auctoritatis nec magnæ potentix fuit. Is cum Nicomachi adolescentis amore deperiret: remotis arbitris, atque exacto iureiurâdo quod quæ commisisset, silentio tegeret, Nicomacho amasio suo narrauerat, Alexandro Magno ad diem tertium paratas esse insidias: se istius facti consiliiq; fortissimos viros ac illustres habere participes

ticipes, Demetrium, Peculaum, Nicanorem, Aphobetum, Loceum, Diosemum, Archepolim, Amyntam. Itaque vel metu, vel amore vel precibus exoletum impulerat, vt etiam operam polliceretur. Sed cum ab hoc sermone Nicomachus statim quæ acceperat, ad fratrem Ceballinum paulò maiorem natu detulisset: Ceballinus Philotæ filio Parmenionis Equitum Præfecto, atque inter alios Regi admodum familiari & amico rem narrat, vt sine cunctatione Alexandro nuntiaret. Philotas dimisso Ceballino cum egregia laudatione, etsi protinus Alexandrum adiisset, multosq; inuicem de aliis rebus sermones habuissent, attamen nihil eorum quæ de Ceballino cognouerat, nuntiabat: neque item postero die, quanquam denuo a Ceballino admonitus, ne mandata de indicio suo negligeret. Quare Philotas Ceballino suspectus esse incipit: ideoque Motroni coniurationem indicat. Re Alexandro nuntiata, Dymnum vocari iussit: Ceballinum etiam necti, quia dies tertius erat ex quo Nicomachus rem ei detulisset: nec potuisse tandiu continere quod de salute sua rescuiisset, nisi vel corrupta fide, vel delicti conscientia. Sed postquam clamitare cœpit, eodem momento se ad Philotam decurrisse, instituisse vno die & altero, vt regi denūtiaret: intereaq; Dymnus haud ignarus quam ob causam accerseretur, mortem sibi consciuisset: Philotas venire iussus est. Ceballinus (inquit Alexander) vltimum supplicium mereretur, si in caput meum præpa-

præparatas insidias biduo celauisset: neminem enim tale indicium suppressere, nisi autorem aut participem. Quid de te Philota? quàm maius est hoc dissimulationis facinus, quò propiore gradu amicitiae me cōtingis? Ad hæc Philotas intrepidus, Ceballinum profecto non hominis, sed meretriculæ ac scorti sermonem ad se attulisse: itaque tam leui auctori non credidisse, veritus ne iurgium inter amatorem & exoletum non sine risu aliorum, pro coniuratione detulisse videretur. nūc quia Dymnus seipsum interemit, qualecunque indicium fuit, apparere proculdubio non facile cōtemni debuisse: sed orate se, vt præteritam vitam potius, quàm culpam, silentii tamen, non facti vllius, intueretur. Ergo Alexander reconciliatæ quidem gratiæ pignus dextram porrexerat, atque contemptum magis quàm celatū indicium esse, videri sibi ab initio dixerat. itaq; cœnæ, vt semper antea familiariter, Philotam admiserat. Sed postquā aduocato consilio amicorum (cui tum Philotas non affuit) introductus Nicomachus, eadem ordine suo exposuit. Craterus aliique consiliarii censuere (cum aliqua tamen inuidiæ nota) parcere Philotæ Alexandrum non debuisse: nunquam enim sperādum esse, vt qui tantum facinus ausus est, venia mutari possit. Quædā nos beneficia odio prosequi: vt meruisse mortem, confiteri pudet. Indignum esse, filium Parmenionis Magistrum Equitum, hoc ipsum mendacio respondisse, ne index alium internuntiū quæreret, Alexandrum

sermo-

sermoni suo non vacasse. contrà vero Nicomachum etiam religione Deum astrictum, conscientiam suam exonerare festinauisse. Philotam, consumpto per ludum iocumque pene toto die, grauatum esse pauca verba ad caput Regis pertinentia, tam longo & forsità superuacuo sermoni inferere? Quod si pueris non credidisset talia deferentibus, cur igitur biduum extraxerit, ac si indicio fidem habuisset? dimitti Ceballinum debuisse, si delationem eius improbaret. Sed in suo quidem periculo, licere magnum animum gere: vbi vero de salute Principis agitur, omnes credulos esse oportere: & vana quoque deferentes audire, admittere. Itaque in conscios quæstionem haberi censuerunt. Quare postero die vocata cõcione, Dymni cadauer in mediũ afferretur: & cùm vetusto more Macedonum, Rex ipse de capitalibus rebus inquireret, maluit Alexander accusatoris quàm iudicis partes sustinere. Rem multitudini aperit, Parmenionẽ qui tum Mediæ præerat, huius sceleris ducem esse: ministros, Philotam, Peucolaum, Demetrium atque hunc Dymnum habuisse. testes citat Nicomachum, Motronem, Ceballinum. Philotæ silentium arguit: in eo latuisse facinus, auidamque regnandi libidinem. Sed & Parmenionis interceptam epistolam recitat, quam ad filios Nicanorem & Philotã ita scripserat, vt siue ad filios peruenisset, a consciis posset intelligi: siue intercepta esset, falleret ignaros. Et quod a Dymno Philotas inter participes sceleris nominatus

non

non fuisset, potentiae non innocentiae signum esse, quod ab iis etiam timeretur, a quibus prodire posset. Ut reus autem liberius causam diceret, & Populus suffragium ferret, subduxit se Alexander. Tum Philotas, Inprimis Nicomachum de se nihil dixisse, neque id Dymnum potuisse praeterire, si, ut Rex falso existimat, caput coniurationis esset. quinimo Philotam vel falso nominandum, quod facilius qui tentabatur, impelli posset. Id solum obiici, quod rem delatam tacuerit, quod tam securus audierit. Id vero ante omnia sibi ab Alexandro condonatum esse: & dexteram amplexum, & conuiuium adhibitum. si sibi reo crediderit, absoluisse: si pepercit, dimisisse. Nunc si iudicium ipsius Alexandri seruari non placeat: rem ad se delatam a puero, qui non testem, non pignus indicii exhibere poterat: impleturus omnes metu, si coepisset audiri: amatoris & scorti iurgio interponi aures suas pati noluisse. Praeterea fidem rei suspectam habuisse, quod non ipse Nicomachus detulisset, sed fratrem potius subornaret. timuisse, ne negaret Nicomachus, mandasse se Ceballino: ipse vero videretur multis amicorum Regi periculo fuisse. Quod sese Dymnus interfecerit, id vero diuinari non potuisse. Et si Hercule, conscius Dymno tanti sceleris fuisset, biduo illo proditum se intelligens, non potuisse fieri ut tandiu dissimularet. Ceballinum nullo negotio de medio tolli potuisse. Iam cum ad se delato indicio statim,

tim, solus, ac ferro quidem accinctus, Regis cubiculum intrauerit, cur distulisset facinus? Denique quàm timide, cunctanter ac pedetentim tale quid Regibus indicari debeat, habere se patris Parmenionis exemplum: qui cum audisset venenum a Philippo medico parari Alexandro, detertere eum voluit epistola, quo minus id medicamentum biberet, quod ei medicus dare deliberasset. At Regem nihilominus nō credidisse: nullam auctoritatem patris sui literas habuisse. Rex in concionem reuersus, cum audiret Philotam a multitudine obrui: consilium in posterum diem distulit. Interim denuo amicos conuocat. Cæteris placebat, more maiorum, reum lapidibus obrui: sed in sententias Ephestionis, Crateri & Cœniti itum est, vt tormentis veritas exquireretur. Proposito cruciatu, etsi fatebatur, placuit tamē, vt quæ confiteretur, eadem etiam in tormentis pronunciaret. Interim cū Equitū nobilissimus quisque, & ii maxime qui Parmenionem propinqua cognatione contingebāt, postquam Philotam torqueri fama vulgauisset, legem Macedonum metuentes, qua continebatur, vt eorum etiam proximi qui Regi insidiati essent, cum ipsis necarentur: alii sese interficerent, alii in deuios mōtes vastasque solitudines aufugerent, ingenti per totum exercitum diffuso metu atque formidine: Rex edicto pronunciavit, semittere se legem de coniunctis damnatorum. Cæterum Philota semel atque iterum quæstioni adhibito, & cū omnia tādē ex tormentis

mentis & extra, præfente & abfente Alexandro fateretur: is & Demetrius figno dato more patrio lapidati funt. Ille chariffimos habuerat tres fratres, Amyntâ, Simmiam, Polemonē: nam ad ampla & honorata minifteria, illius maxime fuffragatione peruenerant. horū minimus natu Polemō, cū Philotam torqueri comperiffet, aufugerat. Rex non dubitabat eos vltimū confilii quoque fuiſſe participes: itaque inueſtigari ac comprehendī iuſſerat. Adiciēbat enim Alexander, & hos ſibi olim ſuſpectos eſſe, matris ſuæ Olynthiæ literis, quibus eſſet admonitus, vt ab his ſalutem ſuam tueretur. cæterum ſe qui inuitus antea deteriora credere conſueuit, nunc manifeſtis indiciis perſuaſum, iuſſiſſe apprehēdi. Nam pridē quā detegeretur Philotæ impius animus, quin in ſecreto cum eo fuiſſent, negari non poſſe. fratrem verò qui auſugerit cū Philotas torqueretur, aperuiſſe ſuæ fugæ rationem. denique & Amyntæ quædam verba enūtiata ſuperbius, in ſuſpicionem & coniecturam trahebātur. Nihilominus Amyntâ & Simmiam cauſam pro ſe dicturos, Alexander vinculis ſoluit: habitum quoque reſtituit, vt ſine præiudicio dicere viderentur. Aiebat itaq; Amyntas; durum eſſe, aſperiora verba in crimen trahi. id diſciplinam militarem exigere, vt Duces interdū humanius, interdum ſeuerius milites alloquātur. Amicitiam ſibi fuiſſe cum Philota, atque adeo expetiſſe, nō negare. huius ſibi periculi (ſi periculo eſſe debet) autorem eſſe Alexandrum. Nam Philotam

eum apud se fuisse, cuius gratia ab omnibus expecti, ira timeri posset. Omnes, vel Alexandro præsentante, iurauisse, eosdem se inimicos amicosque habituros, quos ipse haberet. Igitur si hoc crimen est, paucos innocentes esse, imò neminem. omnes enim Philotæ amici esse voluerunt, nec totidem quot volebant, potuisse. Si a consociis amici non diuidantur, nec ab amicis quidem separari eos oportere, qui amici esse voluerunt. Quòd mater Alexandri aliquid de se ac fratribus ut inimicis rescripserit, id sibi nocere non debere: quia nec metus sui causam, nec auctorem adscripserit, quo facto dictove mota adeo trepidas literas ad filiū dederit. Sed ipsum certe fuisse Alexandrum, qui tunc reos iræ matris obtulerit, dum suis potius vtilitatibus quàm muliebri gratiæ obedire imperaret. Dum hæc diceret Amyntas, qui fugientem Polemonem consecuti erant, victum afferunt. Is cum nihil pro se deprecaretur, modo ne fratrum innocentie fuga imputaretur sua, miserationem mouit. quanquam & fugæ occasionē non in consocietate poneret, sed in metu & rigore legis de coniunctis damnatorum, quibus tamen Alexander clementissime ac sapientissime pepercerat. Reos placuit absolui. Reliquus erat Parmenion pater Philotæ, de quo propter potentiam & auctoritatem, & Mediæ cui præerat oportunitatem, vindicta vix absque seditione sumi poterat. Igitur antequam de morte filii quid audire posset, mittit Alexander Polydamantem, qui hominem

ex infidiis interficeret. multo antequam Philotas Regem Alexādrum voluisset occidere, a duobus indicibus delatus, tertium iam annum custodiebatur in vinculis. Nam & cum in Philippi Regis patris Alexandri cædem coniurasse cum Pausania, pro comperto habebatur. Sed quia primus Alexandrum, Regem salutauerat, supplicio magis quàm crimini fuerat exeniptus. præterea & Antipatri soceri eius frequens expostulatio iustam Alexandri Magni indignationem morabatur. Cæterū recruduit soporatus dolor, quòd veteris periculi memoriam, præsentis cura renouasset. Igitur Lyncestes e custodia eductus, atq; iussus saltem eam dicere, quam toto triennio meditatus erat defensionē, ita quædam hæsitans ac trepidus pronūciavit: ad vltimum etiam non memoria solum, sed & mente atque ingenio destitutus est, vt ista trepidatio delicti magis argumētum, quàm memoriæ vitium esse videretur. Itaque cū adhuc aliquid dicere conaretur, pro confesso, qui proximè aderant, hunc lanceis confodiunt.

De egregiis personis omnino rectius priuatim, quàm publicè supplicium sumitur: maxime cū non in subditum nostrum animaduertimus. & domino paruisse interdum veniam meretur.

XXV. Ex Appiano, in Mithridate.

ATTILIVS ciuis Romanus, post damnationem exul ad Mithridatem Regem Populo Romano infestissimum, sibi vero antea familiarem

se cōtulerat: sperās, eo quòd sua opera aduersus Rempublicā vteretur, nactus apud eum fidem & auctoritatem, fore vt ex insidiis Regem aliquādo occideret, itaque & reditum & multæ remissionem impetraret. Hoc enuntiato cōsilio, in carcerem ducitur, & qui cum eo conspirauerant, itemque omnes Attilii serui. De Attilio ita decreuit, vt quando ciuis Romanus Senatorique ordinis esset, de eo non palam, sed priuatim supplicium sumeretur: de coniuratis, suo more. Sed quòd ad seruos attinet, dimitti placuit, cū non sua sponte, sed domino parendo deliquissent.

Qui aduersus salutem Principis conspirauit, omnium tribunalium iudicio, si ratione dignitatum ad plura pertinet, damnari debet.

XXVI. Ex Appiano; lib. III. bellorum ciuiliū.

Q. Gallius Prætor accusatus est, quòd suadente M. Antonio in mortem Octauii Cæsaris conspirasset. Conuictus, & dignitate a Collegis spoliatus est, et domus a Plebe direpta, & iudicante Senatu, morte damnatus est. Sed Augustus, qui, quò peruenit, aspirabat; vt simul & securi tati suæ, & humanitatis opinioni consuleret, iussit eum dumtaxat ad M. Gallium fratrem q̄ ab vrbe aberat, proficisci, neque ab eo vnquam discedere. Verū in itinere curauit, vt ita de composito occideretur, vt de facto quid ei accidisset, nihil vnquam certi afferri posset.

Exemplum quo & in filios nocentis animaduersum est

XXVII

XXVII. Ex Dione Nicæo, lib. LVIII.

L. AELIUS Seianus fortunæ ac vicissitudinis humanæ vnicum spec imen, apud Tyberium tanta fuit auctoritate, vt ei pro collega in imperio haberetur. Sed elatus hoc fastu potentiaque, cœpit Tyberium præ se nihili facere, Prætorianos aliosque omnes sibi conciliare. Tyberius recognita, cautè ac pedetentim depressum hominem, atq; in ordinem redactû, literis tãdem in Senatu accusauit. De ea re ita censuerunt, Placere AELIUM Seianum capite multari: corpus in Gemonias proijci: eius liberos omnes interfici: Apicatæ vxori veniam dari.

Damnati amicum fuisse, non nocere.

XXVIII. Ex Eodem.

POST QUAM in Seianum animaduersum est, multi familiaritatis atque amicitie causa, quam cum Seiano habuissent, rei postulati sunt. inter alios causam dixit in Senatu M. Terentius Varro. Is amicitiam vt negaret, tantum certe quidem abfuit, vt etiam ostenderet, cum se maximo studio coluisse, quem ipse Tyberius in tanto honore habuisset. qui si rectè fecit vtens eius amicitia, neque se quoque in eo deliquisse. contrà, si Imperator qui habet omnia certissima atque exploratissima, deceptus est: quid mirû si in eundem errorem inciderit? cum vnumquemque maximè conueniat, omnes eos quos Princeps in honore habet, sectari, colere, amplecti, nihil anxium quales ii esse possint: at-

que solum hunc præfigendo amicitia suæ finem ac terminum, quod Imperatori approbantur. ibi esse poenam oportere, ubi & noxia est: neque adfinitatem vel amicitiam hoc vnico nefarium admittere. Senatus reum absoluit, verbisque etiam accusatores ipsos increpuit.

In hoc crimine, filij accusatio recipitur: serui in caput domini torquentur: & destitutam accusationem etiam cogitur filius exequi: sed filio accusante pater mitius punitur.

XXIX. Ex Cornelio Tacito, Annalium lib.
IIII.

Q. VI BIVS Serenus, Tyberio imperante, ab exilio in iudicium retractus est accusante filio, quod Principi parasset insidias, & concitores belli in Galliam misisset, pecuniam ministrante Cæcilio Cornuto Prætorio viro. hunc sceleris conscientia mortē sibi attulisse. Nominabat accusator & Cn. Lentulum & Seium Tuberonem primores ciuitatis, atque Imperatori amicissimos. eos crimini esse participes. Sed hi quidem quorum alter extremæ senectutis erat, alter de facto corpore, statim exempti sunt. Porro & ex seruis cum in patrem quaesitum esset, aduersa quaestio accusatori fuit. itaque Serenus cum infracto animo ultores Deos in filium appellaret: se Principis cædem ac res nouas vno socio cogitasse, non esse verisimile, si naturam, si magnitudinem sceleris inspicimus. Filius accusator cum vecors impietate, tum vulgi rumore per-

perterritus, robur & saxum & parricidarum pœnas minitantium, vrbe cesserat & accusationem deseruerat. Sed Rauenna retractus, exequi coactus est: & placuit tandem Vibium relegari: quia durius esse videbatur, patrem, filio accusante, more maiorum interfici.

Etiam in hoc crimine, pœna, rei qualitate alijsque circumstantiis exacerbatur aut minuitur.

X X X. Ex Dione Nicæo, lib. L X.

ASINIVS Gallus Drusi frater vterinus, etsi Claudio Augusto insidiatus esset: non tamen extremo supplicio, sed exilio dumtaxat multatus est. ideo quia neque ad suum facinus exercitum parauerat, neque pecuniam contraxerat: sed multa dumtaxat insania, quasi generis sui causa a Romanis ultro imperium accepturus esset, ad hanc ferociam eum protraxerat. item quod statura minima, ac summa deformitate præditus, despiceretur, ridiculusque magis quàm metuendus esse mereretur.

Ad Principem, antecessoris sui Principis mortem vindicare pertinet, etiam si iure aut merito interempti.

X X X I. Ibidem. & ex Flauio Iosepho, lib. XIX. antiquitatum cap. I I I.

NUNQVAM prodest malum exemplum. etiam si in præsentī, occasione quadam delectat: in futurum tamen altius nocet, vt elegantissimo noster Quintilianus ait. Quapropter etsi a
Cassio

Cassio Cherea & Lupo aliisque merito Caius Imperator ob nimiam crudelitatem, & impia facinora occisus esse dici possit: attamen & ipse Claudius, qui factum antea laudabat, postea imperium adeptus, in percussores animaduertit. quia si Caius interfici debuit, a Cherea Tribuno non debuit, cui salus Principis pro officio committeretur. in hoc, genus aliquod esse proditionis. Denique paucorum supplicio, securitati Principum omnium consulendum.

XXXII. Ex Dione, in Seuero. Herodiano, lib. II. & Eutropio, lib. III.

SEVERVS quoque cū ad imperium peruenisset, eos qui Pertinacem occiderant, morte multauit: milites omnes sceleris conscios vestimentis militaribus exutos nudosque dimisit: Equitibus arma equosque abstulit. cæterum ab vrbe centesimo lapide omnes abesse iussit, aut certe vt capite pœnas luerent. Omnino quæ Principi affertur iniuria, omnium aliorum Principum iniuria est: quia non tam persona, quàm dignitas læditur. Meminerant Claudius ac Seuerus Imperatores, quòd Quintus Cæpio Consul ei qui Viriatum latronū ducem interfecerat, & ideo præmium peteret, olim responderat, Nunquam Romanis placuisse, Imperatorem a suis militibus interfici.

Minus id crimen tolerari debet, quod veluti adiutrice fide publica perficitur.

XXXIII. Ex Herodiano, lib. III.

IMPA-

IMPATIENS confortis est regnandi cupiditas. itaque Seuerus Imperator cum tabellarios aliquot ex iis qui literas Imperatorias perferebant, cum literis mandatisque ad Albinum delegasset, ita ut post publicè ac palam redditas literas, quædam habere se dicerent, quæ apud eum remotis arbitris loquerentur: & tum factò impetu Albinum interficerent: sensitæ atque intellectæ sunt insidiæ. Igitur Albinus in comprehensos tabellarios animaduerti iussit.

Seria in ludicris ponere, & magistratus personam induere, qui non sit, periculosum est.

XXXIII. Ex Herodiano, lib. 1.

VERIS initio, statò solennique die, Romani Matri Deorum pompam celebrabant. in ea passim omnibus ludendi licentia permissa erat, sic ut quas quisque vellet personas indueret: nullam non magistratuū quoque imaginem adeo repræsentaret, ut non sæpe a falsis veri dignoscerentur. Hūc diem Maternus captare Imperatori Commodò renūciatum est, ut is conscrique sui stipatorum persona suscepta, se hastatis immiscentes, ut pars Imperatorii comitatus esse crederentur, nullo præcauente, ac repente impetu factò eum trucidarent. Is ergo antea proditus, capite multatus est: & qui eiusdem factionis essent, hi suis etiam pœnis affecti sunt.

In hoc crimine quò quis proximior est, eò seuerius in eum debet animaduerti.

XXXV.

XXXV. Ex Herodiano, lib. I.

LVCILLA Commodi Imperatori maxima natu soror fuit. ea postquam Commodus ipse Crispinam vxorem duxit, huic in posterum primo loco cedere, ita iniquo animo tulit, ac si illius honor in suam contumeliam vergeret: vt consilium ceperit cum Quadrato & Quintiano aliisque Senatoribus, in Senatu Commodi interficiendi. Re patefacta, & comprehenso Quadrato in ipso facinore, Lucilla cæteri; coniurati damnati sunt.

In bellis civilibus qui diuersas partes sequuntur, aliquam venia occasionem habent.

XXXVI. Ex Dione, in Seuero.

SEVERVS Imperator posteaquam Nigrum prælio vicit, eosque damnare inciperet, qui illius partes secuti essent: Cassius Clera Senator accusatus id fecisse se non negauit, imò liberri-
mè ostendit, cum casu euenisset, vt partes Nigri sustineret, necessariò quod ei sors obtulisset, se secutum esse. ipsum etiam Seuerum noluisse quenquã eorum qui cum eo erant, & suam causam defenderet, proditorem ad alios transfugere. Seuerus litentiã hominis admiratus, libertatemque loquendi, dimidiam ei partem bonorum concessit.

Lesæ maiestatis reus est, qui pecunia corruptus arcere hostem recusauerit: bellum cum posset, non concessit.

XXXVII. Ex Diodoro Siculo, lib. xi.

Siciliam Tyrrhenis infestantibus, Syracusii sibi Præfectum classis Phaylum elegerant, quem nauibus instructis in Tyrrheniam nauigare præceperant. Hic cum primo aduentu insulam aliquam depopulatus esset, continuoque magna pecunia a Tyrrhenis accepta in Siciliam rediisset, nulla alia re hac tota expeditione egregie gesta: proditiōis accusatum Senatus Populusque Syracusanus in exilium abire voluit, iussit.

Denique omnino munera ab hoste accipere, pœna huius legis prohibetur.

XXXVIII. Ex Demosthene, Philippica
III. AEschine, contra Ctesiphontem. Isocrate in Panegyrico.

AREGIBVS omnibusq; aliis dominandi cupidis quenquã liberæ ciuitatis ciuem, munera pecuniamque accipere, tanto odio fuit, vt id maximis pœnis in omni Republica afficeretur, nec deprecationi vnquam aut veniæ locus esset. Nam quid hoc aliud habet, quàm promptum & paratum animum ad legum, libertatis, ac patriæ proditiōem? Si iudex a litigatoribus, Procôsul a Prouincialibus, corruptionis vitandæ causâ, munera, dona accipere prohibetur, imò & ab iis emere: quàm multo minus id ciui ab hoste, non subdito a non domino, permittendum? Certe vt parum pudica est mulier, quæ ab alio quàm a marito accipit: ita is parum verè ciuis, qui se alibi quàm ciuitati suæ ac suis deuinciri
finit.

finit. Ita est profecto, vt nemo a quoquam munera accipiat, nisi erga illum beneuolentiã præ se ferat. Memorabile ad hãc rem omnino est Atheniensium iudicium. Quidam Artinius Pythoclis filius è Lelea oppido Asiæ, iussu Regis cui obtemperare necesse habebat, e Media aurum in Pelopónesum attulerat, Græcos emendi, corrumpendi, ac sollicitandi causa. Is quanquam nec ciuis Atheniensis erat, neque Athenas venisset vt vllum ciuem Atheniensium corrumpere, sed in Pelopónesum duntaxat: neque hunc in sua potestate haberent, sic vt in eum possent animaduertere: attamen cùm totius Græciæ curam ad se maxime pertinere existimarent, certe Græcis omnibus communem eam esse, ne vlla sui parte Græcia non vi sed pecunia tentaretur: vtque non solum ciuiũ animos ab iis corruptionibus auerterent, sed & extraneos omnes siue hostes siue peregrinos admonerent, quo cum suo malo & periculo tale quid vnquam in vniuersa Græcia aggredierentur: placuit Populo Senatuique Atheniensium de Artinio cognosci. Eum itaque absentem cum omni sua gente ac cognatione, quod aurum e Media in Peloponnesum aduexisset, ignominiosum, hostemq; Populi Atheniensium & sociorum pronunciarunt: videlicet vt ex eorum legibus a quolibet impune occidi posset, quique omnes eum cognatione attingerent. præterea cautum est, vt incisum hoc Populi scitũ ærea pila in arce collocaretur.

XXXIX. Ex Dinarcho contra Demosthenẽ.

Timotheus dux Atheniensium illustrissimus, à Chiis & Rhodiis pecuniam acceperat. id cùm fa-
teretur, nihil ei profuit ad liberationē, Lacedæ-
monios ad Corcyrā nauali prælio superasse: nec
quòd fili⁹ Cononis esset, a quo Græcię libertas
restitutā esset: Samus, Methone, Pydnā, Poty-
dęa, alięque viginti vrbes captę. Centū talen-
tis multatus est.

*Docere in vulgus ea quę Populum ad seditionē possint
conuertere, pœna huius legis prohibetur.*

X L. Ex Dione, in Vespasiano.

CVM Demetrius Cynicus Stoicę disciplinę
magister, aliique multi occasione Philosophię
multa publicē differerent, inutilia iis qui au-
diebant, quinimo & Reip. perniciosā: quia mul-
tos occultē ac veluti ex insidiis in varias senten-
tias adducerent: aut de vnus imperio, aut de sta-
tu Populari, horum vter melior esset: Demetri⁹
cū Hostilio in insulā a Vespasiano relegatus est:
cæteri omnes hui⁹ sectę Philosophi, vrbe abire
iussi. Atq; cū nihilominus paulo post Diogenes
clā in vrbe ingressus, apud Populū acerbius atq;
arrogātius de sūma Reip. verba fecisset, eodē iu-
bente Imp. virgis cæsus est. & quādo Eratem Cy-
nicū ne ita quidē pœna deterruisset, ei capita-
le fuit. Nēpe vt ciuis atq; viri boni est, præsentē
statum Reip. nolle cōmutari: ita prudētis Impe-
ratoris est, cauere ne assiduitate harum in con-
trarias partes scholasticarum disputationum,
abstrahatur aliò ciuium animus, rerumq; inno-
uanda-

litate communi, non ex scriptione quæ in literis est, interpretari. Ea virtute & sapientia maiores fuisse, ut in legibus scribendis, nihil sibi aliud, nisi salutem atque utilitatem Reip. proponerent, neque enim id quod obesset, scribere voluisse: et si scripsissent, cum esset intellectum, repudiatum iri legem intelligebant. Neminem leges legum causa salvas esse velle, sed Reipublicæ: ideo quod ex legibus omnes Respublicas optimè putant administrari. Quam ob rem igitur leges servari oportet, ad eam causam scripta omnia interpretari convenire: hoc est, quoniam Reip. servimus, ex Reip. commodo atque utilitate leges interpretari. Nam ut ex Medicina nihil oportet putare proficisci, nisi quod ad corporis utilitatem pertinet, quoniam eius causa est instituta: sic a legibus nihil convenit arbitrari, nisi quod Reip. conducatur, proficisci: quoniam eius causa sunt comparatæ. Quod si Epaminondas Reip. profuit, quo modo eodem facto, & communibus fortunis consuluisse, & legibus non obtemperasse dici potest? Quid autem magis utile Thebanis fuisse, quam Lacedæmonios opprimere? quid magis Epaminondam Thebanorum Imperatorem, quam victorie Thebanorum consulere decuit? Contra Epaminondam hoc dicebatur: Iudices qui ex lege iurati iudicant, legibus obtemperare debere. obtemperare autem legibus non posse, nisi quod scriptum est in lege, id sequantur, quod enim certius legis scriptor testimonium voluntatis suæ

suæ relinquere potuit, quàm quod ipse magna
 cum cura atque diligentia scripsit? Epaminon-
 das non ex eo quod apertissimè scriptum est,
 sed ex eo quod suæ causæ conuenit, scriptoris
 voluntatem interpretari. atqui hoc licere, cum
 per se, tum exemplo perniciosum esse. Quid por-
 ro si victus esset Epaminondas? non ergo ex eue-
 tu, sed quo consilio quid fecerit, examinandum.
 vtilius esse Reip. suas leges perpetuo seruari,
 quàm semel hostes vincere. Itaq; Iudices pro-
 nunciarunt, Cū Epaminōdas legem violasset, vi-
 deri capite puniendum. Reliquum erat vt Po-
 pulus ad eum relatione facta, sentētiam sibi pla-
 cere diceret, idque iudiciū scisceret, cuius Iu-
 dices auctores essent. At ibi Epaminondas cum
 & deliquisse se, & aduersus Reip. imperium, quos
 absolui placuit, secū detinuisse fateretur: nihil-
 que se animaduersionem morari ac diffugere
 pronūciāuit, minime de vita sollicitus, modo
 certe in mētoriam aliorum quæ tanta & innu-
 nera beneficia Reip. Thebanorum contulisset,
 huius argūmenti epitaphium tumulo inscribi
 „vellent: Hic iacere, quem, vbi hostes Lacedæmo-
 „nios ad Leuctras ingenti & memorabili prælio
 „fudit fugauitque: ciues suos, ne non suis legibus
 „vterentur, seruitute liberauit: ipsi sui ciues, dum
 „suis iam nimium legibus abutuntur, & dum le-
 „gitimè iudicant, iniquissimè occiderunt: tanta
 „cepit omnium animos sui ipsius indignatio, per-
 „petuæque in posteros metus ignominia: tanti
 etiam viri admiratio, vt ius æquo & bono, lex
 gratia

gratiæ & honesto cesserit. Sæpe igitur virtus & magnificentia, in quo grauitas & auctoritas est, plus proficit ad misericordiam commouendam, quàm humilitas ac deprecatio.

Qui parendi necessitatem habent, nunc venia, nunc minore pœna digni sunt.

XLII. Ex Dionysio Halicarnasseo, lib. x i.
& Plinio, de viris illustribus.

DECENVIRI Romæ multis inique perpetratis (in quibus notissimum est Appii Claudii de Virginia facinus) & cùm imperia sibi inuito Senatu Populoque Romano prorogassent: tandem magistratu se abdicare iussi, omnes accusati aut manum sibi attulere, aut damnati in carcere necati sunt (qualis fuit Appius) aut mortem exilio commutarunt: omnium certe bona, siue absentium siue mortuorum, in publicum redacta sunt. Cæterum ex omnibus libidinis eorum proteruitæque ministris, vel quia se imperio & vi maiore tuebantur, vel quia ad nimio plures hoc crimē pertineret, vnus ille Marcus Claudius qui suppositus ab Appio Virginiam sibi asferebat, iudicium subire coactus est. & tamen quia id ipsum apparebat, dicto audientem Magistratui fecisse, non morte, sed exilio multatus est.

Qui hostes dolo malo sollicitauerit aduersus Rempublicam.

XLIII. Ex Paulo Orosio, lib. vii. cap.
xxxvii. & xxxviii. & ex Pomponio
Læto, in Theodosio.

THEODOSIVS Honorium & Arcadium, quos
ex Flacilla filios susceperat, cōsortes antea qui-
dem Imperii fecerat. Sed moriens, quia nondum
ætas matura Imperio esset, testamēto Rufinum
Arcadio, Honorio Stiliconem adiunxit, quo-
rum consilio Arcadius Constantinopoli, Hono-
rius Romæ res gererent. At cū Rufinus pri-
mū aduersus Arcadium, Alaricū Gotthorum
regem sollicitasset hoc animo, vt sub eo metu &
rebus cito turbulentis: diadema Orientis non
ambitu, sed quasi necessitate capiti suo impone-
ret: atque etiam Stilico alia & secretiore via fi-
lio suo Eucherio tyrannidem pararet: itaque &
postremo Sueuos, Vandalosque & Alemannos
ad inferēdum bellum Honorio malitiose attra-
xisset: ambo perniciosi tutores detectis insidiis
ac dolis damnati sunt: Stilico Romæ cum filio
in foro Pacis occisus est. Rufini caput cum dex-
tra manu ante portas Constantinopolis appen-
sum, affixum est.

AD LEGEM IVLIAM DE ADVL-
TERIIS COERCENDIS, ET
stupro. Tit. X.

*Divina coniectura, propter eam quam vnusquisque de
religione opinionem habere debet, sunt certa proba-
tionis loco.*

I. Ex

I. Ex Diodoro Siculo, lib. 1.

SO SOSTRES Rex AEgyptiorū, luminibus sorbatus, consulto oraculo responsum acceperat, fore vt ei tum visus restitueretur, cū in eam mulierem faciem intendisset, quæ pudicè cum marito suo viueret. Id expertus in vxore, aliisque plurimis, nihil ei profuit: donec ad infamam & abiectā hortulani vxorem peruenisset. nam tum certe sanatus est. Itaque citra vllam aliam inquisitionem, vt sui Numinis erga Populum religionem confirmaret, quam aut casu, aut illicitis artibus, aut sane diuinitus in se expertus esset: placuit ei vxore repudiata, in eam aliasque omnes impudicas & corruptas mulieres animaduertēre, hoc modo: iussit eas in villā conuenire, ibique simul cum villa conflagrari. cæterum quam pudicam nactus erat, duxit in vxorē. AEgyptii deinceps locum illum, Sacram glebam appellarunt.

Grauitas stupri, ex tempore & loco interdum crescit.

II. Ex Dinarcho, contra Demosthenem.

TH E M I S T I V S Aphidnæus, quòd Initiis Eleusiniis Rhodiam citharistriam violasset, Athenis capite multatus est.

Qui prostituit, quàm qui abutitur, atrocius delinquit.

III. Ex eodem.

EV T H Y M A C H V S, quòd puellam Olynthiam prostituisset.

Scelus suum Numini adscribere summa stultitia est. & esse aliquos etiam partus abominandos.

III. Ex Halicarnasseo, lib. 1. Liuius, deca. 1. lib. 1. Plinio, de viris illustribus, Iulio Floro, lib. 1.

AMVLIVS filiam Numitoris fratris sui maioris natu, Rheam nomine, & cognomine Syluiā, Vestæ Sacerdotem ideo designauerat, vt ex ea prolis spe omni intercepta, regno sine contro- uersia potiretur. Sed cū accidisset vt vi com- pressa vterum gereret, ideoque consilio matris simulans aduersam valetudinem, a sacris abstineret: postquam res Amulium nō latuit, puellæ custodibus appositis, Numitor ipse atque illius vxor vt sceleris participes accusantur. Hi dila- tione accepta, didicisse se aiunt filiæ vim alla- tam esse, neque id ab homine, sed a Deo aut Ge- nio quodam. ita enim qui vim Rheæ Syluiæ at- tulerit, eidem narrasse, ac prædixisse, hanc gemi- nos parituram esse. Itaque postulabāt expectari partum, vt euentus, fraus humana, an diuina sit prouidentia, detegeret. Igitur cū geminos edi- disset, Numitor Dei opus identidem allegabat, inque puellam innoxiam minime sciriendum esse. Attamen non placuit hoc cōmentum, at- que ex totius concilii sententia visum est, lege vtendum esse. Iubent Rheam, cuius corpus pol- lutum esset, virgis cæsam interfici: & quod na- tum esset, in profluentem aquam ciici, proiici.

Interdum etiam Reges obnoxios esse legibus.

V. Ex

V. Ex Dionysio Halicarnassco, lib. I II. Tito
Liuiio, lib. I. deca. I.

GRAVISSIMA hæc Senatus Populique Ro-
mani sententia fuit, quæ propter Lucretiæ stu-
prum, aliaque infinita ac tyrannica facinora, de
imperio abrogando Tarquinio Superbo Regi
pronunciata est : vxore ac liberis Tarquiniis-
que omnibus eiiciendis vrbe, Italiâ, finibus :
hæc cum maxima sanctione, vt si quis vnquam
de reducendo Rege cum Populo ageret, ei ca-
pitale esset.

Potestate ad iniuriam abuti non licere.

VI. Ex Valerio Maximo, lib. V I. cap. I.

TITVS Veturius, filius eius Veturii, qui in
Consulatu suo Samnitibus, ob turpiter ictum
fœdus, deditus fuerat a Senatu: cum propter do-
mesticam ruinam, & graue æs alienum, Cælio
Plotio creditori se nexum dare, multum adhuc
adolescens, coactus esset : seruilibus ab eo tan-
dem verberibus affectus, quia stuprum pati no-
luerat, querelam ad Consules detulit : a qui-
bus hæc de re certior factus Senatus, Plotium
in carcerem duci iussit. Nam in quocunq; statu
positam Romani sanguinis pudicitiam, tutam esse
oportere. Longè diuersam addicti & serui con-
ditionem esse : & quam ob causam dominus vel
seruo suo carere possit : in addicto, creditorem
non solum amissione pecuniæ, sed etiam pœna
coercendum.

*Esse nonnulla crimina, quæ fama & cæco potius, quàm
manifesto testimonio conuincuntur. cæterum impu-
dici, concionibus interdici.*

VII. Ex AEschine, in Timarchum.

SI QVIS pudicitiam prostituisset, patriaque
bona luxu amisisset, huic legibus Atheniensem
interdicebatur ius apud Populum concionandi.
Nam qui rem suam priuatam malè administra-
uerit, fieri non posse, vt publicam benè admini-
stret: vtque idem priuatim sit improbus, ac pu-
blicè optimus. Sed & inhonestum esse, hunc cum
Populo agere; qui orationis habendæ prius,
quàm degendæ vitæ rationem duxerit. Deni-
que viri boni orationem quâuis nudam ac sim-
plicem, multum persuadere: contrâ, hominis im-
probi atque luxuriosi, licet ornatam, contineri
ac negligi. Itaque ab AEschine Timarchus im-
pudiciæ & prodigalitatis accusatus est, ne dein-
ceps contra leges apud Populum concionaretur.
Citabat huius criminis testem vniuersum
Populum Atheniensem, & quæ iamdiu constans
ac perpetua suscepta esset de reo, famam & opi-
nionem. præterea (quod reuera adducebatur) a-
pud hos, quos nominabat, certæ ac notæ impu-
diciæ viros, relictis paternis ædibus diu & fa-
miliariter vixisse: quod sine crimine, nedum
probri suspitione fieri non potuit. Demosthe-
nes contrâ pro Timarcho, in eo erat maximè, vt
diceret pudiciæ damnum in ea ciuitate vitio
verti non debere, in qua meretricium esset ve-
tigal

ætigal institutum huiusmodi, ut a Senatu ipso singulis annis locaretur. quare si quid in eo genere sit admissum, id magis Publicani esse ut inuestiget, quam accusatoris, ut in iudicio reprehendat. aut sane si nihilominus hoc nomine Timarchum arcessiri placet, adducendum esse redemptorem, qui illud vectigal a Timarcho exegisse se ac collegisse interrogatus respondeat. Denique non sufficere, generaliter impudice versatum esse reum allegare : nisi & locus, & quibus, & quo pretio pudicitiam prostituerit, designabitur. Nec conveniens esse ut Famæ fides adhibeatur. sic enim esse vulgus, ut ex veritate, pauca : ex opinione, multa æstimet. Itaque & vulgo Mercurium Antocidis vocari, qui non sit Antocidis, sed AEgiæ Tribus donarium : & ædes in Colono quæ Dæmonis dicuntur, falsum habere cognomen : neque enim esse Dæmonis. & alia pleraque huiusmodi, in vulgus persuaderi, quæ sunt falsissima. Timarchum male audisse, non propter facinora : sed ob formæ præstantiam, quam in crimen adducere nimis sit invidiosum. Porro esse repugnâtia, quem decoxisse, & corpore quæstû fecisse. AEschines denovo referebat, rem non esse huiusmodi, ut qui simul patrarint, iidem testimonium dicant : sed eam esse, ut ex præterito & antea acta vita magis quam ex præsentis æstimari debeat : quam Iudices non ex oratione, neque ex testibus, sed ex sua animi sententia & conscientia iudicent. Non enim necesse esse, impudiciam syngraphis
ostende-

ostendere. ideoque in legibus de impudicitia, paſſionum non fieri vllā aliquam mentionem. De rebus mutis & inanimis, quia in iis non ſunt vllæ vel honeſtæ vel inhoneſtæ actiones, quemlibet ita verba facere, & rumores ſpargere, vt de iis liberè ſentiat: verum, de vita hominū & oratione & actionibus, famā vix vnquam aberrare, & quæ veriſſima ſunt proferre, & futura plerūque prædicere. ideoque Famę, vt maximæ Deę, veteres aram cōſecraſſe: & Famam ita definiſſe, vt nihil aliud ſit, quàm ſenſus totius ciuitatis. Quare qui nefarię ac turpiter viuunt, hos ſolos de Fama detrahare, quòd eam flagitiorum ſuorū teſtem atq; accuſatricē immortalem ſint habituri. Deniq; turpe eſſe Timarcho, interrogare vbi ſcelus commiſerit, non etiam ſi vllum omnino cōmiſerit, vel fateri, vel inficiari. Iudices reum condemnarunt. itaque in exilium abiit.

Delicti atrocitate, & ob rei memoriam, in locum in quo ſcelus commiſſum eſt, veluti in conſcium animaduerti.

VIII. Ex Flauio Iosepho, antiquitatum lib. xviii. cap. iiii.

DECIUS Mundus antiquæ nobilitatis adoleſcens, cū Paulinæ matronæ honeſtiſſimę atque pudiciſſimæ, quam vxorem duxerat Saturninus, miſero amore caperetur: ac nihilum ſeu pollicitationibus, cæterisq; aliis amatoriis artibus, in adeo rara fœminę caſtitate proficeret: de ſalute ſua deſperabat. Itaque anus liberta
(quam

(quam Idem appellabant) nimium de Patroni sui filio sollicita: cùm certo sciret nunquam pecunia Paulinam expugnari posse: eandem autem præ cæteris Diis omnibus Isidem colere, neque alia sacra, aliosve sacerdotes frequētius adire, suspicere: putavit libertina, sibi sacerdotum lenocinio vtendum esse: qua sciret eos esse auaritia, nullum non ius religionis ab iis violari posse. Nec opinione sua decepta est. Itaque sacerdotes mercede adducti, seniori delegant facinus. hic credulæ atque religiosæ mulieri, suo fastu atque auctoritate sua facilè persuadet, Deum Anubim forma sua captum, eam ad cœnam & amplexum appellare. itaque vt in templo pernoctet ei necesse esse. Paulina, quid Deo denegaret? id verò in summo bono collocat. igitur cùm & ea de re multos sermones cum marito habuisset: Saturninus hoc tribuit tandem siue religioni, siue vxoris suæ pudicitia, vt Dei mandatis obtemperaret: in templo Isidis vna nocte obdormiret. Ergo Paulina in téplum venit: paratur ei lectus a sacerdote. sed Deus ille, fuit Decius. res deniq; ita cōparatur, vt Paulina sese crederet a Deo complexam. atq; id non celabat vel maritum, vel alias sibi notas atque familiares vicinorum matronas. Tenebat omnes summa admiratio: solaque fidem faciebat eximia, probata & experta Paulinæ pudicitia. itaque magis credere, quod de Alcmena, & Rhea Syluia narratur. Verùm triduo post, cùm Decius Mundus insultās mulieri, fucum factum obice-

obiiceret: res ad Tyberium deferitur. qui cognita veritate diuque discussa, postremò conscios omnes sacerdotes cruci affixit, itemque libertinam tãtæ impietatis artificem. Templum (quod maius est) subuerti ac dirui, atque Isidis imaginem in Tyberim proijci: cæterum adolescentem relegari iussit, quem iudicabat ætate & amore impulsus magis, quàm certo animi iudicio deliquisse.

Gravius est crimen, quod sub specie religionis committitur.

IX. ex AEschine, in epistolis.

N E Q V E dissimile fuit, quod longe antea euenisse dicitur. Apud Ilienses in terra Troiana mos erat patrius, ut quæ virgines eo anno nupturæ essent, hæ ad Scamandrum fluuium accederent, ibiq; lotæ, hæc verba veluti sacra, solennia atque legitima pronunciarent, Cape o Scamander meam tu virginitatem. Ergo inter alias, quædam virgo nomine Callirrhoes, illustri orta familia, ad fluuium venerat lauandi causa. Sed interea Cimon, qui Callirrhoes pudicitie iamdudum insidiabatur, se, clam aliis omnibus, in frutice Scamandri occultauerat, caput arundinibus redimitus: ut fuco facto, Deus esse videretur. Itaq; cum ex more, Callirrhoe verba illa recitasset, hoc ornatu profiliens è fruticibus Cimon, respondisse dicitur, En Scamander, accipio lubens, tibi Callirrhoe charus atque amantissimus: quare puellam rapuisse & occul-

occultasse. Verùm quatrìduo post detegitur scelus. Nam cùm Veneris pompa duceretur, atque recens factæ mulieres, huic, pro instituto, interessent: Callirhoe cum nutrice ambulans, Cimonem itidem cum aliis spectantem forte cùm vidisset, honorem ei vt Deo præbuit: nulliusque mali sibi conscia, Ecce nutrix (inquit) hic Scamander, cui meam virginitatem dono dedi: nutricem itaque exclamasse. Hac ratione diuulgato facinore, cùm turba accessisset vt Cimonem apprehenderet, is fuga supplicium elusit.

Et Principem de adulterio vxoris sue cognoscere.

X. Ex Dione Nicæo, lib. lx.

MESSALINA vxor Claudii, cùm eò luxuriæ prorupisset, vt sese nunc in Palatio, nunc in lupanari prostitueret: multis etiam maritis quasi legitimè nuberet: tandem inquisitione facta, ob id a marito vltimo supplicio damnata est.

Esse cùm iniuriæ vindicta, vel in accusatoris redit infamiam.

XI. Ex Xiphilino, in Domitiano. Iustino, lib. VII. & IX.

CONTRA cùm vxor Domitiani Imperatoris, cum Paride saltatore adulterium commisisset: Domitianus animo incertus, vxorémve lege Iulia condemnaret, an factum dissimula ret, ne in ore vulgi versaretur: sententiam Vrsi secutus est. Eam duntaxat repudiavit: & ita factum est,
vt ci

vt ei adulteram retinuisse non posset imputari: an verò etiam propter adulteriũ repudiasset, incertum haberetur. quam rationem & antea Philippus pater Alexandri Magni in caussa Olympiadis seruauerat. Sane ita se res habet, vt in caussa summorum Principum & magnorum virorum, domestica mala & infortunia supprimi & ignorari, satius atque vtilius sit. Cæterum de Paride, quasi ab alio, & ob aliam caussam, curauit vt is interficeretur. Itaque Dion ipse, lib. I. v. refert de Augusto, cum notatum fuisse, quòd impudicitiam filix suæ diuulgasset, nam cum sibi ipsi & infamiam & orbitatem attulisse: quia filiam relegare tum necesse habuit: quam alioqui, saluis hominum linguis, potuisset imperio domestico, cura ac diligentia priuata compescere. Imo vero Rex Macedonum Amyntas uxori suæ Euridicæ, quanquam in scelere depræhensæ, pepercisse dicitur, propter communes liberos.

Adulteriꝝ pœna est capiti.

XII. Ex Ammiano Marcellino, lib. XXI.

CETHEGVS Senator, sub Valentiniano, cum adulterii reus delatus esset, ei caput amputatum est.

In genere pœna, representatur interdum delicti acerbitas.

XIII. Ex Flauio Vopisco, in Aureliano.

ADVLTER hoc maxime offendit, quòd mutuam

tuam hanc amicitiam, quæ mulieri erga maritum arctissima esse debet, scæda illa communione dissoluit ac distrahit. Quare Aurelianus Imperator, in vindicando militis sui cuiusdam, cum hospitis vxore adulterio, videtur hanc supplicii rationem habuisse. Ita enim puniuit, vt duarum arborum capita prius inflecteret, postea ad pedes militis alligaret: postremò ferri suo impetu dimitteret, vt scissus ac distractus a se, ille vtrisque pendens, reliquis disciplinæ publicæ pulcherrimum exemplum ederet.

AD LEGEM IULIAM DE VI PV-
BLICA, TIT. XI.

*Interdum necesse esse, & innoxiorum pœna tumultum
sedare atque reprimere.*

I. Ex Dionysio Halicarnasseo, lib. x.

PERFECERANT Cælii, Posthumii, Sempronii, inter Patritios nobilissimi adolescentes, ne a Tribunis plebis lex Agraria promulgetur. Hoc adeo plebs indigne tulit, vt iis dicta a Tribunis, ac lite bonis æstimata, si iudicio Senatus obstitisset, vi aliquid molitura videretur. Itaque quando capitis non anquireretur, nec vitæ, sed pecuniæ duntaxat detrimentum in iudicio versabatur: Senatui visum est, permitti iudicium seditionis vitæ causæ, vt paucorum damnatione furor plebis componeretur. ergo damnati sunt absentes. Sed cum reorum bona
sub

sub hasta venissent, ea patres redemere a licitoribus, damnatisque restituenda esse censuerunt.

Qui cum telo ambulauerit, hac lege tectur.

II. Ex Cicerone, Verrina v 11. & Valerio Maximo, lib. v 1. cap. 111.

OMNIVM in Sicilia Prætorum, postquam ibi M. Aquilius occisus est, instituta atq; edicta fuerunt eiusmodi, vt ne quis cum telo seruus esset. Itaque propter seueritatem exempli narratur, L. Domitium Prætorem in Sicilia, cum aper ingens ad eum allatus esset, admiratum requisisse quis eum percussisset. cūque audisset, pastorem cuiusdam fuisse, eum ad se vocari iussisse. Illum cupidè ad Prætorem quasi ad laudem atque ad præmium accurrisse. quæsisse Domitium, qui tantam bestiam percussisset, illum respondisse, venabulo: ideoq; statim iussu Prætoris in crucem esse sublatum: quia & ipse Domitius ad extirpanda latrocinia, quibus Prouincia vastabatur, edixerat, ne quis telum haberet, & cum telo ambularet. Ratio publici imperii hanc plerūque seueritatem exigit: præstatque in hoc metu & disciplina publica, crudeliorem se in animaduertendo, quam in prætermittendo dissolutum exhibere.

Vn etiam latronum in hoc iudicium cadit.

III. Ex Dione, in Seuero.

BVLAS homo Italus fuit. is cum Seuerus Imperator

perator variis bellis occupatus esset: per Italiani sexcentorum latronum manu comparata, prædam agere instituit. Sed tandem comprehensus & a Papiniano Iurisconsulto Præfecto Prætorio interrogatus, cur latrocinium factitasset, respondisse fertur, Et tu cur Præfectus es? Ideoque placuit eum damnari ad bestias.

AD LEGEM CORNELIAM DE
SICARIIS ET VENEVICIS.

Tit. XII.

In homicidio quod in turba & a multitudine commissum est, quæ seruanda sit pænæ exigenda ratio.

I. Ex Herodoto, lib. v.

VICTI Athenienses graui exorto bello inter eos & Aeginetas, ad vnum vsq; omnes interfecti sunt. Is cum solus Athenas redisset, ægrè tulerunt omnium vxores qui in acie occubuerant, incolumè hunc vnū videre ac superstite. Igitur vnaquæq; de viro suo quasi vbinam is esset, deque vniuersa & cõmuni clade quæsitura, hunc circumfusæ ambiunt, fibulisque & acubus vestium suarum compungentes, tandem interficiunt. Visa est, ac merito, Atheniensium magistratibus, graui accepta clade hæc grauior cædes. Igitur diu multumque inter eos actum est, qua pœna id vindicari posset. Profecto quia ad nimio plures hoc crimen pertinebat: in omnes animaduerti non oportere, sapientissime videbatur. in vnam etiam aut alteram capitis an-
quire

quirere: id quidem æquum verumque esse posse, si ea inter cæteras agnosceretur (quod fere in his popularibus delictis non accidit) quæ vel ferrire inchoasset, vel cuius certe ictu ille potissimum periisset. attamē aliquid vel dolori concedendum, si hanc maxime cognouissent. Igitur nec damnari vllam, nec omnes absolui placuit. Id modò cōstitutum est, vt eo in posterum vestimenti genere mulieres omnes vterētur, cui componendo, fibulis & acubus non opus esset.

In Græcia, ne quidem atate vel imprudentia homicidium excusabatur.

II. Ex Xenophonte, lib. I I I I. de Cyri minoris expeditione.

DACRONTIVS Spartanus, & puer adhuc, & imprudēs, puerum alterū Laconico cultro percussus occiderat. Ob id certe exilio damnatus est. nam & apud Græcos exilio voluntario fortuiti casus luebantur, & cū nullū homicidium impunitum esse debere existimarent: exilio puerorum, non tam eorum iniuriam puniebāt, quæ certe sine animo nocendi nulla esse potest: quàm parentum incuriam atque ignauiam, qui si diligentiam præstitissent, filii vtique non peccassent.

Lege Cornelia tenetur, qui fecerit vt quis innocens circumueniretur, damnaretur.

III. Ex Xenophonte, lib. I. rerum Græcarum: & Valerio Maximo, lib. IX. cap. VII I.

VICTO

VICTO nauali pugna Callicratide Lacedæmoniorum duce, & cū eo prælio Athenienses vigintiquinque naues cum viris ipsis amisisset: placuerat Ducibus Atheniensium Cononi, Diomedonti, Leonti, Pericli, Eresinidi, Aristocrati, Archestrato, Protomacho, Thrasyllo & Aristogeni, Theramenem & Thrasymbulum cum quibusdam aliis Præfectis, iis qui naufragium fecissent, auxilio mittere, vt aut viuos recolligerent, aut mortuos sepelirent: quæ cura semper apud omnes Græcos potissima fuit. Id vero tépestate impediti Theramenes & Thrasymbulus inuiti prætermiserant. Attamē hi decem reuersi Imperatores, sententiam dicente Timocrate, nec non ipso Theramene accusante, a Senatu decretum est, vt statim e vinculis rationem redderent, cur naufragis opem non tulissent, mortuos sepulturæ non tradidissent. Hi tépestatis excusationem afferebant. præterea si quos hoc nomine accusari aut supplicio affici oporteat, culpam esse in Theramene & Thrasymbulo, qui quod eis imperassent, non præstiterunt. Quod ad se attinet, curæ ac diligentix suæ testem habere omnem exercitum. Cū in noctem incidisset hæc tumultuaria accusatio, ita vt manus quibus eleuandis Populus quod vult iubet ac decernit, inspicere nō possent: placuit rem in alium diem reiici: interim vero arbitraturum Senatū, quæ pœna Ducibus dici debeat. Postridie Senatus, cū Theramenes & Callixenus rem omnibus artibus & occulta calumnia in inuidiā

protraxissent, censuit eam, vt si plane cognita esset ac perspecta, iudicio Populi committi oportere, hac cōditione, vt si damnari placuisset, Vndecimviris occidēdi traderentur, bona publicarentur, & eorum decima Deo voueretur. Sed extitit Euryptolemus Callixenum accusans: indignū esse, prius iudicium dici, quā legum ordine reis & aduersus reos causam dicere permetteretur. Legitimam hanc siue damnationem siue absolutionem esse non videri, cuius aduersus leges, & extraordinarium fuisset iudicium: in quo reus ad defendendum suos ac legitimos dies non habuisset. Legem esse, vt si quis Populum Atheniensem læserit, vinctus coram Populo caussam dicat, & si noxius esse reperiat, publicatis bonis in Barathrū proiciatur: vt si qui sint sacrilegi, proditores, hi in foro prius more maiorum accusentur: si conuicti sint, ne in Attica sepeliantur. Illa aut altera lege Duces accusentur, certe iuris ordinaria forma, non statim ac nullo interuallo, peragi oportere: ne postea innoxios & indemnatos occidisse pœniteat, præsertim post tantam Populo Atheniensi adeptam victoriam. Hoc certe esse in accusatione, quod defuncti prælio nauali, rem ita optime geri censuerunt, astipulante etiam Thrasybulo, si cum parte nauium hostes persequerentur: pars altera Thrasybulo & Therameni ad subsidium naufragorum relinqueretur. itaque vel horum noxam, vel nullius esse. Quapropter censere se, vt de reis secundum leges iudicaretur, & bis de vnoquo-

unoquoque sortitio fieret, non ut Senatui placuit, vnicis suffragiis de vniuersis Ducibus Populus sententiam ferat. Sed auctore Callixeno, & accusatorum factione & opibus, cum diceret indignum esse, si quæ Populus facere vellet, vnius hominis sententia prohiberetur, et si Euryptolemus solus plus valeret, quam consentientis Senatus auctoritas: factum est, ut scisceretur Populus, se & de Ducibus, & de iis qui intercederent quo minus suffragia fierent, simul iudicium laturum. Quare Iudicibus imperatum est, ut primi sententiam dicerent. Hi antea quidem negarunt, se contra leges suffragia luros, sed postea timore periculi tulere omnes, præter Socratē Sophronisci filium. Itaque decem strenuissimi Duces & innoxii, damnati sunt: ex quibus sex qui præsentibus erant, occisi sunt. At paulo post, tanta iniquitate iudicii perspecta, Populus iussit, ut a quibus seductus ac subornatus esset, hi capitis arcesserentur, & vades darent quoad iudicaretur. At Callixenus cibi abstinentia sibi mortem attulit: reliqui orta seditione, abierunt in exilium, priusquam damnarentur.

Hac lege coercetur qui pecunia corruptus damnauit innocentem, aut inique iudicauit.

III. Ex Herodoto, lib. v. & Valerio Maximo, lib. vi. cap. iiii.

SISANNES, cum pecunia atque largitione corruptus, inique iudicasset, huc Cambyfes Rex

Perfarum faucibus strangulari, ac vellicato cadauere, pellem, quo federat tribunali, intendi ac cōsterni iussit. Huic cū idem postea filium Sifannis Otanem præfecisset: Memento, ait, quo ex loco iudices. Familiare fuit alioqui supplicium Persis, cutem viuus etiam hominibus detrahere, nunc solidā, nunc particulatim. Cæterum de hac re ita scribit Ammianus Marcellinus lib. **xxiii.** Quod supersedere coria damnati ob iniquitatem Iudicis, Iudex alius cogebatur: aut finxit vetustas, aut olim recepta consuetudo cessauit. Loquitur enim Marcellinus de suis atque Imperatoris Iuliani temporibus.

Neminem licet vel iniuria accepta occidere, si aliter nos seruare & iure vlcisci possumus.

V. Ex Cicerone, Verrina **iii.**

PHILODAMVS, Lampfacenorum in Asia genere, honore, copiis, existimatione facile Princeps: cū in hospitium Rubrius, iussu C. Verris Legati, apud eum deductus esset: & vocatis ab eo comitibus, id agi atque id parari intelligeret, vt filia suæ vis afferretur: filium seruosq; suos ad se vocauerat, noctuq; Lampfaceni omnes eò conuenerant. Ibi, lictor Verris Cornelius, qui cum eius seruis a Rubrio collocatus esse dicebatur quasi in præsidio, ad auferendam mulierem, occiditur: serui nonnulli vuluerantur: ipse Rubrius in turba fauciatur. Legis Cornelie rei Philodamus & eius filius apud C. Neronem Prouinciæ Præsidem accusantur. Iniuria negari non poterat,

terat, sed quia dicebatur non oportere esse ne in vlciscenda quidem iniuria, cuiquam hominis occidendi potestatem: cum primò causam ampliasset, altera demum actione patrem filiumque reos ex sua consilii que sui sententia condemnauit. & certe securi percussi sunt, vt a Cicerone relatum est, sed oratoriè ad crimen eleuandum.

Quos liceat iure interficere.

V I. Ex Cicerone, pro Milone. Plutarcho, in Bruto. Appiano, lib. I I I. bellorù ciuiliù, Velleio Paterculo. Dione Nicæo, lib. XLVI. & XLVII.

Q V O D Iulium Cæsarem Brutus & Cassius interfecerint: in Senatu primùm tū cum omnium antecédētium malorum & iniuriarum obliuionem M. Cicero persuasit, iure eos fecisse pronunciatum est. nam honores ex sua voluntate præstabat, qui à Populo antea deferebantur: nec Senatui ad se venienti assurgebat: aliaque regia ac pene tyrànica faciebat. Idem postea, Octauii, Antonii, Lepidi coniuratione facta, Brutus a Cornificio: ab Agrippa Cassius repetiti & accusati, damnati sunt absentes. igni & aqua interdictum est, & bonà eorum publicata. Sed in hoc postremo iudicio, liberas sententias Iudices non habuisse, certum est: plerosque potius metu, aut fauore, studiove Cæsaris impulsos, quàm ex animi sui sententia iudicasse, argumento est Iulius Coronas Senator, qui quòd M. Brutus solus aperte suo calculo absoluisset, ideo postea proscriptus est. Sed an omnino iure Cæsar sit occisus, si quæ-

ratur, decisum esse arbitror ab Atheniensibus, quibus nihil erat cur non religiose iudicarent. Nam cum Brutus & Cassius Athenas aduenissent, magnificentissime accepti sunt, æreisq; statuis communi decreto ob Tyrannicidium donati sunt, iuxtaque Harmodium ac Aristogitonem egregii pariter non facti, sed consilii conatusq; duntaxat autores, Plebs nominatim poni iussit. Videtur & P. Scipio Africanus huic quæstioni præiudicium attulisse. nam quondam interrogatus a Carbone Tribunople. quid de T. Gracchi cæde sentiret, respondit, Si is occupandæ Reip. animum habuisset, iure cæsum. Certe Iulium Cæsarem Remp. occupasse negare non possumus. Iam & qui a propinquis suis damnatus est, num iure cæsus dici potest? atqui Piso Cæsaris focer, & L. Cæsar propinquus censuerunt eum defuncti etiam hominis honore carere oportere. Dolabella Cos. columnam in foro, id est titulum eius euertit, ac forum expiauit. Ergo iure quidem interfectus est: sed non vtiliter pro Reip. Romanæ temporibus.

Is homicidii postea facti conscius esse arguitur, qui de eo antea poemate cecinit.

VII. Ex Dione Nicæo, lib. LVII.

C. LVTORIVS Priscus, Eques, Poëta nobilis ægrotante adhuc Druso Tyberii filio, carmina de morte illius scripserat. Indignissimum hoc meritò Senatui visum est. Quid enim aliud ex eo dici aut coniici potuit, quàm his versibus liquido

quidò Priscum persuadere vnicuique voluisse, aut mortis illius cum AElío Seiano & Liuilla Drusi, se conscium esse: aut quidem certe cupidum? quorum vtrumque pœnam meretur. quare a Senatu condemnatus, vita decessit.

Non auditur perire volens.

VIII Ex Cornelio Tacito, lib. XIII.

OCTAVIUS Sagitta, Tribunus, Pontiaë mulieris alteri nuptæ amore vecors, ingêtibus donis adulterium, mox vt maritû omitteret, enervatus est, suum matrimonium promittens. Vbi mulier vacua fuit, reperta spe ditioris coniugis, promissa exiit. Octavius postquam spernitur, noctem vnam ad solatium poposcisse dicitur, qua delinitus, modum in posterum adhiberet. Satuitur nox, & Pontia consciaë ancillæ custodiam cubiculi mandat. Ille vno cum liberto, ferum nocte occultum infert, ac nihil metuentem ferro transuerberat. accurrentem ancillam vulnerare absterret, cubiculoque prorumpit. Postera die manifesta cædes erat, nec multum ambiguus percussor. quippe mansitasse vnâ cõvincebatur. Sed libertus suum illud facinus esse ingenuè profitebatur: se patroni inimicitias vltum esse. & iam commouerat quosdâ magnitudine exempli: donec ancilla resecta ex vulnere, negotium omne aperuit. quamobrè postulatus apud Consules Octavius a patre interfectæ (postquam tamen Tribunatu abierat) sententia Patrum, lege Cornelia de sicariis condemnatur.

De vene-

De veneficiis. Minæ præcedentes, quæ suis omnibus coniecturis & euentu confirmantur, certam veneficii probationem adferunt.

I X. Ex Tito Liuiio, decade IIII. lib. x.

QVARTA Hostilia, vt venefica mariti sui C. Calpurnii Pisonis, eò maximè damnata est, quòd Fuluius Flacco filio suo iis comitiis repulsam passo, quibus Piso vitricus Consul designatus erat, exprobrasse diceretur, ei iam tertium petenti, negatum Consulatum esse: ideoq; tunc illum monuisse, vt quartam petitionem præpararet. se effecturam, qui Consul intra duos menses efficeretur. quod acciderat, vt & maritus Hostiliæ intra hanc diem moreretur, & in eius vitrici locum ipse Q. Fuluius Flaccus sufficeretur.

Quæ sibi partum abegerit, crimen huius legis contrahit.

X. Ex Cicerone, pro A. Cluentio. & Tryphonino Iuriconsulto, lib. x. disputationum.

MVLIER quædam Milesia, quòd ab hæredibus secundis accepta pecunia, partum sibi ipsa medicamentis abegisset, rei capitalis damnata est. neque iniuria, quæ spem parentis, memoriam nominis, subsidium generis, hæredem familiæ, designatum Reipublicæ ciuem sustulisset. Itaque & hæc marito iusta causa diuortii fuit, si sua ope vel industria vxor abortum fecerit.

Pæna veneficii, vltimum supplicium.

XI. Ex Suetonio Tranquillo, in Galba cap. ix.

LEX XII. tabularum iis qui ad legitimam pupilli

pilli hæreditatem admitti possent, tutelam hac ratione ac prouidentia detulit, vt qui sperarent hanc successionem, iidem tuerentur bona ne dilapidarentur, quasi in rem suam procuratores dati. At contrà Solon legislator Atheniensium, id ante omnia præclarissimè statuissè dicitur, ne is tutor curatorve pupilli esset, ad quem eo mortuo bona peruenirent: neue qui tutor curatorve esset, cum matre pupillorum habitaret. idem videlicet metuens, quod cùm accidisset, Galba Imperator seuerissimè vindicauit. Nam tutorem, quòd pupillum cui substitutus hæres erat, veneno necasset, cruce affecit: imploranti- que leges, & ciuem Romanum se testificantis: quasi solatio & honore aliquo pœnam leuaturus, mutari crucem, multoque præter cæteras altiore, & dealbatam statui iussit. Nempe par- ricidium est, omnique scelere crudelissimum fa- cinus, cui parentis loco sis, eius vitæ nedum bo- nis insidiari velle.

Pro venefico habetur, qui amatoris poculis utitur.

XII. Ex Ammiano Marcellino, lib. xxviii.

MARINVS Romæ causarum defensor fuit, Valèriniani, Valentis ac Gratiani temporibus. is accusatus quòd Hispanillæ malis artibus af- fectasset matrimonium: vltimo supplicio dam- natus est, Maximino annonæ Præfecto, per de- legationem iudicium exercente.

AD

AD LEGEM POMPEIAM DE
PARRICIDIIS. TIT. XIII.

*Lege Pempeia punitur is primùm, qui patrem occide-
rit, aut ci dolo malo insidias parauerit.*

I. Ex Plutarcho, in Artoxerxe. Iustino, lib. x.

IN causa priuatorum nihil tam insigne habe-
rent hæc iudicia: Ille aut ille ex parricidio
damnatus est: nisi sic vt antiqui & Græci & Ro-
mani adnotarunt, quis inter eos primus, Na-
turæ, hoc est, parenti manus attulerit: primus v-
xorem suam repudiauerit: cum nouerca, iurgio
contenderit: iudices pecuniâ corruperit, alia-
que huiusmodi. Sed & cùm in tantis viris, Regi-
bus ac Principibus, hoc omnino memorabile,
tuum eximia nequitia quodammodo admirabile
est exemplum. Artoxerxes Persarum rex, Da-
rium, Ariaratem & Ochum filios legitimos ha-
buit: ex pellicibus, centum & xv. vel vt alii vo-
lunt, c l x. Darium maiorem natuiam antea
sibi successorem esse velle, pronunciauerat. Is
post insigne paternæ pietatis documentum, le-
uiter offensus, abducta videlicet a patre mulier-
cula, interficiendi patris consilium capit. Ve-
rum sceleratus profecto fuisset, si solus parrici-
dium cogitasset: sed eo sceleratior fuit, quòd in
societatem facinoris assumptos quinquaginta
fratres fecit parricidas. Sed hoc quale ostenti
genus, in tanto populo non sociari modo, ve-
rum etiam fileri parricidium potuisse? vt ex
quin-

quingenta liberis nemo inuentus sit, quem aut paterna maiestas, aut veneratio senis, aut indigentia patris a tanta immanitate reuocaret? Adeóne vile Paternum nomén apud tot numero filios fuit, vt quorum præsidio tutus etiam aduersus hostes esse debuerat, eorum infidiis circumuentus, tutior ab hostibus, quàm a filiis haberetur? Sed & a Tyribazo adductus & agitatus regni cupiditate, aduersus patrem conspirauerat. Id vbi Artoxerxi renunciatum est, nec rem indiciumque neglexit, quia de sua salute ageretur: neque etiam tantum, tam sceleratum, audax atque inhumanum facinus, de Dario maximè, sibi temerè persuasit. Ergo effracto cubiculi pariete ita se composuit, vt introeuntes percussores & ipse suis oculis cernere, & sine suo damno commodissimè vitare posset. Nec fallax indicium fuit. Itaque in Tyribasum & alios quidem statim animaduersum est. Coniuges quoq; omnium cum liberis, ne quod vestigium tanti sceleris superesset, interfici placuit. In Darium vero, quia sceleri ipse non interfuisset, pater seuerissimè ac diligentissimè inquiri iussit: magistratumque non sua cognitio facta est. Conuictus, omnium Iudicum sententiis damnatus, & nihil morante patre, oborto collo iugulatus atque interfectus est. Contrà, Seuerus Imperator filio suo Antonino veniam dedit, & si palam gladium strinxisset, vt eum manu sua trucidaret. Alter Imperatoris personam induere: alter patris non exuere maluit.

An filius

An filius de noxio parente piè aut iure vnquam supplicium sumat. & quæ antiqua Persarum pœna in veneficos.

II. Ex Plutarcho, ibidem.

AT quid ex aduerso? vnquàm ne filius de patre aut matre, auo aut auia supplicium iure postulat? dicemusque nihil in tam miserabili questione interesse, suam, alienam, an publicani iniuriam persequatur? priuatus sit, an in summo gradu constitutus? Nam filium a patre ob iustum crimen damnari vel interfici, seuerissimum quidem & inhumanum semper esse existimatum est. Sed tanto iure patriæ potestatis, facilius ferri aut excusari cœpit. Quinimo si vllum aut iudicem, aut etiam profectò carnificem filius ferre debet ac perpeti: quem patre sentiet vnquam æquiores, adeo facilem, adeo gratiosum? Sibi, quàm suis magis est inimica pietas. Ergo si contrà quid euenerit, iustissimum supplicium veteres esse censuerunt, quod a Natura, veritas, ipsumque ius & æquum extorserit. Verùm in filio alia omnino ratio est. Execratur enim ante omnia hoc ipsa Natura supplicium, quod a filio de patre sumi aut postulari potest. Huic vitam ac lucem adimat, à quo ipse vltro acceperit? Iam in parentum mores, liberos inquirere atque animaduertere, præter fas præter id quod decet, omnemque ordinem ac rationem esse. Parentem, alterum nobis Deum, summum alterum Principem atque Magistratum

tum esse: a quibus omnibus si quam iniuriam accepimus (quæ iniuria dici possit) ferri; non vlcisci oportere. Sed quando & hæ sæpe sunt iniuriæ, & atrociter ita aliquando a recto aberratur ac delinquitur, vt nec ferri nec tolerari possit: quinetiam nulla personarum habitatione plecti ac vindicari debeat, quia sit hoc ipsum aliquando tam contra naturam, quam pietatem lædere: meritò hac distinctione vti placet, vt certè publicam iniuriam, quale est Patriam prodere, liceat filio aduersus patrem non solum sine scelere, per se, aut iudicio prosequi: sed etiam vt præmio affici possit, qui eum vel sua manu occiderit, quem, quòd omnes interfici voluit, leges sepeliri ac lugeri vetant. Sin verò suam exequi velit aut aliorum iniuriam: priuati, eiusve qui summum imperium obtineat, ius diuersum constituendum esse. Priuato, alienam persequi, capitale esse oportere: suam, si non capitale semper, certè nunquam venia dignum, nisi iure ac iudicio persequatur: vt potior sit tamen, nulla vnquam iniuriæ recordatio. At Princeps qui subditos suos ab iniuria protegere actueri debet, ius iustitiamque vnicuique reddere: grauiissima parètum facinora planè vlcisci debet, iudiciaque eo nomine agere non per se, sed per Magistratus: & tamen etiam eo modo, vt nunquam (meo iudicio) extremum supplicium irrogari sinat. Verùm suam iniuriam quam a parente acceperit, optimum Regem aut Imperatorem nunquam vindicare vellem, nedum

rem

rem in iudicium adducere: sed ita quasi aliud agendo, in posterum cauere, ne amplius, si maxime velit, nocere possit. Hoc adeo exemplo eiusdem regis Artoxerxis & matris suæ Parysatis manifestissimum est: quæ: cum regnandi æmulatione Statiram uxorem filii sui Artoxerxis veneno sustulisset: a reliquis consciis, eo quidem genere, quod aduersus veneficos apud Persas tum olim vsitatum erat, supplicium sumptum est: lapidi caput impositum, lapide cassatum & obtritum est. at matrem nec damnauit nec absoluit. libere tantum ac veluti spontè eam Babylonem secedere passus est, vnde nec ipsa vnquam discederet: nec quò ipse quandiu illa viueret, venire vellet.

Gravis ac violenta innocentia præsumptio est, somnus, mens quicta, securitas, & æquitas animi.

III. Ex Cicerone, pro Sexto Roscio Amerino: & ex Valerio Maximo, lib. vi i i. cap. i.

T. CLOELIVS Terracinensis cum cœnatus cubitum in idem conclaue cum duobus adolescentibus filiis isset: inuentus est mane iugulatus. Cum neque seruus quisquam reperiretur, neque liber, ad quem ea suspicio pertineret: id ætatis autem duo filii propter cubantes, ne sensisse quidem se dicerent: nomina filiorum de Parricidio delata sunt. Nusquam verosimile videbatur, ausum esse quenquam se in id conclaue committere, eo potissimum tempore, cum
ibidem

ibidem essent duo filii, qui & sentire & defendere facile potuissent. Tamen cum planum iudicibus esset factum, aperto ostio dormientes eos repertos esse: iudicio absoluti adolescentes, & suspitione omni (qua solâ iudicium agebatur) liberati sunt. Nulli enim visum quenkum esse, qui cum omnia diuina atque humana iura scelere nefario polluisset, somnum statim capere potuerit: propterea quòd qui tantum facinus commiserunt, non modo sine cura quiescere, sed ne spirare quidem sine metu possunt.

Qui iusto dolore matrem occiderit, nec absoluendus nec puniendus est.

IIII. Ex Valerio Maximo, ibidem.

APVD M. Popilium Lenatem Quæstorem parricidii, quædam quòd matrem fuisse percussam interemisset, accusata est. Sed cum abundè constaret, eam veneno necatorum liberorum dolore commotam, quos auia filix infensa sustulerat, parricidium parricidio vindicasse: pronuntiatum est, ream videri neque damnari neque absolui posse. alterum enim ultione dignum, alterum absolute indignum esse.

Et parricida maritus est, qui uxorem interfecerit. ceterum ad arguendum facinus, plurimum adfers conuictum mendacium.

V. Ex Cornelio Tacito, Annalium lib. III.

FACTA in præceptis Apronia Plautii Siluani Prætoris, cum in nullum alium suspicio caderet,

ret, neque esset ullus qui de facto quicquam vel audisse vel vidisse se diceret: Siluanus ad Tyberium Imperatorem adductus est. Huic de morte vxoris interroganti, quia turbato animo & quasi a somno rediens respondisse visus est, Vxorem sponte sibi mortem consciuisse: questionem exercens ipse Tyberius, in cubiculum venit, ex quo se Apronia præcipitem dedisse a marito dicebatur. Ibi cum reluctantis & impulsæ vestigia, pedum, manuum, vnguiniue contactu fenestris impressa viderentur: ex mendacio conscium esse iudicauit. Sed ob Prætoriam dignitatem hunc ab amicis sententiæ suæ admoneri voluit. itaque Plautius damnationem anteuertit.

Contrà, si vxor maritum, filiũve interfecerit, crimen huius legis contrahit. sed in omni delicto ad damnationem aut absolutionem, refert, quo animo quid quisque commiserit.

V. I. Ex Valerio Maximo, lib. v i i i. cap. i. Aulo Gellio, lib. x i i. cap. vii. Ammiano Marcellino, lib. x x i x.

MATERFAMILIAS Smyrnæ, virum & filium interfecit, cum ab iis optimæ indolis iuuenem, quem ex priore viro enixa fuerat, occisum esse comperisset. Dolabella Proconsul in Asia, quia vt Popilius Lænas, neq; liberare duabus cædibus contaminatam, neque punire iusto dolore impulsam facile posset, hæsitans quid inter vltionem & scelus statui oporteret: rem ad se delatam

latam reiecit Athenas ad Arcopagi cognitionem: quorum Senatorum æquitas, Deorum quoque iurgia dicitur terminasse. Sed Arcopagitæ quoque non minus sapienter, quàm Dolabella mansuete, inspecta causâ, & accusatorem & ream in centum annos vadati sunt: hac mora, & damnandi atque absolvendi dilatione, ablegantes a se, & sequentibus indicibus, extincta morte accusatione, adimentes obscurum ac difficile iudicium.

Parricidium committitur etiam in fratrem aut sororem.

sed & potest ea questio incidere, utrum iure, puta soror indemnata, a fratre interfecta sit.

VII. Ex Regum lib. II. cap. I. I. Flauio Iosepho, lib. VII. cap. VII.

AMMON filius Davidis, Thamarem sororem vi corruerat: ideoque a fratre Absalone, cùm biennio post, sororis pudicitie vlciscendæ causâ, per insidias interfectus esset: Rex indignissimè tulit, quanquam raptoris atque incestuosi, ab eo tamen exactum supplicium, a quo minime oportuit. Itaque longo interuallo vetuit Absalonem in conspectum suum adduci: quæ pœna, iis quibus parentes Deorum loco sunt, omnino certè ipsa morte grauior est: nec tamen contra naturam, ut pater in filium, hoc est in sua viscera sæuiat, atque inhumanior esse videri possit.

VIII. Ex Cicerone, lib. II. de inuentio. & pro Milone. Dionysio Halicar. lib. I. I. Ti-

to Liiio, deca. i. Plinio, de viris illustribus.

HORATIUS occisis tribus Curiatibus, & duobus amissis fratribus, domum se victor recepit. Is animaduertit sororem suam de fratrum morte non laborantem: sponsi autem nomen appellantiem identidem Curiatis, cum gemitu, & lamentatione. Indignè passus quòd publicum gaudium, eamque de Albanis victoriam abominari videretur, virginem occidit. Atrox id visum est facinus, cum omnibus, tum potissimum Patribus. ideoque ad Romulum Regem in ius raptus est. Hoc vrbs Roma primum iudicium de capite vidit. Lex proferebatur, quæ hominem indemnatum necari vetat: si nedum a Magistratu, multo minus a priuato, & minus etiam a fratre. non enim oportere antè supplicium, quam iudicium interponere. factum virginis excusari potuisse: quia & mulier: & sponsi dura & grauis esset recordatio. facilius, virum, iram & indignationem temperare potuisse: quam virginem amissi sponsi eò acerbiorē dolorem, quò nuptiis nihil libentius audiunt. Si furorem excusat Horatius, eum multo magis ignoscere sorori debuisse. Deinde hoc si cōstitutum sit, vt peccata homines peccatis, & iniurias iniuriis vlciscatur, quantum incommodorum consequetur? Defendebat ex aduerso pater ipse P. Horatius filium adolescentem, vltro filiam accusans: & pœnam illam, non eadem, dicens esse. se, nisi iure cœsam iudicaret, quæ hostium mortem luceat, fratrum negligat, Horatium & Populum

lum Ro. vicisse moleste ferat: patrio iure in filiam animaduersurum fuisse. Rem sic fuisse apertam, vt iudicium de ea re fieri non attineret. Præterea recentia merita filii proferebat, indignum esse, quem modò decoratum, ouantemque victoria incedentem aspexissent: eodem fere die sub furca vinctum inter verbera & cruciatus circumspecti. Romulum magna tenebat incertitudo, quem finem quæstioni impositurus esset. Neq; enim hūc cædis crimine liberari posse, q̃ sororem indicta causa occidisse fateretur: cum eum leges occidi iuberent, neq; rursus tanq̃ homicidā in eum vindicari posse, q̃ vnus cum duobus interfectis fratribus pro Patria periclitari voluisset: & patre illum præsertim culpa liberante, cui primā indignationē pro filia, & lex & natura tribuit. Igitur ne ipse tam tristis ingrætiq; ad vulgus iudicii, aut secundum iudicium supplicii auctor esset: concilio Populū aduocato, Duumuiros Horatio constituit, qui eum secundum legem Perduellionis iudicarent, sic tamen, vt ei Populū appellare liceret. Duumui-ri quia ita datierant, vt secundum legem iudicarēt, Horatio perduellionem indicarunt. Is ad Populum prouocauit. Ibi postquam diū certatum est, tandem motus Populus Patris Horatii lachrymis, virtute, orbitate & clamoribus magis quā iure causæ, filiū absolui voluit, iussit. Sed nihilominus vt cædes manifesta, aliquo tamen piaculo lueretur, imperatum patri est, vt filium expiaret, pecuniā quidem publica. Itaque

veluti sub iugum missus est (quod Tigillum sororium appellatur) accersitisque Pontificibus, Dii ac Genii, sororisque defunctæ Manes, iis piacularibus sacrificiis placati & purgati sunt, quibus cædes imprudentes expiari lex iubet.

Si quis patronum, patronam occiderit, id etiam parricida est.

IX. Ex Suetonio, in Domitiano cap. xiiii.

A PATRE, Patronus proximum nomen habet: eum autem hic accipimus qui ex seruitute manumissus sit. Itaque inter alia iura quæ patronus habet, iis certe similia quæ parentibus debentur, operarum, bonorum, obsequii, ne sine venia in ius vocetur, ne de sua calumnia queratur, & alia huiusmodi: hæc etiam maiestas ei tribuitur, ut occisus a liberto, non sit Corneliæ legis, sed Pompeiæ iudicium. Porro & Domitianus, ut domesticis persuaderet, ne bono quidem exemplo audendam esse patronorum necem: Epaphroditum a libellis, capitali poena condemnauit; quod post destitutionem Imperii, Nero in adipiscenda morte, manu eius adiutus esse probaretur.

Est & aliquod parricidium in eos quos parentum loco habet tota posteritas; neque hoc crimen solum aduersus viuos, sed & aduersus mortuos committitur.

X. Ex M. Vitruvio Pollione, lib. vii.

PARVM est, filium edere, nisi qui erudiendum parat. nam ea vera præsidia sunt vitæ, quæ ut dicebat

cebat Aristippus, etiam e naufragio possunt enatare: quibus neque publicarum rerum mutatio, neque belli vlla vastatio nocere potest. Itaque licet omnium Græcorū hæ fuerit optimæ leges, PARENTES A LIBERIS ALI OPORTERE: Atheniensiū hæc propria ac celeberrima fuit, vt eos modò liberi alerēt, qui se literis atq; artibus erudissent. Quare & Præceptores nostri vere parentū loco sunt, vt quod in eorum salutē a discipulis sit inhumaniter admissum, speciem profecto parricidii habere videri possit. Sed id, quantum ad eos attinet, qui nos singulos separatim instituūt. Verū de iis quid dicendum est, qui propter eam quam in aliqua disciplina perfectam cognitionem adepti sunt, atque studio & amore polteritatis, eam scriptis tradiderunt, vt veluti pecuniæ, ita eruditionis suæ non caduca aut pro non scripta esset hæc, immortalis hæreditas: eam prærogatiuam adepti sunt, vt Parentes totius Reipub. literariæ cognominarentur? Quales fuere Cicero, Demosthenes, Eloquentiæ: Plato, Aristoteles, Philosophiæ: Galenus, Isocrates, Medicinæ: Hieronymus, Augustinus, Theologiæ: Thucydides, Historiæ: Homerus, Poëtarū, parētes atque duces appellati. Quamobrem qui tantorum patrum maiestatem atque auctoritatem lædunt ac deprimunt: & qui cū iam loqui nō possint, vel inuidia, vel cæca æmulatione scripta atque memoriā eorum calumniantur ac iugulant, merito publici parricidii arcessiri possunt. Nam vt erga parentes prima

impietas est, contumacia: sic erga Patriam summa offensus est, quenquam adeo sese efferre, & maledicentia laudem querere, vt vel quidem Musas ἀμύσας præ se videri velit. Cum itaque Zoilus qui Homeromastix dici & appellari voluit, e Macedonia Alexandriam venisset, atque sua scripta Ptolemæo Regi contra Iliadem & Odysseam recitasset: Rex indignissime tulit, Poëtarum omnium parentem, totiusque Philologiæ ducem, præsertim mortuum, vexari, calumniari: & cuius abs cunctis gentibus tanta cum admiratione scripta susciperentur, ab eo vituperari, qui ne quantis quidem fuerit Homerus, iudicare possit. Quare iste præclarus Homeromastix inopia pressus, cum summisisset ad Regem, qui vt aliquid ei tribueretur, sedulo postularet: Ptolemæus respondit, Homerum qui ante annos mille decessisset, æuo perpetuo multa millia hominum pascere: itaque etiam debere. qui meliori se ingenio esse profiteretur, non modo se vnum, sed etiam plures alios alere posse. Is igitur aliò profectus, cum identidem patrem illum, Platonem atque philosophum Poëtarum indignè traderet, alii damnatum parricidii, alii a Philadelpho in crucem affixum: quidam, lapides in eum coniectos: nonnulli, Smyrnæ viuum in ignem proiectum esse aiunt. Quare & sibi caueant aliorum exemplis, nostri (si Diis placet) Aristotemastiges.

DE MALEFICIS ET MATHEMATI-
CIS ET CAETERIS SIMI-
libus. Tit. XIII.

Qui mentem & animum Principis, magistratum aliorumque iudicum, prestigiis, furo & malis artibus attentauerit, dignus est morte.

I. Ex C. Plinio Secundo, lib. naturalis historiae xxix. cap. 111.

DRVIDAE nostri antiqua superstitione ac veluti magica solertia ad decipiendū bellissime accommodata, ouum quoddā anguinū certis ceremoniis, certa Luna, solenni ritu singulis annis capiebāt: cui magnam vim, occultos effectus, varias rerum causas, falso tribuebant: certe ad victorias litium, ac Regum aditus valde conducere. Igitur quidam Eques Romanus e Vocontiiis, cū in lite quam exercebat apud Claudiū Principem, in sinu id ouum secum ideo attulisse depræhensus esset, ut magicis, certe illicitis omnibusque aliis potius artibus, quā iure & lege in iudicio vinceret: grauiissimum scelus Claudio visum est: quanquam ut neque in bona causa vinceretur. Ausum enim esse menti ac religioni suæ, aliorumque omnium consiliariorum ac iudicum cæcitatem prestigiasque adducere, ne rectum & iustum perspicere, exque animi sui sententia iudicare possent? denique in incantationibus externis maiore, quā in bonitate sua speraret; expectationem posuisse? Itaque non aliam

314 DECRETORVM LIBER II.
ob causam Imperator, iussit eum interfici.

Mortis alienæ vaticinatores, quibus pœnis coercēdi sunt.

II. Ex Suetonio, in Domitiano cap. xv. &
Dione, lib. lvi. & Xiphilino, in Domitiano.

NO STRA omnium interest, quid de nobis futurū sit, nihil aliud certi cognoscere, quā quod recte factis & optima spe repromittere possumus. Per Astrologos prædici quæ futura sint, quando & qua morte simus perituri, etsi lex diuina non prohiberet, inutile tamē & perniciosum esse perpetuò existimatum est, vt maxime hi optimi vates sua coniectura vel arte non deciperentur. Tremorem, abiectiōem, atque anxietatem inter spem & metum, lætitiā & dolorem hæc hominibus adferunt, quæ omnia solent à rebus agēdis auocare. Porro et si desperationē adferunt, cur non audendi voluntatem in signe antea facinus? si non alii, cur non etiam ipsi Astrologo, ne fallax, ne vanus esse reperiatur? Insuper certe sunt documenta, quæ nostra credulitas excogitauit, vt acrius torqueremur. Omnino cū iure sint prohibita, quæ votum captandæ mortis inducere videri possunt: quanto periculosior est atque deterioris exempli hæc publica aut priuata de morte aliena pronuntiatio? quæ si in causa priuatorum vitanda est, in Regibus ac Principibus quanto magis? de quorum interitu citra metum legis Iuliæ ne quidem cogitare possumus: aut mortis aut valetudinis nuncius afferri potest, absque prompta rerum inno-

uan-

uandarum cupiditate? Itaque cum aliàs sæpè & ab Augusto & a Tyberio vatibus interdictum esset, ne vel absentibus arbitris, vel coram testibus de cuiusquam morte prædicerent: tandem etiam a Domitiano Imperatore Asclerario viuis comburi iussus, & Læginus Proclus capite damnatus est, quod publicè prædixisset, quo die esset ille moriturus. Sed horum alter, quia ab eo qui Prouinciæ Germaniæ præerat, Romam missus, quæ prædixisset constantissimè Domitiano asseuerasset, breuemque diem esse diceret, quo veritas aut vanitas artis indicari posset: supplicium in hunc diem differri placuit. Et fuit certa diuinationo, itaque Diui Nerviæ beneficio liberatus est, potiti Imperii lætitiæ magis, quàm iure & legibus: vt nec alia re Flavius Iosephus veniam gratiamque a Vespasiano meruit.

Qui filium præbuerit his artibus erudiendum, aque ac maleficum ipsum puniendum esse.

III. Ex Ammiano Marcellino, lib. xxv.

SyB Valentiniano ad Apronium Præfectum vrbi, Hilarius quidam auriga adductus est, quod diceretur filium suum vixdum pubescentem tradidisse venefico erudiendum, vt secretiora quædã & legibus interdicta ab eo edoctus, nullo alio conscio, filii artibus ad multa interna adminicula vteretur. Culpam similem esse, tam prohibita discere, quàm docere. Confessum ac conuictum capite damnavit. Is cum laxius a carnifice retineretur, lapsus, ad ritus Christiani sacrarium auferat. eo extractus, poenas luit.

Qui libros noxiarum artium describit, quos comburere debuit, pro malefico haberi. ceterum a Præfecto vrbi Imperatorem appellari.

IIII. Ex eodem, lib. xxviii.

AMANTIUS Aruspex ascitus esse dictus est ab Hymetio, vt ob praua quædam perficienda Nuninibus sacrificaret. Quæstione diligentius habita, ex ædibus Amantii chartæ allatæ sunt, quibus sua manu scribens Hymetius flagitabat, vt Amantius aliique sacrorum solennium consecratores, Numina Gentiumq; Imperatoris Valentiniani erga se delinirent: atque in extremis tabulis nonnulla continebantur aduersus avaritiam & crudelitatem Principis. denique & a Frontino legebatur imprecationis formula concepta. Ob id delati & peracti, Frōtius virgis cæsus in exiliū ad Britānos ablegatus est, Amantius vltimo supplicio damnatus est. Hymetius ab Ampelio vrbi Præfecto & Maximino Vicario cū ad Valentinianum prouocasset, Imperator Senatui negotium dedit. Senatus clementiorem sententiam secutus, ad Boas Dalmatiæ locum relegauit. Iisdem temporibus & Campensis quidam Aruspex flammis necatus est. Sed & Lollianus primæ lanuginis adolescens, ideo solum accusatus, quod noxiarū artium codicem descripsisse diceretur, & timor esset ne a Maximino in exilium mitteretur, Valentinianum appellauerat. Itaque ad Imperatoris comitatum duci iussus, acerbiorē sententiā nactus est.

est. etenim capite pœnas luit. Ideo vero quidam Principes in hoc crimen acerbiores fuere, quod ad suam salutem id pertinere arbitrabantur.

AD LEGEM CORNELIAM DE FALSIS TIT. XV.

Falsitas & adulteratio moneta.

I. Ex Diogene Laertio, in Diogene.

DIOGENES Iesii mensarii filius, Synopæus fuit. Ambo cum deprehensi essent de civili moneta æs adulterare, exilio damnati sunt.

Accusatio suppositi partus, ad hanc legem pertinet.

II. Ex Cornelio Tacito, lib. III. Annalium.

LEPIDA, cui super AEniliorum decus, L. Sylla ac Cn. Pompeius proavi erant, delata est, quod facto diuortio partum simulauisset ex P. Quirinio marito diuite atque orbo. adiciebatur adulteria, venena, & quod ab ea per Chaldeos in domum Tyberii Cæsaris quæsitum esset. Ream defendebat Manius Lepidus frater. Sed postquam tormentis seruorum patefacta sunt flagitia: placuit ei ex sententia Rubelli Blandi Senatoris, aqua & igni interdici. Scauro qui filiam ex ea genuerat, datum est, ne bona publicarentur.

Falsitas testis ex testimonio ipso maximè deprehenditur, cum apparet id de quo testatur, reo nullo modo conuenire posse.

III. Ex

III. Ex Dione Nicæo, lib. VII.

ARCHELAUS rex Cappadociæ, in summa senectute, & cum perpetua podagra laboraret, Romæ sub Tyberio in Senatu causam dicebat, per calumniam accusatus, res nouas eum moliri ac struere. Temerariam accusationem esse, falso neque verosimili vnius testimonio pronunciatum est: postquam interrogatus iurauit, Archelaum seridè dixisse, Vbi domum rediisset, demonstraturum se Tyberio, neruos sibi esse.

Qui edicta proposita dolo malo corripuit, secundum atrocitatem delicti puniendus est.

IIII. Ex Eusebio, lib. VIII. cap. V. & Nicephoro, lib. VII. cap. V.

A CHRISTO passo ad tempora vsque Diocletiani Imperatoris (hoc interuallum prope CCC. annorum fuit) & si innumera tormenta, infinitas calamitates Christiani subierunt, easque etiam huiusmodi, vt nunc simul XX. millia Christianorum necarentur, nunc integra oppida euenterentur: attamen nusquam omnino legitur, Christianos, licet his virib⁹, hoc numero, vi & armis aduersus leges, Rempublicam, Magistratum, securitatis suæ causam vel tantillum suscepisse. Quin hoc vno argumento, se suamque religionem præ omnibus aliis anteferri, coli & amplecti profitebantur: quod nulla ducti æmulatione, nulla dominandi cupiditate, nullo studio nouarum partium, in ea tam pertinaciter atque obnixè perdurarent: sed vnico amore veri ac diuini

ac diuini cultus. Christianos se ab eo appellari; cuius sit (vt alia omnia) hoc p̃iissimum dogma, vti Magistratui pareant: neq; alia ratione fidem & doctrinam suam aliis persuaderi velint, quàm recte dictis ac factis. Itaque cùm Nicomedix in publico proponeretur edictũ Diocletiani & Maximiani Imperatorum, crudele atque durissimum aduersus Christianos, videlicet quò templa solo æquarentur, diuinæ scripturæ cõburentur: qui inter Christianos magistratus honoresve gereret, is vt cum infamia in ordinem redigeretur: Christianismum qui serui abiurerent, libertate donarentur, & alia pleraque huiusmodi: quidam, & ille primus omnium Christianorum extitit, qui tãtæ seueritatis indignatione motus, ausus sit, cùm etiam vterque Imperator Nicomedix moraretur, edictum manu accipere, discerpere, proscindere in minutissimas partes. In eum cùm hoc nomine extremo supplicio esset animaduersum, reliqui etiam Christiani iure cæsum esse pronunciarunt.

Aliam scripturam dolo malo alterius chirographo accommodare, capitale est.

V. Ex Ammiano Marcellino, lib. xv.

SvB Constantio Gallo Imperatore, cùm motus exortus esset in Gallia, Siluanus Deuius pedestris militiæ Rector, id imprimis Artebione Magistro Equitum atq; præfecto Cubiculi suadente ac procurâte, in Galliam ab Imperatore cum imperio atque exercitu delegatus est. AEmulus

mulus enim & inuidus Artebio, putauit se illo
 absente facilius aliquid in perniciem eius posse
 comminisci & exequi. Curauit igitur vt agente
 res in Gallia Siluano, illius actuarius quidam
 (Dynamium appellabant) Romam rediens,
 literas ab eo commendatitias impetraret. Id ei
 non negauit. Quare dum venit in urbem Dyna-
 mius, interim Artebio per Lampadium Præfe-
 ctum & Eusebium Excomite rei priuatæ, atque
 Edeſium Magistrum memoriæ, quorum opera
 ad calumniam utebatur, dispargit hos sermones
 de Saluiano, quòd imperium sibi arrogaret, se-
 que ab exercitu Imperatorem renunciari postu-
 laſſet. Cæterum rei confirmandæ cauſſa, poſtquã
 in urbem Dynamius adueniſſet, reſignatis li-
 teris iis quas ad plures ſummæ auctoritatis viros
 a Saluiano attulerat: notis abſterſis, ſolaque in-
 columni relicta ſubſcriptione, ea tranſcribi iuſſit,
 quæ ad Imperium occupandum pertinerent.
 Poſtea recitantur in intimo conſiſtorio. Itaque
 iuſſit Imperator eos quorũ nomina literis con-
 tinerentur, ſi qui eſſent in Prouincia, hos addu-
 ci: vocari item Siluanum. Sed cùm optimi qui-
 que, & Franci potiffimum, quorum iis temporibus
 in Palatio magna erat frequentia & aucto-
 ritas, agrè ferrèt ea de Siluano aliisq; Tribunis
 tam incredibilia falſò accuſari, per eos maxime
 qui virtuti ac fortunæ illorum inuiderent: ab
 Imperatore alioqui credulo, crudeli ac timido
 impetrarunt, vt de re amplius quæreretur, & Iu-
 dices daret. Itaque accidit vt Florentius iudex
 tum

tum Agens pro magistro officiorū, literas inter iudicandum diligentius inspiciens, animaduertit apices qui apparebant, non ei quæ tum legabatur, sed alteri ac priori scripturæ conuenire. Quamobrem discussa nube falsitatis, quæstionem haberi placuit. Lampadius itaq; Præfectura destitutus est. Eusebium confessum ea se conscio facta, Florentius suspendi iussit. Edesiū dimisit, quia nihil non semper inficiatus est. Artebio non tam quòd ab aliis sermones acceptos detulisse bona fide se diceret, nec sua manu falsum commisisset, quàm commendatione amicorum ipsiusque etiam Imperatoris, absolutus est. Cæterum indignitate motus Siluanus se innocentem accusari, neque calumniatorem supplicio affici, reuera se eius criminis conscium postea præstitit, de quo accusabatur.

AD LEGEM IVLIAM REPETVN-
DARVM, TIT. XVI.

Qui pecuniam accipit quo magis aut minus quid ex officio suo faciat, in hanc legem incidit.

I. Ex Dinarcho, contra Demosthenem. Plutarcho, in vita Demosthenis. Athenæo, lib. VI. cap. V. Iustino, lib. XIII.

HARPALVS homo luxuriosus, ob conscientiam scelerum, ideoque metu Regis Aléxandri, ex Asia cum ingenti pecunia supplex Athenas aufugerat, paratus se suaque Populo Atheniensi dedere. At cùm Orator Demolthe-
x nes,

nes primùm in concione, vitandi belli causa, ne reciperetur, Populo suasisset: postea vero calice ac x. talentis ab Harpalo delinitus, iussus ad Populum iterum sententiam suam dicere, anginam & faucium dolorem simulasset: imò dictus est, pati argentanginam. Itaque huius pecuniae nomine a Stratocle insimulatus, ipso Demosthene auctore, neque conditionem recusante, ut quos Senatus deliquisse demonstrasset, ii punirentur: Populus Senatum Areopagum de pecuniis quas Harpalus in urbem aduexisset, iussit inquirere. Nam Harpalum eiici placuerat, & de pecuniis queri: ut si ab Atheniensibus earum Alexander rationem posceret, eam redderent. Senatus re inquisita, retulit imprimis, esse apud Demosthenem argenti viginti talenta. Igitur Populo placuit iudicium agi, accusandique partes tribui Dinarcho. Eleuabat Demosthenes Senatus auctoritatem: multosque alios proferebat, qui quanquam delati a Senatu, tamen Populo suffragia ferente, dimissi & absoluti essent: ideoque ab aliis denuo inquirendum esse. Dinarchus contrà, dicebat Demosthenem, officium Senatus quod approbasset, non posse nunc improbare: & quo iure aduersus Archinum aliosque usus esset, quos sola auctoritate Senatus urbe expulit, eodem in sua causa uti oportere. Cæterum quod euenerit, ut aliter nonnunquam Populus decreuerit, sciuerit, quàm ei Senatus auctor esset: id fieri non quòd præiudicium Senatus improbaret, sed quia humanitatis potius, quàm

quàm summi iuris interdum rationem habendam esse sapienter existimaret. Crimen autem eò in Demosthene acerbius esse, quòd cum leges & Oratori & Imperatori præcipiant, si fidem a Populo ciuibusque suis sibi haberi velint, dum præesse Populo instituunt: scilicet vt liberos suscipiant, hæreditates intra limites possideant, quæ sint omnia patriæ pignora: in perniciem tamen Reip. venalis fuerit eius animus, voluntas, oratio. Quid quod olim institutum erat, vt quæ ciui non a patria, sed ab extraneis corona donaretur, quam Hospitalem appellabant, ea adempta ciui, consecraretur? nisi vt nullius animus alienam beneficentiam præferendo, corrumpetur? Itaque Populus reum quinquaginta talentis multauit, atque in carcerem duci iussit. Sed hinc elapsus, in exilium abiit.

Huius legis pro rei gravitate poena est, exilii: vt si Præfectus socios aut Prouinciales compilauerit.

II. Ex Dione Nicæo, lib. x x x i x. & Appiano, in Syriaco.

LEGIS cautum erat, ne quis Procōsul aut Præses extra Prouinciæ fines profisceretur: deinde ne quod suo arbitrio bellum susciperet. Cum itaque Populus Romanus consultis libris Sybillinis prohibuisset, ne Ptolemæus rex Aegypti reduceretur: attamen Gabinius pecuniæ cupiditate, Syria prouincia relicta, prædonumque iniuriis exposita, cui tum præerat, Ptolemæum in regnum suum restituit. Qua de re deferenti-

bus Syriis a Cicerone ad Populum accusatus est. Contemptam religionem esse: spretam Populi Romani auctoritatem. Sed cū tantis pecuniis ac sordibus damnationem euitasset, vt Populus in Iudices facti ignominia irruere conatus sit: de Repetūdis lege repetitus, licet tum Cicerone defendente, quod ex Prouincia quater millies sestertium eoque amplius compilasset, exilio multatus est.

Lege hac tenetur, qui ob hominem condemnandum, iudiciūve capitis pecuniaque faciendum pecuniam acceperit. Aduocatorum laudandorum vetus & præclara ad excitandos animos consuetudo.

III. Ex Plinio Nepote, lib. II. epistolarum.

MARIVS Priscus accusantibus Afris lege Iulia repetūdarum, quibus pro Consule præfuit, cū pecunias cepisse se negare non posset: omiſſa defensione vtendo clementia legis, Iudices petiit, qui pecuniam siue litem æstimarent, quæ iis reddēda ad quos pertineret, de suis bonis exigeretur. C. Plinius & Cornelius Tacitus a Senatu adesse Prouincialibus iussi, dixerūt Priscum immanitate & sæuitia legis seueritatē excessisse, vt eius criminibus dari Iudices possint, quorum sit Lege & formula conclusa cognitio (non erat enī pœnæ persecutio in arbitrio iudicantis, sed legis auctoritati reseruabatur) cū ob innocentes condemnandos atque etiam interficiendos, pecunias reus accepisse diceretur. liberum solumque iudicium Senatus esse oportere: quantumque

tumque admisisset reus, tantum vindicandum: nec cōdemnationem simplo aut duplo aut quadruplo præscribendam (quæ ordinaria est pœna legis Iuliæ repetundarum) sed vt vel extra ordinem, mitius aut durius, prout reum deliquisse apparebit, Senat⁹, exilio, capite aut deportatione iudicet. Verum quia nondum aderant, a quibus ob hominē necandum pecuniam reus accepisse dicebatur, placuit Mario quidem interim ex antiqua formula Iudices dari: cæterū euocandos quibus argueretur innocentium pœnas vendidisse. Venerūt qui adesse iussi erant, Vitellius Honoratus & Flāuius Martianus: ex quibus Honorat⁹, trecētis milibus exiliū equitis Romani, septemq; amicorum eius vltimam pœnam: Martian⁹, vnius equitis Romani septingētis milibus plura supplicia emissee accusabatur. erat enim fustibus cæsus, dānatus in metallū, strangulatus in carcere. Honoratum cognitioni Senatus mors subtraxit. Martianum in Senatum induci placuit, & Mario quidem præsentē, quod æquissimum videretur, commune crimen ab vtroque defendi: et si dilui non posset, in vtroque puniri. Re a pluribus patronis coram Cæsare acta, & sæpius dilata ac reiecta in proximū, alium & item alium Senatum, visum est non iam Marium repetundarum pœnæ relinquēdum. itaque censuit Senatus septingenta milia quæ acceperat Marius, ærario inferenda, Mario vrbe Italiaque interdiciēdum: Martiano hoc amplius, Africa. Hostilius etiam Firminus Legat⁹ Marii prisce Pro-

cōsulis, quòd ei ad turpissima ministeria operam suam accommodasset, stipulatufq; de Martiano quinquaginta millia denariorum probatus est, ac ipse præterea sestertia decē millia accepisse: placuit in sortitione Prouinciæ ne ratio eius haberetur. Denique (quod perlaudabile fuit institutum) Senatusconsulto adiectum est, arbitrari senatum, Plinium & Tacitum iniuncta Aduocatione diligenter fortiterque functos esse: ideoq; placere erga patronos laudatione & commendatione uti.

Non solum in Praesides aut Proconsules, sed in ministro^s & comites eorum animaduerti. Hoc crimen morte non extingui. & quatenus quis in officio locupletior euaserit, eatenus Prouinciam videri compilasse.

IIII. Ex eodem, lib. III. epistolarum.

CAECILIUS Classicus in Bætica Proconsulatum non minus violentè, quàm sordide gesserat. Is a Prouincialibus sic accusatus est, vt verè in eum tota Prouincia incumbere videretur. Sed siue fortuita, siue voluntaria morte accusationem anteuertit. Nihilominus, vt erat prouisum quidem antea legibus, intermissum tamen, & post longam intercapedinem tunc reductum, Bætica in defuncti accusatione perseuerauit: socios ministrosque detulit, & nominatim in eos inquisitionem postulauit. C. Plinius & L. Albinus qui Bætici aderāt, Classicum prius peregerunt: quia socii ministriq; probari, nisi illo nocente, non poterant. Is sua manu scriptum reliquerat,

querat, quid ex quaque re, quid ex quacunque causa, accepisset. quare commissi aduersus legem Iuliam Repetundarum facilis probatio & executio fuit. Circa socios ministrosq; Fabium Hispanum, Bæbium Probum, & Stillonium Priscum Prouinciales, elaboratum est, quia dicebatur, ministerium non esse crimen, aut certè necessitati veniam dari oportere. eos enim esse Prouinciales, & ad omne Proconsulum imperium metu cogi. Sed cùm nec domini potestas, nec patris auctoritas a grauioribus delictis seruum filiumque familias excuset: placuit Senatus, bona Classici quæ habuisset ante Prouinciam, a reliquis separari: illa filiarum, hæc spoliatis relinquere: additumque est, ut pecuniæ quas in Procōsultatu creditoribus soluerat, reuocarentur. Non enim eandem rationem esse in Præside, quæ in tutore. quia priuatis neque industria, neque augmentum patrimonii, quod laboribus & multis casibus acquiritur, interdictum est: Præsidibus omnis fere contractus in Prouincia prohibetur. Hispanum & Probum (adeo graue visum est, quòd dubitabatur an omnino crimen esset) in quinquennium relegari placuit: Prisco, in biennium Italia interdici. Cæterum Aduocatorum industriam; fidem, constantiam a Senatu comprobari.

Etiam munera a Prouincialibus accipere lex vetat. Senatus est leges intendere ac mitigare.

V. Ex eodem, lib. I I I I. epistolarum.

x 4

Iulius

IVLIVS Bassus accusante Pomponio Rufo & Theophane, causam dixit in Senatu, quòd in Bithynia Quæstor a Prouincialibus, licet ab amicis, quædam accepisset. Accusatores, hæc, furtâ ac rapinas, ipse munera vocabat. Sed lex munera quoque accipi vetat. itaque præclusa reo illiusque aduocatis C. Plinio ac L. Albino defensio videbatur, quia Bassus multis non celasset neque ipsi adeo Principi Tyberio, se munuscula natali suo, & Saturnalibus accepisse, ac vicissim plerisq; misisse. Causa tamen per quatuor dies acta est, quorum vltimum probationes occuparunt. Censuit Bæbius Macer Consul designatus lege Repetundarum Bassum teneri: ita enim lege ET MVNERA, compræhendi: Cæpio Hispo, talia dignitate Iudices dandos. putabat enim licere Senatui, sicut licet, & mitigare leges, & intendere. quare non sine ratione veniâ dari tunc oportere factò vetito quidem, non tamen inusitato: & quia reus vt imprudens & incautus, ita minime malus videretur. Præualuit sententia Cæpionis.

AD LEGEM IVLIAM DE AN-
NONA, TIT. XVII.

I. Ex M. Cicerone, pro Flacco.

AT H E N I S cæsus est virgis Athenagoras Cynicus, qui in fame frumentum ausus erat exportare.

II. Ex

II. Ex Strabone, lib.v. & ex Suetonio, in Galba, cap. VII.

MILITI, qui per expeditionem annona artificissima residuum cibarium, tritici modium centum denariis vendidisse arguebatur: vetuit Galba simul atq; indigere cibo cœpisset, a quoquam opem ferri: itaque fame extabuit. Et apud Prænestinos inualecente fame, Dei iudicio factum est, cū modius frumenti CC. drachmis venisset, venditor ipse cum magna sua pecunia interiret: emptor euaderet.

Qui Populi demerendi causa, in annona deliquerit, ut maiestatis reus puniendus est, hoc est, etiā in liberos.

III. Ex Herodiano, lib. I.

CLEANDER Phryx genere, ex ea hominum nota, qui publicè per præconem antea veniebant: cum in domum Imperatoriam seruitio traditus, eo scilicet honoris atq; auctoritatis prouectus esset, ut & corporis custodiam & cubiculi curam, præterea militum Præfecturam solus obtineret: diuitiæ ac luxus etiam illum ad Imperii spem pepulerunt: ideoque grandi pecunia coacta, plurimum frumenti comparauerat, quod hac industria diu latens in horreo tenuit, ut Populum Romanum atque exercitus antea rerum penuria laborantes, mox sibi magnis largitionibus demereretur. Sed & gymnasium utiq; maximum ædificauerat, publicatis etiam balneis, ut iis artibus Populū inescaret. At id profecto accidit, ut nihilo minus infensiore

fiore vteretur. Cùm itaque totius pestilentiaë causam in eum vniuersi coniicerent, dum interea Commodus in suburbanis agit, subito magnis clamoribus adeuntes, Cleandrum ad necem postulant. Commodus in alto secëssu voluptatibus indulgebat. quamobrem eorum omnium inscio quæ gerebãtur, Cleander immittit equites qui obuium quemque summouerent, vulnerarent, occiderent. Re ad seditionem prolapsa, cùm Cleandri potentiaë metu nemo inueniretur qui quid Commodò nūtiare vellet: tandē extitit maxima natus soror Commodi Fadilla, quæ Imperatorem otium agentem & oscitantem impellit, excitat, & de omnibus certiores facit. Itaq; ad se Cleandrum nihil dum male suspicantem acciri iubet. Huic protinus caput amputatur, & conto præfixum, per urbem circumfertur. Sed & liberi Cleandri, & quotquot illius amici sociiq; fuerant, omnes ad vnum trucidati, & tracta per urbem eorum cadauera, ac contumeliose habita, postremo etiam in cloacas abiecta sunt. Ita seditio sopita est.

AD LEGEM IULIAM PECVLATVS, ET DE SACRILEGIIS,

& de residuis Tit. XVIII.

Huius legis pœna, est vltimum supplicium,

I. Ex Diodoro Siculo, lib. II.

BELESIS Babylonius sacerdos, peritus Astrologiæ, diuinandique artis (hos Chaldaeos appellabant) Arbaci Medo prædixerat, fore
re vt

re vt Sardanapalum regno Assyriorum eiiceret. Id cū ita euenisset, Arbaces præmii loco Belesidem Babyloniz præfecerat. Sed & quidā, olim Sardanapali eunuchus, clam ad eum ex Regia magnam copiam auri argentiq; detulerat: quam vt auerteret, ac nauibus transportaret, quod sine suspitione facere non poterat, finxit dum res adhuc in incerto esset, vouisse se, si Regia simul cum Sardanapalo conflagrasset, cineres ex ea se Babyloniam delaturum, aggeremque propter Beli templum erecturum, quo regni deleti Assyriorum perpetuum monumētum ab omnibus per Euphratem nauigātibus conspiceretur. Arbaces qui putabat omnia simul cum Sardanapalo consumpta, facile concessit Belesidi, vt naues præpararet vehendis cineribus, atq; vt omni ad eam rem immunitate vteretur. Sed cū hoc prætextu innumeram auri argentique summam eum transuexisse, Arbaci denunciatum esset: iudices ei constituit, qui de hoc facto cognoscerent. Belesidis nihil negare ausus est. quare a Iudicibus capite damnatus est. vtiq; enim Regiam prædam, ad Regem pertinere: neq; ipsum Belesidem quod eam furtim subduxit, aliter iudicasse. Babylonia Præfectura abundantius ei satisfactū, quā vt etiam per fraudem & machinationem aliis & tantis muneribus inhiaret, quibus vt neruis totum diu Imperium sustineri potuit. Regem præterea circumuenire & fallere sacerdoti præsertim ac religioso viro, vel hoc solum capitale esse. Attamen Rex magni vir ani-

mi, cu-

mi, cupiens Regni principia humanitate ac clementia firmitiora reddere, non modo Belesidi poenam remisit, sed & asportatum aurum argētumve dono dedit: Præfecturam quam ei antea dederat, habere iussit, cùm diceret, maiora illius esse erga se beneficia, quàm malefacta. sed iustitia prius, tum misericordia vti voluit.

Aliena scripta sibi ascribere, peculatus, plagium, sacrilegium est.

II. Ex M. Vitruvio Pollione, lib. vii.

INTER Reges Alexandriæ & Pergani, hæc (vt Galenus ait) præclara contentio fuit præ ardore ac summo studio literarum, vter maiorem copiam veterum librorum in Bibliotheca compararet. Quamobrem in hac, Pergami ducenta millia narrat Plutarchus Chæroneus in M. Antonio: in altera, Gellius, millia septingenta fuisse voluminum. Sed vti numero vicere Ptolemæi, Reges Attalicos: tum eo maxime, quòd cùm nulla alia re magis disciplinæ propagantur, quàm æmulatione & contentione: Musis atque Apollini ludos dedicarunt, quibus vt Athletarum, sic omnium scriptorum victoribus honores ac præmia darentur. His ita institutis, & cùm ludi adessent, Iudices literatos legi placuit, qui probarèt ea quæ primò, quæ secundò, quæ deinceps meliora dicerentur. Lecti sunt alii, sed & septimus quidem Aristophanes, qui Præfectus Bibliothecæ, summo studio summaque diligentia singulos libros ex ordine quotidie perlegebat.

bat. Ergo iudices cū sedissent, & primo Poëtarum ordine ad certationem inducto, dum scripta recitabantur, alii quidem id obseruabant, quibus carminibus applauderet maxime vniuersus Populus. Itaq; sentētiam rogati separatim, omnes in eisdem conuenere. neque enim eum optimum Poetam, Oratorem, esse non videri posse, qui omnibus placeat. Veruntamē Aristophanes cū ab eo sententia rogaretur, eum Primum pronunciari iussit, qui minime Populo placuisset. quo Rex & vniuersus Populus cū vehementer indignaretur, dixit, Oportere iudicātes non furta, sed scripta comprobare. vnum eum autem esse Poetam, cæteros aliena recitauisse. itaque memoria fretus, ex armariis quibusdam innumera volumina protulit, quæ cum iis conferendo quæ ab aliis recitata erant, coegit eos furtum de se confiteri. Quare hac de causa dicitur Ptolemæus, vt cum iis furti ageretur, imperasse: & cognitione facta, damnatos eos esse summa cum infamia. Mihi vero placet non furtum, sed Peculatum appellare: quia quod totius posteritatis amantiissimi illi præclari autores vsui publico suis monumentis consecrarunt, auferri, intercipi, in rem ac nomē alterius verti non possit absque publica iniuria, plagio & sacrilegio: quæ extra ordinem certe puniri debent. Porro aliena prædicare pro suis, & aliis violandis, non propriis cogitationibus & inuentis gloriā quærere, impium profecto & mali exempli est. Nam si omnes qui antea fuerunt Oratores, Poetæ

Histo-

Historici, Philosophi, suam sibi laudē creptam, aliis concessum iri cogitassent, intestati decessissent, hoc est eam summam eruditionem quam multis lucubrationibus adepti sunt, inuidiose Posteritati suppressissent, ne quid secundum eorum tabulas possideret.

Quæ laus, vt pecunia, ciuitati publicè debetur, eam in se vnum collatā, optimus ciuis admittere non debet.

III. Ex Diodoro Siculo, bibliothecæ lib. x i.

Post rem apud Salaminem bello nauali strenuissime gestam, cum iudicium fieret tota Græcia de iis qui cæteris fortius ac præclarius operam nauassent: inuidia Lacedæmoniorū factum est, qui suffragiis plurimum poterant, vt primæ victoriæ partes non Atheniensibus, sed Aeginetis decernerentur. At simul etiam dum metuerent, ne facti commotus indignatione Themistocles, consilium aliquod in se ac reliquos Græcos machinaretur: congeminatis eum donis præ omnibus qui fortiter fecissent, sibi conciliandum esse existimauerunt. Itaq; cum ea dona Themistocles non recusasset, eum Populus magistratu abdicauit. Nam istud pati ac ferre, vide licet in se non publico sed solo suo nomine tam multos honores atque præmia coniici, & ab aliis præsertim quàm a suis ciuibus, vt id maxime nihil infidelis animi habeat: esse tamen ambitiosi, & eius qui laudem ac gloriam vniuersæ ciuitati non alia quasi ratione præreptam videri velit, quàm vt in se vno sit ea cumulator.

Gene

Generali abolitione, ne etiam pecunia publicæ persecutio fiat, non continetur.

IIII. Ex Plutarcho, in Catone Vticensi.

LVCIVS Sylla, in altera sua proscriptione, multis pecunias ex ærario concesserat, quòd ipsi suis manibus e proscriptis quamplurimos occidissent. Hi tãdem a Catone Vticensi cùm Quæstor esset, in ius vocati sunt, dum pecuniam publicã ab iis repeteret, quæ penes eos esset, proditione & parricidio acquisita. Dicebatur, Senatũ rata omnia esse voluisse, quæ a Sylla Dictatore facta essent. igitur hæc præmia ab eis auferri non posse. Attamen contrã iudicatum est. Nam sufficere si dum a Sylla res gestæ obtinentur, crimina hæc tam horrenda impunitatem vnquã inuenire possint: non vt etiam contra omnem iuris, æqui bonique rationem, præmio & honore affici debeant.

AD LEGEM IVLIAM DE AMBITV TIT. XIX.

I. Ex Plinio Secundo, lib. x xlv. cap. xii.

QVINTVS Coponius vini amphoram ei dono dederat, cuius suffragii latio erat. Certe fictilia vasa tum in magno pretio habebantur. Sed ideo ambitus damnatum esse Coponiũ, antiquæ notæ atq; seueritatis est.

Cum omnes tabellæ vna manu scriptæ reperiuntur, certum est argumentum munus pecunia paratum esse.

II Ex

II. Ex Plutarcho, in Catone Vticensi.

M. FAONIUS qui obseruator Catonis, vt Apollodorus Socratis fuisse dicitur: cùm AEdilitatem peteret, passus est repulsam. At M. Cato q̃ Faonio fauebat, visus est sibi gratiã, sordes & ambitum depræhẽdissẽ, atq; venalia fuisse ac corrupta suffragia, postquam animaduertit tabellas omnes vna manu scriptas ac notatas esse. ergo Tribunos appellauit. Nam quĩ fieri possit, vt non eumentita & corrupta sint ea suffragia, quæ in vna & eadem scriptura conueniunt? aut nisi pecunia comparata, certe falsa & supposita esse necesse est: vt de testimoniis dicitur, quæ eadem manu scripta esse cognoscimus: aut de testibus, qui vnum & præmeditatum sermonem adferũt. Itaque intercessere Tribuni: factumque est vt denuo comitia haberentur: quibus recte nec vitio habitis, Faonius AEdilis factus est.

Imperium armis potius quàm pecunia comparandum

III. Ex Xiphilino, in Iuliano.

OCCISO Pertinace Imperatore, dum ignarus, alioqui multarum rerum peritissimus, multa simul tutò corrigi non posse, omnia breui spacio emendare conaretur: Didius Iulianus extitit homo pecuniosissimus, qui Imperium a militibus, licitatione, auctione, pecunia compararet. quod Senatus Populusque Ro. adeo indigne tulit, vt Seuerum qui in armis esset, Imperatorem appellarint, & Iulianum capite damnauerint.

AD

AD LEGEM FABIAM DE PLA-
GIARIIS TIT. XX.

Et huius criminis pœna, est aliquando capiti, non solum pecuniaria.

I. Ex Dinarcho, contra Demosthenem.

NEMONEM molitorem Athenienses occi-
dendum esse pronunciarunt, quòd Pelle-
næum puerum ingenuum sciens dolo malo in
pistrino ac vinculis habuisset.

AD SENATVSCONSULTVM
TVRPILIANVM, ET DE ABO-
litionibus criminum, Tit. XXI.

*De calumnia accusatoris cognoscitur etiam post princi-
pale iudicatum. Antiquissima esse iudicia domestica.*

I. Ex Diodoro Siculo, lib. IIII.

PHINEVS Rex Thraciæ & Cleopatra duos
filios habuerunt. Mortua Cleopatra, Phi-
neus Idæam nouercam filiis superinduxit. Hæc
calumniis falsisque accusationibus cùm se a pri-
uignis violatam esse diceret, effecerat, vt hos pa-
ter verberibus cæsos in terram effodi viuos im-
peraret. Pœnam expectabant: & en Argonautæ
duce Hercule, qui eò nauibus appulsi, paterna
iniquitate accepta, filios supplicio liberari æ-
quissimum esse arbitrabantur. At Phineus non
patiebatur de iudicio suo queri, ac recognosci
rectè an perperam iudicasset. Nullum enim pa-

y

trem



trem de filiis sponte supplicium sumere, nisi patrem in liberos amoré, magnitudo scelerum superaret. Igitur Phineo debellato & occiso, cū exemptis liberis, iisq; regno restituto, de nouerca vindictam sumendam esse omnibus Argonautis videretur: censuit Hercules, istius puniendæ arbitrium ad Scytham patrem Ideæ Scythiæ Regem deferendum esse: aut certe non nisi eo auctore animaduertendum, cuius sit in Ideam proprium atque naturale imperium: neque alia re magis hoc Phinei patris iudicium iniquum fuisse videri possit, quàm contrario alterius patris iudicio. Scythia filiam morte condemnauit. AEquissima enim est calumniantis pœna, talio.

Non quis facile præsimitur manum sibi attulisse.

II. Ex Plutarcho, in Dioné.

NIMIA perpetuò gloria inuidiam parit. Syracusæ Dionysii tyrannide opprimebâtur: quas Dion cū parum aberat quin seruitute liberasset, Sosis, concitato Populo, stultos & vecordes Syracusanos esse dicere incipit, qui non intelligerent, hoc agi a Dione, vt pro temulento & crudeli tyranno ac domino, vigilātem, sobrium atque sapientem experiri possint: non vt dominatus, sed domini permutatio fiat. His sane concionibus quia se pro Dionis inimico & acerbissimo aduersario haberi cognosceret: postero die nudus & sanguinolentus, vt aliquos fugiens prodit sub oculos ciuium, identidem clamitans, vix se Dionis satellites elapsam, sed & in capite osten-

ostētabat cruda ac recentia vulnera. Itaq; summa inde excitata est erga Dionem populi Syracusani indignatio. Accusationi fidem faciebat hesternā Sosidis aduersus eū habita libertatis fiduciaq; plena oratio. a quo enim hæc potius iniuria, quā ab inimico? Istud iam vere tyrannidem vsurpantis, non opprimētis, videri posse, & eius qui minus tyrannidem, quā Dionysium odio persequatur. Quare citatur Dion. Is cū protinus Sosidē fratrem vnus esse e Dionysii militibus indicasset, ideoque verisimiliter ab eo summissum, qui nihil amplius vi & virtute possit, vt has turbas atque seditiones cieret: postulauit, plagas & vulnera per medicos inspicere. At hi affirmarunt, videri sibi affectata esse vulnera: non vno ictu & impetu allata: neq; alta sed superficialia, veluti si vnguibus non gladio facta sint, & ab eo qui sæpius tentando atque recusando sanguinem sibi elicuisset, non qui nolens & ingratus vnum aut alterum ab alio vulnus accepisset. Sed nondum hæc satis innocentiam Dionis arguere videbantur, quia non tam certa sint ista indicia, Sosidem a Dione læsum non fuisse, quā vix credibile quenquam concitandi odii in aduersarium, in se prius sœuire velle. Verū dum ista quærebantur, postquam ex ipsius Sosidis amicis atque familiaribus aliqui manu nouaculam ferentes aduenerunt: & id narrauerunt, dum per urbem ambularent, occurrisse se Sosidi ea vociferanti quæ supra dicta sunt, ideoque se conuersos retro abiisse, num

aliquos viderent Dionis satellites, neque ullos offendisse se: imo vero vnde primùm Sosidem ad se fugientem aduentare conspexerant, nouaculam hanc humi duntaxat eiectam reperisse: & posteaquam Sosidis serui interrogati responderunt, eum summo mane cum nouacula solum domo exiisse: tum vero calumniam manifestam esse iudicarunt. Eum itaque Populus suis omnibus suffragiis necari voluit, iussit.

Nulla vehementior calumnia, quàm quæ regnandi cupiditate suscipitur.

III. Ex Tito Liuiio, decade IIII. lib. x.

PHILIPPVS Rex Macedonum duos filios habuit, Perseum & Demetrium. Perseus cum in dies magis ac magis Demetrii fauorem atq; dignitatem apud Macedonum multitudinem, gratiam atque potentiam erga Romanos amplificari animaduerneret: sibi spem nullam præterquam in scelere superesse opinione ductus, Demetrium, quem alioqui Philippus non ignorabat, vnde antea Romæ pro obside fuisset, cognita Romanorum virtute, a bello cōtra Romanos suscipiendo abhorrere, in primis apud patrem de proditione latenter insinuat, accusat. Eum multa verba cum Romæ moraretur, de Regno cum Tito Quintio habuisse. Sed post ludicrum certamen, in quo pars ea quæ a Demetrio steterat, longè superior fuit, ideoque ad cœnam vocatus Perseus non venit, Demetrius a cœna in qua de certamine multa iocose dicta erant in
adu-er-

aduersarios, ad fratrem eundum esse pronun-
 ciasset, illius iræ si quam ex prælio suscepisset,
 hilaritate & comitate leniendæ causâ: ignarus
 Demetrius aliquos de suis ferrum abscondidisse,
 vt sese defenderet, si qua vis eis afferretur ob id
 quod missum a fratre conuiuii sermonumq; spe-
 culatorem male multauisset: noctu ad Perseum
 venisset: tum palam falso Demetrium accusare
 incipit. Noctu eum venisse armatum eo consilio
 & animo, vt se fratrem interficeret, neque aliud
 quàm clausis foribus se parietum præsidium ha-
 buisse. Philippus Demetriū vocari iubet. Duo-
 bus filiis duntaxat in cōsilio adhibitis, sedet mi-
 ferrinus pateriudex inter liberos, accusatorem
 parricidii, & reum: seu conficti seu confecti crimi-
 nis labem apud suos inuenturus. Re cognita, ita
 pronunciauit, vt facile appareret, vis nocturnæ
 crimen reiectum ac remotum: suspectam vero
 esse Demetrii nimiam gratiam cum Senatu Po-
 puloq; Romano: nempe, Non verbis, nec vnus
 horæ disceptatione causam eorum se diiudica-
 turum, sed in vtriusq; vitam inquirendo: mores,
 dicta factaque in magnis paruisque rebus ob-
 seruando. Itaque sub specie legationis Romam
 mittit Philoclem & Apelleni spectatum inqui-
 situmq; de iis sermonibus, quos Perseus fratrem
 cum Tito Quintio habuisse insimulauerat. Sed,
 quod Philippum latebat, erant hi legati Per-
 seæ fraudis ministri atque participes. Itaque
 Demetrius cū interim nullam spem haberet,
 patrem sibi placari posse, cuius obsideri aures a

fratre cognosceret, fugam ad Romanos meditari cœpit. quod cùm Philippo nuntiatum esset, Herodotum Demetrii perquam familiarem apprehendi, Demetrium vero obseruari iussit, dum Legati rediissent. Hi cùm præmeditata in Macedonia e Roma attulissent: sed & falsas literas T. Quintii Philippo reddidissent, in quibus deprecabatur si quid adolescēs, regni cupiditate prolapsus, secum negotii habuisset: hæ literæ fidem perfidæ accusationi attulerūt. Quamobrem Herodotus diu excruciat, moritur. Aduersus Demetrium nihil palam pronunciari, sed dolo interfici placuit, ne publica pœna cōsilia Philippi aduersus Romanos aperiret. Itaq; a Dida quem ei comitem Perseus a patre dari antea curauerat, immixtis percussoribus strāgulatus est. Tandem cùm legatorum fides cœpisset esse suspecta, & vulgo in curia fremeretur falsas ab iis literas allatas esse: Xychus Legatorū minister rem omnem indicat. Apelles fuga sibi consulit. Philocles interficitur. Perseum, quia tum nimiam potentiam adeptus erat, Philippus exhæredat, Antigonom instituit.

Non parum differt calumniator a seditioso.

IIII. Ex Appiano, lib. I. bellorum ciuiliū.
 AD Placētiam duce Iulio Cæsare, cū seditio mota esset in exercitu, iussit ad se duodecim ex auctoribus adduci, vt more militari in eos animaduerneret. inter eos cū aliquis per calumniam nominatus, de innocentia sua docuisset:
 falsum

falsum delatorem Iulius Cæsar numero aucto-
rum imponi iussit: quòd is vere seditiosus est, qui
iniquo iure aduersus alium vti velit.

V. Ex Eutropio, lib. x. Nicephoro, lib. v i i.
Pomponio Læto.

CONSTANTINVS Magnus Faustam vxorem
habuit. Hæc Crispi priuigni amore capta, cùm
ad libidinem sæpius eum prouocasset, renuētē
detulit ad maritum, illum sibi vim inferre vo-
luisse. Constantinus fideni adhibuit, ideoque
Crispum necari iussit. Verùm post aliquot an-
nos comperta causa, & in vxorem capite ani-
maduertit..

Ignis, calumnie pœna.

VI. Ex Ammiano Marcellino. lib. x v. & x x i i.

PAVLVS quidam nomine, in complicadis ca-
lumniarum nexibus insignis adeo atque (si ita
loqui licet) indissolubilis fuit, vt ei sub Constan-
tio Augusto, & Iuliano Cæsare, Catenæ cogno-
mentum sit impositum. At is postremò Iuliano
Augusto, sententia Secundi Salutii Præfeti
Prætorio & assessorum Marmentini, Arbitionis,
Agillonis & Neuitæ, viuus exustus est.

*Incidit in hoc Senatusconsultum & qui ab accusatione
desistit causa non probata.*

VII. Ex Plinio Nepote, lib. v i. epistolarum.

IVLII Tyronis codicillos ex parte veros esse
constabat, ex parte falsi dicebantur. Substitue-
bantur crimini Sempronius Senecio Eques Ro-

manus, & Eurythmus Traiani libertus atque procurator. Hæredes communiter ad Cæsarem scripta epistola, petierāt, vt cognitionem susceperet. itaque diem dixerat. Sed cū aliquis ex hæredibus, quasi Eurythmi reuerentia motus accusationem remitteret: Cæsar imprimis hoc pulcherrime dixit, neque se, Neronem: neque Eurythmum, Polycletum esse. ergo accusatoribus petentibus, dilationem, nec aliud amplius indulgere voluit. Sed tempore etiam exacto, ex pluribus hæredibus cū duo omnino adfuissent: ideoque postularent, vt vel omnes hæredes quemadmodum simul detulissent, ita agere cogerentur, vel sibi quoque permetteretur ab accusatione desistere: Imperator ex consilii sententia iussit omnibus hæredibus vt agerent denuntiari, aut non agendi causas singuli prius approbarent: alioqui se de calumnia pronunciatum.

De Abolitionibus. Abolitione generali publice facta, aliqua nihilominus crimina repeti posse.

VIII. Ex Suetonio, in Cæsare, cap. xi. & Dione, lib. xxxvi.

MVLT A crimina sæpius concedi solent maioris tumultus seditionisq; vitandæ causa (quod fere post bella ciuilia vsuuenit) quæ pacatis rebus interdum pro grauitate & inhumanitate repetita, aut puniuntur aut remittuntur. Sylla, quamquam lege a se lata de Sicariis & veneficiis, eos excepisset, qui Marianos interfecerant, vel obrelata

Relata ciuium Romanorum capita ex lege pro-
scriptionis pecuniam ex ærario acceperant: &
quamuis acta omnia Syllæ Senatus approbas-
set: Figulo tamē & L. Cæsare Consulibus, Iulius
Cæsar in exercēda de sicariis quæstione, aliquos
etiam, vt qui Lucretium occiderāt, sicariorum
numero habuit: alii contrā, vt tum Catilina, ab-
soluti sunt. Quod si obiicitur, fidem publicam,
ideoque impunitatem his quibus semel sit pro-
missa, custodiēdam esse: respondēdum est, Ipsum
quoque Ius, Leges ac Rempublicam suas habe-
re formulas, quibus quasi a Prætore, *Q V O D*
V I M E T V S V E C A V S S A restitui possit.

Per absentiam accusatoris, rei crimen aboletur.

IX. Ex Cicerone, Verrina I I I I.

S T H E N I V S Thermitanus, per calumniam co-
ram Caio Verre Prætore accusatus, quòd lite-
ras publicas corrupisset, Thermis Romā profu-
gerat: atq; interim absens rei capitalis ab alio
postulatus, Verres nomen eius receperat, edicto
proposito vt Syracusis ad diē certū adesset. Sua
die citatus, non respondit. Ipse etiam accusator
M. Pacilius non affuit. & tamen qui absens reus
factus erat, absente accusatore condemnatur.
Hac de causa paulo post Romæ ex edicto Tribu-
norum ple. quo non licebat quenquam in vrbe
esse, qui rei capitalis damnatus esset, ad Tribu-
nos ductus & accusatus est, quòd Roma non ab-
iisset. Cicero causam Sthenii defendit: Quod
iudicium de Sthenio absēte factum erat, ratum
non

non videri: quia nomen absentis deferri ac recipi non soleat. rem enim alioqui iniquissimam & acerbissimam esse. Denique si præsens Sthenius reus factus esset, si manifesto in maleficio tenebatur, tamen cum accusator non adfuisset, Sthenium damnari non oportuisse, sed e reis eximi. non ergo ducendam hanc damnationem esse, quæ contra leges & instituta maiorum interuenit. Ex aduerso dicebatur, sufficere si quis rei capitalis cõdemnatus erit: æquè an iniquè non interesse, propter rerum iudicatarum auctoritatem. Præterea nomen Sthenii absentis ideo receptum, quòd pro præsente haberetur, qui ne de corruptis tabulis causam diceret, Thermis Romam aufugisset. non esse hanc legitimam absentiam. Sed quia constabat damnatũ esse reum cuius crimen deficiente accusatore aboleri debuit: Tribunus plebis omnium sententia pronunciarunt, non videri Sthenium edicto impediri, quo minus ei liceret Romæ esse,

DE QVÆSTIONIBVS
TIT. XXII.

Post quæstionem reo dimisso, si nouæ probationes afferantur, causam retractari posse.

I. Ex Plinio Nepote, lib. vii. epistolarum.

MATERÆ amisso filio, liberos eius eosdèq; cohæredes suos falsi & veneficii accusauerat apud Traianum Imperatorem, iudicemq; impe-

impetrauerat Iulium Seruianum. Cùm finem cognitioni quæstio imposuisset, quæ secundum reos iudicium dederat: adiit nihilominus mater iterum Principem, affirmans se nouas probationes inuenisse. Imperator motus quæstionum fragilitate & fallacia, præcepit Seruiano, vt vacaret finitam causam retractanti, si quid noui attulisset.

Non esse a tormentis generaliter incipiendum: imò tum ad ea duntaxat veniri oportere, vbi sola confessio seruorum deesse videtur: quod non accidit precedente vnius duntaxat testimonio.

II. Ex Paulo, lib. III. decretorum.

MARITVS quidam hæres vxoris suæ, petebat a Suro pecuniam, quam apud eum deposuisse defunctam se tum marito absente affirmabat: & in eam rem vnum testem liberti sui filium produxerat. Apud Procuratorem desiderauerat & quæstionem haberi de ancilla defunctæ. Surus negabat se accepisse, & testimonium non oportere vnius hominis admitti: nec solere a quæstionibus incipi, etsi aliena esset ancilla. Procurator quæstionem de ancilla habuerat. Cùm ex appellatione cognouisset Imperator: pronunciauit, quæstione illicite habita, vnius testimonio non esse credendum: ideoque recte prouocatum.

DE POENIS, Tit. XIII.

Inter viros vt propter summam peritiam artis nonnunquam

*nunquam reo, vita condonatur: sic inter mulieres,
propter eximiam pulchritudinem.*

I. Ex Plutarcho, in Hyperide.

DEPRECATIONE apud eos solos iudices
vtimur, qui nulla certa pronunciandi for-
mula tenentur, in Senatu, apud Populum, co-
ram Principe, & vbicumque iuris clementia est.
In eo genere multa plurimum valent, quę facili
ab Oratoribus peti possunt. Sed mirum est in ac-
cusatione Phrynes amicę Hyperidis, cū Athen-
is de impietate causam diceret, hęc ipsam de-
fendente Hyperide, id ad liberationem profuif-
se: quod cū Hyperidi proxima damnationi vi-
deretur, ea in medium producta, discissa veste
mulieris pectora Iudicibus ostenderit. Admirati
enim Iudices eximiam eius pulchritudinē, quam
Plato naturę priuilegium appellat, Socrates
tyrannidem: dimittendam esse censuerunt.

*In pœnis, quemadmodum in ciuilibus causis, non quid
in vnum, sed quid in cōmune sit vtile, considerandū.*

II. Ex Appiano, in Libyco.

VNQVAMNE Asdrubal & Carthalon Duces
Carthaginensium, meritò atque ex iusta causā
damnati a suis videbuntur, non quod reuera te-
merè, nec parū laceſſiti bellum suasissent, in-
choassent aduersus regem Masinissam socium
Romanorum: sed ne hinc belli Punici renouan-
di occasionem vllam sumerent Romani, vel vt
sumptam deponerēt, cū istud non publico sed
priuato consilio cœptum esse, Romani Impera-
torum

torum pœna & supplicio cognoscerent? An nihi
lominus noxii erant, licet iusto dolore ac rite
bellū susceptum sit: quia vt sapientissimo Duci
non quoties lacefsitur, aut damnum incurfioni-
bus patitur, pugnandum est: ita fit prudentissi-
mi ciuis & magiltratus, non semper vi agendum
esse, consulere: sed leuiora ferri, ne in maiora &
periculofiora incidamus? ergo Masiniffæ iniu-
rias potius difsimulandas, quàm iis vindicandis
aliū & potentiorē hōstem sibi aſciscere? Sed
libet hęc vere publica iudicia ea miſeranda ne-
ceſſitate excuſare, qua periculo vnus ciuis, ali-
orum omnium ſaluti conſulimus: qua, ruina in-
tegrarum ædium, ab aliis arcemus incendiū:
qua deinq; ius priuatorum infringimus, res ſin-
gulorum publicè occupamus, publicam metien-
tes vtilitatem, & quod magis in vniuerſum atq;
in commune bonum eſt, quàm quod in ſingulos
iuſtum & optimum.

*Quod ab accusatore, aut minus veriſimile allegatur, to-
tam plerumque accuſationem deſtruit.*

III. Ex Valerio Maximo, lib. IIII. cap. I.

BALASIVS Salapiam patriam ſuam, cū præ-
fidio Punico eſſet occupata, Romanis cupiens
reſtituere: Daſium acerrimo ſtudio ſecum in ad-
miniſtratione Reipublicæ diſſidentem, & alio-
qui toto animo Annibalis amicitia deditū, quia
tamen eo ſpreto propoſitum conſilium perage-
re non poterat, ad idem aggrediendum tentare
& allicere auſus eſt. Hoc nomine a Daſio delatus
Annibali

Annibali, vtrique adesse iussi sunt, vt alter crimen probaret, alter defenderet. Cum res pro tribunali ageretur, & huic quæstioni omnium oculi intenti essent: interim dum aliud forte certioris curæ negotium tractatur, Blasius probe dissimulato vultu, atque ad alium sermonem accommodato, & summissa voce, dicitur cœpisse Dasium iterum monere, vt Romanorum potius quàm Carthaginensium partes fouere atq; amplecti vellet. Id cùm imprudenter accusator clamasset, se in conspectu Annibalís aduersus eum sollicitari: tam parùm credibile visum est, atq; id vnus & præsertim inimici testimonio duntaxat confirmari & argui, vt desierit fidem facere accusator.

Imprudens de se facta confessio, magis persuadet.

IIII. Ex M. Cicerone, in Topicis.

STALERIVS in carcere cùm detineretur, neque satis iustæ probationes aduersus eum proponerentur: ea locutus est bonis viris subauscul tantibus pariete interposito, quibus patefactis in iudiciumque prolatis, rei capitalis iure damnatus est: quia imprudens & incauta illa de se confessio, tum cùm nulla suspicio est, tædio vitæ factam esse ab eo qui perire velit, pro re iudicata haberi debet.

Quàm valeant etiam muta testimonia.

V. Ex C. Plinio, lib. V I I I, cap. XL.

REFERTVR, in Epiro percussorem dominí a
cane

canem in conuentu agnitum esse, atque laniatu & latratu assiduo coactum fateri scelus: ideoque & damnatū fuisse ego interpretor. Quid enim? fidelissimi, humanissimi animalis leue indicium videri debet? atqui falli aut decipi minus est eo verisimile, quo nullum animal sagacius, solertius est: nullum quod præ isto memoria polleat. Corrupti atque subornari nemo dixerit: quia vel ipso Apelle arbitro, cū ad mutas quadrupedes prouocauit ab hominibus, in bruta animātia non veniunt hæ suspiciones. Cur igitur mansuetissimum animal huic potius quàm alteri, præsertim ab eo non offensum, tam misere ac deperditè oblataret? Vbi de occiso constat, atq; præterea certum est, canem hunc indicem in defuncti dominio fuisse, neque dominum vnquam deserere solitum: etsi rei confessio non accessisset, hic laniatus & latratus non pro certo & naturali argumēto est? qui venatori latratu feram indicat, cur non Iudici homicidam? Certe quò minus speratæ sunt probationes, eo magis persuadent.

Quatenus Iudex testibus, vni, aut pluribus, imperfectæ aut perfectæ ætatis fidē habere debeat, in iudico suo, fide, religione, coniectura & sapientia positum esse.

V I. Ex eodem, lib. v i. cap. i. & ex Plutarcho, in Marcello.

Ex paruulorum interrogatione, nedum minorum viginti annis, quos vel citari in testimoniū prohibemus: certa nihilominus plerumque probatio

batio inducta est, quamuis nullis extrinsecus argumentis accusatio impleretur. atque (quod maius est) id ætatis vno teste reum peragi aliquando accidit. Nā omnino in toto genere probationum, ex eorum qui iudicant, animi sententia, fide, religione pendet, quid aut sibi persuadeant, aut probatum esse putent: quia quæ argumenta ad quem modum probandæ cuique rei sufficiant, nulla certa ratione diffiniri possit: sed

» magis arbitrio relinquatur. In rebus iudicandis

» (inquit Cicero) non minimam artem ad vnam-

» quamque rem existimandam, momentoque suo

» ponderandam, sapientia iudicis tenet. quo fit vt iudicum iudiciorumq; sit maxima semper auctoritas, quemadmodum in procæmio diximus. Id hoc adeo exemplo cognosci potest. M. Claudius Marcellus A Edilis Curulis, C. Scantinio Capitolino Tribunopl. diem dixit ad Populum, quod filium vix puberē de stupro appellasset. Is prius asseueravit se cogi non posse vt adesset, quia sacrosanctam potestatem haberet: ob idque Tribunitium auxilium appellauit. Sed totum collegium Tribunorū negauit se intercedere quominus pudicitia quæstio perageretur. Rem Populus ad Senatym reiecit. Itaque cū nihil amplius haberet quod reus iudicium moraretur, cuius rei nullum testem esse certo sciret præter ipsum adolescentem, audacter de crimine pernegauit. At postquam iuuenem interrogari placuit, visusque est in rostra productus, ob præsentiam Capitolini defixo vultu suffusus lacrymis,

non

non contumacia, sed pudore tacuisse. valuit in suam ultionem verecundum silentium: ideoque citatus Capitolinus, vno hoc teste, qui tentatus erat, pecunia multatus est.

Qui contumaciter optimos quosque iudices reiecit, magnum adfert damnationi suæ præiudicium.

V. Ex Plutarcho, in Catone.

NVL LVM sortiri aut subsortiri velle iudicem, in reo, summæ diffidentix: in accusatore, calumniæ argumentum omnino certe graue est. At qui id vel multis ad damnationem plurimum adiumenti attulit, quod Catonem eum qui postea Uticensis appellatus est, iudicem in causa sua reiecissent. Etenim eos innocentes videri non potuisse, imò satis de se confessos, qui adeo recti æqui ac religiosi iudicis, virique optimi ac integerrimi iudicium recusassent.

Probatio nonnunquam alijs rebus, criminibus, aut coniecturis extrinsecus assumptis, pro plena atque perfecta habetur.

VI. Ex Valerio Maximo, lib. v i t i. cap. v i. & Dione Nicæo, lib. x l v.

QVOD accidit, P. Seruilio Isaurico teste, hunc protinus atque ferè indicta causa condemnari, postquam reo caussam in iudicio dicente, præteriens Seruilius, Iudices admonuit, istum, quem alioqui non nosceret, se pedibus iter faciente, honoris sui gratia equo descendere noluisse: tum & alias euenire potest, cum de innocentia rei

z valde

valde quidem dubitatur: sed non eousq; vt certa condemnatio sequi possit. Nam si tum extra accusationem, aliquod improbi facti exemplum afferatur Iudicibus, peruersæ & corruptæ naturæ indicium, maximève istius generis, cui crimē quod accusatur, gentile ac familiare dici possit: probatio pro plenissima habetur.

Accidit vt quis ex vna causa accusatus, ob aliam iudicetur.

VII. Ex Dione Nicæo, lib. xxxviii. & AEmilio Probo, in Miltiade.

II s quæ nunc dicebamus de condemnandi extra negotium aliquando repetita ratione, conueniens est quod de C. Antonio quondam M. T. Ciceronis collega in Consulatu, a Dione recitatur. Nam in eo id accidit, vt de iis quorū nomine arcessitus esset minime conuictus, propterea damnaretur, de quibus nunquam postulatus erat. Quia Catilinariæ coniurationis accusatus, etsi de crimine non constitisset, damnatus est, quod Prætor in Macedonia prouinciam vexauerat: agros sociorum ab hostibus spoliatos, reliquerat: Dardanos contra se venientes non sustinisset: ab acie tunc & dum in Mysia præerat, summa cum Romani nominis ignominia profugisset. Ita & in Græcia Miltiades damnatus est, non quod reuera reus prodicionis esset: sed quia adeo potens erat, vt viuere priuatus non posset.

Solum Principem præteritorum meritorum causa, indulgentia vti posse.

VIII.

VIII. Ex Seneca, lib. v. de beneficiis.

C A V S S A M dicebat apud Diuum Iulium Cæ-
sarem ex veteranis quidam paulo violentior ad-
uersus vicinos suos: & causa premebatur. Tum,
Meministi (inquit) Imperator, in Hispania ta-
lum te torfisse circa Sucronem? Cum Cæsar me-
minisse se dixisset: Meministi sub quadam arbo-
re minimum umbræ spargente, cum velles resi-
dere feruentissimo sole, & esset asperimus locus
in quo ex rupibus acutis vnica illa arbor erupe-
rat, quædam ex commilitonibus penulam suam
substrauisse? cum dixisset Cæsar, Quid ni memi-
nerim? & quidem siti confectus, qui impeditus
ire ad fontem proximum non poteram, repere
manibus uolebam, nisi ille homo fortis ac stre-
nuus aquam mihi in galea sua attulisset. Tum
ille, Potes ergo Imperator agnoscere illum ho-
minem, aut illam galeam? Cæsar ait, se nō posse
galeam agnoscere, hominem certe posse: & adie-
cit, iratus quod se a cognitione media ad vete-
rem fabulam abduceret, Tu utique non ille es.
At reus, merito (inquit) Cæsar me non agnos-
cis. Nam cum hoc factū est, integer eram: postea
ad Mūdā in acie oculus mihi effossus est, & de
capite eiecta & eruta ossa. Nec galeam illam si
videres agnosceres. machera enim Hispania diui-
sa est. Itaque vetuit Cæsar, illi exhiberi nego-
cium, & agellos in quibus vicinalis via causa
rixæ ac litium fuerat, militi suo donauit.

Cum quid grauius a turba delinquitur, duorum aut

trium pœna esse debet, qui obuij rapiuntur.

IX. Ex Ammiano Marcellino, lib. xv.

LEONTIVS Præfectus vrbi, Philoronium aurigam iusta aliqua de caussa rapi atq; duci præceperat. Verùm plebs secuta, veluti si reum nocentem vi eximere conaretur, Præfectum laceſſebat. Is maiestatis auctoritatisque suæ conseruandæ caussa missis apparitoribus, obuios quosque, & inter alios Petrum Valuomerem olim etiam in exercitu seditiosum militem, corripere iubet, ac continuo suspendi. alios certe in insulam relegat. ita diffusum vulgus euauit.

Carnifex sub pœna capitis aliter supplicium exigere non debet, quàm a iudicibus definitum est.

X. Ex Eodem, lib. xxviii.

INIUSTI SUPPLICII accusatio fuit, vt ex Quintiliani declamatione cccv. manifestum est. quo loco ita definit, Iniustū supplicium esse, quod non sit exactum secundū legem. Itaq; qui occidere iussus est, si diu gladium supra ceruices tenuerit, nocentem sibi ipsi manus afferre coegerit, os damnato præcluserit ne saltem gemere possit, iniustum supplicium est. Ideoque scripsit Vlpianus lib. i x. de officio Proconsulis, nec Præsides habere ius liberam mortis facultatem concedēdi: & si damnetur aliquis vt gladio in eum animaduertatur, animaduerti in eum oportere gladio, non securi vel telo, vel fusti, vel laqueo, aut veneno, aut quo alio modo. Nihil
enim

enim, præsertim a priuato, in re tam seria ac miserabili addi aut adimi potest, quod non eo crudelius aut grauius habeatur: quia detrahere, sibi assumere est vim legis aut magistratus: addere, vltra id quod iam dictum est, alienæ etiam miseræ & calamitatis nimis ferocem insultationem habet. Hinc adeo natum est hoc publicum iudicium. Claritas & Flauiana adulteriorum stuprorumq; criminibus obnoxia, iudicâte Maximino sub Valétiniano damnatæ sunt. Harum altera cùm duceretur, abripuit ei carnifex indumenta ac vestiméta omnia, vt ne quidem ei velamen vllum pudendarum partium relinqueretur. atque ita per medium populum nudam ad supplicium traxit. Id carnifex sua auctoritate, immaniter, insolenter, ac contra pudorem publicum fecisse depræhensus, ipse, de adultera exacto supplicio, viuus exustus est.

DE BONIS EORVM QVI ANTE
SENTENTIAM, VEL MORTEM
sibi consciuerunt, vel accusatorem
corruperunt. Tit. XXXIX.

Absterreri homines a malefactis, ea potius pœna qua se mortuos affici putant, quàm ea qua viui afficiuntur.

I. Ex Aulo Gellio, lib. xv. cap. x.

VIRGINES Milesiæ (qui aliquando morbi in animos hominum incidunt) quot tum ferè in ea ciuitate essent, repente sine vlla euidenti causa, voluntatem ceperant obeundæ mor-

tis, plurimæq; iam suspendio vitam amiserant. In mortuas non videbat Milesiorum Senatus, quo iure animaduerneret: an bonis, an sepultura priuaret. non enim delicti conscientia, sed animi dolore & ægitudine manus sibi attulisse. Contrà, id frequentius accidere quàm ere & commo do Reip. diutius ferri atque dissimulari posset. igitur quod arte mederi non valeret, in posterum metu ac lege prohibendum. Quare Milesii decreuerunt, vt quæ virgines corporibus suspensis mortuæ depræhenderentur, hæ post hanc legem, cum eodem laqueo quo præuinctæ & alligatæ essent, nudæ tota via publica ad sepulturam efferrentur. Post quod decretum virgines voluntariam mortem non concupisse dicitur, pudore solo deterritas tam inhonesti funeris. Nam ne quidem omni funere Senatus eas priuare voluit, atq; insepultas abiecti, quæ morbo, non turpis alicuius flagitii conscientia sibi mortem attulissent: sed cogitatione funeris ignominiosi (cuius viuis nobis maxima cura est) vitam retinuit amittere volentibus. Quid enim? nam & a Diodoro narratur lib. 1. nihil tam in Aegypto Reges ad vitam iustam & honestam adduxisse, quàm si secus facerët, metum atque formidinem denegatæ sepulturæ.

II. Ex C. Plinio Secundo, lib. xxxvi. cap. xv.

DE cloacis, quàm opus esset in vrbe Roma omnium maximum & pene incredibile, non est huius loci. Certe cum eas Rex Tarquinius Priscus

scus Plebis manibus & opera faceret, essetque labor incertum an longior an periculosior, passim conscita nece Quiritibus hoc tædium fugientibus idem remedium inuenit Tarquinius, vt omnium ita defunctorum corpora crucibus figeret spectanda vnicuique, simul & feris volucrisque laceranda. Itaque pudor iste proprius Romani nominis, quo sæpe res in bello perditæ seruatae sunt, viuos etiam ne sibi mortuis hæc ignominia contingeret, a scelere & iniuria propria cohibuit.

DE INTERDICTIS, ET RELEGATIS, ET DEPORTATIS.

Tit. XL.

Legibus Atheniensium, exulem, interdictum, ope, consilio inuare capitale fuit: neque vxori liberisve patrem comitari permittebatur.

I. Ex Plutarcho, in Themistocle.

TH^EMISTOCLE ab Atheniēsis in exilium misso vsque ad quinquennium lege Ostracismi, interimque absens cū proditiōnis accusatus esset: ad Admetum Molossorum Regem, postea vero ad Xerxem Regem Persarum aufugerat. Itaque Epicrates Acharniēsis ob veterem amicitiam veritus ne quid in vrbe vxor liberique Themistoclis mali paterentur, curauerat vt clam subducti conferrent sese ad Themistoclem. Hoc nomine coram Populo a Cimone maiestatis accusatus est. nam quæ ciui

tas habuit siue proditiōis indicia, siue amicitiae pignora, ne quid exul aduersus Rempublicā suscipere audeat: ea nō nisi cum participatione sceleris Epicratem Patriæ ademisse. Denique si Themistocles pro hoste iam habeatur, hoc quid aliud esse, quā hostem ope, cōsilio, viribus adiuvare? si pro exule ac interdicto duntaxat, prohiberi legibus, de eo quem Respublica damnaverit, esse sollicitum. Ergo in eum capite animaduersum est.

Qui relegatus adhuc in Prouincia morari deprehenditur, duplicatō puniendus est. Si rei, denuo intra certum tempus agere permittatur, tempore elapso non audientur.

II. Ex Plinio Nepote, lib. x. epistolarum.

QV I D A M a Iulio Basso Proconsule relegatus in perpetuum, nihilominus absque restitutione in Prouincia morari cū depræhensus esset, ad Caium Plinium Proconsulem adductus est, vt ex eius cōtumacia, quæ cumulat pœnam, duplicatō in eum animaduenteretur. Atqui pro eo constabat, acta Bassi omnia rescissa esse, datumque a Senatu ius omnibus de quibus ille constituisset, ex integro agendi. Sed quia biennium præscriptum erat, intra quod damnatis a Iulio Basso denuo duntaxat agere permitteretur, cui cōditioni antea relegatus nō paruisset: atq; interrogatus in iudicio, negasset ad iisse se Proconsulem, nec cum de innocentia sua docuisse: consulto Imperatore pronuntiavit, reum
videri

videri de se ipso iudicasse, haud iniquam fuisse relegationem, de qua tanto interuallo ac legitimo tempore querelam non detulisset. quare cum morari in prouincia perseverauerit, place-
re hunc poenæ suæ non restitui, quam elusit contumacia: sed victū mitti ad Præfectos Prætorio, qui dispiciant vtrum damnari in metallum, an summo supplicio, secundum gradus qui in poenis obseruantur, affici debeat.

Nullò tempore quis restitutus esse intelligitur, nisi id non testibus, sed scripto demonstret. cum ijs tamen qui longo tempore, hoc est, per decennium, in Prouincia quasi restituti morati sunt, mitius agitur.

III. Ibidem.

Cum plerique essent in Nicea & Nicomedia qui antea damnati in opus aut in ludum, similiaque hæc poenarum genera, sine certo & idoneo auctore restituti, publicorum seruorum munere & officio fungerentur: ad Plinium Proconsulem delati sunt. Decreta proferebantur, quibus damnati essent; quibus vero liberati, nulla instrumenta, nulla scripto documenta afferebantur. damnatos igitur nec restitutos, in publicis officiis retinere, inhonestum atque inciuile esse. Contrà, erant qui testabantur reos iussu Proconsulum Legatorumve dimissos. alioqui enim minime verisimile esse, ausos id eos sine restitutione. quare & factos publicos seruos, & publicorum seruorum annua iam diuturno tempore accepisse. nunc eos senes poenæ suæ reddere, ni-

re, nimis durum, nimis seuerum esse. Plinius tam cum testibus de hac re non crederet, quæ si vera esset, publicis actis & monumentis contineri debuit: ex Diui Traiani rescripto pronunciauit: qui intra proximos decē annos damnati, nullo idoneo auctore liberati essent, hos pœnæ suæ reddi. qui ante annos decem, in ea ministeria distribui, quæ non lógè a pœna sunt, veluti ad balneum, ad purgationes cloacarum, munitiones vicorum & viarum.

DE SENTENTIAM PASSIS, ET RESTITVTIS, TIT. XLI.

Damnatum extremo supplicio, nec cibo, nec potu iuuare licet. pietati tamen parçitur.

I. Ex Caio Plinio, lib. VII. naturalis historiz, cap. XXXVI.

QUæ ita ad mortem condemnati sunt, vt cum sua pœna, hoc amplius, inedia moriantur: potu, cibo, vllave alia re, vt quibus tecto, igni & aqua interdictum est, iuuari prohibentur. Neque enim humanitas aut misericordia censenda est, quæ iuri, exemplo, iustitiæ & legibus obstat. Itaque C. Quintio, M. Acilio Consulibus, Romæ cum mulier quædam supplicii causa carcere includeretur, filia eius puerpera humilis & ignobilis aditum impetrauerat, modò ne quid cibi attulisset. itaque a ianitore diligēter excussa, nihilominus quòd damnata diutius viueret, Magistratus admirari cœpit,

pit: & arguebatur Commentariensis culpa atq; negligentia: donec filia tandem ipsa depræhensa est matrem suis vberibus alere. Hanc custos ad Quæstorē adducit, factum accusat. Verum tanto miraculo fuit hæc diuina pietas, qua puerpera facinus suum excusabat, vt Pietati matris salus condonata, ambæ perpetuis alimentis donatæ sint: locus ipse Dæ Pietati consecratus.

Restitutus esse intelligitur is, ad quem saepe rescriptum est a Principibus: quia famoso non solent literas dare.

II. Ex C. Plinio Nepote, lib. x. epistolarum.

Caius Plinius Nepos Proconsul in Bithynia, cum citaret Iudices, conuentum inchoaturus: Flavius Archippus vacationem petere cœpit vt Philosophus. Sed fuerunt qui dicerent, non modo liberandum eum iudicandi necessitate, verum omnino etiam tollendum de iudicum numero, pœnæq; suæ reddendū, quam fractis vinculis euasisset. Nam recitata est sententia Velii Pauli Proconsulis, qua probaretur Archippum damnatum esse in metallum ob falsi crimen. Ille contrā, nihil proferebat, quo nominatim restitutum se doceret: sed pro restitutione allegabat, libellū a se Domitiano datum, cuius rei capax nō fuisset, nisi sui status integer esset: ac vicissim epistolas Domitiani ad honorem suum pertinentes proferebat: item & decretum Drusensium quo statuæ honor ei concessus esset. Addebat his etiam Diui Neruæ edictum & epistolam, quibus confirmasset benefici-

cia a

cia a Domitiano data. denique & Traiani Imperatoris literas ad se perscriptas honorificè. Hæc omnia certe statui suo subuenisse : neque se tantis honoribus affici vnquam potuisse, qui ne maximis quidem ciuibus sæpe conceduntur, nisi pro restituto haberetur. Sed & rursus ex aduerso dicebatur, Domitianum ignorasse, Archippus quo in statu esset: ideoque, quod aliàs non fecisset, tam multa ad honorem eius scripsisse, ergo obreptitia & subreptitia esse hæc omnia, quibus carere neque frui debeat. denique si dominus ad eum quem seruum suum esse dicit, vt ad Decurionem vel principalem scripserit, non ideo seruum liberum esse. quare igitur si Domitianus ad Archippum rescripserit, ideo restitutū eum intelligi oportet? Proconsul cū Traianum antea consulisset, pronunciauit Archippum restitutū videri, ideoque inimmunem iudicandi.

DE APPELLATIONIBVS
TIT. XLII.

Aliquid de summo iure remittere, ad eum pertinet qui ex appellatione cognoscit.

I. Ex Dinarcho, contra Demosthenem.

INTER eos qui adhibita, & eos qui semota appellatione cognoscunt, quibus inferior aut superior est in iudicando potestas, hoc interest: quòd legem illi vt scripta est, sequuntur: hi, æquitatis & humanitatis ratione, à stricto ac summo iure sæpe deflectunt: minorumq; magistratu-
uum

uum sententias reformant, non quòd non aliquando recte & ordine iudicarint, sed quia vel æquitas vel vtilitas ipsa aliud postulat: vt inter alia de Polieucto Cythantide a Dinarcho refertur contra Demosthenem. Lex erat, vt qui ciuium Atheniensium Megara se ad exules contulissent, quibus nullum cum ciuibus commercium esse placuerat, iis capitale esset. Eò Poly-euctus fatebatur se profectum, vt Nicoclem, cui mater sua nupta esset, viferet, consolaret. quare a Senatu Areopagitico iudicatus erat. Sed Populus æqui & boni, humaniorisque iuris rationem habuit, eumque absoluit, quem iudicabat miseratione ductum ac pietate potius Megara venisse, quàm dolo malo, consiliiq; alicuius cum exilibus aduersus Rempublicam capiendi causa.

Interdum etiam a Principe appellatur. Porro iudicia qua sola auditione fiunt, minus auctoritatis habent.

II. Ex Valerio Maximo, lib. vi. cap. ii.

ET SI a Principe, iisve qui summam potestatem obtinent, appellari non possit, fuit tamen quæ cum a Philippo Rege temulento iniquè condemnata esset, ausa est a Philippo ad Philippum ipsum magis sobrium appellare. Atque sane crapulam excussisse dicitur oscitanti, causaque diligentius inspecta, Philippum æquiorem tulisse sententiã. Quàm si id nobis absq; fraude sæpissime liceret, alia aliter iudicari videremus, si vel iidem iudices altera actione cognoscerent,

scerent, de quo isto primo, quo vtimur, tumultuario, incogitato, præcipiti & quasi inconsulto iudicio pronunciarunt ! Nam vt satis per se immatura, neque adeo bene digesta & concocta sunt hæc iudicia, quæ videlicet palam ex sola Aduocatorum auditione, non ex instrumentis & actis proferuntur : interdum Aduocatus vel minus instructus accessit ad dicendum, vel alter altero eloquētior & argutior est: hic narrationi, ille contentioni confutationive aptior : ipsi interdum Iudices, aut eorum magna pars aliud agunt, vel obdormiunt: nonnūquam etiam (quod periculosus est) Prætor ipse qui cognitioni præest, difficilior aut morosior est, audiendique impatiens. Atqui præstat vel ad tædiū vsq; dicentem Aduocatum audire patienter, quàm non benè cognitam & perspectam rem siue litem iniquè transigere. Patientē enim, facilem, quietum & omnia cum grauitate & seueritate religiosè inquirentem se is præbeat oportet, qui scit se postremò iudicaturum, neque suam ab alio sententiam reformatum iri.

Idem ab eodem non appellatur.

III. Ex Xiphilino, in Galba.

CAPITO, cū reus ab eo ius dicente prouocasset, statim in sellam excelsiorem transilierat, atque ita edixerat, Age dic causam apud Cæsarem, eumque causa denuo cognita damnauerat. Hui⁹ superbix, insolētix atq; iniquitatis accusatus apud Galbā Imperatorem, pœnas luit.
postremo

postremò a minore magistratu personam Cæsaris, summæque potestatis nomen & prærogatiuam vsurpari, non leue est crimen.

DE APPELLATIONIBVS RE-
CIPiENDIS VEL NON,
Tit. XLIII.

Vbi quid mature factò opus est pro vtilitate ac necessitate Reipublicæ, appellationes non recipiuntur.

I. Ex Valerio Maximo, lib. vi. cap. III.

MCURIUS Consul, cùm delectum subitum educere coactus esset, & iuniorum nemo respondisset: coniectis in sortem omnibus Tribubus, Polliæ quæ proxima exierat, primuni nomen vrna extractū citari iussit. eo non respondente, bona hastæ subiecit. Id illi vt nunciatum est, accurrit ad Consulum Tribunal, collegiumque Tribunorū appellauit. At M. Curius Consul, præfatus non opus esse eo ciue, qui Reipublicæ parère nollet, appellationem non recepit. bona eius & ipsum vendidit: non pœnæ festinatione, sed præueniendi periculi caussa: quando res tumultusque belli, moram ac dilationem non reciperet, dum interim de excusatione aut immunitate cognosceretur. Et certe illo tum iure utebantur, vt qui ad delectum non respondissent, tanquam proditores libertatis in seruitutem redigerentur. Sed (vt ab Arrio scriptum est) mutato statu militiæ, a capitis pœna recessum est. quia plerumque voluntario milite numeri

meri supplerentur. nūc nos etiam Galli, non alio milite utimur, imò mercenario plerumque.

DE CAPTIVIS, ET DE POST-
LIMINIO, ET DE REDEM-
ptis ab hostibus Tit. XLIII.

Obsides si aufugerint, certe restituendi sunt, quia adversus ius gentium deliquerunt.

II. Ex Liuvio, lib. II. deca. I. & Plinio, de viris illustribus.

PORSENA Rex Hetruscorū, Coeliam virginem nobilem inter obsides acceperat: ea-
que deceptis custodibus noctu Porßenæ castris
egressa, equum quem fors dederat, arripuerat,
& Tyberim ad suos traiecerat. Hæc a Rege per
Legatos repetita, quia pignore pacis adempto
fœdus violatum esse videretur, remissa est.

*Si fides frangatur ab ijs qui obsides dederunt, obsides
pœnas luere.*

III. Ex Dionysio Halicarnassæo, lib. V.

OBSIDES pro captiuis habentur. quare neq;
testari possunt, nisi eis permittatur: & bona eo-
rum fere publicantur, ac si fides frangatur ab iis
qui dedere, puniuntur: ut merito quasi pœnæ de-
stinati ac dediti sub conditione, dici possint. Exẽ
plo fuere trecenti obsides a Volscis P. Seruilio
dati, ut eos Romam quasi pignora fœderis addu-
ceret. Hos enim trecentos, postquam Volsci bel-
lum integrarunt rupto fœdere, sine iusta causa
ac non

ac non laceſſiti: Conſul Appius Claudius in forum adduxit: atque ſpectante Populo & approbante, virgis cæſos ſecuri percuti iuſſit.

Obſidum iuriſdictio & animaduerſio, eſt eorum quibus dati ſunt, non qui dedere.

IIII. Ex Tito Liuiο, lib. v. deca. III.

PHILEAS Tarentinus, cū iam diu Romæ per ſpeciem legationis eſſet, aditum ſibi ad obſides Tarentinos inuenit. Cuſtodiebantur in atrio Libertatis, minore cura: quia nec ipsis, nec ciuitati eorum, fallere Romanos expediebat. Hos crebris colloquiis ſollicitatos, corruptis AEdituiſ, cū primis tenebris cuſtodia eduxiſſet, ipſe comes occulti itineris factus, profugit. Luce prima, vulgata per urbem fuga, miſſi qui ſequerentur, compræheſos omnes retraxerunt. Deductos in Comitio, virgiſque cæſos approbante Populo, de ſaxo Tarpeio deiici placuit.

D E R E M I L I T A R I T I T . X L V I .

Ius prius in legibus quàm in armis eſſe oportere.

I. Ex Plutarcho, in Arato.

DI V I N I S S I M E Ennius, dum etiam tunc vi omnia geri conqueritur:

Pellitur e medio ſapientia, vi geritur res.

Spernitur orator bonus, horridus miles amatur:

Haud doctis dictis certantes, ſed maledictis

Miſcent inter ſe inimicitias agitantes.

A Non

Non ex iure manu confertum, sed magis ferro Rem repetunt, regnumque petunt: vadunt solida vi.
 Non sic maiores Græci & Latini. nam quæ sunt etiam belli iura sanctissimè ac religiosissimè obseruabāt: videlicet vti res prius per Fœciales & oratores bonos repeterent: Verbenarium clarigatū mitterent res raptas clare repetitum: deniq; ante omnia vicinos populos iudices controuerfiarum suarum admitterēt, quàm ferro & igni rem agerent. Huius tantæ moderationis exemplum est in Achæis. Hi cū initam societatem cum Argiuis, vltro ac temere bello laceffentes, violassent: in ius vocati coram MANTINIENSIBVS, forensem concertationem non recusarunt. Igitur quanquam id a se, Argiuos ab Aristippi tyrannide liberandi causa, commune studio totius Græciæ libertatis, factum esse dicerent duce & suatore Arato: tamen rupta fœdera, pacem infractam quæ tum inita erat cū iam essent Argiui sub Regibus, negare non poterant. Ergo Achæos grandi pecunia multari placuit. Non expenderunt eam inuiti, armaque legibus cedere æquo animo tulerunt.

II. Ex Diogene Laertio, in Pittaco.

DISCEPTARVNT etiam Athenienses cum Mitylenæis, de possessione agri, Periandro iudice atque arbitro controuerfiæ.

Poëtarum auctoritas valet etiam in iudiçijs. Ex similitudine legū & morū, origo & cognatio præsumitur.

III. Ex Plutarcho, ibidem. & Diogene Laertio

tio, in Solone:& ex Strabone, lib. i x.

I D E M legitur de Atheniensibus & Megarensibus: inter quos summa cū esset de Salamine insula contentio, tandem pro Atheniensibus, Solone: pro Megarensibus, Herea causam dicentibus coram Critolaide, Amomphoreto, Hypsechida, Anaxilate, & Cleomene Lacedæmoniis sumptis arbitris, insulam Atheniensem esse pronuntiatum est, postquam id Solon ita esse persuasit & Homeri versibus, & hac potissimum ratione, quod qui insulam habitabant, in sepeliendis suis, ritum Atheniensem non Megarensium sequerentur, ut, sepulchra ad Orientem posita, corpora ad Orientem solem conuersa, in sculptaque familiarum nomina. itaque videri ab his deductam Coloniam, quorum adhuc legibus ac moribus vteretur.

Postremo cū ius sit etiam in armis, id nisi auspiciatō geri non licuisse.

IIII. Ex Cicerone, lib. i i. de diuinatione:& Valerio Maximo, lib. i i i i.

P. C L A V D I V S, Lucius Iunius Consules, neglectis auspiciis (quorum ideo fuit obseruantissima Romanorum antiquitas, quod genus omne Reip. constanti religione erga Deos augeri atq; retineri, ut si qua alia re maximè, sibi persuaderent) nauigauerant, & classem tempestate amiserant. Hoc nomine P. Claudius, Populi iudicio damnatus est: alter sibi ipse mortem consciiuit: non quod infœliciter pugnassent, sed quia cōtra

A 2 auspi-

auspicia: eoque Reip. patriæque suæ ritus ac veteres ceremonias repudiare, religionem, cui parandum fuit, negligere viderentur.

V. Ex Appiano, lib. 11. bellorum ciuiliū.
IDEM A. Gabinio accidisse fertur, qui postremis quoque temporibus Pompeio Magno solo Consule, ob neglecta auspicia, & quod aduersus quàm libri Sybillini suaderent, cum exercitu in Ægyptum profectus esset, damnatus est.

Bellorum sua quoque iura, suas quoque leges effc: precipuam hanc, vt occisi a suis sepeliantur.

VI. Ex Valerio Maximo, lib. 1 x. cap. vi 11.
ATHENIENSES decem Imperatores suos, & quidem a pulcherrima victoria redeuntes, capitali iudicio condemnarunt, quod militū corpora, licet maris scæuitia interpellante, sepulture non tradidissent. id enim nullo modo nec piè negligi ac prætemitti posse, quod esset in more totius Græciæ, solatio parentum, viuorumque emulationi.

Hanc alteram, vt fœdera seruentur. sed an etiam fraudulenta?

VII. Ex libro, qui inscribitur Iosue, cap. ix.
& ex Iosepho, lib. v. antiquitatum.

GABAONITAE veriti potentiam atque exercitum Iudæorum, quos sciebant ad suam Cananæorumque omnium regionem occupadam, accessisse: missis legatis ad Iosue ducem aliosque principes, quasi e longissimis terris ad societatem &

tem & amicitiam conciliandam aduenissent, morti celebritate nominis Ebreorum, modò ipsi suis legibus relinquerentur: id à Principibus Iudæorum adhibito iureiurando obtinuerāt, societasque ac fœdus a Populo confirmatū est. Sed cum triduo post, fraus ac fallacia apparuisset, quā vocati in ius Gabaonitæ necessitate tuebantur: visum est tamen, iusiurandum seruari oportere, ita vt nihilominus Gabaonitæ, non liberorum, sed tanquam seruorum loco essent. Itaque certo labori veluti pœnæ inter Ebreos addicti sunt: eam fere conditionem nacti, quam & Ilotæ quondam apud Lacedæmonios.

Qui nomina dare & militare possunt, vel non seruis vtique olim non licuisse.

VIII. Ex Dione Nicæo, lib. XLVIII.

SEMPER graue crimen habitum est, dare se militem, cui non liceret: quod augebatur (vt in cæteris delictis) dignitate, gradu, specie militiæ. Itaque serui apud Romanos, quemadmodum nullius alterius ciuilis iuris fuere participes: ita maximè sunt ab omni militia prohibiti: adeo vt & qui status controuersiam pateretur, quamuis reuera liberi essent, tamè per id tempus nomen eis militiæ dare non liceret. Quod si penuria hominum aliquando factum est, quemadmodum Lacedæmoniis ad Messeniam, Romanis bello Punico accidit, vt ad supplementum seruis vterentur: prius manumitti quàm milites fieri placuit. contra leges igitur, & tum cum Anto-

nus, Octavius & Lepidus Rempublicam obtinebant, de seruo qui inter milites ac numeros depræhensus est, ita supplicium sumi placuit: de rupe Capitolina deiici, manumissione tamen prius intercedere, quod magis cum dignitate aliqua statutum esse videretur.

Ab ijs quæ armorum occasione gesta, transacta sunt, rebus postea pacatis facile receditur.

IX. Ex Appiano, lib. v. bellorum civilium: & Paulo Orosio, lib. v. cap. xx.

ICTO antea fœdere cum Antonio, Octavio, Lepido, ac Sexto Pompeio, conuenerat vti omnes serui qui vocati ad libertatem, a dominis aufugerant, atque in exercitu Sexti Pompeii militassent, hi manerent in libertate. nec non istud fœdus ratum habuerat Senatus, eosque seruos nominatim liberos esse decreuerat. Nihilominus tamen Augustus victo Pompeio, aliisque omnibus Imperij æmulis, generaliter edixit, vt per omnes Prouincias simul ad vnum diem fugitiui sic manumissi, comprehenderentur, vinctique Romam remitterentur. Itaque adductos triginta millia seruos dominis suis restituit. quod si nulli essent qui hos sibi iure vindicaret, suspendi iussit. Neque nocere quod a Senatu manumissi videretur: quia id non ius, sed vis & iniuria sit, vel acclamatione Populi, vel discessione Senatus seruum alienum inuito domino manumitti: maximè qui nulla re benè gesta præmio dignus sit: imò vero qui pœnam mereatur, & quia fugitiuus

rius, & quia contra veterem disciplinam, nomen militiæ dederit.

Dignitate aut gradu, servus qui suam conditionem calavit, libertatem non acquirit.

X. Ex Xiphilino, in Domitiano.

DOMITIANVS Imperator Claudium Pacatum etsi Centurio fuerat, domino reddidit, quod eum servum esse constaret.

Ad pœnam sufficere, si servus sponte nomen suum dederit, licet in numeros nondum relatus sit.

XI. Ex Plinio Secundo, lib. x. epistolarum.

CUM inter tyrones Sépronius Cælianus duos servos inuenisset; re Caio Plinio Procôsuli nuntiata, ideo Plinius supplicium distulit, quod ii nondum sacramento militari in numeros & ordines distributi essent. itaque non videri militasse, nec aduersus disciplinam offendisse. Ergo consultus ab eo Imperator, rescripsit, his verbis: Traianus Plinio. Secundum mandata mea fecit Sempronius Cælianus, mittendo ad te eos de quibus cognosci oportebat, an capitale supplicium meruisse videatur. Refert autem voluntarii se obtulerint, an lecti sint, vel etiam vicarii dati. si lecti sunt, inquisitor peccauit: si vicarii dati, penes eos culpa est, qui dederunt: si ipsi non incerti suæ conditionis, sese obtulerunt, animaduertendum in eos erit. neque enim multum interest, quod nondum per numeros distributi sunt,

» sunt. Ille enim dies quo primùm probati sunt,
 » ab his veritatem originis suæ exegit.

*De disciplina militari. hæc prima & potissima in eo
 fuit, vt ne quis nisi iussu Imperatoris manum cum
 hoste consereret.*

XII. Ex Valerio maximo, lib. II. cap. II. &
 Plinio, de viris illustribus. Eutropio, lib. II.

LVCIUS Papyrius Cursor Dictator, cùm ad-
 uersus imperium eius Q. Fabius Rutilianus ma-
 gister Equitum, exercitum in aciem aduersus
 Samnites deduxisset: quanquam fuis Samniti-
 bus in castra redierat, tamen neque virtute eius
 neque successu, neque nobilitate motus, virgas
 expediri, eumque nudari iussit. frustra que Ruti-
 lianus cùm in urbem aufugisset, Senatus, Tribu-
 norumque auxilium implorauit. Supplicem Tri-
 buni non tuebantur, Sed re ad Populum perdu-
 cta, & patris & Populi precibus, qui pro Dicta-
 turæ imperio cogi non poterat Papyrius cessit;
 hoc tamē testatus antea, non pœnā se Fabio, sed
 Populo Romano & Tribunorū potestati & au-
 ctoritati concedere. Ea certe militaris discipli-
 na est, vt qui rem a Duce prohibitā fecerit, aut
 mandata non seruauerit, capite puniatur, etiam
 si res bene cesserit. quod ideo maioribus illis
 primariisque viris diligentissime obseruandum
 esse visum est, quia sola obedientia continetur
 omnis exercitus: neque quis euentus, sed quod
 fuerit consilium inspicere oporteat. igitur quasi
 plus sit in imperio, quàm in victoria, immoderata

ratæ fortitudinis plerumque pœna exacta est.

XIII. Ex Valerio Maximo, lib. IX. cap. III.
Paulo Oroſio, lib. III. cap. IX.

NAM & duriora exempla ſuppetunt de Poſthumio Tiburto, & Manlio Torquato, quorû vterque, quòd filii ſponte, non iuſſu patris atque Imperatoris ad dimicandum cum hoſte licet pro-uocante & inſultâte deſcenderant, licet eo fuſo, filios ſecuri percuti iuſſit.

In re militari neſus eſt vlllo modo ab imperio recedere, nedum rei melius gerendæ occaſione: quia diſciplina diſſoluitur, ſi ſc miles ſuo Imperatore prudentiorem exiſtimet.

XIII. Ex Aulo Gellio, lib. I. cap. XII.

P. C R A S S V S Mutianus, is qui traditur quinque habuiſſe rerum bonarum maxima & præcipua: quòd eſſet ditiffimus, quòd nobiliſſimus, quòd eloquentiſſimus, quòd iuriſcôſultiſſimus, quòd Pontifex maximus: cùm in Cōſulatu obtineret Aſiam Prouinciam, & circumſedere oppugnareq; Leucas oppidum pararet, opusque eſſet firma ac procera trabe, qua arietem faceret, quo muros eius oppidi quateret: ſcripſit ad magiſtrum ἀρχιτέκτωνας molis, Athenienſium ſociorum amicorumque Populi Romani, vt ex malis duobus, quos apud eos vidiffet, vter maior eſſet, eum curaret ad ſe perferendum. Tum magiſter architectus cùm reſciuiſſet, quam ob rem Mutianus malum deſideraſſet: non, vti iuſſus

sus erat, maioré, sed quem esse magis idoneum aptioremque faciendo arieti, facilioremq; portatu existimabat, minorem misit. Crassus eum vocari iussit:& cùm interrogasset, cur non quem iusserat, misisset:caussis rationibusq; quas dictitabat spretis, vestiméta detrahi iussit, virgisque multum cecidit. Corrupti atque dissolui officium omne Imperatoris ratus, si quis ad id quod facere iussus est, non obsequio debito, sed consilio non considerato respondeat.

Non licet commilitoni ex commeatu redire absque commilitone.

XV. Ex Annæo Seneca, lib. i. de ira.

DISCIPLINA militaris hoc Cnei Pisonis iudicium si nō excusare poterit, nihil crudelius, nihil vsquam inhumanius inueniri potest. Quidam ex commeatu sine commilitone redierat. Cùm, præterquàm quòd id fieri vetitum esset, eum interfecisse quem non exhibebat, apud Cn. Pisonem insimularetur: rogāti aliquod tempus ad conquirendum, non dedit. Itaque damnatus extra vallum ductus est. Sed ecce, dum cervicem porrigeret, subito apparuit ille commilito, qui occisus videbatur. ideoque Centurio supplicio præpositus, iusserat spiculatorem gladium condere: nec non summa cum gratulatione damnatum ad Pisonem reduxerat. Verùm ipse tribunal ascendit: statimque & hunc rursus duci iubet, quia causa damnationis commilitoni fuisset:& Centurionem, quia iussus occidere, Imperatori non paruisset.

De mi-

De militaribus delictis. Inter hæc quoque est, libido atque impudicitia. Licet vim vi repellere.

XVI. Ex Plutarcho, in Alexandro Magno.

POSTQUAM vrbs Thebanorum ab Alexandro capta est, dum multa hostiliter a militibus ibi cōmittūtur, Timoclea soror Theagenis, qui cum Philippo rege patre Alexandri fortissimè pugnando ad Cheronesum ceciderat, primaria atque antiquæ virtutis & pudicitiaæ fœmina, direptionē omnium bonorum, atque suarum etiam ædium ruinam ac vastationem æquo & forti animo tulit: amissam vi pudicitiam non æquè tulit. Itaq; a violatore Tribuno interrogata, num quid amplius auri vel argenti in oculo retineret: habere se respōdit, atque prodituram, si semotis arbitris secum vnā venire vellet. Eunt ambo, & puteum ostendit, quo se affirmat paulò antequam urbem occuparent, omnem mundum, ornatum, & quicquid preciosi possideret, deiecisse. In eo cū miles pronus & prædæ cupidus inspiceret, retro stans Timoclea, raptorem suum pellit in profundum, atque lapidibus obruit. Ob id rectà ad Alexandrum ducitur, trahitur. eam homicidii accusant. Si quid in se durius sit experta, odio hostili, licentia militari, more belli, atque iure victoriæ euenisse. Cōtrà, se Timoclea dolore, & ea quæ maxima in muliere optima esse potest, indignatione & iracundia tuebatur. nihil fœminæ salui esse, amissa pudicitia. Ergo magnus Alexander pro pudicitia pronunciauit, iurèque illum cæsum videri. vim re-

ctè

ctè passum esse, qui vim & violentiam attulerit. Simile facinus & æquè memorabile ac illud de Timoclea, narrant Valerius Maximus lib. v i. capite i. & Lucius Florus, in bello Gallogræco, de Orgiagontis Reguli vxore. nam & ea a Centurione violata, pudicitiam suam viriliter vltà est.

XVII. Ibidem.

IMPVDICI nec apud Ducem nec apud milites vllius momenti esse possunt. quare vetus illa militaris disciplina in hoc etiam fuit, vt seuerè in eos animaduerneret. Damon & Timotheus Macedones, vxorem comilitonis stuprauerat. iussu Alexandri Magni Parmenio quæstione habita, rem extremo supplicio vindicauit.

In ijs quæ sunt cõtra naturam, non minus delinquitur, si ex vtriusque consilio & animo delinquitur.

XVIII. Ex Valerio Maximo, lib. v i. cap. i.

CAIVS Fescennius Triumvir, C. Cornelium fortissimè militiæ stipendia emeritum, virtutisque nomine quater honore Primipili ab Imperatoribus donatum: quòd cum ingenuo adolescentulo stupri commercium habuisset, publicis vinculis onerauit. a quo appellati Tribuni, cum de stupro nihil negaret, sed sponsonem se facere paratum esse diceret, SI NON ADOLESCENS ILLE PALAM ET APERTÈ CORPORE QVÆSTVM FACTITASSET: intercessionem suam interponere noluerunt. Itaque

Itaque Cornelius in carcere mori coactus est. Rectissime placuit, nulla ex causa hoc masculum nefas excusari posse: quia quod natura, legibus & moribus sit prohibitum, neque dum in volentem committi oporteat.

XIX. Ibidem.

M. L E C T O R I O Mergo Tribuno militari Cominus Tribunus plebis diem ad Populum dixit, quod Cornicularium suum stupri causa appellasset. Is iudicium non sustinuit: & sibi mortem attulit.

XX. Ibidem.

C A I V S Marius Imperator Clusum sororis sue filium Tribunum militum, a Cælio Plœcio manipulario milite iure cæsum pronunciauit, quia eum de stupro compellare ausus erat.

XXI. Ex Appiano, lib. I. bellorum ciuiliū.

Q V I D de Sertorio, qui ob vnius militis lasciuia luxuriamque nimis infamen atq; importunam (erat inimica mulier) attamen vniuersam cohortem, quia istius argumento necesse esset & deteriores alios continere, ultore gladio decleuit?

XXII. Ex Plutarcho, in Galba.

O V I N I V S, corrupta Caluissii Sabini vxore, & in habitu viri vsque ad Prætorium deducta: non iure aut causa, sed Iulii Cæsaris morte, certam & debitam pœnam, cui in vinculis seruabatur, effugit.

Qualis

Qualitas rei facit, vt idem crimē nunc paganum, nunc militare videatur: itaque sit vel Iudicis, vel Tribuni cognitio. Porro in iudicijs tum optime agitur, cūm Princeps in iure dando, finit omnia more patrio & via ordinaria, agi, transigi.

XXIII. Ex Plinio Nepote, lib. vi. epistola.

GALITTA nupta Tribuno militum, & suam & mariti dignitatem Cēturionis amore maculauerat. maritus Legato Consulari, ille Cæsari scripserat. Traianus excussis probationibus, Cēturionē exauctorauit, & relegauit. Maritus admonitus vt perageret accusationem, peregit inuitus, nempe vitandæ ignominiaē causa. Itaque vxor damnata, pœnis legis Iuliae relicta est. Sed ne Imperator omnes eiusmodi causas reuocare ad se velle videretur, nomē Centurionis, & commemorationem disciplinae militaris, sententiae adiici voluit.

Imprudētia nonnunquam dolo comparatur: tempusque esse quo crimini vertitur, dicere, Non putabam.

XXIIII. Ex Appiano, in Mithridatico.

IN VICE M nauali prælio pugnantibus Rhodiis atq; Mithridate: huic ex insula Chio naues auxiliariae aduenerāt. Is cū in ipso certamine huc illucque suos exhortandi causa circumiret, ex Chio naus ei sic temerē occurrit, Prætoriāque nauem in qua vehebatur, ita rostris impulit, vt eam grauiter vulneraret ac conturbaret. Siue casu, siue consultò hoc admissum est, id tūc certē

tertè Mithridates sapientissimè dissimulauit. At finito bello, quia nihil per imprudentiam, aut cum ista excusatione, Nō putabam, a milite, nauta, aliōve erga Ducem aut Imperatorem suum committi debet: imò imprimis hunc obseruare, idque vnum ante omnia intueri conueniat, manus cum hoste, an cum ciue sociove cōferat: exercitorem nauis atque magistrum supplicio affecit, nec nō se infensum perpetuò præbuit iis omnibus qui insulam habitabant: quasi id profectò a quouis nauigandi perito cuitari potuisset, si non aliquod prodendi, nocendique consilium latuisset.

Eius, quod patriam suam tutando quis hostiliter fecit, nulla pœna est.

XX V. Ex Diodoro Siculo, lib. xi.

THEMISTOCLES dū profugus viueret cum Xerxe Persarum Rege, a Mandane Regis sorore filiaque Darii qui Magos deleuerat, cuius duo filii in prælio ad Salaminem duce Themistocle obierant, accusatus est. Petebat, ne Xerxes orbitatem suam despiceret: ne nunc inultos filios suos sineret, quando sæuissimum hostem a quo interfecti essent, in manu sua & potestate haberet. Cū multitudinem concitata Themistocles deposceretur, Xerxes principibus Persarum iudicium reliquit. quod illi re cognita iudicassēt, id se fieri permissurum. Ita sedato tumultu, dies longior instruendæ atque ordinandæ accusationi præstituta est. quo interuallo cū Themistocles

cles linguam Persicam didicisset, ita pro se dixit apud Satrapas, vt quod hostiliter fecerat, tutando patriam, atque propellendo iniuriam, iure belli, iure naturæ fecisse videretur. itaque omnium sententiis absolutus est.

XXVI. Ex Xiphilino, in Seuero.

CAPTO Byzantio, cum Priscus artifex ob innumeras summi ingenii machinas, quas ibi construxerat Seuerianæ oppugnationi infestissimas, Imperatori delatus esset: tamen quod id custodiendi municipii sui causa fecisse se diceret, denique propter eius artem eximiam, qua vix Archimedi concedebat, absolutus est.

De desertoribus & transfugis. denique in omni delicto animum atque consiliū delinquentis inspicere oportere.

XXVII. Ex Plutarcho, in Artoxerxe.

ET SI quæ delinquuntur, atrocitatem ex loco, tempore, causa, persona, qualitate & quantitate recipiunt, & ideo sint, exempli gratia, quæ in pagano aut nullam aut leuiorem pœnam irrogant, in milite vero grauiorem: tamen horum vnunquodque animo, consilio, & delinquendi proposito discernitur. Hoc adeo sapientissimè Artoxerxem in causa Medi Arbacetis transfugæ atque desertoris militis iudicasse memortur. Nam in eo bello, quod Cyrus minor frater aduersus eum grauissimum susceperat: Arbaces prius, dum præualere Cyrum viribus existimaret, ab Artoxerxe Rege ad Cyrum defecerat: rursus-

rursusq; Cyri accepto interitu, ad Regē se cōuerterat. Accusatus, pœna desertionis, videlicet capite, puniendus esse videbatur. Sed cū Rex ipse cognosceret, religiosissimè iudicauit, hanc variā & incertam (quæ plerisq; in bellis ciuilibus accidit) partium contentionē & mutabile studium, magis e pusillanimitate, molitie & ignauia, dubioque discernētis animo nasci, quā prodere & machinari quid mala mente & dolo malo cupientis. Iussit igitur Arbacem notari duntaxat, humerisque nudam meretriculam (quæ summa apud Persas ignominia fuit) in via publicè tota die ferre atque traducere.

Signacula ferre, seditiosum est. porro militum seditionē ita optime comprimi, si hanc, vnum aut alterum puniendo, Magistratus attamen ignorare se dissimulauerit.

XXVIII. Ex Xenophonte, lib. II. rerum Græcarum.

MILITES qui cum Eteonico duce Lacedæmoniorum in Chio relictī erant, cū penuria cœpissent laborare, inierant tacita consilia, Chios, qui socii ac fœderati erant, cum bonis ac facultatibus omnibus occupandi. Quibus hæc coniuratio placeret, vt sese inuicem agnoscerēt, singulos arundinē ferre manu aut pileo, conuenerat. Eteonicus huius rei certior factus, sapientissimè iudicauit, non aperta vi agendum esse: quia magna esset frequentia coniuratorum, & sumptis armis periculum erat ne Chii e sociis a-

B cerrimi

cerrimi hostes euaderent. Itaque hanc rationem secutus est. Quindecim assumptis militibus per urbem ambulando, qui primus ei arūdinem habens obuius factus est, hunc protinus obtruncari iussit: atque fiscitantibus quam ob causam interfectus esset nihil aliud respōderi, quā quod gestasset arundinem. & ita factum est, vt reliqui factiosi arundinem continuò proiicerent. Sed & Eteonicus conuocatis Chiis, ac perpetuò militū dissimulata cōiuratione, pecunias imperauit, quæ militib⁹, nequid noui molirētur, distribuerētur. Illi quāprimū paruere. & ita cōsultissimè vnus supplcio, magnæ seditioni occursum est.

Si tota legio aut tota cohors defecerit iussu Tribuni, ad hunc, non ad milites, noxam pertinere.

XXIX. Ex Tito Liuiio, decade I. lib. I. & Paulo Orosio, lib. II. cap. IIII.

ICTO fœdere sub Tullo Hostilio Rege, inter Romanos & Albanos: Fidenates, Veientibus sociis consilii assumptis, sub pacto transitionis inter eos inito, & Metium Suffetium ducem Albanorum, a Romanis descuerant. Tullus, Metio exercituque eius ab Alba accito, suos direxerat aduersus Veientem, Albanos contra legionem Fidenatium collocauerat. Verūm ex composito Metius pugnam deseruit, sensim ad montes succedens, eo consilio, vt fortunam belli experiretur, ac sequeretur: quā fortuna rem daret, eā inclinaret vires. Tullus sua virtute atque sapientia nihilominus parta victoria, dum, vt nec, suis igno-

ignorantibus se deserere, auerteretur a certamine
 agendus, & hostibus circumueniri se a tergo ratis
 terror ac fuga iniiceretur: id Albanos suo iussu
 & imperio facere clamat: concione aduocata,
 milites quidem nihil peccasse pronunciat: ete-
 nim Ducem secutos esse, & Imperatori suo pa-
 ruisse. At Metium ductorem huius itineris, hu-
 ius belli machinatorem, ruptorem Albani Ro-
 manique fœderis, eo supplicio multatus est, vt
 qui paulo antè animum inter Fidenatem Ro-
 manamque rem ancipitem gesserat, ita corpus
 suum passim distrahendum daret, duplicisque a-
 nimi noxam pœna diuisi corporis expenderet.
 Itaque duabus admotis quadrigis in currus ea-
 rum distētus & alligatus Suffetius, in diuersum
 iter concitatis equis, laceratur, atque discerpi-
 tur. Crudelissimum sane supplicium, ideoque a
 Romanis semel vsurpatum: ab aliis, & a nobis
 sæpius atque adeo nuper, cū ne hoc quidem
 immanissimo cruciatu, delictorum atrocitas,
 immanitas, impietas vllō modo attingi possit.

*Alijs pugnantis exitū spectare, maior proditio atque
 desertio est.*

XXX. Ex Herodiano, lib. III.

IN illo etiam prælio, quod apud Lugdunum,
 magnam tum etiam urbem atque opulentam,
 inter Seuerum & Albinum summa contentio-
 ne pugnatum est: Lētus, dux exercitus Seuerianī
 fuit. Is euentum pugnae expectasse dicitur, cun-
 ctatus de industria, ac retento milite, vt sibi met

imperium vindicaret : itaque non prius in prælium pedem protulisse, quàm ei Seuerum cecidisse falsò allatum esset. Hoc merito nomine, rebus omnibus ex sententia compositis, Seuerus Lætum vt proditorem ac perfidum, capite condemnauit.

Vbi delinquitur a corpore & vniuersitate, nulla aptior pœna est, quàm nota aliqua aut infamia, quæ omnes aequè comprehendit.

XXXI. Ex Strabone, lib. v. & ex Aulo Gellio, lib. x. cap. i i i.

NON in singulos modò, verum etiam in vniuersos sæpe animaduertitur: nec priuati solùm, quin & ciuitas, vrbs, oppidum capite minuitur, plectitur. cuius rei inter alia multa hoc vnum est exemplum. Cùm Annibal Pœnus, cum exercitu in Italia esset, aliquotque pugnas Populus Romanus aduersas pugnauisset: primi totius Italiæ, Brutii, ad Annibalem descuerant. Id Romani ægrè passi, postquam Annibal Italia decessit, Pœniq; superati sunt: Brutios ignominie causa non milites scribi, nec pro sociis haberi, sed Magistratibus in prouincias euntibus parere, & præministrare seruorum vice decreuerunt. Idem & aduersus Picentos & Lucanios obseruatum est, viatorumque & tabellariorum vice habiti sunt.

Quam pœnam mereatur, qui militiam detrectat.

XXXII. Ex Valerio Maximo, lib. vi. cap. i i i. & Ammiano Marcellino, lib. xv.

CAIVS

C A I V S Vatiens, digitos sinistræ manus, ne bello Italico militaret, absciderat. Hunc Senatus, omnium bonorum publicatione, perpetuisque vinculis puniendum esse grauissimè censuit. Traiani quoque temporibus, is qui delectu per bellum indicto, filium debilitasse dicebatur, vt inhabilis militiæ esset, deportatus est. Sed & Caligatum qui metu hostium languorem simulauit, in pari causa proditionis esse respõsum est. Quid hoc enim aliud est, quàm prodere? sin ex timiditate proficiscitur: adhuc propter exẽplum puniri debuit, ne sit hæc sua delinquẽtibz omnibus, doli, culpæ, malitiæve suæ paratissima latebra. Id veteres Galli nunquam apud suos accidisse gloriabantur: illosq; ioculariter, Murcos, appellabant.

Delictum graue est, ordines deserere.

XXXIII. Ex Xenophonte, lib. III. rerum Græcarum.

S V B Lysandro classis Lacedæmoniorum Præfecto, Dercyllides a Pharnabazo accusatus, quòd ordines non seruasset: ignominia causa stare iussus est scutum præ se ferens. hæc enim non seruati ordinis pœna est.

Si Tribunus militem non petulantia causa pulsauerit, impunè ferre. neque Tribunatum recusari absque fraude, si legitime defertur. Denique ita rem militarem optimo constitui, si reductis militibus vnusquisque administrationis suæ rationem reddat.

XXXIII. Ex Xenophonte, lib. v. de Cyri minoris expeditione.

POST communem omnium Græcorum in Asiam cum Cyro minore factam expeditionem, eorumq; reditum in patriam, placuit imprimis exercitum lustrari: deinde iudicia constitui de iniuriis omnibus, quæ a Cyri interitu ad illum usque diem commissæ essent a Ducibus, Tribunis seu Imperatoribus, aut erga milites, aut in eo quod quisque malè administrasset. Centurionibus res cognoscenda permissa est. Itaque Philesius & Xanticles Repetundarum damnati sunt, quòd ex pecunia quam seruandam acceperant, minas viginti suppilassent. quare alterum tantum rependerunt. Sophenætus quòd Dux omnium suffragio in demortui locum renunciatus, munus hoc recusasset, decem minis multatus est. Nam vtrumque, aut spernere sibi collatum beneficium, aut operam suam & industriam ciuibus suis nolle accommodare, superbum atq; inuidiosum esse. Porro & Xenophon accusatus est, quòd nonnullos milites ipse sua manu, neq; iussu exercitus, pulsasset, cecidisset. nam alicui certe imperauerat, vt agmen anteiret, ac faucium militem iumeto aucheret, nam hostes insequi. Sed paulo post Xenophon adueniens in medio adhuc itinere hunc nactus erat terram fodientem; vt eò miserum illum ac vulneratum commilitonem suum abiiceret, cuius rei nomine putas eum defunctum sepelire, cum antea pietatem militis collaudasset, postea certe in-

te indignatus eum verberauerat, vbi prope multis circumstantibus atque acclamantibus, Militem viuere, apparuit non mortuum, sed viuum adhuc, neque ab ignorante, sepeliri. Ergo re cognita pronunciatum est, iure cæsum illum militem fuisse, leniusque profecto quàm ipse mereretur. Sed & cum nemo amplius Xenophõtem accusaret, liberè confessus est & se multos alios pulsauisse: videlicet quos cerneret aut se ignauix dedere, aut ordines deserere, aut manum sine iussu conferere. Quòd si dum illis bene consuleret, fortasse fuit in puniendo seuerior: non recusare, quin iis det easdem pœnas, quas liberis parentes, pædagogi discipulis. Et medicos utilitatis causa grauitè ægros secare, vrere. In summa tempestate, magistrum iis qui in propria sunt, gubernatorem iis qui in puppi sedent, si quid vel in leuissimis rebus ad nutum minus respicientes offenderint, acerbissimè irasci atq; maledicere. Ergo ad portum naui appulsa, licere nautis aduersus eum iniuriarum agere? Nunc id cum ad suffragia ventum est accusari, quod admissum antea in cõspectu armatorum omnium militum, nemo, vt nõ iure factum aduersus inermem plerumque Imperatorem, vindicauit. Itaque Xenophontem laudari potius quàm accusari placuit.

Neminem delatum imperium suscipere oportere, nisi legibus a Principe aut a Senatu deferatur.

X X X V. Ex Valerio Maximo, lib. i i. cap. i i.

R H E G Y V M oppidum milites Romani iniquo bello occupauerant, mortuoque duce Bubelio, M. Cæsum scribam eius, soli, sua sponte atque inconsulto Senatu, Imperatorem elegerant. Senat⁹ istius flagitii nomine, Cæsum in carcerem duci, ac M. Furio Flacco Tribunoplebis frustra denunciâte, ne in ciues Romanos aduersus morem maiorû animaduerneret: nihilominus eum, ac quosdam etiam milites virgis cæsos securi percuti censuit: quin & lugeri & sepeliri vetuit, vt antea dictum est. Multû enim in eo Cæsum deliquisse, qui nec a Senatu aut a Populo, sed a seditiosis & turbulentis militibus imperium acceperit: quos si nulla ratione compescere, aut in officio retinere posset, vt in se potius sequrêt, quàm quid aduersus Remp. agerent, permittere oportuit. Vtrumque indignissimum esse, & milites sibi ipsis Imperatorem dicere: & scribam, exercitus Populi Romani ducere. Quid enim? cùm in summis Reipublicæ temporibus, etsi L. Martius Tribunus militum reliquias duorum exercituum Publii & Cnei Scipionum dispersas mira virtute collegisset, earûque suffragiis Dux creatus esset, Senatui de rebus a se gestis scribês ita incepisset L. MARTIVS PROPRAETOR: cum Patribus conscriptis hac honoris vsurpatione vti non placuit, quia Duces a Populo, nō a militibus vnquam antea creari consueuissent.

Socios non diripiendos esse.

XXXVI. Ex Xenophonte, lib. I I I. rerum
Græcarum, Thim-

T H I M B R O N dux Lacedæmoniorum, præsidio missus ciuitatibus Ionix aduersus Tissaphernem, cum domum rediisset, accusatus a sociis, quòd exercitui amicos diripiendos tradidisset, damnatus exulauit.

*Male pugnasse, quando in accusationem deduci possit:
item suis ciuibus opem non tulisse.*

XXXVII. Ex Dionysio Halicarnasseo, lib. I X.

C V M ad Cremeram vnica & sola gens Fabiorum pugnaret aduersus Etruscos, horum omnium cædis auctor fuisse T. Menenius Consul a Tribunis Q. Còsidio & Tito Genutio ad Populum accusatus est. Eum enim cum exercitu, triginta ferè stadiis ab illo oppido duntaxat absuisse, vt facillimè auxilium Fabiis afferre potuisset, tantamque tam excellentium virorum ac ciuium stragem atque interitum in summo Reipublicæ tempore prohibere. Præterea & ipsum Menenium cum Etruscis infelicitè statim postea pugnasse, magis quidem ignorantia atque imperitia sua & socordia, quàm ex infortunio & inopinato rerum euentu. Memorix patris sui Menenii Agrippæ, qui seductam Plebem in Auentinum, cum Patribus ad concordiam reduxerat, facilè concessum est, ne ideo capitis in eum anquireretur: sed pecunia certe multatus est, duobus videlicet assium millibus, quod tum temporis multæ genus erat maximum.

Graue est causam dicere ob cruentam victoriam.

XXXVIII. Eodem: & ex Tito Liuiio

deca. I. lib. I I.

S P. V.

SPVRIVS Seruilius & Aulus Verginius Con-
sules pugnaverāt aduersus Etruscos, parta qui-
dem, sed factō illius cruentissima victoria. Itaq;
Seruilio Lucius Seditius & Titus Statius Tribu-
niplebis diem ad Populum dixerunt. Eum ma-
gis temerē, quā prudenter ad vallum hostium
accessisse. Dolo, an imperitia imprudentiāve
exercitum in periculum deduxerit, perinde esse.
porro quæ crassior sit ignorantia, quā legio-
nes Populi Romani in manifestum ac non ne-
cessarium periculum adducere? Si medico impe-
ritia crimini vertitur, quāto magis Imperatori?
at in ambobus capitalis inscitia est. Pro Seruio
dicebatur, victis hostibus eum accusari nihil a-
liud esse, quā quod eos vicerit, accusari. id si
nisi cum plurium interitu acciderit, militum sa-
lutis prædem erga Deos, Imperatores habere
neminem: neque Imperia hoc pacto, hac lege &
conditione deferri, accipi, vt omnes hostes supe-
rentur, nulli militum amittantur. Res magnas
magnis semper emi periculis. Sæpe minorib⁹ co-
piis aduers⁹ maiores inita prælia. Multos præte-
reā victos cū pudore & calamitate rediisse, quo-
rū nemo infortunii pœnas dederit. satis enim iu-
stā pœnā esse, nō laudari, nec præmio affici. Iam
res non ex euentu, sed ex consilio metiendas.
Præterita repræhendere, facile & cuiusuis homi-
nis: res vero pulchras aggredi, difficile esse &
paucorū hominū. Alios signa proieçisse in con-
fertos hostes, vt segnibus & timidis militibus ne-
cessariò constaret animus, acriusque ideo pugna-
rent

rent, ne signa deferuisse viderentur. alios, pontes a tergo positos destruxisse, vt omni quàm in armis, salutis adempta expectatione, audacia cresceret. Magna detrimenta Reipublicæ afferri, si de fortuna Imperatores, vt de crimine postulabuntur. nihil ausuros eos amplius, ac summas plerumque occasiones amissuros. Omnem isto modo vini Imperii dissolui. Igitur omnibus Populi suffragiis absolutus est: neque reum vlla Tribus condemnauit.

Certe vitio suo malè pugnasse, crimen est.

XXXIX. Ex Valerio Maximo, lib. iiii. ca. ii.
Orosio, lib. iiii. cap. ix.

M A L E per infortunium pugnasse, rarò apud Romanos crimini datum est. Laus enim etiam victo Imperatori ac Duci redditur, si & prudentia, & industria & fortitudo muneribus suis functa est: sicut vel Medico, vel Oratori, vbi omni arte sua vsi sunt. Quanquam aliter Carthaginensium legibus. nam re malè gesta, Dux omnino cruci affigebatur. & Asdrubal quòd male aduersus Cæcilium Metellum pugnasset, absq̃ capitis damnatus est. Sed & illud vulgare est de Himilcone duce, quo pacto victus primo Punico bello, pœnam hanc solertissimè effugerit. Sed culpa sua male pugnasse, sæpissimè sua pœna & multa est animaduersum. Caius Cotta Publium Aurelium sanguine sibi coniunctum, quem obsidioni Liparitanæ ad auspicia repetenda Messanam transiturus præfecerat: virgis cæsum

cæsum, militiæ munere inter pedites fungi cœgit, quòd eius culpa ager incensus, & castra penè capta essent.

Et fraudulentì imperij nomine Dux accusatur.

X L. Ex Dionysio Halicar. lib. x.

Plinio, lib. 11. cap. 11.

LVCIVS Sicinius Dentatus, Senatui Patribusque semper infestissimus fuit, tamen cùm bellū ab AEquis graue immineret, Romulium & Veturium Consules educentes exercitum, cum octingentis, qui omnes alioqui per ætatem militia vacare possent, secutus est. Ibi Romulius per inuidiam, neq; tam quòd speraret hostium castra excelsò atque tutissimo loco posita inuadi posse, quàm quòd Sicinium factiosum atque inuisum Patribus mori cupiebat: eum cum sua cohorte duntaxat iubet eo tramite ascendere, quo nusquam AEqui falli potuissent. Sicinius qui iniquitate imperii hoc agi videret, vt cum suis simul ad certissimum exitium mitteretur: testatus alios antea milites, Consuli paruit. At res ita fortunate cessit, vt solus sua virtute Romanis victoriam attulerit. Ideoque Sicinius factus Tribunus plebis, cùm Romulio: Lucius Hallienus Aedilis plebis, Caio Veturio diem ad Populum dixissent: visum est graue, suis ipsius ciuibus atque militibus a Duce parari insidias. ibi vindictam odiumque exerceri cum summo periculo totius exercitus, vbi summa concordia mutuoque parendi & imperandi officio maxime opus

mè opus est. Pecunia tamen, non capite lis æstimata est: quia constabat, eis priuatim cum Sicinio nullas fuisse inimicitias. præterea iussus atque imperium Consulum, optimè & e Republica cesserat: vt aliter etiam mens eorum accipi atq; interpretari posset. quod in caussa Sicinii fecissent, consilio fecisse, non dolo malo. Denique in bello, omnia imperia eò sæpe clariora, quò cum maiore periculo coniuncta sunt. Sed aliquid ea liuoris odiue habere permixtum, indignum esse v isum est Populo Romano: indignum item Senatui. itaque nec ab eo Consules triumphum impetrarunt.

Pacem turpiter inire, crimen est.

X L I. Ex Valerio Maximo, lib. v i. cap. i r r. **M A R C V M** Claudium, Senatus, Corfis, quia turpem cum iis pacem inierat, dedit. eundem ab hostibus non acceptum, in publica custodia necari iussit.

Quo minus præda æque diuidatur, aut ex Imperatoris arbitrio, nihil dolo malo committi oportere.

X L I I. Ex Plinio, de viris illustribus.

M A R C V S Curius Dentatus, cùm interuersæ pecuniæ argueretur, cadum ligneum quo vti ad sacrificia consueuerat, in medium protulit, iurauitq; se nihil amplius de præda hostili in domum suam conuertisse. Si iureiurando Curii actio decisa fuerit, aut aliis etiam rationibus, nō constat. Sed proculdubio refert nostri temporis militibus, Equitibus scire, se tantum ab illa
veteri

veteri abesse disciplina, quantũ me herculẽ
distat a vitio Virtus.

Præda quo modo sit diuidenda, & inter quos.

XLIII. Ex lib. i. Regum, cap. xxx.

& ex Iosepho, lib. vi.

VICTIS a Dauide Rege Amalecitis, de præda
contentio fuit inter eos milites qui prælio cer-
tauerant, cum iis qui præ cæteris fessi longo iti-
nere, iussi erant in castris subsistere. Nolebant
qui certamini adfuerant & qui Dauidem secu-
ti erant, quorum vi, viribus, ac virtute hostes
fusi fugatique essent, aliis quicquam vt otiosis,
& qui ad victoriam nihil contulissent, prædæ di-
stribui. Nam iniquum esse, quod sanguine suo
quæsiissent, huius fieri participes, qui intra
castra securi quieuiissent. At hi contra, & si fa-
tigati quidem, tamen non sua volũtate, sed ius-
su & imperio Dauidis in castris remansisse. Præ-
terea non minore præmio dignos esse, qui inte-
rim dum alii certant, totius exercitus sarcinu-
las, impedimenta, conmeatus in castris custodi-
unt, obseruant, atque ipsa adeo castra, perfugiũ
victis, victoribus tutum ac iucundum solatiũ.
Rex decreuit prædam æquẽ diuidi: atque im-
posterum semper apud Iudæos ita obseruatũ
est.

De iurisdictione militari: & de caligatis iudicijs.

XLIIII. Ex Dione Nicæo, lib. xlviii.

N I H I L mirum est, milites totosque exercitus
inter

inter Duces suos & Imperatores iudicasse ac cognitionem suscepisse: cum ius dicendi Imperatoris, quod ad Senatum Populumque Romanum pertinebat, postremò sibi vindicarint. Cuius rei est exemplum, quòd cum absente Marco Antonio & in Aegypto commorante, Fulvia Marci, & Lucius Antonius frater, aduersus Octaviū iurgia pleraque cierent, quæ ad arma vsque & novos tumultus ventura esse videbantur, idque omnino committerent aduersus eas pactiones, quæ simul cū M. Antonio, Octauio, Lepido conuenerant: horumque iurgiorum nomine, iudicium Senatus Lucius & Fulvia subire noluisse: ipsi milites ac veterani omnes tædio bellorum ciuiliū, Romam quasi comitiorū causa profecti, causæ cognitionem susceperunt. Nihil detrectante Octauio militare atque caligatum iudicium, absentes Luciū & Fulviam citari iussit exercitus. Hos, quia adesse recusarunt, iniuriarum damnari placuit, ac nisi pactis stare vellent (quæ iussere milites in æde Vestæ obsignari) eis iure ac lege bellum indici, hostesq; iudicari.

DE DECVRIONIBVS ET FILIIS EORVM, TIT. XLVII.

Sufficit ingenuū natum esse, vt quis Decurio esse possit.

I. Ex Iulio Paulo, lib. I. decretorum.

CVM quis probaretur in seruitute patris sui natus, sed matre quidem libera: ciues eum quo minus Decurio fieret, prohibuerant. Itaque
re de-

re delata ad Seuerum Imperatoré, licet id propterea dicerét municipales se fecisse, quò spurios arcendo a muneribus & honoribus, parentes legitimas sequi nuptias, continentisque esse, hac qua vnusquisq; est erga suos pietate & solitudine, cogerentur. præterea, & quòd minus sordidum id ordini futurum esse existimassent. Nihilominus quia filio innocenti, patris delictū pœnæ esse: eiusque dignitatem impediri, qui nihil admisit, durius quodammodo atq; inhumanius est: pronúciauit, Qui sit ex libera muliere procreatus, hunc si re & vita honesta est, non prohiberi quin in sua ciuitate Decurio fiat. Nam & onus cum dignitate coniunctum esse: vt si per huius priuationem, quasi pœna aliqua plectitur: in illo certè ob immunitatē, præmio beneficioque affici videatur. est enim immunitas, priuilegium, non pœna. Denique non semper quid tam decorum & honestum, quàm quid vtile sit, considerandum.

DE MVNERIBVS ET HONORIBVS, TIT. XLVIII.

Aduersus eos qui munera patrimonialia detrectant, quod fuerit Atheniensium institutum.

I. Ex Isocrate. in oratione *περὶ ἀγλιδοσύως*.

AThenis recenti ciues opulētissimi, & qui oneri ferendo essent, deligebantur, qui Trierachi, ab instruendis triremibus pro Patriæ defen-

defensione dicebantur. Ideo verò opulētissimi: quia patrimoniale esset hoc munus, suisq; sumptib⁹ Trierarchis naues præparare necesse fuit. Attamen si quis erat, qui diceret se propter facultatum mediocritatem, imparē oneri esse: ita excusabatur, si alium ex reliquis ciuibus, se opulentiozem esse indicaret. huic enim incumbabat, aut munus omnino subire, aut si se cōtrā in minoribus facultatibus esse cōtenderet, quā ille sit qui vt assiduus atque idoneus electus erat: fortunas suas omnes cum illius opibus cōmutare. ita enim fore, vt falsā inopiæ occasione, quisquā debita Patriæ munera prodere ac deserere audeat. Hæc actiō *πρὸ τῆς ἀντιδόσεως* appellabatur. Igitur cū ea Lysimachus aduersus Isocratem in iudicio contendisset, Isocratis Trierarchiæ munus esse Iudices pronuntiarunt.

Duos ex vna familia viuo vtroque in Senatu esse non licere.

II. Ex Iulio Cæsare, Cōmentariorū lib. VII:

ARVD Heduos cū singularis magistratus antiquitus creari, atque Regiam potestatem annum obtinere consueuisset: attamen duo magistratum gerebant, & se vterque dicebat, legibus creatum esse. Horum alter erat Cōiūctolitanes florens & illustris adolescens: alter Corus antiquissima familia natus, summæ potentix, & magnæ cognationis: cuius frater Vadetiacus, proximo anno eundem magistratum gessisset. Itaq;

C

propter

propter hoc dissidium ciuitas omnis erat in armis, diuisusque & Senatus & Populus, & eorum cuiusque clientelæ. Ergo quia legibus Heduorum, iis qui summum magistratum obtinerent, excedere ex finibus non liceret: ne quid de iure aut de legibus eorum diminuisse videretur, & quòd magni faciunt omnes Prouinciales atque municipes, sibi suas seruari consuetudines ac prærogatiuas: Iulius Cæsar eò ipse profectus est rem iure ac legibus terminaturus. Cùm itaque omnis prope ciuitas conuenisset, atque Cæsar didicisset, paucis clam cõuocatis, alio loco, alio tempore atque oportuerit, fratrem à fratre renunciatum esse, cùm leges duos ex vna familia viuo vtroque non solum magistratus creari vetarent, sed etiam in Senatu esse prohiberent (vt ite nostræ leges, sed perpetuo vanæ) Cõtũ imperium deponere coëgit: Conuictolitanem qui per Sacerdotes more ciuitatis, intermissis magistratibus creat⁹ esset, potestaté obtinere iussit.

Premia virtutis, non nisi dignissimis, atque rarò concedenda.

III. Ex Aeschine, contra Ctesiphontem.

HONORES, præmia, coronas, præconia, passim vnicuique aut multis profusè decernere, periculosum esse, atque statum Reipublice corrumpere, veteres omnes sapientissimi iudicarunt: quia his potissimum rationibus sublata virtutis æmulatione, nihil ampli⁹ est, cur boni, meliores: meliores, optimi esse velint, dum nõ pro magna gratia

gratia est, quod æquè probis, æquè improbis publicè conceditur. imò certe hoc improbis, fiduciam & arrogantiam: probis, desperationem & indignationem parit. Præterea nihil ad iuniorū eruditionē deterius inueniri potest. quales enim laudari præmiisque affici audiēt, tales omni studio euadent, neque quicquam proficient in contrarium pia patrum instituta & dogmata. Itaque leges fuere Athenis, vbi, quando, quam ob causam, & a quibus corona præconiove quis donāduſſet. Has leges cū Thraſybulus Stiriensis e Phyle rediens violasset: ab Archino Cæleo, Violatarum legum accusatus & peractus est, quanquam recētibus eius beneficiis, quibus exules reduxerat. Existimabant enim Athenienses se denuo expelli ab eo a quo reducti essent, si aliquid ei legibus contrarium decernere permitteretur impunè. Atqui apud nos ex consuetudine magis, quàm meritò ac cōsultò nunc honores tribui cernimus: neque ob id quòd hic aut ille præ cæteris emineat virtute ac disciplina militari: sed quia tribuendis honoribus dicatus est dies. itaq; sinere hunc abire sine honore dando, esset veluti diem perdere.

Neminem honorandum, priusquam administrationis rationem reddiderit. Qui sint obnoxij reddendis rationibus: certe & qui nihil acceperit, hoc ipsum profiteri debet. Decretum niti vera ratione oportere. Qui sint magistratus, vel non.

IIII. Ibidem, & ex Demosthene, pro corona,

ex Plutarcho, Libanio, aliisque autoribus.

DEMOSTHENES Athenis curator datus muris reficiendis, eos cum pecunia sua refecisset, nullis officii relatis rationibus, Ctesiphon scitum Populi fecerat, ut corona aurea donaretur: eaque donatio fieret in theatro, Populo conuocato, ac præsente omni Græcia, sub hoc titulo, EA CORONA DONARI DEMOSTHENEM VIRTUTIS ERGO BENEVOLENTIAEQUE, QVAM ERGA POPVLYM ATHENIENSEM HABERET. Aeschines Ctesiphontem ideo Violatarum legum accusauit, quod contra leges rogationem tulisset, quibus cauebatur, ne quisquam Populi scitum faceret, ut quis corona donaretur in magistratu, priusquam administrati officii rationes retulisset. quod adeo sanctè obseruari placuit, ut ei qui rationes non reddiderit, neque peregrè proficisci, neque facultates suas consecrare, neque donaria Diis offerre, nec legare, nec in alienam familiam transire, & aliū honorē in Republica subire (quod etiam ab Antonino Imperatore rescriptum est, Tit. de Debitoribus ciuitatum) non liceat. Item quod contra eam legem fecerit, quæ iubet eos qui corona donantur, in concione donari, non in theatro, non in conspectu totius Græciæ. Denique quod falsa in decreto adscripserit (quod etiam lex vetat) nam falsum esse quod de virtute Demosthenis adscripserit: quoniam nec vir bonus esset, nec bene meritus de Republica.

Demosthenes pro Ctesiphonte, aut adeò pro se sub

se sub persona Ctesiphontis, respondebat: Se non fuisse in Magistratu: quia exactio atque instructio murorum, non in officio & magistratu posita est: verum in nudo ministerio & curatione duntaxat. Eos magistratus appellari, quos Sexuiri in Thesei templo sortito distribuunt: quibusque Populus suffragio suo in comitiis imperia, equitatus decernit. Præterea ut hoc, Muros reficere, magistratus esse videretur: tamen se de suo muros refecisse, nec quicquam de publico accepisse: ergo non fuisse obnoxium reddendis rationibus. Nam expensi tabulas, rationes & inquisitores: donationem autem, gratiarum actionem atque laudationem postulare. Atqui ob liberalitatem in Rempublicam, & plures alios coronatos esse, Nausiclem, Diotimum, Charideum, Neoptolemum. Cæterum quod de concione aut theatro affertur ab aduersario: aliam legem esse, quæ ibi coronam promulgari iubet, ubi Populus voluerit, iusserit. certè ut in theatro & ludis solennibus donaretur, impetrasse. De sua virtute ac benemeritis erga Rempublicam, habere se testem ac iudicem vniuersum Populum Atheniensem. Etsi replicabat AEschines, nihilominus fuisse Demosthenem reddendis rationibus obnoxium, quanquam pecuniam publicam non tractasset: nam & Sacerdotes & Præcones, & triremiû Præfectos iuberi rationes reddere, licet pecuniam publicam non tractent. Præterea lege ipsa nominatim contineri de iis qui nihil ex publico vel sumpserunt;

vel insumpserunt, vt hoc ipsum inscribere ac profiteri teneantur, se nec sumpſisse quicquam e publico, nec insumpſisse. Denique quod a Populo concedi solet, vt corona in theatro proclametur, tum fieri, cum ab aliis ciuitatibus, sociis, aut foederatis, cui Atheniensi corona præmio datur: non cum a Populo ipso. tunc enim designatum esse locum vbi id fieri debeat. Attamẽ reus dimissus est Ctesiphon, vrbeque vt calumniator pulsus est accusator, quia verum erat hanc eum accusationem suscepisse non tam puniendi Ctesiphontis, quam Demosthenis insectandi & vlciscendi caussa, a quo ipse antea malè obitæ legationis damnatus esset.

Ius triumphi, solo Imperatori aut Duci competere, non etiam Prætori, Tribuno aut militi, cuius virtus ad victoriam potissimum valuit. Iudicem interrogationibus maxime ad veritatem accedere.

V. Ex Valerio Maximo, lib. i. r. cap. i. i. r.

LUCTATIVS Consul & Quintus Valerius Prætor, circa Siciliam, insignem Pœnorum classem deleuerant: quo nomine Luctatio Consuli triumphum Senatus decreuit. Cum autem Valerius sibi eum quoque decerni postularet, negauit id fieri oportere Luctatius, ne in honore triûphi minor potestas maiori æquaretur, Prætor Consuli: pertinaciusque progressa contentione, Valerius sponſione Luctatiû prouocauit,
 NON SE PETITVRVM TRIUMPHVM,
 NISI SVO DVCTV PVNICA CLASSIS
 ESSET

ESSET OPPRESSA, nec dubitauit restipulari Luctatius. Itaque iudex inter eos conuenit Attilius Calatinus: apud quem Valerius egit in hunc modum: Consulē ea pugna in lectica claudum iacuisse: se verò omnibus functum Imperatoris muneribus. Tunc Calatinus, priusquam Luctatius dicere inchoaret, *Quero* (inquit) Valeri abs te: Si dimicandum necne esset, contrariis inter vos sententiis dissidissetis: utrū, quod Cōsul, an quod Prætor imperasset, maius fuerit momentum habiturum? Respondit Valerius, Non facere se controuersiam, quin priores partes Consulis essent futuræ. Age deinde, inquit Calatinus, si diuersa auspicia accepissetis, cuius magis auspicio staretur? Item respondit Valerius, Consulis. Iam mehercule, inquit, cū de imperio & auspicio inter vos disceptationem susceperim, & tu utroque aduersarium tuum superiorem fuisse fatearis, nihil est quod vltius dubitem. Itaq; Luctati, quamuis adhuc tacueris, secundum te litem do. Equidē Valerius dignum præmium virtute sua petere videbatur, sed non legitimum. Semper enim amplissimus honor, qualis est Triumphus, ei debetur summo Imperatori, cuius mens & consilium, vel si in lectica iaceat, aut sola vincit, aut vincitur. Primam victoriæ causam in occasione esse, comodissimoq; tempore aut pugne incipiendæ, aut cohibendæ: quæ omnia sint penes Cōsulem aut Imperatorem, non penes Prætorem aut Tribunum. Alia, sanē præmia fortium virorum esse, quæ per gra-

duſ, ad deterioris uſque militiæ militem & funditorem, tribuuntur: ſed quæ ipſius ſunt Imperatoris aut Conſulis, nunquam: niſi (vt Dion Ni-
cæus ait lib. XLV. III.) ex ſententia eius qui ſummâ imperii obtineret. Nā & hoc mali exem-
pli eſt, ne quos dicto audientes eſſe neceſſe eſt,
dum alienam gloriam ad ſe trahere cupiunt, al-
liud per ſe atque iniuſſi moliantur.

Triumphum mereri, qui hoſtes vicerit.

V I. Ex Tito Liuiο, deca. I III. lib. V III.

& ex Plinio, de viris illuſtribus.

CNEO Manlio Volſoni Proconſuli de Antio-
cho & Gallogræcis triumphum a Senatu poſtu-
lanti: decem Legati qui cum eo miſſi fuerant ad
ordinandam Scipionis Aſiatici prouinciam, cō-
tradixerunt. Legatos ſeſe Cneo Manlio datos
pacis cum Antiocho faciendæ cauſſa, fœderiſq;
& legum ferendarum. At Cneum Manliū ſum-
ma ope contendiſſe, vt eam pacem cōturbaret,
& Antiochum, ſi ſui poteſtatem feciſſet, inſidiis
exciperet. Gallogræcis bellum intuliſſe neque
ex Senatus ſententia, neque Populi iuſſu: cum
antea (quod moris & religionis erat) nec Legati
miſſi, nec res repetitæ, nec amādati qui bellum
indicerent. Ab infinitis aliis populis ſtipem
ac mercedem accepiſſe, vt exercitum ab eorum
finibus abduceret, quò nullo iuſſu, nullo iure
belli adduxerat. Nec quidem prælium ipſum cū
Gallogræcis, æquo loco & tempore ſuo geſtum.
Quòd vicerit, magna fortuna Populi Romani
factum

factū esse. etenim ad eius terribile nomen, atq;
recentem Annibalis, Philippi, Antiochi ruinā,
consternatos & attonitos hostes, cito aufugisse.
Nam qui se hostes vicisse dicat, eundem latrū-
culos Thracas, cū in eos incidisset, ferre ac su-
stinere non potuisse. Certe de his hostibus triū-
phum postulari non debere, quos nec Senatus,
nec Populus dedisset: quibus ipsis nedū ad præ-
sidium aliquod, bellum nunciatum non esset. Et
si iacturam religionis fieri placeat, tolli fœcia-
lia iura, nullos esse Fœciales: at certe ab iis tri-
umphū impetrari non posse, quibus auctoribus
bellum gestum non fuerit. Manlius respondit
Tribunos plebis suæ petitioni non aduersari,
quibus, non Legatis, intercedendi ius sit. Le-
gatos dispensandæ cohonestandæque victoriæ
caussa Imperatoribus datos a maioribus, non
vt eis pro aduersariis vteretur. Negari nō posse.
cum centum millibus ferocissimorum hostium
sæpius se collatis signis decertasse: plus quā
quadraginta millia hominum cepisse aut occi-
disse. Reuera a Senatu se non postulasse, vt Gal-
lis qui in Asia essent, bellum inferret, quia ab
iis quibus successisset Imperatoribus, (hī L. & P.
Scipiones erant) eos hostes accepisset, nō fecis-
set. Quinimo vbi Senatus cū Antiocho bellum
decreuit, & Populus iussit: simul & decreuisse ac
iussisse cum iis qui inter eius præsidia fuissent.
Cæterum in exercitu Antiochi, Gallorū legio-
nes fuisse. Pace facta cum Antiocho, aliisq; om-
nibus qui cum eo fuissent, reliquos mansisse Gal-
los

los: quos posteaquam indomitos atque implacabiles vidit, vi atque armis censuit esse coercedos. Quod de ratione gesti belli obiicitur, iniquum esse calumniæ subicii, quæ Dii prospero euentu comprobarunt. Ad Thermopylas æquone loco M. Attilium cum Rege Antiocho pugnassee? Num Philippum iuga montium tenente, T. Quintium deiecisse? Cæcam inuidiã esse, nihil quicquã aliud scire, quàm detrectare virtutes, corrumpere honores, ac præmia fortium virorum. Facere ac præstare non potuisse, ne alicubi notis sibi latebris delitescerent latrones Thraces, nec vt non quid sarcinarum raperent. Placuit cum sine exemplo esse diceretur, vt Imperator q̄ perduellib⁹ deuictis, cõfecta Prouincia exercitum reportasset, sine curru & laurea priuatus inhonoratusque Urbem iniret: triumphum Cn. Manlio decerni.

DE IVRE IMMVNITATIS

Tit. XXXIII.

Cessant omnes immunitates, vbi non extra patriam bellum geritur, sed ex patria ipsa arcendus est hostis.

I. Ex Tito Liuiο, lib. vii. deca. ii.

Cum Pœnus esset in Italia, minusque iuuentutis haberet Romani duces, vnde scriberent milites: colonos maritimos milites dare, ac subuenire communi periculo, cogebant. His, quia sacrosanctam vacationem habere se allegabant, dies certa edicta est, vt quo quisque iare vacationem haberet, ad Senatum deferret.

Ea

Ea die venerunt Hostiensis, Alifanensis, Antias, Auxuras, Minturnensis, Sinuessanus, & a supero mari Senensis. At cum unusquisque Populus vacationes suas recitaret, quas ideo quidem sacro sanctas esse nuncupatas apparebat, quod maritimis incursionibus, oræque Italiæ perpetuò intentas colonias, nefas esset aliò euocare, aliisq; muneribus onerare: aut ita certe fidem eis Populo Romano fallere licere, quo modo antiqua sua privilegia violasset: nullius tamen, cum in Italia hostis esset, præter Antiatis Hostiensisq; vacatione observari placuit: earumq; coloniarum iuniores nomina dare iureiurando adacti sunt.

In summa Populi penuria, & quandiu durat necessitas, etiam violari iura privilegiaque Sacerdotum.

II. Ex eodem, lib. I I I. decade. I I I I.

PENSIONEM pecuniæ collatæ in bellum Macedonicum, priuatis solui placuerat. etenim satius esse, quanquam in summa ærarii penuria fidem publicam unicuique ciui Reipublicæ mutuanti & opitulanti conseruari, quàm hostem vincere. Igitur Quinto Fabio Labeoni, & Lucio Aurelio Quæstoribus Urbanis visum est, ab omnibus Sacerdotibus hanc pecuniam exigi commodius esse, quòd stipendium nullum hoc toto ac tanto bello còtulissent: quàm a cæteris quorum iam pars maxima oneri ferendo esse desisset. Sic magna cum Curionibus, Flaminibus, Auguribus, Saliis, Fœcialibus, Pontificibus aliisq;
hoc

hoc genus hominibus, contentio atque altercatio fuit: dum hi antiqua sua & sacrosancta priuilegia atque immunitates vel a Numa ipso, primisque Consulibus identidem repeterēt: Quæstores ex aduerso, necessitatem eos iuberēt accusare, cæterum aut conferre, aut multam pati. Ergo Tribunos appellarunt. Pronunciatum est, Sacerdotes nequicquam Tribunos appellasse. omniumque annorum per quos non dederant, ab iis stipendium exactum est.

Augures a iudicandi munere vacationem nõ habuisse.

III. Ex Cicerone, in Bruto.

Cum de vacatione Augurum in Senatu ageretur, iudiciis ne operam darēt: Q. Aelius Tuberus contra P. Africani auunculi sui testimonium iudicauit, vacationes Augures quo minus iudiciis operam darent, non habere. Non enim Augures eiusmodi sacerdotium nactos esse, ut nunquam ab eo discedere sine religione nõ possint.

DE LEGATIONIBVS Tit. XXXIII.

Legatum, ab eo ad quem missus est munera accipere, neque Regis sui dignitatem, locum, auctoritatem conseruare, capitale esse.

I. Ex Demosthene, Philippica, III. Plutarcho, in Pelopida: & ex Valerio Maximo, lib. VI. capite. III.

AD Regē Persarū Artaxerxē legatus venit Timagoras, missus ab Atheniēsis. Hic, cum alii Lacedæmoniorum atque Thebanorum

rum legati, a Regiis muneribus abstinuissent: solus inter officium salutationis, Regi more gētis adulatus, ad auaritiam vsque, & infamem cupiditatem, auro, argento, vasis argenteis, lectis, supellectile, aliisque plurimis donis onustus plenusque abierat. Accusatum, Populus Atheniensium extremo supplicio condemnauit. Puras enim manus & abstinentes Legatū habere oportere: qui, vt mulier quæ a non marito accipit, turpis quæstus atque impuditiæ: sic proditionis malæque obitæ legationis notam ac suspicionem non euitat, dum alterius apud se, quàm Reipublicæ suæ, patitur amicitie fideique pignora collocari. Nunquam esse in auaritia & cupiditate fidem atque cōstantiā. Si qui sint qui munera inuiti acceperint, hos ea priusquam legationē referrent, in ætarium detulisse. Postremo ita humiliter & abiectè Regi Persarum blandiri & adulari, id fuisse, maiestatem Atheniensium minuere, vrbisque decus veluti Persicæ dominationi summittere.

II. Ex Athenæo, lib. v r. cap. v r.

Idem de Euagora narratur. præterea & Demadem decem talentis multauisse, quòd Alexandrum in legatione pro Deo habuisset. At in eo genere grauius omnium deliquit Epicrates, què ideo tamen nemo accusauit.

Qui legatos violauerit, hunc dedendum esse hostibus, præterea licere vim vi repellere.

III. Ex Dionysio Halicanassæo, lib. i r.

Cum

CVM Laurentum legati Romam venissent expostulatum de Tatii Regis amicorū & familiarium latrociniiis, abigeatu, furtis, omnique iniuriarum genere: etsi dedendos noxios esse Romulus existimabat: gratia tamen & potentia Tatii factum est, vt nullo æquo iure impetrato discederent. Iidem in quos expostulatū aduenissent, eos abeuntes trucidarunt. ideoque missa tum a Laurentibus altera legatione, cū noxios iis Romulus dedidisset, hos persecut⁹ Tattius vi reduxerat, ac nonnullos sibi repugnantes occiderat. Cuius facti indignatione, cū paulo post Rex ipse Tattius a Laurentibus per insidias necatus esset, Romulus & de Romanis qui Laurentum legatos violassent, & de Laurentibus qui in Tattium conspirassent, ipse in iudicio amplissime cognoscens, tandem ita pronunciauit, Placere Romanis, qui Ius gentium violassent, aqua & igni interdici: Laurentes, quia violenta violētis vlti essent, eamque iustissimam & ante omnia naturę conuenientem facti excusationem afferre videbantur, crimine absolui. En quanti est summum Regem ac Principem, a quo ius, iustitia, auxiliumque expectari debeat, hanc subditis suis denegare velle.

IIII. Ex Tit. Liuiio, decade. IIII. lib. VII. ex epitome Liuiana, lib. XV. & ex Valerio Maximo, lib. V. cap. VI.

SI quis legatum hostium pulsasset, contra Ius gentium id commissum esse, semper existimatū est

est: quia sancti habentur Legati, ideo quòd conueniens & vtile est hominibus, non immortales esse inimicitias: quare inuiolabiles esse oportere, per quos de amicitia & fœdere tractaretur. Itaq; cum qui legatum pulsasset, dedi hostibus quorum erant legati, sicque publicè eis satisfieri, vtilius esse, plerumque responsum & iudicatum est, quàm alioqui iusti belli occasionem læsæ ciuitati concedere. Non alia ratione Corinthum dirutam, neque institutum a Romanis Illyricum bellum. Igitur M. AEmilio Lepido, L. Flaminio Coss. L. Minutius Myrtilus, & L. Mælius, quòd legatos Carthaginenses pulsasse dicebantur: iussu Q. Terentii Prætoris vrbis per Fœciales traditi sunt legatis, & Carthaginem aduecti. Cùm etiam legatos ab vrbe Apollonia Romanam missos, Q. Fabius, Cn. Apronius AEdiles orta contentione pulsauissent: eos Senatus continuo per Fœciales legatis dedit, quæstorèq; decreuit cum his Brundisium proficisci, ne quâ in itinere a cognatis deditorum iniuriam acciperent.

Legatum prauaricari, & priuatim dissuadere id ad quod persuadendum missus est, atrocem pœnam meretur.

IIII. Ex Plutarcho, in Lucullo.

METRODORVS Mithridati Regi (qui tãdem a Lucullo & Põpeio Magno deuictus est) adeo charus & familiaris fuit, vt Regis parentē eum appellarent. Hunc Mithridates ad Tigranē regem Armeniæ delegauerat, in bello quod aduersus

sus Romanos suscipiebat, cum eo fœdus ac societatem ineundi causâ. Tigrani periculosum videbatur, tã potentes hostes prælio laceffere: imò verò tutius atq; vtilius esse, his amicis quã inimicis vti frui. & ea de re consulebat ipsum Metrodorum. At ille respondit, se vt legatum, suadere: vt Metrodorum, dissuadere. Huius rei nomine longo post tempore delatus ab ipso Tigra-
ne Rege, capite pœnas luit: quanquam id fecisse se diceret, non odio Mitridatis, sed quò Tigra-
nis auxilio destitutus, bellum illud ommitteret, quod vel iunctis iis sociisque graue, periculosum ac postremo exitiosum futurum esse præ-
uidebat.

DE ADMINISTRATIONE RE-
RVM AD CIVITATES PERTI-
NENTIVM Tit. xxxv.

*Legatum transferre nõ permittitur, si non sit illicitum.
præterea Principem optimum, iudicium suum legi-
bus Senatuique summittere.*

I. Ex Suetonio Tráquillo, in Tyberio. ca. xxxi.

Quidam Reipublicæ Trebianorum pecuniam in opus noui theatri legauerat. hãc Trebiani ab Imperatore Tyberio postulabant, vt ad viæ munitionem sibi transferre permitteret. satis operum ciuitatē habere. itaq; commodius esse, pecuniam quæ in opera noua legata sit, in tutelam & refectionem eorum operum quæ sunt, conuertere, quàm ad nouum inchoandum

choandum opus, erogare. Verùm ex aduerso, testabatur hæres pecuniam se condicturnum, ni Trebiani parerent testatoris voluntati. Etenim quod ad certam speciem ciuitatis relinquitur, in alios vsus consumi non licere: sed toties sequédam esse defuncti voluntatem (quæ semper potissima esse debet) cùm in id quod liceat celebrari, neque sit in ciuitate fieri prohibitum, pecunia relicta est. nihil hìc quod non liceat, legato contineri. Censebat quidem Imperator id Trebianis concedendum. victus tamen consilio & auctoritate Senatus, pronunciatum est, Ratam videri testatoris voluntatem esse oportere.

Quæ ad voluptatem & lasciuiam magis, quàm ad ornatum Reipublicæ relinquuntur, admitti non debent: imò si admissa fuerint, tolli oportet.

II. Ex Caio Plinio Nepote, li. IIII. epistolarũ.

G Y M N I C V S ἀγὼν apud Viennenses ex cuiusdam testamento celebrabatur. hunc Trebo-
nius Rufinus in Duumviratu tollendum abolendumque curauerat: Cùm negaretur ex auctoritate publica fecisse, eumque restitui hæredes postulassent: egit ipse causam suam apud Traianum Imperatorem, C. Plinio Nepote in consilium adsumpto. Dicebat, eas potissimum liberalitates priuatorum hominum, esse omni Reipublicæ valde suspectas, quæ cinitati nullũ ornatum, nullam vtilitatem: plebi solam duntaxat voluptatem atque delectationem afferat:

D qualia

qualia sunt, venationes, spectacula, aliaque huiusmodi certamina. His apprimè muneribus abduci, trahi, compelli ciuium animos. quam vim atque auctoritatem qui sibi parare cupit, necesse est cum aliquid magnificentius sentire de se. Præterea accidisse (quod perpetuò solet) vt hoc nudo & impudico certamine, propter ocium & voluptatem, mores Viennensium inficerentur. Placuit agona tolli.

DE DECRETIS AB ORDINE
FACIENDIS, Tit. XXXVI.

Decreta Decurionum post viginti annorum spatium impugnare non licet.

I. Ex Plinio Nepote, lib. x. epistolarum.

IV L I O Pisoni Cómune Amisenorú publicè atque ante viginti annos, cum omnium decreto, quadraginta millia de publico dederat. Actor municipum a Pifone apud C. Plinium Nepotem pecuniam cõdicebat. etenim largitiones de publico fieri, siue prædia, siue ædes, aut certa quantitas præstetur, mandatis prohiberi nihilque valere huiusmodi decreta, vt ambitiosa. Pifo contrà, plurima se in Rem publicà beneficia contulisse, ac propè facultates vniuersas eò erogasse proponebat. addebat etiam temporis spatium: & postulabat, ne id quod pro multis suis beneficiis, & longo iam interuallo accepisset, cum euersione reliquæ suæ dignitatis restituere cogeretur. Si largitiones omnes, nulla tē-
poris

poris prærogatiua, retractâri atque in irritum vindicari placeat, fore vt multorum securitas subuertatur, nihilq; certo & optimo iure quisq; possideat. Hic, non tam largitionem fuisse, quàm salarium, quàm remunerationem: quæ certe a Republicâ ex iusta causa constitui possunt.

Ex rescripto Traiani Imperatoris pronunciauit, Quæ ante viginti annos acta & trãfacta essent, ea vtî sunt, omitti oportere.

DE OPERIBVS PVBLICIS,

Tit. XXXVII.

Opus publicum a quibus priuatis nomen habet, sine eorum voluntate mutari aut corrumpi non posse.

I. Ex Plutarcho, in Catone Vticensi.

MA R C V S Porci⁹ Cato cùm Censor esset, Basilicâ Porciâ ædificauerat. In ea tãdem sedebant Tribuniplexis eos audituri, a quibus auxilium suum peteretur. Sed quia tribunali columna aliqua officiebat, hâc ideo tollere parabant, aut aliò transferre, ni ad Populum Cato Vticensis interdicto certauisset. Nam id familiare, suum ac gentilitium opus esse (vt Andium portus A Erodus, noster est) hinc se inuito nihil cuiquam tollere, immutare, transferre licere. Etenim si licebit, fore vt imposterum reuocentur similes ciuium in Rempub. liberalitates ac munificentia. Præterea, facillimè Tribunorum sedem alibi reperiri & collocari posse: at non ita columnam adimi, sine reliqui operis vel

ruinæ metu, vel deformitate: cuius tamen in Vrbe vitandæ causa Decemviri adeo tigni vindicatione sublata, aliisque modis olim prospererant. Quòd si sacrosancti sunt Tribuniplebis, multumque pro potestate sua possint: hac in id quod publicum, sanctum & inuiolabile sit, abuti nõ debere. nam Basilicam Porciam vt̃ nunc est vt̃ ita sit, totius etiam Populi referre maximè: cum id quod postulant Tribuni, sua intersit modo. Igitur Populus columnam a Tribunis separari vetuit, noluit.

DE EXTRAORDINARIIS
COGNITIONIBVS, ET SI

Iudex litem suam fecisse dicetur,

Tit. XXXVIII.

Professoribus, Philosophis, Poetis nihil tractandum in publico, quod animos in deteriorem sententiam possit trahere.

I. Ex Herodoto, lib. VI. & ex Plutarcho, in Politicis, & Ammiano Marcellino, lib. XXVIII.

PHRYNICHVS poëta post Miletī oppidi expugnationē, Atheniensibus hinc sumpto argumento, comœdiam exhibuit. Cūm fleuisset Populus mirum in modum facti recordatione: dies dicta est Phrynicho poëtæ. Huic Iudices quòd insolenter præteritas miseras ac calamitates scenicis fabulis annumerasset, luctumque publicum in animos audientium memoriāq; reuo-

reuocasset tum, cum etiam hilarioribus rebus potius occupandi essent: frustra scenæ libertatem & antiquam licentiam proponenti, nihilq; a se dolo malo factum: litem nihilominus mille drachmis æstimarunt: censitumque ne ea vnquā denuo Populo daretur spectāda comœdia.

II. Ex Valerio Maximo, lib. VIII. cap. IX.

HEGESIAS Cyrenaicus philosophus tantum valebat eloquentia, vt cum sæpius mala huius caducæ ac miserrimæ vitæ, vel docendo vel declamando repræsentaret: miseranda imagine audientium inserta pectoribus, multis voluntariæ mortis appetendæ cupiditatem ingeneraret. Id ei sine fraude fuit, quod ab eo dolus malus abesse videretur. tamen Ptolemæus Rex Aegyptiorum ne posthac Hegesias de hac re publicè differeret, prohibuit.

Opera ludicra ludicra merces.

III. Ex Plutarcho, in Demetrio.

IN AEGYPTO quidam fuit adolescens Thomidis amore meretriculæ miserè deperditus: quæ cum adeo grandem pecuniam posceret, vt ea se nunquam potiri posse magna cum animi anxietate & ægitudine desperaret: accidit tandem vt ex nimio & assiduo desiderio, id ei somnium atque nocturna cogitatio præstiterit, quod tandiu frustra efflagitabat. eoque insomnio factum est, quasi rebus ipsis & factis expleta libidine, vt desineret meretriculam sollicitare ac per-

sequi. Verùm hæc quidem non turpiter, cùm esset meretrix, sed insolenter, adolescentem in ius vocat: postulat mercedem imaginarii huius ac simulati concubitus. Nam perinde esse, aut secum, aut sui contemplatione, amoris & concupitæ voluptatis fructum habuerit. Ille contra, rem nouam ac inauditam esse. Itaque Bocchoris noui iudicii arbiter, iussit adolescentem, in ius tantam pecuniam repræsentare, quantum ab eo meretricula petierat. Paruit, attulit. Hanc tum ea præsentem, versari, dinumerari, appendi, sed ab adolescente retineri iussit, vt sic imaginariæ voluptati ficta & imaginaria solutione satisfaceret: necnon esset illusio illusioni merces.

Apud Athenienses actio fuit, Legum male latarum. & nunquam ea lex valere potest, quæ aduersus Scholarum libertatem lata est.

IIII. Ex Diogene Laertio, lib. V. in Theophrasto.

436 SOPHOCLES Amphiclidæ filius, legem Athenis promulgauerat, ne quis philosophus scholæ præficeretur, nisi id Senatus Populusque decreuisset: qui secus fecisset, vt ei capitale esset. Itaque & Theophrastus & philosophi reliqui vrbe secesserant. Seda Philone dies ob id Sophocli cùm sequenti anno quo abierat Præfectura, dictus esset: Athenienses lege abrogata Sophocle quinq; talentis multauerunt, & vt Philosophis redire, ac scholam regere liceret, decreuerunt.

• Finis libri Secundi.

NOMINA MAGISTRATVVM, REGVM,
*Imperatorum, Populorum, Senatum, item eorum
inter quos his iudiciumque fuisse his li-
bris continetur.*

A

Aron.	8. Ampelius.	316.
Absalon.	307. Amphictyones.	39.183.241.
Accia Variola.	66. Amulius.	278.
Accius poeta.	3.185. Amyntas.	259.286.
Achæi.	370. Anaxagoras.	24.
AEgyptii.	177. Anaxilas.	371.
AEmilius.	21.131.157. Anaxilaus.	243.
AEschines.	404. Androdes.	96.
Afranius Dexter.	166. Andronicus.	9.
Afri.	324. Androstheneſes.	116.
Africanus.	224. Anytus.	26.
Ageſilaus.	30.42. Anthias piſcis.	72.
Agis.	42. Antias.	412.
Albinus.	179. Antiphon.	244.
Albutius.	212. Antocides.	27.
Alcibiades.	26.43. Antonius.	92.193.207.302.
Alexander magnus.	9.38.209. 354.399.	
253.	Antyllus.	217.
Alexander Seuerus.	207.208. Anubis.	283.
Alexandria.	9. Apelles.	341.
Alſicaſis.	412. Appollonides.	38.
Amantius.	316. Appia filia Appii cæci.	199.
Amiſeni.	418. Appius Claudius.	275.
Ammon.	307. Apronia.	305.
Amomphoretus.	371. Apronius.	315.415.

INDEX.

Aquili.	247.	Asclerario.	315.
Aquilius.	49.175.288.	Asdrubal.	348.395.
Aratus Sicyonius.	41.	Athenagoras.	328.
Arbaces Medus.	330.	Athenienses.	4.24.25.26.27.
Arbacus.	384.		28.29.57.163.177.197.201.
Arcadius.	276.		270.370.371.372.
Archelaus.	318.	Attilius.	11.261.
Archeptolemus.	245.	Augures.	412.
Archelitratus.	291.	Augustus Imperator.	14.15.
Archinus Cæleus.	322.403.		48.65.98.165.217.286.374.
Archippus.	363.	Aurelianus.	287.
Ardeates.	559.	Aurelius Scaurus.	62.156.
Argini.	370.		161.213.395.412.
Argonautæ.	337.	B.	
Aricini.	559.	B Alafius.	349.
Ariopagus.	25.70.75.177.194.	Bæbius Probus.	322.
	221.307.	Bætic.	211.
Aristogenes.	291.	Bassus.	5.328.
Aristogiton.	296.	Bebius.	13.
Aristophanes.	332.	Bebius.	218.
Aristoteles.	44.45.291.	Belesis.	330.
Artabanus.	252.	Bilius.	49.
Artabazus.	31.	Bithyni.	5.169.
Artaphernes.	147.	Bocchoris.	422.
Artaxerxes.	212.	Brasidas.	139.
Artebio.	319.	Bruti liberi.	247.
Artinius.	270.	Brutii.	388.
Artobazanes.	145.	Brutus.	200.216.218.295.
Artoxerxes.	146.300.305.384.	Bulas.	288.
Aruspices Hetrusci.	23.	Burrienus.	167.
Asclepiades.	177.	Byzantii.	243.
		Cælia-	

INDEX.

C.		Celer.	23.187.
C Ælianus.	375.	Centimanus.	91.
Cælii.	287.	Centumniri. 109. 115. 118. 121.	
Cælius.	3. 21. 185.	Ceparius.	237.
Cæsar.	219. 295. 355.	Cepio.	130. 223.
Cæso Quintius.	225.	Cereris Atticæ sacerdot.	15.
Cæsius.	392.	Cethegus.	21. 237. 286.
Calatinus.	250. 407.	Charideus.	405.
Caligula.	48. 206.	Cherea.	266.
Callinicus.	133.	Chii.	385.
Callirrhoë.	284.	Chilo.	237.
Callixenus.	291.	Christiani.	27.
Caluissius Sabinus.	381.	Cicero.	224.
Cambyfes.	293.	Cimon.	284.
Camillus.	234.	Cinadon.	235.
Cantilius.	22.	Cirsylus.	38.
Capito.	7. 52. 366.	Claritas.	357.
Capitolinus.	352.	Classicus.	211. 326.
Capparonia.	22.	Claudius. 21. 51. 182. 189. 206.	
Carbo.	214.	217. 224. 266. 285. 347. 371.	
Carinas Celer.	218.	Cleander.	329.
Carseolanus.	63.	Cleanthes.	177.
Carthaginēses. 164. 196. 247.		Cleomenes.	371.
Carthalon.	348.	Clera.	268.
Caryates.	242.	Clælius.	305.
Cassander.	39.	Clusus.	381.
Cassius. 7. 125. 192. 232. 237.		Cœlia.	368.
225.		Coi.	82.
Catilina.	236.	Collatinus.	249.
Cato. 92. 93. 171. 336. 353. 418.		Cómodus Imperator.	239.
Ceballinus.	254.	Conon.	291.

Constan-

INDEX.

Constantinus.	46.148.	Decius.	187.
Conuictolitanes.	401.	Demades.	197.413.
Coponius.	118.355.	Demaratus.	146.
Corbulo.	206.	Demetrius.	194.271.340.
Coriolanus.	36.184.	Demosthenes.	75.78.321.404
Corioli.	60.	Densus.	218.
Cornelius.	21.224.350.	Dentatus.	396.397.
Coronas.	296.	Dercyllides.	389.
Corinthii.	178.	Dexter.	105.
Cosconius.	221.	Diagoras.	24.
Cosmi.	172.	Diana Ephesia.	182.
Cotta.	53.224.	Diogenes.	271.317.
Cotus.	401.	Diomedon.	291.
Crassus. 18.21.35.92.	118.214.	Dion Syracusanus.	338.
223.377.		Diopythes.	43.
Crispus.	343.	Diotimus.	405.
Critolais.	301.	Dolabella.	169.219.
Ctesiphon.	404.	Dolabella.	306.
Cumelia Pia.	24.	Domitianus.	17.22.112.176.
Curius.	118.367.	285.308.	
Cursor.	376.	Domitius.	204.214.288.
Cylonium crimen.	28.	Druidæ.	313.
Cyrus.	146.	Druso.	218.
		Drusus.	3.80.296.
D		Ducetius.	32.
Acrontius.	290.	Duronius.	193.
Damon.	380.	Dymnus.	253.
Darius.	145.300.	Dynamius.	320.
Dasius.	349.		
Dauid.	10.251.398.	E	
Decemuiri.	285.	E Vagoras.	413.
Decianus.	222.	E Eucherius.	276.
		Epami-	

INDEX.

Epaminondas.	272.	Flavius.	223.
Epaphroditus.	308.	Florentius.	320.
Ephialtes.	71.	Floronia.	22.
Ephori.	31.44.102.194.235.	Florus.	137.
Epialtes.	241.	Fluuiiana.	357.
Epicrates.	359.413.	Frontinus.	316.
Epiphania.	209.	Fuluius.	195.
Erates.	271.	Fundanius.	200.
Eresinides.	291.	Furius Cresin ⁹ .	178.222.237.
Esechius.	191.	G	
Eteonicus.	385.	G Abaonitæ.	372.
Euathlus.	86.	G Gabasto præfectus vi-	
Eurydica.	286.	gilum Lutetiæ.	49.
Euryptolemus.	292.	Gabinus.	323.372.
Eurythmus.	344.	Gala.	164.
Euthymachus.	277.	Galba Imperat.	96.130.298.
F		Galli.	11.
F Abii.	393.	Gallius.	262.
Fabius maximus.	35.107.	Galitta.	382.
415.		Gallus.	15.50.54.93.265.319.
Faonius.	336.	Gamaliel patriarcha.	191.
Fatua Fauna.	204.	Genutius.	135.
Fauna.	102.	Geta.	207.
Fausta Cōstantini vxor.	343.	Gnosius.	194.
Fœdericus.	154.	Gratidianus.	92.
Fœlix.	170.	H	
Ferdinandus.	153.	H Adrianus.	28.44.
Fescennius.	380.	H Hanno.	196.246.
Fimbria.	166.223.	Harmœdius.	296.
Flaccus.	16.193.213.231.298.	Harpalus.	321.
Flamines.	19.	Hedui.	401.
			Hege-

INDEX.

Hegesias Cyrenaicus	42.	Iofue	372.
Heluetii	232.	Ifauricus	353.
Heraclia	140.	Isbofethus	251.
Heraclius Imperator	209.	Ifis	283.
Hercules	337.	Ifocrates	401.
Hereas	371.	Iudæi	8.144.372.
Hermippus	154.	Iulianus	336.
Hermogenes	74.	Iulius	3.80.402.
Hermōn	243.	Iunius	371.
Herodotus	342.	Iuftinianus	147.172.
Hilarius	315.	Iuuentiana	133.
Himilco	395.		
Hispanilla	299.	L.	
Hispanus	327.	L Abeo	62.412.
Homerus	26.	L Lacedæmonii.	30.42.88.
Honoriū	276.	Lætus	387.
Honoratus	325.	Lanarius	91.
Hoplomachus	108.	Larginus Proclus	315.
Horatius	23.308.	Largus	50.
Hortenfius	224.	Larianus	58.
Hoſtienſis	412.	Laurentes	414.
Hoſtilia	298.	Lentulus	13.20.256.
Hoſtilius	271.325.	Leo Imperator	91.
Hypſechidas	371.	Leogoras	27.
Hymetius	316.	Leontes	291.
	I.	Leontius	356.
Ianus Rex Francorum	152.	Leotychides	42.
Icilius	185.	Lepidus	224.
Idæa	337.	Lepida	317.
Idæ	283.	Leuinius	54.
Ilienſes	284.	Licinianus	23.
		Liuiæ	

INDEX.

Liuiæ Augusta	130.	Marcellus	224.352.
Locri	10.172.	Mardonius	31.
Lolius	49.	Marius	103. 218.299.
Lollianus	316.	Martianus	325.
Longinus	113.	Martinus rex Aragoniæ	152.
Longus	109.	Martius	392.
Lucani	388.	Masinissa	164.
Lucilius poëta	185.	Maternus	267.
Lucilla	268.	Maurus	131.
Lucinus	193.	Maximilla	22.
Lucretia	279.	Maximinus	316.357.
Luſtātius	166.406.	Maximus	250.
Lucullus	224.	Mecennius	204.
Lupus	266.	Megacles	29.
Lultricus Bruſtianus	225.	Megarenſes	371.
Luteriæ aquæductus	171.	Melitus	26.
Lycon	26.	Melius	72.231.
Lycurgus orator	156.	Memmius	223.
Lycurgus legiſſator	218.193.	Menedemus	177.
Lyncæſtes Alexander	261.	Menenius	393.
Lyſander	43.102.	Mergus	381.
Lyſimachus	401.	Merula	20.
M.		Meſſalina	285.
M Acer	91.	Metellus	19.136.220.223.224.
Malleolus	110.	Metrodorus	415.
Mamercus	135.	Mileſiæ virgines	357.
Mancinus	188.	Mileſii	82.
Manilius	118.	Miletum	419.
Manlius	72.231.415.	Militius	49.
Manulia meretrix	188.	Milo	182.
Marcellinus	89.	Miltiades	354.
		Minu-	

INDEX.

Minutia	22.	Olympias.	186.
Minucius Fundanus	28.	Onomacles.	245.
Minturnensis.	412.	Opimia.	22.
Mithridates.	261. 382. 415.	Oppia.	22.
Mitylenæi.	163. 370.	Orata.	92.
Montanus Atticinus.	225.	Orchinus.	224.
Moses.	8. 9. 144.	Orestes.	135.
Munatius.	195.	Orgiagontes.	380.
Mundus.	282.	Orgetorix.	232.
Mutius.	3. 185.	Otanes	294.
Myro Phylasius.	30.	Ouinus.	58. 381.
Myrtillus.	415.		

N

NAEuius.	167. 168. 184.
Nauficles.	405.
Neapolitani.	62.
Nemon.	337.
Neoptolemus.	405.
Nepos.	6. 48. 113. 127.
Nero.	218. 194.
Neuianus.	135.
Nicocles.	41. 365.
Nicomachus.	253.
Nolani.	62.
Nonius Niger.	239.
Norbanus.	211. 223.
Numitor.	278.

O

Octacilia Laterensis.	174.
Octavius.	399.
Osidius.	132.

P

PACatus.	375.
Pacilius.	345.
Palarienses.	216.
Papirius.	35. 44.
Paridius Veterensis.	179.
Paris	285.
Patricius.	190.
Parmenion.	260.
Parysates.	305.
Paulina.	282.
Paulus Catena.	343.
Paulus.	59.
Pausanias.	30. 261.
Pedanius Secundus.	124.
Pelopidas.	272.
Perennis.	239.
Periander.	164. 370.
Pericles Atheniens.	71. 63. 291.
Perillus.	204.
Per-	

INDEX.

Perseus.	340.	Pompeius	107. 223.
Petilius.	13. 226.	Pompilius Faunus	204.
Petronia	68.	Pomponius	196.
Petronius	11. 161.	Pontia	293.
Phalaris	205.	Ponticæ ciuitates	169.
Phaylus	269.	Ponticus	210.
Phileas Tarentinus	269.	Popilia	22.
Philesius	390.	Popilius Lenas	34. 305.
Philippus rex Macedonum	202. 286. 340. 365.	Porcherius Treuirensis	205.
Philo.	213. 400.	Porcina	192.
Philocles	341.	Porsena	368.
Philodamus Opuntius	219.	Posthumia	21.
294.		Posthumii	282.
Philoronius	356.	Posthumius	19. 157. 248.
Philotas	254.	Priscianus	113.
Phineus Rex Thraciæ	337.	Priscus	296. 324. 358. 384.
Phœbus	140.	Protagoras	24. 86.
Phryne	348.	Protomachus	291.
Phrynicus	242. 418.	Ptolomæus	41. 419.
Picenti	388.	Publicola	193.
Piso	69. 298. 378. 418.	Q Vadratus	268.
Plancus	182.	Q Quintilianus	15. 268.
Plinius	6. 27. 169.	Q Quintius	167. 168.
Plotius	381.	224.	
Plocius	279.	Quirinius	317.
Polemon	259.	R	
Polimachus	209.	R Emus	47.
Polyeuctus	25. 365.	R Rhea Syluia	278.
Polycrates	140.	Rhegyni	246. 392.
Polytion	26.	Rhodii	158.
		Roma	

I N D E X.

Romanus Appulus	104.	Sempronius	200.282.
Populus Romanus	5.19.23.	Senatus Romanus	5.6.12.
	36.60.73.184.187.192.		48.195.201.
Romulius.	396.	Senecio	343.
Romulus	46.47.204.308.	Senenses	190.
Rubellus Blandus	317.	Senensis	412.
Rubrius	294.	Septitia	65.98.
Rufinus	193.276.417.	Septitius	60.
Rufus	48.116.182.215.	Sergius Silus	187.
Rullus	35.	Seruilius	213.368.394.
Rutiliana .	58.	Seruius Maluginensis	19.
Rutilianus	376.	Seuerus	131.266.287.288.
Rutilius Rufus	193.	Sextilius	49.
S.		Sigeum oppidum	163.
S Abbeus	9.	Siluanus	305.319.
S Sagitta	293.	Simmias	259.
Salamine insula	371.	Sisannes	293.
Salinator	218.	Socrates	25.
Saluianus	218.	Solomon	10.95.
Samaritani	8.	Solon	30.70.
Sapientes Græciæ	65.66.	Sophenætus	390.
Sardi	213.	Sophocles	105.400.
Saturninus	56.222.282.	Sosis	338.
Scamander	284.	Sosostres	277.
Scæuola	118.	Stalerius	350.
Scaurus	187.214.220.223.	Statilius	23.
Sceleratus campus	22.	Statira	305.
Scipio	226.229.296.	Sthenius Thermitanus	345.
Scythia Rex Scythiæ	338.	Strabo	91.
Scythæ	45.	Stratocles	322.
Scianus	263.	Stilico	276.
		Stil-	

INDEX.

Stillonius Priscus	327.	Thimbron	393.
Stilpo Megarensis	25.	Thonis	419
Stolo Licinius	4.	Thracali Ariminenses	65.
Suburranus	66.	98.	
Suffetius	386.	Thrasylbulus	291.403.
Sinuessanus	412.	Thrasyllus	291.
Suniator	247.	Tiberius Imperator	15.19.
Superbus	279.	20.73.103.108.130.156.263.	
Surdinius	135.	Tiburtus	377.
Sylla	159.215.224.	Ticinius Minturnensis	102.
Syphax	164.	Timagoras	412.
Syracusani	32.234.269.	Timarchus	280.
Syrii	183.	Timœa	42.
		Timoclea	379.
T.		Timotheus	271.380.
Tarquinius	11.238.247.	Titianus Primus	76.
Tatius	414.	Torquatus	196.377.
Tectius	68.	Trachinius	241.
Telemachus	58.	Traianus Imperator	7.27.
Terentius	69.	48.170.225.	
Thamar	307.	Trebiani	416.
Theagenes	28.	Trebonius	123.
Thebani	30.39.272.	Triumviri	215.
Themistius Aphidneus	277.	Tubero	412.
Themistocles	32.37.171.334.	Tuditanus	108.
359.383.		Tullianus	63.
Theodorus	217.	Tullus Hostilius	386.
Theodosius	9.172.191.	Turcæ	79.
Theodotus	200.	Tuscilius Nominatus	54.
Theorides	75.	Tyndarides	234.
Theramenes	291.	Tyribasus	302.
Thessali	50.183.		
		E	Tyro

INDEX.

Tyro		343.	Vibius Serenus	264.
	V.		Victorinus	51.
V Accus		231	Viennenses	417.
Valentinianus	172.316.		Virginia	275.
Valentinus		221.	Viriatus	266.
Valerius	18.223.406.		Vitellii	247.
Valuomeres		356.	Vitellius Honoratus	325.
Varenius		5.	Vmbrenus	237.
Varius		220.	Volsci	248. 368.
Varro	174.263.		Volso	408.
Vatienus		389.	Vrbinia	22.
Vatinius		201.	Vrsus	285.
Vestius		238.		X.
Veicetini		54.	X Anticles	390.
Veii		11.	X Xenocrates	107.
Verginius		394.	Xerxes	30.37.145.
Verres	124.213.294.		Xenophon.	390.
Vespasianus	164.190.			Z.
Vetilius Ieno		136.	Z Aleucus	10.173.
Vetronius Turinus.		207.	Z Zeno	113.
Veturius.	186.279.356.		Zoilus Homeromastix	312.



INDEX

INDEX RERVM NOTABILIVM QVAE
*his libris continentur. Reliqua ex suis locis ac titulis
facile peti possunt.*

- A.
- A**bolitione generali, pe-
culatus non contine-
tur. 335.
- Abolitione publica nūquā
continētur antea damna-
ti rerum capitalium. 236.
- Accusari aliquos interdum
non expedit. 238.
- Accusari oēs posse, ad sum-
mam Reip. pertinet. 226.
- Accusari temerē non oport-
tere qui multum possunt
in Rep. 226. 238.
- Accusationes certæ esse de-
bent, ne pariter nocētes
atq; innocentes de salu-
te sua cogitent. 238.
- Accusatiōes quædam in in-
famiam accusatorum re-
cidunt. 285.
- Accusare feriatis diebus nō
licebat. 218.
- Accusatus ex vna causā, ob
aliā quādoq; dānatur. 354.
- Accusatio iniusti supplicii
356.
- qui Accusationem factita-
runt. 218.
- Accusatori quod licet, non
semper licet reo. 5.
- Accusatorum erat, nō reo-
rū inquisitionē petere. 5.
- Actio legum malè latarum.
400
- Actio volatarum legum.
402. 404.
- Adoptiuo querelā dari ad-
uersus testamentum pa-
tris naturalis. 63.
- Aduocatus susceptum pa-
trocinium deferere non
debet. 54.
- Aduocatorum laudandorū
vetus consuetudo. 324. 327
- Aduocatiōes an venire de-
beant. 54. 55. 56.
- Aduocatorum fisci priuile-
gium. 91.
- Aduocatus Populi. 90.
- Aduocato carere debent
causæ proditiōis ac in-
nouandæ religionis. 10.
- Aduocato pacisci de quota
B 2 litis

INDEX.

litis non licet	56	Appellare alius alterius nō	
Aedificiorum modus	19	mine potest	229.
Aegyptiorum institutū vt		Appellabatur a Proconsu-	
quisq; singulis annis Ma-		libus	141.
gistratum rationem vitæ		Appellabatur a Prætorē ad	
suæ doceat	177.	præfectum vrbi : itemq; a	
AEgyptios Reges eo maxi-		prætorē ad imperatorē	59.
me vitam optimam co-		Appellatio a Prætorē ad	
luisse, ne mortui insepul-		Consulem	135.
ti abiicerentur	358.	Appellari a iudice qui ex	
AEquum & bonum lege po-		rescripto Imperatoris iu-	
tentius	215.	dicauit	137.
Ambitus lex quid speciale		Appellari a Príncipe ad Prin-	
habebat	6.	pem	365.
Amicitiae crimen esse non		Armis non prius lites diri-	
debere	259.263.	mi oportere, quàm legi-	
Andiū AErodi ⁹ portus.	418	bus	369.
Androgyni an tolerari de-		Aricabandum	232.
beant.	45.	Asylorum ius 28. 29.30. eti-	
Animaduvertere in facinoro-		am erga hostem & per-	
fos, non tam per se vtile		duellem	32.33.
quàm sapiens esse debet		Asylorum iura violata sal-	
animaduertēdi ratio	235.	ua religione	30.31. 32.33.
	236.239.253.	Atheniensium dolor de So-	
Appellabatur Imperator a		crate occiso	26.
Præfecto Annonæ	76.	Atheniensium consuetudo	
Appellabarur a Pontifice		vt eos punirent, quorum	
ad Populum	19.	postea pœniterent	26.
Appellabatur a Senatu A-		Atheniesim legibus qui	
reopagitico ad Populum		hostis pronunciatus es-	
	363.	set, a quolibet impune	
		po-	

INDEX.

- poterat occidi 270. animaduerti 69.70.
Atheniensibus æque seruis Bulla, ingenuitatis argu-
& ingenuis non licebat mentum 161.
iniuriam facere 189. C.
Atheniensium leges de præ Capituli iudicia raro fie-
miis & honoribus 402. ri apud liberos Popu-
Atheniense institutum ut los: & quando primuni fa-
quisq; otii & negotii ra- ctum sit in Græcia 242.
tionem reddat 177. sed delicti atrocitate, re-
Augurum vacatio 412. ceditur interdum a more
Autores veteres traducere maiorum 246.
parricidium est. 311. Carthaginense lex aduer-
B. sus eos qui male pugna-
Basilica Porcia 418. sent 395.
Bellis peractis facile ab Castrasse liberos, capitale
iis receditur, quæ antea fuit 136.
necessitate gesta sunt 374 qui se Castrarunt, testa-
Bellum sine iussu a Duce biles sunt. 135.
moueri non debere 408. Casus fortuitos imputari
Beneficiorum erga Rēp. maxi non debere 89.
me si leuia sunt delicta, Causas de religione nō esse
rationē habēdā esse. 234. committēdas minoribus
Beneficia Principum quo- magistratibus 12.13.23.
modo interpretanda 38. Ceremoniarum libri 19.
Bibliotheca Regum Alexā- Christianos veteres nihil
driæ, & Pergami 332. vnquā armis attētasce 318.
Bonum virum non facile Ciuitates quoque puniun-
quē appellari posse 166. tur 388.
Bruti mortē interdū homi Clausula, si quid illegitime
nis morte vindicari 72.73. factum est, pro legitimo
in Bruta etiam & inanima haberi 237.246.
E 3 Com-

INDEX.

- Commissoria lex** vt iniqua displicuit 59.
in Commodato, quàm in alio cōtractu, fallere omnino grauius est 180.
Confessio de se imprudens, magis persuadet 350.
Cōfiscationum captatores, puniendos 206.
Cōiecturę diuinę, p̄bāt 276.
Coronis vti quo modo licuit. 194.
Consilii sententięque suę nemo tenetur 36. nisi fraudulenti & pessimi 37.
Consiliarios Regum puero rū de consilio teneri 200.
Consilium malum obligat 23. 200.
Corinthiorum lex aduersus nepotes & nullius rei homines 178.
Controuersias esse quas nō expedit dirimere. 66. 68. 86. 93. 305. 306.
Crimina quādā non solum vbi admissa sunt, puniri, sed & vbiq; fama eorū peruenit. 270. & cōtra egregie facta laudari 296.
ad Crimina detegenda, bono etiam dolo opus est, & quasi subornatione & suppositione 208.
Cultus amēnior, luxurię suspicionem habet 21.

D.

Damnatio expectari non debet vbi qd seditiose agitur 234. 336. 239. 242. 245. 259.
Damnatis reicapitalis a quibusq; aliis iudicibus, Romę esse non licebat 345.
Damnatis bona non adimi omnino iustius est 111.
Damnatū vt inedia moriatur, iuuare non licet. 362.
Debitori redditis tabulis, liberationem concessam videri. sed quid si ab hoste victo creditore concessę sint 39. 40.
qui ad Delectum non respondisset, in seruitutem trahebatur 367.
Delicta vniuersitatis quo modo punienda. 388.
Delicti locum etiam abhorreri & euerti 282.
Delicta popularia quo modo vindicentur 289.
Delictum contra naturam, ne qui-

I N D E X.

- ne quidem voluntas iniuria affecti excusat. 380.
- Delictum** distinguit personæ qualitas 382.
- Delinquentium iudicia** interdum sapiētissime differri 257.
- Deorum ac parentum violatio** pari pœna vindicanda 8.11.
- Deprecatione** apud quos vitur 354.
- Deum negare, aut de Deo dubitare, æquè esse** 24.
- Dialibus** Italia egredi non licuisse 19.
- Dianæ Ephesiæ templum** tota Asia extruente 400. annis perfectum est 182.
- Dictator** quoscunque magistratus creasset, hi ius lictorum, sedis vestisque curulis habebant 50.
- Dignitas libertatem** nō inducit 375.
- de Diis** non temere neq; humaniter loquendū 24. 25.
- Dissimulatione** crimen maiestatis contrahitur 253.
- Diuortii iustæ causæ** 100.
- Diuortii iniustæ causæ** 102.
- Docere in vulgus** non licet quæ ad summam Reip. pertinent 271.
- Domestica iudicia** 337. 340.
- Domino a seruo suo occiso** de tota familia supplicium sumi 124.
- Domus** quorum reorū complanentur 230. 233. 245.
- soluta matrimonio Dotem** reddi, omnem casum comprehendit 99.
- Druidarum ouum** 313.
- E.
- Ecclesia** nihilne alienare possit etiam remunerandi causa 17.
- Edere aliorum libros inuitis dominis** crimē est 190.
- Edicta corrumpere, falsi crimen** est 318.
- Educatio liberorū** nostrorum, non omnino in potestate nostra est 195.
- Eunuchi olim in pretio** 136.
- F.
- Fama** 280.
- Filii accusatio** aduersus patrem quando admittitur 264.
- Filii legitimi probatio** 68.
- E 4 Filio

I N D E X.

- | | |
|--|--|
| <p>Filio accusante, pater mi-
tius punitur 264.</p> <p>Filios damnatorum seruari
æquius 232.</p> <p>in Filios i⁹ vitæ & necis qua-
re permiffū patribus. 303</p> <p>Filius an iure patrem dam-
nare possit 303.</p> <p>Filius Filix Iudæorum legi-
bus in fucceffione præte-
rebatur: & tamē filia ne-
poti 144.</p> <p>Flamines Diales non licet
fe abefle plus quàm bi-
noctium: modò ne diebus
publici facrificii, nec sæ-
pius quā bis in annū 20.</p> <p>Fœminas probrofas ius te-
ftamēto capiēdi non ha-
bere 176.</p> <p>Fortunę equeftris tēplū 16.</p> <p>Fratres ex utroque parente
in fucceffioē patris, aliis
anteferri 147. 152.</p> <p>Fruges alienas noctu ex a-
lieno in fuum agrū trans-
ferre, puber capitale fuit
179.</p> <p>Fumum videri capitale ef-
fe 207.</p> <p>Fur præfuitur, qui in par-</p> | <p>uo agello vberiores fru-
ctus aliis in amplo, colli-
git 178.</p> <p style="text-align: center;">G.</p> <p>GAllis non magni fit pu-
dicitia 176.</p> <p>Gallorum veterum lauda-
bile institutū de rumori-
bus & fermonibus qui a
priuatis de Republica ha-
beri debeant 202.</p> <p>Gallorū veterū hæc gloria,
neminē apud eos vnquā
pugnam detrectaffe 389.</p> <p>Generaliter concessa hanc
exceptionem habent, si
nihil fit contra ius 214.</p> <p>Gladiatorū spectacula 129.</p> <p>Gloria alia aliis debetur
408.</p> <p>Græcorum poëtarum licen-
tia 184.</p> <p>Græcis nulla homicidia im-
punita 290.</p> <p>Gymnica certamina contra
pudorem publicum 417.</p> <p style="text-align: center;">H.</p> <p>HAeresum cohibenda-
rum ratio 27.</p> <p>Hæreticos omnia dolo &
furtim prius agere, postea
vi a-</p> |
|--|--|

I N D E X.

- | | |
|---|--|
| <p>vi aperta.</p> <p>Heduarum mos in creandis magistratibus 401.</p> <p>Hermaphroditi an tolerari debeant. 45.</p> <p>Homicida sui ipsius nullus facile præsumitur. 338.</p> <p>Homicidium omne luendū. 309.</p> <p>Honores priuatis ita conferri oportere, vt publicus sit potius honor quàm priuatus. 323. 334.</p> <p>Hospitalis corona. 323.</p> <p>Hostes inter se linguis dissidere vtile est. 247.</p> <p>Hosti factas iniurias, nostra etiā interesse vlcisci. 251.</p> | <p>12. Impudicis, legibus Atheniense concionibus interdicebatur. 280.</p> <p>Incesti crimen ad notionem Pôtificū pertinuisse. 21.</p> <p>Incesti a Vestalibus admissi antiquum supplicium. 22. 23.</p> <p>Indemnatus ne iudicetur. 308.</p> <p>Indicia & delationes publice fieri oportere. 239.</p> <p>Infans exhæredari non potest. 68.</p> <p>Ingratitudo etiam crimini vertitur. 202.</p> <p>Iniuria est, in ius vocatum non venire. 399.</p> <p>Innocentiæ præsumptio, securitas. 305.</p> <p>Innocētes puniri interdum expedit. 348.</p> <p>Innocentes aliquādo etiam plecti utilitatis publicæ causa. 126.</p> <p>Innocentia vnus, interdum nocenti prodest. 250.</p> <p>Inuentores nouorum tormentorum ac vestigalium, puniendos. 204.</p> <p>Iudex quid in accusatore & teste</p> |
|---|--|

I

- | | |
|---|---|
| <p>IActus retis. 81.</p> <p>Ignis, Gallorum supplicium pro iis qui regnum affectarent. 232.</p> <p>Iliensium virginū mos. 284.</p> <p>Imperator nunquam iure a suo milite interficitur. 266.</p> <p>Impuri & excommunicati (vt loquimur) semel iudicati, nullo tempore restitui possunt. 23.</p> | <p>81.</p> <p>232.</p> <p>284.</p> <p>266.</p> <p>23.</p> |
|---|---|

I N D E X.

- teste obseruare debeat. Iudicū q̄ sit maior pars. 166.
 222. 223. Iudicum interrogationes
 Iudex in sua caussa aliquis vtilis. 406.
 esse potest. 59. 60. 61. Iudicū reiectio frequens ha
 Iudex male interdum iudi- bet noxę suspicionē. 353.
 cat, non sua culpa. 4. Iunonis Laciniaę ædes. 16.
 Iudex si male iudicaret, Lo- Iurare nolle est de se confi-
 cris litē suā faciebat. 174. teri. 52.
 Iudicandi munus necessa- Iurisdictioni ordinarię om-
 rium. 363. nia relinqui a Principe
 Iudicata varia & contraria oportet. 382.
 si reperiuntur, quid se- Iurisiurandi quanta olim
 quendum. 3. religio. 373.
 Iudicati, si pecunię publicę Iurisiurandi etiā nulli gra-
 non satisfdarent, ducebantia impetranda est. 103.
 tur. 229. Iuris pars, Res Iudicata. 1.
 Iudicatum quid sit. 2. Ius est etiā cū iniquē iu-
 Iudicem priuatum ita pro- dicatum est. 4. 5. 6. 7. 168.
 nunciare, vt Principis no- Ius ciuile quid sit. 1.
 men assumat, crimen est. Ius trium liberorum. 45.
 367.
 Iudici qui incongruam sen- **L** Acedæmoniorū institu-
 tentiam legi attulisset, tū in cōsiliis capiēdis. 7
 Locris capitale fuit. item Lacedæmoniis potior fuit v-
 si male iudicaret, litem tilitatis quā honestatis
 suam faciebat. 174. ratio. 244.
 Iudicia caligata. 398. Lacedæmoniorū pœna non
 Iudicia tumultuaria. 365. seruati ordinis. 389.
 Iudicib⁹ mercedē constitui Lapidēs rebus sacris desti-
 nihil perniciosius. 71. natos, aliò trāsferre non
 Iudicium quadruplex. 66. licere. 17.
 Lapi-

I N D E X.

- Lapidatio Macedonibus fa- tendos non esse. 14.15.
miliaris. 258. Liciniana iugera. 179.
Latrones in latrocinio cō- Litigantib⁹ interdū res aufer-
stituunt officii genus. 289 tur vt alii adiudicetur. 81. 85
Lautitia & elegantia nimia Locrorum lex. 10.173.174.
Romanis vitio fuit. 192. Locum delicti etiam abhor-
Legatorū qui vt Imperato- rerī ac euerti. 282.
ribus in exercitu assiste- Locupletior quō quis in ad-
rent, ius. 408. ministracione factus est,
Legati prodicionem nō cō- eò plus compilasse intel-
mittunt. 247. ligitur. 51.
Legi fraudē facere qd sit. 34 Ludi Musis dedicati. 332.
Legi vī afferre quid sit. 217. M.
Legitimū tēpus præstitutū **M**acedonū lex in pro-
nemo excedere potest. 360 pinquos dānatorū
Legum male latarum actio læsæ maiestatis. 258.
Athenis. 400. Macedonū Reges ipsi de re
Lenonis persona turpis est, bus capitalibus inquire-
neq; in iudicio admitti- bant. 256.
tur. 136. Macellum vnde dicitur. 237.
Lex de obliuione. 57. Magistratus minoris nō est
Lex Ostracismi. 32. maiorem coërcere. 238.
Liberi parētes nō alūt a qui Magistrat⁹ quid differat ab
bus instituti nō sunt. 317. administracione. 403. 705.
Liberi quādo puniūtur pro Magistratibus Heduarū fi-
parētū noxa. 245. 263. 329. nes egredi nō licebat. 402
Libros censendi ius ad Pon Magistratus qui maiores,
tifices pertinere. 14.15.16. qui minores. 53.
Libros improbatæ religio- Maior potestas etiā minori
nis cōburi oportere. 12.13.25. subest ratiōe diuersorum
Libros sine auctore admit- officiorum. 97.
Male-

I N D E X.

- Malefacta beneficiis com- Mortuum accusari & dāna-
pensanda. 332. ri posse. 242.
- Māgonū negotiatio odiosa. 163. Morum rituumque simili-
tudo, gentilitatem & co-
gnationem arguit. 370.
- Memoria quo modo dam- Mulieres apud Persas fu-
natur. 231. giebāt aliorum omnium
quàm parentum aspectū.
101.
- Memoria damnatur non so- Multitudo consciorum, quā
lum vnius, sed totius Po- prudentiam in iudicādo
puli. 242. haberi desiderat. 236. 246.
247. 289.
- Mendacium maxime deli- Munera accipere iudicibus
ctum arguit. 308. ac Præsidibus prohibitū.
51.
- Meretricium vestigal Athe Munera ab hoste accipere,
nis. 281. quàm graue sit crimen.
269.
- Meretrici etiā vim fieri. 189. Muri sancti sunt. 47.
- Meretriculam nudam ge- Murfi, Gallis qui olim dice-
stare, poena fuit Persis bantur. 389.
- infamiz plena. 385. Musis ludi dedicati. 332.
- non Mimi, sed Censoris aut Mus forensis. 35.
- Iudicis est vitia aliorum N
notare nominatim 185. Nocētibus prodest in-
terdum artis excellē-
tia. 184.
- Minæ præcedētes, delictum Numæ libri de iure Pontifi-
arguunt. 298. cio ac disciplina sapien-
tiz. 13.
- Morbum ferè quēlibet ma- Nu-
ximis viris prodesse ne ip-
si in iudiciū veniant. 226.
- leges de Moribus. 192. 193.
194.
- Mors quorum non lugetur. 246.
- Mortem alterius prædicere non licet. 314.

INDEX.

- Numos fabricare sub sua imagine, est regnum affe-
 ctantis. 239.
 Nundinarum ius à quibus
 impetrari debeat. 54.
 Nuptiæ secundæ odiosæ. 65.
 66.98.
 Nuptiæ secundæ, honestius
 adulterium. 66.
 Nuptiæ impares odiosæ,
 imò nullæ. 65.66.
 Nuptiarum mos apud Ilien-
 ses. 234.
 O
Obsides puniri loco co-
 rum qui eos dedere. 368.
 Obsides subesse iurisdic-
 tioni eorum quibus obsides
 dati sunt. 369.
 Obsides si aufugerint, resti-
 tuendi sunt. 368.
 Ocii atq; inertiae actio. 177.
 Occultiora quæque magis
 colimus. 11.13.
 Officiorum sunt incapaces
 damnati. 361.
 Officium repudiari nō pos-
 se quod defertur, 389. at
 neque admitti debere, si
 nō legitimè defertur. 391.
 Opinio integritatis quàm
 multū valeat. 219.
 Ostracismus quare apud
 Græcos institut⁹. 193.234.
 P
Parēdi necessitas inter-
 dum excusat. 261.275.
 Parentum aspectu priuari,
 pœna grauissima. 307.
 Parricidarum supplicium.
 110.
 Parricidii portentosum ge-
 nus. 300.
 Partum post decimum men-
 sem vix nasci legitimum.
 43.44.
 Partus abominandi. 278.
 Partus prodigiosus necari
 debet. 46.
 Patrium ius. 309.
 Patroni iura. 310.
 Peperisse, quæ octauo men-
 se peperit. 45.
 Perduellionis lex. 309.
 Persarum pœna in venefi-
 cos. 303.
 Persarum familiare suppli-
 cium, cutem viuvis detra-
 here. 274.
 Personis fingere Magistra-
 tus periculosum. 267.
 Peta-

I N D E X.

- Petalismus.** 234. **Præsumptio innocentiae,** se-
Pœna comminationis. 735. **curitas, somnus.** 305.
Pœna ea magis absterret, **Prætecta,** insigne sacerdo-
 quæ & in mortuum infli-
 gitur. 357. **tû, magistratum, puero-**
Pœnæ quæ & ad liberos, gē-
 tem & familiâ transeunt. **rum nobilium.** 162.
 245. 263. 302. **Prætor Quæstori etat pa-**
Pœtarum auctoritas valet
 etiam in iudiciis. 370. **rentis loco.** 212.
Pontifex Maximus impe-
Pontifices. 19. 21. **Princeps solus indulgentia**
Pontificis animaduersio in
Vestales. 21. **vtitur.** 354.
Pontifices de incestu Vesta-
lium cognouisse. 21. **Princeps nunquam ad fa-**
Pontifices cognoscere de
hermaphroditis. 45. & de **mosum scribit.** 363.
prodigioso partu. 46. **Princeps hoc ipso statui**
Portus A Erodius. 418. **subuenit, cû sciens ad**
Præceptorum nostrorû iu-
ra. 311. **famosum scribit.** 363.
Præceptoris atq; discipuli
mutua officia. 216. **Principem optimum, iudi-**
Predicare mortem alienam
non licet. 314. **cium suum legibus, Sena-**
Præfectus ne extra prouin-
ciæ fines abeat. 323. **tuique summittere.** 416.
Præmia rara esse oportere. **Principem ius nunquã de-**
 402. **negare oportere.** 414.
Præcipibus tutius esse plu-
ribus aliquid magni mo-
mēti committere, quàm
vni. 241.
Principi illatæ iniuriæ, ad
Principes omnes perti-
nent. 265. 266.
Principis res cû agitur, aliis
cognitionem demandare
debet. 253. 302.
Principis animum præstigiis
attētare maximû nefas. 313
Princi-

INDEX.

- | | |
|--|--|
| <p>Principum loco qui omnia
 regere ambiunt, hoc cu-
 rant, vt Principes volu-
 ptatibus vacent 240.</p> <p>Principum liberos ad discor-
 diã incitare, grauissimum
 scelus 207.</p> <p>Probationis loco sunt diui-
 nã coniecturã 276.</p> <p>Prodigis, legibus Athenien-
 sium concionibus inter-
 dicebatur 280.</p> <p>Proditio est etiam aliqua
 laudanda 243.</p> <p>Publicæ pecuniæ rationes
 exigere longo post tem-
 pore, durũ & iniquũ 206.</p> <p>Publicè nihil tractandum,
 quod animos trahat in
 deteriorem de se aut de
 Rep. sententiam 419.</p> <p>Puerorum esse aliqua etiam
 delicta 72.</p> <p>Pueros prætextatos vetitũ
 fuit in Curiã adducere 35.</p> <p>Pulchritudo mouet etiam
 iudices 348.</p> <p>Puniendum aliquando ob-
 uium quemque 386.</p> <p>Puniri interdum obuios
 quosque 356.</p> | <p style="text-align: right;">R.</p> <p>Ratio reddenda & ab
 eo qui nihil accepit
 403. 405.</p> <p>Rationem reddere vnum-
 quemq; artis suæ & vitæ
 institutũ optimum 177.</p> <p>Rationibus nõ redditis ne-
 mo præmio donãdus 403.
 sed & omnis alterius mu-
 neris est incapax 404.</p> <p>Recognitio, quam nos Re-
 uisionem appellamus 7.</p> <p>Recriminatione vti perni-
 ciosum est 4. & tamẽ in-
 terdum permittitur 224.</p> <p>Regum etiam delicta gra-
 uiora puniuntur 279.</p> <p>Regni Aragoniæ an fœmi-
 nã sint capaces 145.</p> <p>Regni an sint capaces ille-
 gitimi filii 154.</p> <p>Regni affectati iudicia 50.
 52. 72.</p> <p>Regni prerogatiua ad quẽ
 ex successiõe ptineat 145.</p> <p>Rei potentiores interficiẽdi
 prius, postea accusandi
 239. 252. 259.</p> <p>Religionis prætextu cõmis-
 sũ facin' graui' 278. 284.
 causas</p> |
|--|--|

I N D E X.

causas de Religione nō esse
aperto foro cognoscēdas.

15.

in caussa Religionis seueri-
tas interdum lenitate v-
tilior est.

25.

in Religione nihil mouen-
dum impunē.

8.9.10.

libris de Religione vt fides
& auctōritas tribuatur,
quid antea sit obseruan-
dum.

15.

Rem a domino, pretio solu-
to propter vtilitatem pu-
blicam auferri posse.

13.

Rempubicam administrā-
tium pignora.

323.

Rempubicam præmio &
pœna contineri.

177.

Reo interdum prodest ma-
gnificentia.

275.

Reo interdū nocere nimia
potentiam.

354.

Reorum damnatio, adiuua-
tur alijs extra accusatio-
nem positis.

353.354.

Reos statim non suis legiti-
mis diebus dicere, seruire
& inhumanum est.

292.

Repudiare videtur ex alio
testamento, qui ex alio

adit: non autem legitimā
hæreditatem repudiare,
qui adit ex testamento.

97.

qui iurauit se vxorē non
Repudiaturum, de adulte-
rio non cogitasse.

103.

Restitutio facta antiquis
possessoribus nocere nō
debet.

41.

Restitutus nemo intelligi-
tur nisi id scripto doceat.

361.

Reus nunquam in Græcia
erat, qui non bis iudica-
tus esset.

293.

Romæ esse non licebat, qui
quocunq; in loco rei ca-
pitalis dānati essent.

345.

Rumorem falsum non no-
cere.

115.116.

Rumores qui temere spar-
serit, teneri.

200.201.

S

Sabbathi maiestas.

8.

Sacerdotibus imperari
vt quem deuoueant.

27.

Sacerdotes nunquā a sacris
recedere oportet.

18.19.

Sacerdotum iura ex neces-
sitate violantur.

412.

Sacra

I N D E X.

Sacra gleba	277.	lia esse non licere	401.
Sacrorum violatorum accu-		in Senatu liberas sententias	
satio	26.27.	esse oportere	36.
Salaria an pro portione an-		Senatus de vectigalib ⁹ no-	
ni debeantur, an vero in-		tionem fuisse	160.
tegra	89.	Senatus est leges intendere	
Scholarum studiorumq; li-		aut mitigare	327.
bertatē, quæ lex adimit,		Sepeliri occisos in bello, sū-	
nullo tempore æqua vi-		ma lex fuit Athenis	372.
deri potest	400.	Sepulchra Athenis ad oriē-	
Scripta aliena sibi adscri-		tem ponebantur	371.
bere, peculatum esse	332.	Sepulchris Atheniēses no-	
Scripturæ eadē manu scri-		mina familiarum inscul-	
ptæ, suspicionem habent.		pebant	371.
336.		Sepulturæ pœna	246.358.
Seditio sedanda est aliquan-		359.	
do vel innoxiorum pœna		Sepulturæ cura maxima a-	
287.		pud Græcos eorum qui	
Seditionem nihil magis ar-		in bello cecidissent	291.
guit, quàm signaculorum		Serui dominos ne accusent	
aliqua gestatio	385.	214.215.	
Seditionē sedari vnus ple-		Serui quando in dominos	
rumque supplicio	356.	torquentur	264.
Senator esse non poterat,		Serui solius indicio non li-	
nisi qui lect ⁹ esset a Coss.		cuisse Lacedæmone de	
34.		libero homine sumere	
Senatores cogi in Senatum		supplicium	31.
venire	48.	Sibyllini libri	11.14.15.16.
in Senatu quid actum esset,		Socordia in rebus sacris cul-	
enuntiare crimen est	3.	pæ annumeratur	21. per-
in Senatu duos ex vna fami-		fidia crimini	23.

F Suffra-

INDEX.

Suffragia ferebat Populus	Testimonia muta	350.
Atheniensis manibus ele	Testimoniū paruulorū	351.
uandis	Tigillum sororium	310.
Spuere in cadauer, grauissi-	Titulus & color falsus, non	
mum esse	nocet	174.
Spurii probatio	Tribunipleb. intercedebāt	
Studioſi vt plurimum ne-	etſi Populi Romani eſſet	
gligētes rei familiaris	iudicium	188.
Sumptuariæ leges	Tribunūplebis non ſemper	
Supplicationes decretę	ſacroſanctum fuiſſe	48.53.
Supplicia quædam rectius	Trierarchi Athenieſiū	400.
priuatim ſumuntur	Triumphii iura	406.408.
Supplicii iniuſti accuſatio	Tutor ne cum matre pupil-	
356.	lorum habitet	299.
Supplicium aliter exigi nō	Tutores legitimi qui Ro-	
debet, quā ſit a iudice	mæ, qui Athenis	298.
definitum	Tutoris fideiuſſor, contutor	
	ei dari poteſt	104.
T.	Tyrannidis affectatæ iudi-	
T Acere quæ ad ſalutem	cia	232.233.234.239.
Reipub. pertinent aut	V.	
Principis, crimen eſt	V ates non ferendi	314.
198.	Vetiſſimal meretricium	
Taciturnitate, crimen ma-	Athenis	281.
ieſtatis contrahitur	Veneficorum pœna Perſa-	
253.	rum moribus	303.
Tarpeiū ſaxum	Verſib' mortē canere viuē	
233.	tis, pro homicidio eſt	296.
Templorum quæ ſint legi-	Veſtales, Pontificiæ iuriſ-	
tima	ditioni ſubditæ	21.
9.	Veteres ritus pro legibus	
Templum Garizitanum	haberi	
10.		
Templum Hieroſolymita-		
num		
9.		
Teſte vno reus aliquando		
peragitur		352.



I N D E X.

haberi	19.	Vinere opulētē inopi & in-
Victoria refertur Impera-		experto, furti & latroci-
tori ac Regi, non Duci		nii probatio est 178:
aut militi	406.	Vota impia puniuntur 197.
Vinum bibere vxoribus cri-	199.	
minifuit Romæ 203. 204.		Vulgo committere libros
Virtus nimia, interdum pe-		dereligionē, periculosum
riculosa est 196.		esse 11.

F I N I S.

Errata Operarum sic reponito

pagina 7. linea 3. accusatoribus inquirendi potestas
 testibusque &c. pagi. 13. lin. penult. in ignem coniec-
 turum esse. pagi. 20. lin. 10. affectionibus esse obno-
 xium. pag. 123. lin. 21. proscriptum iuuare vetat. pag.
 159. lin. 20. ita iudicatum esse. pag. 160. lin. 4. auctori-
 tate defenderent. pag. 261. lin. 1. ex insidiis interfice-
 ret. Sed & Lynceltes Alexander multo antequam &c.
 pag. 265. lin. 20. metuendus esse videretur. pag. 373.
 lin. penult. prius manumitti placuit, quàm milites fie-
 ri contra leges. Igitur & tum &c. reliqua facilè con-
 donari possunt.









